



АВТОТРАНСПОРТ ВОСИТАЛАРИ СЕРВИСИ



**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС
ТАЪЛИМ ВАЗИРЛИГИ**

ТОШКЕНТ АВТОМОБИЛ - ЙЎЛЛАР ИНСТИТУТИ

АВТОТРАНСПОРТ ВОСИТАЛАРИ СЕРВИСИ

*Ўзбекистон Республикаси олий ва ўрта таълим вазирлиги
бакалавриатининг 5811400 – “Сервис (Транспорт турлари
бўйича)”, 5521200 - “Транспорт воситаларини ишилатиши ва
таъмирлаш”, 5140900 – Касб таълими (Транспорт воситаларини
ишилатиши ва таъмирлаши) таълим йўналишлари талабалари учун
дарслик сифатида тавсия этган*

и.ф.д., профессор **М.А. Икрамов** таҳрири остида

(Нашиёт номи)
Тошкент – 2010

.....

Дарслик Тошкент автомобил-йўллар институти
Илмий Кенгаши томонидан нашрга тавсия этилган

и.ф.д., профессор **М.А. Икрамов** таҳрири остида

Муаллифлар:

т.ф.н., доц. **Қ.М. Сидикназаров**,
т.ф.н., доц. **А.А. Абдурахмонов**,
т.ф.н., доц. **М.З. Мусажонов**,
т.ф.д., проф. **Б.И. Бозоров**,
т.ф.н., доц. **Т.Қ. Қодиршоев**,
т.ф.н., доц. **А.А. Тожибоев**,
т.ф.н., доц. **Н.В. Кузнецов**,
т.ф.н., доц. **А.А. Алиходжаев**,
катта ўқитувчи **Ш.П. Магдиев**,
катта ўқитувчи **Т.Т. Рузматов**.

Такризчилар:

И. Исқандаров – ЎзР ФА Академиги, иқтисод фанлари доктори, профессор
К. Махкамов – ТошДТУ техника фанлари доктори, профессор

Дарсликда автотранспорт воситалари сервисининг назарий асослари, тизими, автосервис корхоналари турлари, улардаги техник хизмат кўрсатиш ва таъмиглаш технологик жараёнлари, диагностикани ташкил этиш, ишлаб чиқариш бўлинмалари ва устахоналарларида бажариладиган ишлар, автосервис жараёнини меъёрий-технологик таъминлаш, сервис сифатини бошқариш, автосервис корхоналарини моддий техник таъминоти ҳамда автотранспорт воситалари сервисининг ривожланиш истиқболлари масалалари ёритилган.

Дарслик автотранспорт воситалари сервисини ўрганаётган олий ўкув юртлари, касбхунар коллежлари ҳамда автосервис ходимлари, мутахассислари ва раҳбарлари учун мўлжалланган.

.....

© Нашриёт номи, Т., 2010.

КИРИШ

2008 йилда бошланган ва айни пайтда дунё мамлакатларининг аксарияти учун “бош оғриғи” бўлиб турган жаҳон молиявий-иқтисодий инқирози нафақат давлатлар иқтисодиётига, балки оддий одамлар ҳаётига ҳам салбий таъсир кўрсатишда давом этмоқда. Шундай мураккаб бир шароитда ҳар ким, қандай бўлмасин, таназзулдан чиқиб кетишга уринмоқда, турли йўл ва услублардан фойдаланмокда. Қайси бир давлатда узоқни кўзлаб, иқтисодиётни соғломлаштириш, маҳаллий ишлаб чиқарувчилар манфаатларию, аҳолини ижтимоий муҳофаза қилиш каби масалалар пухта ўйланиб, шунга кўра, тадбирлар қўлланилаётган бўлса, ўша ерда инқироз оқибатларини бартараф этиш, унинг фуқароларга таъсирини юмшатиш имконияти яратилмокда.

Аммо ушбу тадбирлар амалга оширилишига қарамай инқирознинг салбий таъсирини кўриб ўтиш мумкин. Масалан, биргина АҚШ да инқироз минглаб оиласарни ўз бошпанасидан воз кечишига мажбур қилди. Хусусан, фақат 2009 йил август ойида узайтирилган ипотека тўловлари туфайли 360 минг киши ўз уйидан маҳрум бўлган. Бу июлдагидан яром фоиз кам бўлсада, ўтган йилнинг август ойидаги кўрсаткичдан 18 фоиз кўпdir.

Маълумки, ҳар бир мамлакат иқтисодиётининг ҳолатини аниқловчи омиллардан бири, бу шу худуддаги ишсизлик даражасидир. Хозирги мураккаб шароитда бир қатор мамлакатларда ушбу масала ҳам сиёсий, ҳам ижтимоий аҳамият касб этмоқда. Ҳалқаро меҳнат ташкилотининг маълумотларига қараганда, жорий йилда иқтисодий инқироз туфайли Осиё минтақасида 140 миллион киши қашшоқлик даражасига тушиб қолган бўлса, 23 миллион киши эса иш ўринларидан маҳрум бўлган.

Ишсизлик муаммоси нафақат Осиёда, балки Европада ҳам ўткир масалалар қаторида турибди. Чунки еврохудуд доирасида ишсизлар кўпайиб бормоқда. Биргина Францияда 2009 йил сентябрь ойида мамлакат меҳнат биржасига иш сўраб мурожаат қилган фуқаролар сони ўтган йилнинг шу давридагига нисбатан 25 фоизга ортган. Умуман, айни пайтда мамлакатда меҳнатга яроқли аҳолининг 4 миллионга яқини ишсиздир. Еврохудудга кирувчи бошқа мамлакатларда ҳам вазият бундан яхши эмас. Уларда сентябрь ойида ишсизлик даражаси 9,7% га етган. 27та мамлакатни бирлаштирган Европа Иттифоқида ўтган бир йил мобайнида сони 5 миллион кишига, еврохудуд доирасида эса 3 миллион 200минг кишига кўпайган¹.

Бугун глобал молиявий-иқтисодий инқироз дунё мамлакатлари тараққиётига узининг салбий таъсирини ўtkазаётган бир пайтда, таъкидлаш жоизки, юртимизда Президентимиз ташаббуси билан ишлаб чиқилган Инқирозга қарши чораларнинг 2009-2012 йилларда мўлжалланган дастури доирасида олиб борилаётган ишлар иқтисодиётимизнинг барқарор ривожланишига ва аҳоли фаровонлигини оширишга хизмат қилмоқда. Шунингдек, Юртбошимизнинг “Жаҳон молиявий-иқтисодий инқирози, Ўзбекистон шароитида уни бартараф этишнинг йўллари ва чоралари” номли

¹ Аванесова Г.А. Сервисная деятельность. М., 2010, 156.

китобида белгиланган аниқ вазифалар ижросини таъминлаш орқали мамлакатимиз иқтисодий-ижтимоий ҳаётида инқироз таъсири деярли сезилмаяпти. Буни жорий йилнинг 3 ойида республикани ижтимоий-иқтисодий ривожлантириш якунларига бағишлиланган Вазирлар Маҳкамаси мажлисида ялпи ички маҳсулотнинг ўсиши 7,6 фоизни ташкил этгани, саноат маҳсулотлари ишлаб чиқариш ҳажми 7 фоиз, хизматлар кўрсатиш ҳажми 12,2 фоизга кўпайгани таъкидлаб ўтилганидан кўриш мумкин. Энг муҳими, хориж мамлакатларида йирик компаниялар инқирозга юз тутиб, минглаб ходимларини ишдан бўшатишга мажбур бўлаётган бир пайтда юртимизда 2009 йилда 940 мингдан ортиқ янги иш жойи барпо этилди, жумладан, 500 минг иш жойи қишлоқ шароитида, 390 минг иш жойи кичик бизнес соҳасида, хизмат соҳасида эса 270 мингдан ортиқ янги иш жойи яратилди².

Вазирлар Маҳкамасида 2009 йилнинг асосий якунлари ва 2010 йилда Ўзбекистонни ижтимоий ривожлантиришга бағишлиланган мажлисида аҳолига хизмат кўрсатиш соҳасини янада кенгайтириш ғоят муҳим аҳамиятга эга эканлигига алоҳида эътибор қаратилди. Президентимиз И.А. Каримовнинг таъбири билан бундай тармоқлар ташқи конъюнктурага ҳам, об-ҳаво шароитига ҳам боғлиқ эмас, яъни ташқи омилларнинг ўзгариши уларга таъсир кўрсата олмайди.

Айни пайтда бу хизматлар ўзимизда ишлаб чиқарилган маҳсулотларнинг кўплаб турларига ички талабни оширади, шунингдек, истеъмол бозорида мутаносибликни сақлашда муҳим роль ўйнайди.

Буларни барчасини назарда тутган ҳолда, хизмат кўрсатиш соҳасининг ялпи ички маҳсулотдаги улушини 2009 йилдаги 47 фоиздан 2010 йилда 49 фоизга етказиш зарурлиги ҳақида вазифа белгиланди ва энг муҳим устувор йўналишлар таркибиға киритилди. Чунки сервис соҳасида ривожланган давлатларнинг аксариятида ходимлар миқдорини ўсиб боришини ҳамда уларнинг миллий даромадга қўшган улушини юксалаётгандан кўришимиз мумкин.

Масалан, АҚШда XX аср охирида сервис соҳасида 84 млн. киши иштирок этган бўлиб, умумий ишлаётганларнинг 70% ни, уларнинг ялпи ички маҳсулотдаги улуши эса 72% ни ташкил этди. Япония давлатида ушбу кўрсаткичлар қўйидагича бўлган: 37 млн киши (60%), ЯММ даги улуши 61% ни ташкил этган. Минг кишига тўғри келган сервис ходимлар сони Германияда- 258, АҚШда – 340, Японияда – 310 киши бўлган.³

Сервис аҳолига ҳизмат кўрсатиш ёки унга кўрсатилаётган ҳизмат тариқасида қабул қилиш мумкин. Сервис корхоналарининг асосий мақсадлари тариқасида мижозларга имконияти борича қулайлик яратиш, уларнинг моддий ва маънавий эҳтиёжларини тўла равишда қондиришдан иборатdir.

Сервис фаолиятида бажарувчи ва истеъмолчи иштирок этиб, ушбу жараённинг самарадорлиги, маданияти, сифатини ўртадаги муносабатлар,

² “Халқ сўзи”, 17 апрель 2010 йил.

³ Краковская Т.А. , Карнаухова В.К. « Сервисная деятельность». И.: 2008. 4 бет.

моддий ва ташкилий таъминланганлик даражаси асосий мазмунни белгилайди. Шу сабабдан функционал йўналтирилиши борасида хизматлар асосан иккига: моддий ва ижтимоий-маданий турларига бўлинади. Моддий хизмат – хизмат истеъмолчиларининг моддий-маиший эҳтиёжларини қондиришга қаратилган бўлса, ижтимоий-маданий хизматлар-инсоннинг маънавий, интеллектуал эҳтиёжларини қўллаб-қувватлашга бағишлиданади.

Кўрсатилаётган хизматларни алоҳида босқичларга тақсимласа бўлади: зарурий ресурслар билан таъминлаш, бажаришнинг технологик жараёни, назорат, синов, қабул қилиш, хизмат кўрсатиш жараёни. Ушбу дарслик ҳам автомобилларга техник хизмат кўрсатиш, уларнинг ишлаш муддатини узайтириш, инсонга хизмат қилиш қулайлигини ошириш, замон талабларига мувофиқлаштириш жараёнларини ўрганишга мўлжалланган. Президентимиз ташаббуси билан юртимизда 1996 йилда енгил автомобиллар ишлаб чиқаришга асос солингани, ҳозирги кунда Ўзбекистон Республикасида 100 кишига 7та автомобиль, Тошкент шахрида эса 13та автомобиль сони тўғри келишига олиб келди. Бундай ҳолат уларга хизмат кўрсатиш эҳтиёжини ошиб бораётганини кўрсатади.

Тошкент автомобиль ва йўллар институти профессор-ўқитувчилари бир неча йилдан бери “Автомобиль сервиси” йўналиши бўйича мутахассислар тайёрлаш жараёнида тўплаган тажрибаси, амалиёт соҳасидаги кўникумаларни бир тизимга келтириш борасида ушбу дарсликни шакллантиришни мақсад қилиб қўйдилар. Эътиборни автомобилларга нафақат техникавий хизмат кўрсатишни илмий асослаш ва уни самарали ташкил этибгина қолмасдан, балки инсоннинг ҳожатини чиқариш борасидаги маънавий, маданий, руҳий жиҳатларга ҳам алоҳида муносабат билдирилди. Хизмат кўрсатиш даражаси жамиятнинг ривожланиш савиясини акс этиб, ундаги ижобий ўзгаришларни ўз ичига қамраб олади.

Сервис фаолиятини ташкил этиш сифати унинг лойиҳалаштириш ва замон талабларига мувофиқлаштиришга узвий боғлиқдир. Сервис корхоналарининг рақобатбардошлиги мижозларнинг эҳтиёжларини тахлили, истеъмолчиларнинг жинси, ёши ва индивидуал хусусиятлари, хизмат кўрсатиш жараёнининг психологик омилларини инобатга олишни тақазо қиласди.

Ушбу дарслик автомобилларга хизмат кўрсатиш, сервисни ташкил этиш, унинг асосий йўналишлари ва ривожлантириш имкониятини, хизмат кўрсатиш худудидаги муносабатлар, аҳолига ва унинг эҳтиёжларига мос реклама, ташвиқот юритиш услублари, сервис фаолиятининг сифати ва самарадорлиги кўрсаткичларини ёритишга бағишлиданган. Олий ўқув юрти талabalari, аспирант ва профессор-ўқитувчилари, касб-хунар коллежларининг ўқувчилари, сервис корхоналарнинг мутахассисларига тавсия этилади.

МУҚАДДИМА

Автомобиллар – ўзига ҳос юқори технологик маҳсулот бўлиб, уларни ҳарид қилиш, эксплуатация қилиш ва доимий техник соз бўлишини таъминловчи сервисини ташкил этиш учун юқори савияли мутахассислар талаб этилади.

Дарсликда автомобиль сервисини назарий асослари билан биргаликда уни ташкил этишнинг кўпгина амалий масалалари ҳам келтирилган. Автомобил сервиси ва хизматларнинг ҳозирги замон динамик ўзгарувчан иқтисодиётидаги ўрни ҳамда аҳамияти кўриб чиқилган, автосервис корхоналарининг вазифалари аниқланган, уларнинг турлари, автотранспорт воситаларининг сервис тизими келтирилган. Автосервис корхоналарида ишлаб чиқариш механизми ва хизматларни бошқаришнинг амалий жиҳатдан ташкил этиш масалалари тўлиқ ёритилган.

Автомобилларни ишлаб чиқарувчининг тармоқлари бўйича сотиш қўшма корхоналар орқали сотишга қараганда анча афзалликка эга эканлиги кўрсатилган. Чунки ишлаб чиқариш тармоғи – фақатгина сотув-сервис-логистика тизими бўлиб қолмай, балки ҳаридор манфаатларини ҳимоя қилувчи ва кафолат даврида автомобилларга хизмат кўрсатувчи ҳам ҳисобланади.

Автомобилларга техник хизмат кўрсатиш ва таъмирлаш технологик жараёнларини кўриб чиқишида асосий диққат замонавий конструктив ечимларга ва уларга хизмат кўрсатишнинг замонавий усулларига қаратилган.

Дарсликда бошқариш ечимларига келиш учун зарур бўлган маълумотларни аҳамияти, сервисда маълумотларни қабул қилиш ва улардан фойдаланиш усуллари ҳамда янги маълумотларни жорий этиш технологиялари кўрсатиб ўтилган, бўлиб у Ўзбекистон Республикаси Олий ва ўрта маҳсус таълим вазирлиги томонидан ишлаб чиқилган Давлат таълим стандарти талабларига тўлиқ жавоб беради.

Дарслик Ўзбекистон Республикасида қабул қилинган қонунларга, стандартларга ва бошқа меъёрий ҳужжатларга ҳамда кўп йиллар давомида Тошкент автомобиль ва йўллар институти профессор – ўқитувчиларининг тўплаган тажрибаларига асосланган ҳолда тайёрланган.

I БОБ

АВТОТРАНСПОРТ ВОСИТАЛАРИ СЕРВИСИ АСОСЛАРИ

Охирги ўн йилликдаги ижтимоий-иқтисодий ислоҳотлар автомобилларга хизмат кўрсатишда кескин таркибий ўзгаришларга олиб келди, хизмат истеъмолчиларининг талабаларини сифатли ва тўлиқ қондиришга йўналтирилган иқтисодиётдан, ҳамда хизмат кўрсатишларга ҳозирги замон талабларидан келиб чиқсан ҳолда автосервис олдига янги вазифаларни қўйди.

Сервис – хизмат кўрсатишга қаратилган фаолиятдир. Унинг алоҳида хусусияти шундаки, хизмат кўрсатиш жараёнида баъзи материал ресурслар сарф қилинсада, сервис материал кўринишида эмас, балки эҳтиёжини фаолият орқали қондиришидадир.

Хизмат кўрсатиш ишлаб чиқарниш жараёнидан ажralmasdir, у сақланмайди ва доимий бўлмаган сифат хусусиятига эга.

Хизматнинг ишлаб чиқариш жараёнидан ажralmasligi уни шу жараёнда истеъмол қилинишидадир.

Хизматни амалга оширилгандан сўнг уни сақлаб қолиш, йиғишининг ёки сотишнинг иложи йўқ, шунинг учун хизматни кўрсатиш жараёнида керакли материал, молиявий ва меҳнат ресурслари ҳажмини режалаштиришда хизматга бўлган талабни аниқ башорат қилиш вазифаси туради.

Хизмат сифатининг доимий эмаслиги шундаки, истеъмолчи хизмат кўрсатилгунга қадар уни сифатини баҳолай олмайди. Буни хизматни амалга оширилгандан сўнггина имкони бор. Шунинг учун, мижозга хизмат кўрсатилгунга қадар хизмат хақида тўлиқ тасаввур ҳосил қилиш имконини берувчи хизмат турлари ва сифати тўғрисидаги маълумотлар катта аҳамиятга эга.

Одатда, хизмат кўрсатишда қўл меҳнатининг улуши катта бўлганлиги учун сервис сифати хизмат кўрсатувчининг малакасига боғлик.

Автотранспорт воситаларининг эксплуатацияси уларни техник соз ҳолатини, ҳамда бу воситалардан фойдаланиш жараёнини таъминловчи тадбирларни ўз ичига олган мажмуадир.

Техник фойдаланиш автотранспорт воситаларини ишга яроқли ҳолда сақлашда ресурсларни оқилона ҳаражат қилишни ифодалайди.

Автомобил сервиси истеъмолчиларининг автотранспорт воситаларини сотиб ёки ижарага олиш, техник соз ҳолда сақлаш, керакли эксплуатацион хусусиятларга эга транспорт воситаларига қулай ишлаш шароитларини яратиш бўйича бўлган талаб ва эҳтиёжларини қондиришга йўналтирилган.

Техник сервис автотранспорт воситалари эгаларини талабини қондириш, йўловчи ва юк ташишнинг маромда ва хавфсизлигини таъминлашга, лойиҳалаш ва ишлаб чиқаришда назарда тутилган меъёрларни қониқтирилишини таъминлайди.

Автомобил транспортидан фойдаланишнинг тузилиш таркибида, ишлаб чиқариш мажмуалари орасида техник сервис алоҳида ўринга эга. Унинг ҳолати ва самарадор фаолияти сифатли транспорт хизматларни ривожланишининг муҳим шартидир.

Автотранспорт воситаларининг техник сервиси истеъмолчилар талабларни қондирадиган, автомобилларни ишга яроқли ҳолда сақлаб турадиган, харакатланувчи таркибнинг ҳолатини экологик ва харакат хавфсизлиги шартларига мувофиқ бўлишини таъминлайдиган юқори сифатли хизматларни бажаради.

Техник хизмат кўрсатишнинг шаҳар ва йўл ёқасидаги шаҳобчалари, автомобил заводининг ўзига тегишли ва дилер тармоқлари, автомобил ювиш жойлари, давлат техник қўригини ўтказиш учун ташхис бўлинмалари, алоҳида автомобил қисмлари ва агрегатларни таъмирлашга ихтисослаштирилган устахоналар, автомобиллар тюнингига ихтисослаштирилган корхоналар, ўз ўзига хизмат кўрсатиш ўринлари, автотранспорт воситаларини, эҳтиёт қисмларни ва автомобил безакларини сотиш бўйича автосалонлар ва автодўконлар, мотеллар ва кемпинглар, автомобилларни ижарага бериш шаҳобчалари, гаражлар ва автомобилларнинг сақлаш жойлари, ахборотлар берувчи ва маслаҳат бериш хизматларини кўрсатиш корхоналари мавжуд. Келтирилган автосервис корхоналари рўйхати автосервис хизматларининг қанчалик хилма-ҳил турларини истеъмолчилар томонидан талаб қилинишини ва фойдалиш манбай эканлигини кўрсатади.

Хизматлар бозорига жаҳон савдосининг 20 - 25% и тўғри келади, шунга кўра, бу бозор айниқса тараққий этган мамлакатларда умумий товар бозорининг ривожланишидан кўра тезроқ суръат билан ўсмоқда. Ўртacha ҳисобда, жаҳонда хизмат кўрсатиш бозорининг ўсиш суръати ўтган асрнинг 80-90 йилларида умумий товар бозорини ўсиш суръатидан тахминан икки марта юқори бўлган – ўртача 8,7 ва 4,5 муносабатда. 1995 йили жаҳон бозорида хизмат кўрсатиш тахминан 1 трлн. АҚШ долларини ёки умумий жаҳон товар айланмасининг чорак қисмини ташкил қилди. Жаҳоннинг ривожланган мамлакатлар ички ялпи маҳсулотида хизматлар ҳиссаси 60 - 80% ташкил этади, хизматлар соҳасида иқтисодиётда банд бўлганларнинг 70%и меҳнат қиласи.

Охирги йилларда республикада сервис соҳасида изчил чоралар кўрилмоқда. Хизмат кўрсатиш бозорининг таркиби хизматларнинг янги истиқболли турлари – банқ, молия, сугурта, ахборот-алоқа ва бошқалар ҳисобига такомиллашиб бормоқда.

Ўзбекистон Республикаси Президентининг 2006 йил 14 апрелдаги ПП-325-сонли «Ўзбекистон Республикасида хизматлар ва сервис соҳасини 2006-2010 йилларда жадал ривожлантириш чоралари ҳақида» ва 2007 йил 21 майдаги ПП-640-сонли «Ўзбекистон Республикасида хизматлар ва сервис соҳасини 2010-йилгacha бўлган даврда жадал ривожлантириш қўшимча чоралари ҳақида» қарорларига хизматлар ва сервис соҳасини жадал ривожлантириш учун қулай шароит яратиш, унинг иқтисодиётдаги

ҳиссасини ошириш, хизмат кўрсатиш соҳаси тармоқларида банд бўлганлар сонини кўпайтириш ва шуни асосида аҳоли даромадларини ўстириш мақсадида хизматлар ва сервис соҳасини ривожланишнинг асосий йўналишларни белгилаган, уларга қуидагиларни киритиш мумкин:

- хизматлар соҳасида тадбиркорлик ташаббусини тобора кенгайтириш учун қулай шароит яратиш, шунингдек, расмиятчилик тўсиқларини бартараф этиш ва унинг асосида хизматлар хажмини юқари суръатлар билан ўсишини таъминлаш, ҳамда уларнинг ички ялпи маҳсулотда ҳиссасини 2010 йилгача 49 %га етказиш;

- хизмат кўрсатиш соҳасида банд бўлганлар сонини 2006-2010 йилларда 1,6 марта кўпайтириш;

- анъанавий хизматлар кўрсатиш билан бир қаторда янги истиқболли турлари - хуқуқий, маслаҳатлар бериш, банк, молия, суғурта, лизинг, баҳолаш хизматларни жадал ривожлантириш;

- мамлакат корхоналарининг хизматларини халқаро бозордаги ҳиссасини ва сифатини кўтариш, шу асосда хизматларни экспорт қилишни ўстириш;

- хизматлар ва сервис соҳасида ишлаш учун малакали кадрларни тайёрлаш ва қайта тайёрлашни ҳар томонлама қувватлаш.

“2006-2010 йилларда хизматлар ва сервис соҳасини ривожлантириш” дастурини амалга ошириш натижасида 2006 йилда аҳолига кўрсатилган тўловли хизматлар 19,3 %га ошди, хизматлар соҳаси ҳиссасига республикада яратилган ички ялпи маҳсулотнинг 39,5% тўғри келди, бу дастурда белгиланган башорат кўрсаткичларидан анча юқори. Хизматларнинг истиқболли турлари - телекоммуникация хизматлар, уяли телефон хизматлари, банк ва молия хизматлари, суғурта, туризм ва экскурсия хизматлари жадал суръатлар билан ривожланмоқда. Хизматлар соҳасида 2006 йили 137 янги иш жойлари яратилди.

Президент Ислом Каримов 2009 йилнинг асосий якунлари ва 2010 йилда Ўзбекистонни ижтимоий-иктисодий ривожлантиришнинг энг муҳим устувор йўналишларига бағишлиланган Вазирлар Махкамасининг мажлисидаги «Асосий вазифамиз - ватанимиз тараққиёти ва халқимиз фаровонлигини янада юксалтиришдир» маърузаларида [2]:

«Аҳолига хизмат кўрсатиш соҳасини янада кенгайтириш ғоят муҳим аҳамиятга эга. Бундай тармоқлар ташқи конъюнктурага ҳам, об-ҳаво шароитига ҳам боғлиқ эмас, яъни, ташқи омилларнинг ўзгариши уларга таъсир кўрсата олмайди. Айни пайтда бу хизматлар ўзимизда ишлаб чиқарилган маҳсулотларнинг кўплаб турларига ички талабни оширади, шунингдек, истеъмол бозорида мутаносибликни сақлашда муҳим роль ўйнайди. Буларнинг барчасини назарда тутган ҳолда, хизмат кўрсатиш соҳасининг ялпи ички маҳсулотдаги улушкини 2009 йилдаги 47 фоиздан 2010 йилда 49 фоизга етказиш зарур» деб таъкидлаб ўтдилар.

Автомобил паркининг хозирги суръатда ўсиши автотранспорт воситаларига сифатли техник сервис муаммосини устивор йўналишлар қаторига қўяди.

Йўловчилар ва юк ташишда энг кўп ҳисса автотранспортга тўғри келади. 2009 йили йўловчиларни транспортнинг ҳамма турлари ташиган умумий сониинг (5575,4 млн. киши бўлган) 98,0 % ни автотранспорт ташиган, йўловчи айланмасининг (62833,6 млн. йўловчи) 89,0% йўловчи автотранспортга тўғри келади.

Автомобил транспорти 2009 йили 976887,6 минг тонна юк ташиган, бу транспортнинг ҳамма турлари ташиган юкларининг 94,0 %ни ташкил этади (трубопроводларни ҳисобга олмаганда). Автотранспортнинг юк айланмаси 23185,4 млн. тонна км. ёки умумий транспорт юк айланмасининг 49,0 % га тўғри келади (трубопроводларни ҳисобга олмаганда).

Мамлакат иқтисодиётида автомобил транспортининг муҳим ўрни бор, у катта ижтимоий аҳамиятга эга, энг қулай ва фойдаланиш осон ҳаракатланиш воситаси сифатида фуқароларнинг ҳаётига маҳкам жойлашиб олган.

Транспортнинг бошқа турларига нисбатан автотранспорт воситасининг соддалиги ва фойдаланишда осонлиги автомобил йўлларида юқори тезликларда ва жадал ҳаракатларда ундан фойдаланишининг хавфсизлигига алоҳида талаблар қўйилади.

Бошқа томондан автотранспорт воситаларини тузилиши, биринчи навбатда ишончлилиги, ташхислаш воситалари билан тўла жихозлаганлиги, микропроцессор техника кенг қўлланиши, мураккаблиги ва қийматини ошиб бориши техник сервиснинг фойдаланиш хавфсизлигини таъминлашга жавобгарлигини кучайтиради.

Ўзбекистонда автомобил сервиси сифатли ва кенг турда хизматлар кўрсатиш бўйича давомли анъаналарига эга. Автосервис тармоғи турли хилдаги автосервис корхоналаридан ташкил топган: автомобиллар ишлаб чиқарувчи заводларнинг сервис марказларидан то унча катта бўлмаган автомобил таъмиrlаш устахоналари ва майдада таъмиrlаш постларигача.

Мамлакатда автосервиснинг пайдо бўлишига аҳоли шахсий автомобиллар паркини ўсиши асосий туртки бўлган. Ўтган асрнинг то 60-йилларига қадар мамлакат аҳолисининг автомобил парки жуда кичик (1965 йили Ўзбекистонда ҳар бир 1000 кишига 3 та автомобил тўғри келган) ва фақат оиласа хизмат қилувчи енгил автомобиллардан иборат бўлган. Давлат сиёсати, ҳамма соҳада бўлгандек, автомобил транспортида ҳам асосан ўзига қарашли жамоат транспортини ривожлантиришга қаратилган эди.

Шахсий фуқаролар транспорти, қадрланмас, унга хизмат кўрсатиш автомобил эгаларининг ўз муаммолари бўлиб қолган эди.


Фақат 60-йилларнинг иккинчи ярмидан бошлаб маҳсус, аҳоли автомобилларига хизмат кўрсатувчи корхоналар ташкил қилиниб, ишга туширила бошланди. 1968 йилда хукуматнинг «Фуқаролар транспорт воситаларига техник хизмат кўрсатишни яхшилаш чоралари» тўғрисидаги қарори бу соҳага давлат аҳамиятига эга масала сифатида ёндошиш бошланганидан дарак берди. Аҳоли автомобил парки ҳам айниқса 1970-йиллардан бошлаб тез суръатлар билан ўса бошлади. Ўша пайтдаги статистик маълумотларга қараганда, аҳолининг автомобиллашгани, яъни ҳар

бир 1000 кишига тўғри келадиган автомобиллар сони мамлакатимизда ўсиб бориш динамикаси қуидаги диаграммада келтирилган.

Ўзбекистон аҳолиси автомобил парки 1991 йил бошида 1 млн.га яқинлашиб қолган ва маркаларига қараб қуидагича тақсимланган эди (% ҳисобида):

«ЗАЗ»	15,6
«Москвич»	26,9
«ВАЗ»	47,4
«Волга» барча моделлари	2,9
«УАЗ»-469 барча моделлари	0,05
Бошқалар (чет эл автомобиллари)	7,15

Дастлабки ташкил этилган автосервис корхоналари - автомобилларга хизмат кўрсатиш станциялари, автоустахоналар, автомобил прокат (ижарага бериш) пунктлари, автосақлаш жойлари маҳаллий ҳокимиятлар - туман ва шаҳарлар ижроия қўмиталари тасарруфларида бўлган, сўнгра (1969 йилдан)



1.1-расм. Республика миқёсида автомобиллар сонини ўсиш сурати
(1000 кишига тугри келадиган)

хукумат қарорига асосан, Ўзбекистон аҳолисига майший хизмат кўрсатиш вазирлиги ташкил этилиб, унинг таркибидағи «Ўзавтохизмат» бошқармасига ўtkazilgan.

Мавжуд ишлаб турган автосервис корхоналари қаторига 1974 йилдан бошлаб фирма усулида хизмат кўрсатувчи «АвтоВАЗтеххизмат», «КАМАЗтеххизмат», «АвтоЗАЗтеххизмат», «Москвичтеххизмат» ва бошқа автомобил заводларига қарашли автосервис корхоналари қўшила бошлади. Фирма усулидаги автосервис ўша пайтдаги давлатда ва шу жумладан, Ўзбекистон учун ҳам янгилик бўлиб, бу соҳада янги давр бошланганидан дарак берар эди. Энди мамлакат автомобил заводлари дунё автомобилсоз компаниялари изидан кетиб, ўз маҳсулотларига ўзлари хизмат кўрсатиш мажбуриятларини олиши бошлашди. Автосервис янги босқичга кўтарилди, унинг моддий-техник базаси мустаҳкамланадиган, хизмат кўрсатишнинг техник ва маданий савияси яхшиланадиган бўлди.

Фуқароларга тегишли енгил автомобилларга хизматлар кўрсатадиган автосервис марказларини бирлаштирувчи энг йирик бўлинма «Ўзавтотехобслуживни» ишлаб чиқариш бирлашмаси (ИЧБ) бўлган.

Ўтган асрнинг 90-йилларида, юк ташувчи автомобиллар ҳамда автобусларга хизматлар кўрсатиш ва таъмиглаш учун кичик ва ҳусусий корхоналар томонидан фойдаланиладиган сервис марказларининг етишмаслиги натижасида, хизматларни ривожланган ишлаб чиқариш базаларига эга автотранспорт корхоналарининг автомобил таъмиглаш устахоналари ва автомобил таъмиглаш заводлари кўрсата бошлади.

Ўзбекистонни автомобил ишлаб чиқаришувчи давлатга айланиши билан автомобил сервисини ривожланиши сифат жиҳатидан янги босқичга ўтди.

Ўзбекистон Республикаси Вазирлар Маҳкамасининг 17 март 1994 йилги қарори бўйича Ўзбекистонада автомобил саноатини яратиш мақсадида автомобил ишлаб чиқариш корхоналари ассоциацияси «Ўзавтосаноат» ташкил этилган.

Ўзбекистон Республикаси Вазирлар Маҳкамасининг 1992 йил 5 ноябрдаги қарорига [7] асосан автомобил ишлаб чиқариш ўзбек-корейс қўшма корхонаси «ЎзДЭУавто» ташкил қилинди. Мамлакатимизнинг автомобил қуриш етакчиси, биринчи бўлиб Марказий Осиёда енгил автомобиллар ишлаб чиқаришни йўлга қўйган Асака заводи бўлди.

1996 йил марта Асака заводи конвейеридан биринчи Damas автомобил модели тушди, 2008 йил 27 ноябряда эса конвейердан миллионинчи автомобил тушди. 2008 йил Асака заводи лойиха қувватига етди – бир йилда 200 минг енгил автомобил ишлаб чиқарилди.

Ҳозирги вақтда Асака заводи «General Motors-Uzbekistan» қўшма корхонасига ўзгартирилган ва мамлакатимизда автосаноат корхоналарни бирлаштирувчи «Ўзавтосаноат» очиқ акционерлик компаниясининг энг йирик корхонасидир. Асака автомобил заводи ишга туширилиши билан турли енгил автомобиллар учун қисмлар, деталлар ишлаб чиқарувчи яна 20дан ортиқ корхона ва лак-бўёқ заводлари қурилган.

Ҳозирги кунда «General Motors-Uzbekistan» қўшма корхонси енгил автомобилларнинг истеъмолчиларнинг турли дид ва ҳавасларига мўлжалланган олтида моделини ишлаб чиқаради, маҳсулотнинг салмоқли қисми экспортга кетмоқда.

Асака заводи ишлаб чиқарган енгил автомобиллар сервиси ва сотиши учун кенг тармоқ яратилди. МДҲ мамлакатларининг 104 шаҳарида 144 та компаниядан ташкил бўлган кенг ёйилган тармоқ ва республикада - «Ўзавтотеххизмат» очиқ акционерлик бирлашмаси корхоналари орқали худудий тармоқлар фаолият кўрсатмоқда.

Йилига 4 минг донагача кичик сифимли автобус (16-32 ўринли) ва 1000 та 1,5-10 тонна юк кўтариш қобилиятига эга автомобил ишлаб чиқариш қувватга эга Самарқанд автомобил заводи ишга тушди.

2006 йили «СамКочАвто» МЧЖ «СамАвто» МЧЖсига ўзгартирилди, завода «ISUZU» компанияси(Япония) ишлаб чиқарган шассида автобус ва

кичик тоннажли юк ташувчи автомобиллар серияли ишлаб чиқарила бошланди.

«СамАвто» МЧЖ Тошкент, Асака, Бухоро, Жиззах, Қўқон, Наманган, Нукус, Самарқанд, Термиз, Хива, Шаҳрихон шаҳарларида автобусларга хизматлар кўрсатиш ва эҳтиёт қисмлар сотиш бўйича сервис шаҳобчалари тармоғини ташкил қилган.

Республика хукумати «Ўзавтотеххизмат» ОАЖ тизимининг ривожланишига улкан эътибор бермоқда. Республикада замонавий сервис ва хизматлар кўрсатиш мажмуини яратиш мақсадида қатор хукумат қарорлари қабул қилинди.

Ўзбекистон Республикаси Вазирлар Маҳкамасининг 1995 йил 27 февралдаги қарори бўйича [8] «Ўзавтотехобслуживание» ИЧБнинг ҳамма таркибий бўлинмалари жойлардаги «Автотеххизмат» очик акционерлик жамиятларига айлантирилди.

Ўзбекистон Республикаси Вазирлар Маҳкамасининг 26 март 1996 йилги қарори бўйича [9] «Ўзавтотеххизмат» ОАЖ жойлардаги корхоналари қувватлари асосида «ЎзДЭУавто» кўшма корхонаси билан биргаликда сервисли хизматлар кўрсатиш ва Асака автомобил заводи енгил автомобилларини сотиш тармоғини ташкил қилиш ҳақида қарор қабул қилинди. Бу қарорни, ҳамда Ўзбекистон Республикаси Вазирлар Маҳкамасининг 3 сентябр 1996 йилги қарорни [10] бажариш учун қисқа муддатда жойлардаги «Автотеххизмат» очик акционерлик жамиятларининг техник хизматлар кўрсатиш шаҳобчалари қайта қурилди ва техник қайта жиҳозланди, замонавий автосалонлар, янги автомобиллар учун ёпиқ сақлаш жойлари қурилди. Ана шу мақсадларга республика хукумати 1 млрд. сўмдан ортиқ узоқ муддатли мақсадли кредитлар ажратди.

Шунингдек, қайта қуриладиган техник хизматлар кўрсатиш шаҳобчаларини янги техник жиҳозлари билан таъминлаш учун ҳамда «ЎзДЭУавто» акционерлик жамиятининг Асака автомобил заводи ишлаб чиқарадиган автомобилларга техник хизматлар кўрсатиш ва таъмирлашга мўлжалланган замонавий ускуналар ва маҳсус асбоблар сотиб олиш учун 2,5 млн. АҚШ доллари микдорида кредит ажратилди. қайта қурилган техник хизматлар кўрсатиш шаҳобчаларида 473 дона ускуна ўрнатилган, шулардан 97 донаси қўшалоқ тирковичли кўтаргичлар, 274 донаси ташхислаш ва 88 донаси шина ўрнатиш ускуналари, 14 донаси ишларилган газларни токсик заҳарлилик даражасини текшириш учун газанализаторлар, 38 донаси йиғма маҳсус асбоблар.

Жойлардаги «Автотеххизмат» акционерлик жамиятларининг техник хизматлар кўрсатиш шаҳобчалари қайта қурилди ва техник қайта жиҳозлаш ишлари «Ўзавтосаноат» ассоциациясининг маъмурияти назорати остида амалга оширилди, «ЎзДЭУавто» акционерлик жамиятининг ишлаб чиқарадиган автомобилларга техник хизматлар кўрсатадиган юқори малакали мутахассислар тайёрлаш масалаларига алоҳида эътибор берилди. Жанубий Кореяning «ДЭУ» корпорацияси корхоналарида «Автотеххизмат» ОАЖ корхоналарининг 150 та мутахассислари ўқиб келишди, газабаллон

ускуналар ўрнатиш ва автотранспорт воситаларни ҳаракатланувчи бўлинмаларда таъмиглаш бўйича технологик хужжатлар сотиб олинди.

Ҳозирги кунда «Ўзавтотеххизмат» ОАЖ корхоналари кучли техник имкониятларга ва кадрларга эга. Республиканинг барча худудларида 26та замонавий техник хизматлар кўрсатиш шаҳобчалари, 3та автотаъмилаш устахоналари, 27 та автосалонлар ва 36та эҳтиёт қисмларни сотиши дўконлари, 3000та сифимли автомобиллар учун ёпиқ сақлаш жойлари фаолият кўрсатмоқда. Тизимдаги ишлайдиганлар сони 2113 кишини ташкил қиласиди.

Автомобилларни сотиши миқдори, уни ташкил қилишга ва кейинги сервисга боғлиқ.

Ҳозирги вақтда «Ўзавтотеххизмат» тизими акционерлик жамиятлари, авваллари «ЎзДЭУавто» ЁАЖ деб номланган «General Motors-Uzbekistan» ёпиқ акционерлик жамиятининг автомобилларни сотиши бўйича дилер ҳисобланади.

Дилерлик фаолияти бошланганда то шу кунгача «Ўзавтотеххизмат» ОАЖ жойлардаги корхоналари орқали Асака автомобил заводи ишлаб чиқарадиган 337047 дона автомобил сотилган.

Ўзбекистон Республикаси Президентининг ««ЎзДЭУавто» янги моделлар ишлаб чиқариш чоралари ҳақида» 24 июл 2007 йил қарорни [6] бажариш бўйича «Ўзавтотеххизмат» акционерлик компанияси «General Motors» компанияси билан ҳамкорликда Ўзбекистонда автомобилнинг «Шевролет» моделини ишлаб чиқариш бўйича улкан ишларни амалга ошириди.

Мамлакатимиз автомобил заводи конвейеридан тушган биринчи «Шевролет» модели автомобилларини сотиши хуқуки «Ўзавтотеххизмат» ОАЖга берилди. Ҳозирда «Шевролет» автомобиллари бизнинг тизим автосалонларда «Нексия», «Матиз» ва «Дамас» моделлари қаторида талаб қилинмоқда. Республика аҳолисига 2008 йил сентябр ойи бошигача 723 дона «Каптива», 1290 дона «Эпика» ва 242 дона «Такума» маркасида автомобиллари сотилган.

«Ўзавтотеххизмат» очиқ акционерлик жамияти таркибига кирувчи акционер жамиятлар сервис соҳасига катта эътибор беришмоқда.

Ўзбекистон Республикаси Президентининг «Ўзбекистон Республикасида хизматлар ва сервис соҳасини 2006-2010 йилларда жадал ривожлантириш чоралари ҳақида» 2006 йил 17 апрел [3] ва «Ўзбекистон Республикасида хизматлар ва сервис соҳасини 2010-йилгача бўлган даврда жадал ривожлантириш қўшимча чоралари ҳақида» 2007 йил 21 майдаги қарорларини [5] бажариш бўйича салмоқли ишлар қилинди, натижада автомобилларга техник хизматлар кўрсатиш ва таъмилаш ишлари хажми 2 марта ошди, шулардан аҳолига хизматлар кўрсатиш 1,7 марта. 2006-2008 йилларда автотранспорт воситалари техник хизматлар кўрсатиш ва таъмилаш 14 млрд. 479 млн. 158 минг сўмга етди. 10та техник хизматлар кўрсатиш кичик шаҳобчалари автосалонлари билан, қишлоқ жойларда 4та автоустахона қурилди. Янги хизмат турлар ривожланди, булар: газабаллон

ускуналар ўрнатиш ва автотранспорт воситаларни ҳаракатланувчи бўлинмаларда таъмиглаш қўшимча 285та ишчи ўринлар яратилди.

30 январ 1997 йил Ўзбекистон Республикаси Вазирлар Маҳкамасининг 19 декабр 1996 йилги қарори бўйича «Ўзавтосаноатсервис» ОАЖ ташкил этилди. «Ўзавтосаноатсервис» фаолиятининг асосий йўналиши автосервис мажмуа шаҳобчаларидан фойдаланиш, Ўзбекистон Республикаси магистрал автомобиль йўлларида хизматлар кўрсатишидир. Мажмуали хизматлар кўрсатишга автомобилларга ёқилғи тўлдириш, техник хизматлари кўрсатиш, эҳтиёт қисмлар дўкони, автомобилларни ювиш ва кафе киради. Шундай автомобилларни ювиш ва кафе-бар каби қўшимча хизматларни бўлиши, хайдовчиларга дам олиш, мижозларга ҳар томонлама хизматлар кўрсатиш имкониятини беради, корхоналар ишини самарадорлигини оширади.

Ўзбекистон Республикасида халқаро юк ташишларга ва мамлакатнинг транзит-транспорт имкониятларини ривожланиш имкониятини таркибий қисми бўлган шунга мос инфраструктурани ривожланишига катта аҳамият берилади.

Автомобил йўллар ёқасидаги сервис аста-аста яхшиланиб бормоқда, йўл ҳаракати қатнашчиларига хизматлар кўрсатишга бўлган талаб Ўзбекистон Республикаси йўл тармоғининг салмоқли қисмida қондирилган. автомобилларга ёқилғи тўлдириш, техник хизматлари кўрсатиш, йўл ёқасида савдо ва овқатланиш корхоналари тармоғи яратилди.

Ўзбекистон Республикаси Президентининг “2009 - 2014 йилларда Ўзбекистон миллий автомагистралини реконструкция қилиш ва ривожлантириш чора-тадбирлари тўғрисида” 2009 йил 22 апрелдаги ПҚ-1103-сон қарорига мувофиқ ҳамда Ўзбекистон миллий автомагистрални бўйлаб ҳаракатланиш қатнашчилари учун халқаро стандартларга жавоб берадиган шарт-шароитлар яратиш, янги иш ўринлари шакллантириш, шунингдек автомагистрал бўйидаги ер участкаларидан оқилона ва самарали фойдаланилишини таъминлаш мақсадида Вазирлар Маҳкамаси 2010-1015 йиллар учун Ўзбекистон Миллий Автомагистрални йўл инфратузулмаси ва сервис кўрсатиш соҳасини ривожлантириш Дастурини тасдиқлади.

Йўл инфратузилмаси ва сервиси обьектлари қуидаги йўналишлар бўйича хизматлар кўрсатади:

- ҳайдовчилар ва йўловчилар, автотуристларнинг дам олишини таъминлаш;
- транспорт воситаларига техник хизмат кўрсатиш;
- тиббий ёрдам ва авария ҳолатида ёрдам бериш.

Дастур доирасида олти йил давомида 75 та газ ва автомобиль ёқилғи қуийш шаҳобчалари, 59 та газ тўлдирувчи компрессор станциялари, 73 та авария ҳизматига эга техник ёрдам пунктлари, 47та автомобилларнинг қисқа муддатли тўхташ майдончалари, 23 та кемпинг ва 48 та мотеллар, 45 та санитар - гигиеник узеллари қурилиши режалаштирилмоқда. Кемпинг ва мотеллар орасидаги масофа 100 км дан, қисқа муддатли тўхташ майдончалари орасидаги масофа эса 15-20 дан ошмайди.

Охирги ўн йилларда, автомобил паркини тез кенгайиши ва анъанавий суюқ ёқилғиларни етишмовчилигини ўсиши натижасида газсимон ёқилғиларга эътибор кучайди. Арzon ва ёнганда кам заҳарли қўрсаткичларга эга суюлтирилган нефт гази (СНГ) ва сиқилган табиий газ (СТГ) суюқ углеводород ёқилғиларни ўрнини босади.

Замини табиий газга бой Ўзбекистон Республикаси учун газ ёқилғиларини қўллашни кенгайтириш ниҳоятда муҳим.

Ўзбекистонда йилига тахминан 7-8 млн. тонна нефт (газ конденсатини қўшганда), 55 млрд. куб метр табиий газ олинади. Табиий газнинг республика ёқилғи энергия балансидаги (ЁЭБ) улуши 65 %, жаҳон ёқилғи энергия балансидаги улуши 22-24 %.

Шундай қилиб, табиий газ Ўзбекистонда энергия истеъмолчилар учун ва биринчи навбатда транспорт учун асосий ва истиқболли ёқилғи туридир.

Автотранспорт воситаларини экологик тоза ёқилғи турлари билан ўз вақтида таъминлаш, автомобил бензинини уларга алмаштириш, республикада автотранспорт инфраструктурасини яна ҳам ривожлантириш, халқаро ва вилоятлараро йўллар ёқасида АГНКС ва АГЗСларни қулай жойлаштириш мақсадида, Ўзбекистон Республикаси Вазирлар Маҳкамасининг 2007 йил 10 февралдаги 30-сонли қарори [11] қабул қилинди. Қарорни бажариш учун автогазтўлдириш компрессор шаҳобчалари ва автогазқўйиш шаҳобчалари тармоғини ривожлантириш бўйича тезкор ишлар олиб борилмоқда.

Назорат саволлари

1. Сервис нима?
2. Автосервис нима?
3. Автосервис корхоналарининг турларини айтиб беринг.
4. «Узавтотеххизмат» ОАЖ ҳақида айтиб беринг.
5. «Узавтосаноатсервис» ОАЖ фаолиятининг ихтисоси нима?
6. Ўзбекистон Республикасида газ ёқилғисини қўллашнинг инфратузулмаси ҳақида айтиб беринг.
7. Ўзбекистонда хизматлар қўрсатиш соҳасини ривожланиши ҳақида айтиб беринг.
8. Автотранспорт воситаларидан фойдаланиш ва техник фойдаланиш нимадан иборат?
9. Автосервис ва автомобилсозлик соҳасида қандай хужжатларни биласиз?

II БОБ

АВТОТРАНСПОРТ ВОСИТАЛАРИ СЕРВИСИ ТИЗИМИ

2.1. Автомобилларга техник хизмат кўрсатиш ва таъмирлашнинг режавий-огоҳлантирувчи тизимининг асослари

Автотранспорт воситаларини ишлатиш жараёнида бузилиш ва носозликлар пайдо бўлади, улар техник хизмат кўрсатиш (TXK) ва таъмирлаш (T) орқали бартараф этилади.

TXK ва T тизимининг асоси унинг тузилмаси ва меъёрларидан иборат.

TXK нинг асосий вазифаси бузилиш ва носозликларнинг пайдо бўлиши олдини олиш амалларини, T нинг вазифаси эса уларни бартараф этиш амалларини бажариб, автомобилнинг қобилиятини тиклашдан иборат.

TXK режа асосида бузилишнинг олдини олиш мақсадида, мунтазам равишда, белгиланган даврийлик ва иш хажми билан бажариладиган амаллар мажмуудан иборат.

Автомобилларга техник хизмат кўрсатиш ва таъмирлашнинг режавий-огоҳлантирув тизими дунё амалиётидаги қабул қилинган.

TXK ва T тизимининг қўйидаги даражалари белгиланган:

- давлат, тармоқлараро ва тармоқ ичи даражаларидаги тизим меъёрлари ва талаблари мулкчилик шаклидан ва муассасавий бўйсунишидан қатъий назар барча ёки аксарият таъкидланган ташкилотлар учун мажбурий бўлади. Масалан, “Автомобил транспорти ҳаракатдаги таркибида техник хизмат кўрсатиш ва таъмирлаш ҳақидаги Низом” [49], “Автотранспорт корхоналарини технологик лойиҳалашнинг тармоқ меъёрлари” [46] ва бошқалар;

- тармоқ ичи даражасидаги тизимда бирлашмалар, ҳолдинглар, хиссадорлик жамиятлари, транспорт компаниялари эксплуатация хусусиятлари ва тўпланган тажрибалари асосида, режавий-огоҳлантирувчи тизим тамойилларини сақлаган ҳолда “Автомобил транспорти ҳаракатдаги таркибида техник хизмат кўрсатиш ва таъмирлаш ҳақидаги Низоми” меъёрларидан фойдаланиб, ўзлари учун TXK ва T тартиботларини ишлаб чиқадилар.

Бунда шу бирлашмага киравчи корхоналар гурӯхи учун тизим тавсиялари мажбурий бўлади.


Масалан, ўз таркибида илмий тадқиқот институтлари бўлган ёки уларнинг хизматларидан фойдаланган ёки йирик мутахассислар гурӯхига эга бўлган йирик бирикма ва компаниялардан Мосшаҳартранс, Мосавтотранс, АҚШ почта хизмати автотранспорт компанияси, Ангрен “Автонефтранс” корхонаси ва бошқалар ишлаб чиқсан TXK ва T тартиботлари.

Собиқ иттифоқ автомобиль транспортида TXK ва T Низомлари 1943 йилдан бошлаб, амалиётга киритилабошланган.


1943 йилда “Автомобилларга профилактик хизмат кўрсатиш ҳақидаги Низом” тасдиқланган эди. 1947, 1949, 1954, 1963, 1974, 1989-1994 йилларда бу хужжат, автомобиллар конструкцияси такомиллашуви, ишлаш

шароитининг ўзгариши, тўпланган тажрибаларни ҳисобга олган ҳолда такомиллашиб борган.


Низомлардаги ТХК даврийлигининг ошиб бориши ва иш хажмининг камайиши (1.1...1.6 - расмлар) автомобиллар конструкциясининг такомиллашуви автомобиллар техник эксплуатацияси соҳасидан олиб борилган илмий тадқиқот ишларининг амалиётга татбиқ этилиши натижасидир.




2.1-расм. ТХК ва ЖТ Низоми чиққан йиллар бўйича ТХК-1 даврийлигининг ошиб бориши




2.2-расм. ТХК ва ЖТ Низоми чиққан йиллар бўйича ТХК-2 даврийлигининг ошиб бориши




2.3-расм. TXK ва ЖТ Низоми чиққан йиллар бўйича КХК иш ҳажмининг камайиши



2.4-расм. TXK ва ЖТ Низоми чиққан йиллар бўйича TXK-1 иш ҳажмининг камайиши



2.5-расм. TXK ва ЖТ Низоми чиққан йиллар бўйича TXK-2 иш ҳажмининг ўзгариши



2.6-расм. ТХК ва ЖТ Низоми чиққан йиллар бўйича ЖТ иш ҳажмининг камайиши

ТХК ва Т тизимини такомиллаштиришда 1963 йилда автомобилсозлик саноати намоёндаси сифатида собиқ иттифоқнинг машинасозлик ва автомобилаштириш давлат қўмитаси ва автотранспорт соҳаси намоёндаси сифатида собиқ РСФСР автомобил транспорти ва шоссе йўллари вазирлиги томонидан ишлаб чиқилган ва тасдиқланган “Автомобил транспорти ҳаракатдаги таркибига техник хизмат кўрсатиш ва таъмирлаш ҳақидаги Низом” алоҳида босқич бўлиб ҳисобланади. Ишлаб чиқарилаётган ва ишлатилаётган автомобилларнинг амалдаги техник даражаси ва ишончлилиги биринчи марта давлат миёёсида миёёр сифатида тан олинган ва тасдиқланган эди.

1984 йилда собиқ Иттифоқ автомобилсозлик саноати ва собиқ РСФСР автомобил транспорти вазирликлари томонидан янги “Автомобил транспорти ҳаракатдаги таркибига ТХК ва Т ҳақидаги Низом” да автомобил ишлаб чиқарувчилари ва автотранспортчилар томонидан хамкорликда янги автомобиллар даражасини баҳолаш, ишлаш шароитини ҳисобга олган холда автомобиллар техник эксплуатацияси (АТЭ) миёёрларини ресурслар бўйича ва тезкор тўғрлаш масалалари аниқ келтирилган.

Низом икки қисмдан иборат.

Биринчи қисмда ТХК ва Т асослари, тармоқдаги техник сиёsat, ТХК ва Т турлари ва вазифалари, даврийлик, иш ҳажми, автомобил ва агрегатлар ресурси, ТХК ва ЖТ да туриш миёёрлари, ТХК нинг намунавий умумлашган амаллар номлари, эксплуатация шароитини ҳисобга олиш ва миёёрларини тузатиш усулари, ТХК ва Т ни ташкил қилиш бўйича асосий қоидалар келтирилган.

Иккинчи қисмда муайян автомобил русумлари ва модификациялари бўйича миёёрлар, шу жумладан: ТХК ва Т турлари, ТХК даврийлиги, амаллар рўйхати ва иш ҳажми, автомобил ресурси (ёки мукаммал таъмиргача босган йўли), иш ҳажмининг иш турлари бўйича тақсимоти, химмотологик карта ва бошқа кўрсатмалар келтирилган.

Бу Низомда собиқ иттифоқ автомобил заводларида ишлаб чиқарилган автомобиллар учун меъёрлар келтирилган бўлиб, ҳозиргача ўша автомобил русумлари учун амал қиласди.

2.2. Автотранспорт воситалари сервиси тизими ҳақида тушунча

Дунё амалиётида автомобилсозлик компаниялари ўзлари ишлаб чиқарган автомобилларни харидорларга сотиш учун техник хизмат кўрсатувчи, эҳтиёт қисм ва ашёлар билан савдо қилувчи корхоналар мажмуаси бўлмиш автосервис корхоналарини ташкил этганлар. Кейинчалик автомобил паркининг ўсиши билан автомобилсозлик компанияларидан мустақил сервис корхоналари ҳам пайдо бўла бошлаган.

Автосервис корхоналарида автотранспорт воситаларига техник хизмат кўрсатилади, тижорат ишлари амалга оширилади ва мижозлар билан ишланади.

Сервис тизими тузилмаси ва меъёрлари.

Автотранспорт воситаларининг техник шай ҳолда бўлиши автосервис корхоналари томонидан ўз вақтида ўтказиладиган техник хизмат кўрсатиш ва таъмирлаш амаллари орқали тамиланади.

Автосервис ҳам режавий-огоҳлантирувчи тизимга асосланган бўлиб, техник хизмат кўрсатиш ва таъмирлаш тўғрисидаги Низомларда ва автомобилсозлик компанияларининг ўз “Автомобиллардан фойдаланиш бўйича йўриқнома” ва бошқа меъёрий ҳужжатларида ўз аксини топган. Сервис тизими тузилмаси 2.7-расмда келтирилган.

Автомобиллар сервиси 3 та даврга бўлинади:

- сотишолди даври;
- кафолат даври;
- кафолатдан кейинги давр.

Автомобилларга сервис хизмати кўрсатиш автомобилсозлик компанияларининг дистрибутерлари ёки дилерлари томонидан амалга оширилади.

Масалан, “Дженерал Моторс Узбекистан” (қисқача “ДжиЭм Уз”) ёпиқ акциядорлик жамияти томонидан ишлаб чиқарилаётган автомобиллар учун “Кафолат сиёсати ва амаллар бўйича Йўриқнома”сида [52] дистрибутерлар ёки тўғридан-тўғри “ДжиЭм Уз”га бўйсунувчи дилерлар учун қуйидаги асосий кўрсатмалар келтирилган:

- атамалар рўйхати;
- кафолат сиёсати;
- кафолат амаллари мажмуаси;
- янги автомобилларни олиш ва саклаш;
- маҳсулот ҳақида компаниялар маъсулияти;
- маҳсулот ҳақида маълумот.

1.4. Автомобилнинг юриш қисми ҳолатини текшириш ва зарурат туғилганда созлаш:

- шиналардаги хаво босими;
- ғилдиракларни қотирилганлиги;



1. Автомобилларни ювиш,
2. Кафолатли хизмат кўрсатиши,
3. Техник хизмат кўрсатиши,
4. Жорий таъмирлаш,
5. Автомобилларни техник кўрикдан ўтказишга тайёрлаш,
6. Автомобиллар ва эҳтиёт қисмлар сотиш,
7. Техник эксплуатация бўйича маслаҳатлар бериш,
8. Кузовнинг занглашига қарши ишлов бериш,
9. Сотиш олди тайёргарлиги,
10. Ташхислаш,
11. Йўлда техник хизмат кўрсатиши,
12. Агрегатларни мукаммал таъмирлаш.

2.7-расм. Сервис тизими тузилмаси

1.5. Йўл шароитида иш қобилиятини синаш

- ўт олдириш қулфи, эшиқ, капот, юк хона қопқоғи қулфи ва осмалари;
- тормозлар (ишчи ва тўхтаб туриш);
- двигател ва трансмиссия;
- рул бошқармаси;
- олди ва орқа осмалар;
- бурилиш кўрсаткичлари ва ҳалокат хабарлагичлар;
- назорат-ўлчов асбоблари;
- салонни иситиш, шамоллатиш ва хаво алмаштириш;
- орқа ойна иситгичи;
- қўшимча жихозлар;
- шовқин чиқиши;
- ёнилғи мой ва суюқликларнинг томиши.

1.6. Якунловчи назорат.

- кузовга ёпиштирилган кўрсатмаларни олиб ташлаш;
- салонни назорат қилиш ва йиғишириш;
- автомобилни ювиш;
- кузов бўёғи ҳолатини назорат қилиш, зарурат туғилса нуқсонларни бартараф этиш;
- заҳира ғилдирак ва асбоб-ускуналар тўпламини текшириш.

II. Учраган нуқсонларни бартараф этиши.

Сотиш олди хизмати вақтида аниқланган носозликларни маҳкамлаш, созлаш ва майда жорий таъмир амалларини бажариш орқали, кузовнинг капотлар ва эшиклар кирраси бўёқларининг нотекислиги ва чуқур қирилмаган қисмлари майин жилвирлаш ва ялтиратиш амаллари орқали бартараф этилади.

III. Қўшимча бажариладиган ишлар.

Автомобилга қўшимча жихозлар, анжомлар стандарт талаби асосида, конструкцияни ўзгартирмай ўрнатилади. Масалан, автомобилни олиб қочишига қарши қурилмалар, эшик ойналарининг ҳайдовчи салондан чиққанидан сўнг автомат равишда кўтарилишини таъминлайдиган жихозлар, рухсат берилган ташқи безаклар ва бошқалар. Мижоз бажарилган қўшимча ишлар ҳақини тўлайди. Мажбурий ва учраган нуқсонларни бартараф этиш учун эса ҳақни автомобил ишлаб чиқарувчи корхона тўлайди. Собиқ иттифоқ автомобил заводларида чиқарилган енгил автомобилларнинг сотиш олди хизмати иш ҳажми - 3,5 соатни, УзДЭУ автомобиллариники - 0,77 соатни ташкил этган. “ДжиЭм Уз” да чиқарилган автомобиллар учун эса маълумот – “Иш ҳажми бўйича сўровнома”да келтирилган.

Бажарилган ишлар санаси сервис китобчага ёзилади ва ТХКС мухри билан тасдиқланади.

Кафолат даврида сервис хизмат кўрсатиши фаолияти. Автомобил заводининг кафолат мажбуриятлари “Автомобилларга кафолатли техник хизмат кўрсатиш Низоми”да ва унинг сервис китобчасида келтирилган бўлиб, автомобилнинг техник соз ҳолатини таъминлаш бўйича бажариладиган амаллар мажмуасидан иборат.

Автомобил заводлари кафолатли техник хизмат кўрсатиш ва таъмирлаш ишларига катта аҳамият берадилар, чунки бу уларнинг рақобатбардошлиқ кўрсаткичларидан бири бўлиб, дунё бозоридаги мавқейини белгилайди.

Кафолат даври автомобил ишлаб чиқарувчи завод томонидан, ойларда ёки автомобилнинг босиб ўтган масофаси билан белгиланади. Мисол учун, “ДжиЭм Уз” автомобиллари учун кафолат даври 12 ой ёки 20 минг км белгиланиб, улардан қайси бири олдин тугаса, бунда кафолат даври тугаган ҳисобланади. Аммо кафолат даври автомобил заводидан жўнатилган санадан бошлаб 18 ойдан ошмаслиги лозим.

Баъзи ҳорижий автомобил компаниялари кафолат даврини узайтириш орқали ҳаридорларни кўпроқ жалб қилиш сиёсатини ҳам олиб борадилар.

Кафолат даври автомобилнинг “Сервис дафтарчаси”да кўрсатилган сотилган кундан бошлаб ҳисобланади. Агар бу давр ичида автомобил бошқа ҳаридорга сотилса, кафолат даври муддатининг қолган қисми кейинги ҳаридорга ўtkазилади.

Кафолат даврида автомобилга 3 та сервис хизмати (1, 2, 3 талонлар) ўтказиш мўлжалланган бўлиб, талон №1 бўйича амаллар автомобил 2-3 минг км йўл босгандан бепул ўтказилади, фақат сарф бўлган материаллар (мой, фильтр) учун ҳақ тўланади.

“UZ-DAEWOO AUTO” автомобилларига бепул хизматнинг қуйидаги амалларини бажариш тавсия этилган:

1. Двигател бўлимида:
 - ўт олдиришни текшириш ва созлаш;
 - двигателнинг салт ишлаши текшириш ва созлаш;
 - таъминот тизимини текшириш;
 - тасмаларнинг таранглигини текшириш ва созлаш;
 - двигател мойи ва мой фильтрини алмаштириш, мой сатхини текшириш ва меъёрига келтириш;
 - тормоз суюклиги сатхини текшириш ва зарурат туғилса меъёргача тўлдириш;
 - совутиш тизими суюклигининг сатхини ва тизим жислигини текшириш, зарурат туғилса суюқликни меъёргача тўлдириш;
 - аккумулятор батареясининг зарядланганлик даражасини назорат қилиш, зарурат бўлса созлаш;
 - гидротизим қувурлари бирикмаларини назорат қилиш ва қотириш;
 - эшик ва капот қулфлари ишлашини текшириш;
 - ҳаво фильтри элементини назорат қилиш ва зарурат туғилса тозалаш;
 - цилиндрлар блоки каллагининг болтлари тортилганлигини назорат қилиш ва зарурут туғилса, меъёригача маҳкамлаш;
2. Юриш қисми ва трансмиссияда:
 - олди ва орқа осмаларнинг иш қобилиятини текшириш;
 - механик ёки автомат узатма қутисининг мой сатхини текшириш;
 - улашиш муфтаси тепкисининг эркин юриш йўлини текшириш ва созлаш;
 - тормоз тизими иш қобилиятини текшириш;

- филдираклар ҳолати, қотирилганлигини ва шинадаги ҳаво босимини текшириш;

- филдирак гупчаклари подшипникларининг шовқинсиз ишлишини текшириш;

- фараларнинг ёруғлик нурини йўналишини текшириш ва созлаш;

- рул чамбараги эркин юриш йўлини текшириш.

3. Йўл шароитида синаш:

- двигател, трансмиссия ва бошқарув тизимларини автомобил ҳаракати жараёнида текшириш;

- шовқин чиқиши, ёнилғи-мой ва суюқликларнинг томишини текшириш.

Қолган сервис хизматлари 10 ва 20 минг км юргандан кейин бажарилади ва улар учун автомобил эгаси тўла ҳисоб-китоб қиласди.

“ДжиЭм Уз” автомобиллари учун кафолат даврида навбатдаги техник хизмат кўрсатиш даврийлиги меъёрда белгилангандан 250 кмдан ёки 7 кундан ошмаслиги лозим.

Кафолат даврида ўтказиладиган техник хизмат кўрсатишнинг профилактик ишларидан ташқари агрегат, тизим ва узелларни техник ҳолати ҳам текширилади, учраган носозликлар бартараф этилади. Бу носозликларни бартараф этиш кафолатли таъмирлаш йўли билан бажарилади.

Автомобил ишлаб чиқарувчи завод томонидан белгиланган эксплуатация қоидалари бузилмаган тақдирда кафолатли таъмирлаш завод ҳисобидан, акс ҳолда мижоз ҳисобидан амалга оширилади. Қуйидаги ҳолларда кафолат берилмайди:

а) Агар детал, узел ёки агрегатдаги носозлик ва нуксонлар ишлаб чиқарувчининг айби билан юз бермай, балки:

- автомобил ҳалокатга учраганда;

- эксплуатация Йўриқномаси талаблари бузилган ҳолларда;

- техник хизмат кўрсатиш даврийлиги ва иш хажми меъёрида бажарилмаган ҳолларда;

- ишлаб чиқарувчи фирманинг ваколати берилмаган шахс томонидан детал, узел ва агрегатларни таъмирлаш ва алмаштириш ишлари амалга оширилган ҳолларда;

- ишлаб чиқарувчи фирма томонидан тавсия этилмаган ёнилғи-мой маҳсулотларидан фойдаланилган ҳолларда;

- ишлаб чиқарувчи фирма автомобили конструкциясига ўзгартириш киритилганда ёки завод спецификациясида келтирилмаган деталлар ўрнатилган ҳолларда;

- атроф мухит таъсири (довул, тошқин, дўл, жала, яшин ва бошқалар) натижасида ҳосил бўлган бузилишлар содир бўлган ҳолларда.

б) Транспорт воситасининг меъёрий едирилиш жараёнида иш қобилиятини йўқотган қуйидаги деталь ва узелларига: фильтрлар, тормоз калодкалари, узатиш тасмалари, ўт олдириш шамлари, илашиш муфтаси диски, ойна, ойна тозалагичи, ўт олдириш контактлари, конденсаторлар, сальниклар, двигател таянчидан ташқари резина-техник буюмларига.

в) Даврий хизмат кўрсатиш таркибига киритилган тозалаш-ювиш, ёнилғи-мой билан тўлдириш, назорат-созлаш ва қотириш каби ишларини бажаришга.

г) Спидометр алмаштирилганда ёки ҳақиқий босиб ўтилган мосафа қийматини аниқлаб бўлмагандан.

Кафолатдан кейинги даврда сервис хизмат кўрсатиш фаолияти. Кафолатдан кейинги даврда сервис хизмат кўрсатиш амалдаги автомобилларга хизмат кўрсатиш ва таъмирлаш ҳақидаги Низом ва бошқа раҳбарий ва меъёрий техник талаблар асосида амалга оширилади.

Икки босқичлик техник хизмат кўрсатиш (ТХК-1 ва ТХК-2) кўзда тутилган юк автомобиллари ва автобуслар “Автомобил транспорти харакатдаги таркибига техник хизмат кўрсатиш ва таъмирлаш ҳақидаги Низом” асосида кафолатдан кейинги даврда техник хизмат амалларини кўрсатилган даврийликда ўтадилар.

Кўп босқичлик (уч ва ундан ортиқ) сервис хизмат кўрсатиш кўзда тутилган юк автомобиллари ва автобуслар завод раҳбарий Йўриқномасида кўрсатилган даврийликда белгиланган амалларни ўтадилар. Масалан: Мерседес-Бенц – О 405 автобуси Тошкент шахри шароитида 15 000 км (СХ-15 000), 30 000 км (СХ-30000), 45 000 км (СХ-45 000) ва 90 000 км (СХ-90 000) даврийликда келтирган амаллар бўйича сервис хизматидан ўтадилар.

Бир босқичлик техник хизмат кўрсатиш (Сервис хизмати) кўзда тутилган енгил автомобиллар “Фуқаролар автомобилларига техник хизмат кўрсатиш ва таъмирлаш ҳақидаги Низом” ҳамда автозаводлар томонидан ишлаб чиқарилган “Автомобиллардан фойдаланиш бўйича йўриқнома”, “Автомобил сервис китобчаси” асосида сервис хизмат кўрсатиш амалларини ўтадилар.

Фирмавий техник хизмат кўрсатиш, одатда, ўзгармас даврийлик билан ўтказилиши режалаштирилади ва унинг даврийлиги ривожланган мамлакатларда шахсий енгил автомобилларнинг ўртача юрган йўли – 15 минг км.га тенглаштирилади. (ВАЗ-2110, 2112, Вольво-400, 700, 900, Мацда 626, KJA Motors-Spectra, Rio, Magentis Sportage, Carnival ва бошқ.).

Оғир эксплуатация шароити учун “Мазда” автомобили ТХК даврийлиги 1,5 марта қисқартирилиши (10 минг км) тавсия этилади.

Иссик иқлим шароитида “ВАЗ”, “Нексия” ва бошқа русумли автомобиллар учун ҳам ТХК даврийлиги қилиб 10 минг км тавсия қилинади.

Сервис хизмат кўрсатиш амаллари “Автомобилларга техник хизмат кўрсатиш бўйича йўриқнома”нинг “Техник хизмат кўрсатиш регламенти” бўлимида келтирилган.

Ҳар хил енгил автомобилларнинг техник хизмат кўрсатиш регламенти солиширилганда (2.1-жадвал) уларнинг даврийлиги 10 минг км ни ташкил этиб, амаллар сони 20 дан 35 гачан бўлиб, шу жумладан алмаштириладиган деталлар сони 2 дан 10 гачан ташкил этилиши кўрилган.

Uz-DEAWOO ҳамда “ДжиЭм Уз” автомобилларида бажариладиган амаллар сони ва даврийлиги.

Дарийлик, км (х 1000)	Автомобиллар тури			
	Дамас Uz-DEAWOO	Дамас “ДжиЭм Уз”	Нексия “ДжиЭм Уз”	Ласетти “ДжиЭм Уз”
	Бажариладиган амаллар сони/ шу жумладан деталлар алмаштирилайдиганлари			
10	21/3	22/2	22/3	25/4
20	31/4	32/5	29/5	26/4
30	21/3	22/3	25/4	29/5
40	35/7	35/9	31/7	27/6
50	21/3	22/3	24/3	25/4
60	30/4	32/5	30/9	30/7
70	21/3	22/3	24/3	25/4
80	34/7	35/10	31/7	27/6
90	-	22/3	25/4	29/5
100	-	31/6	29/6	26/5

Баъзи хорижий автомобиллар (Peugeot-206, Renault Megane, Skoda Oktavia) учун эса, 120 минг км йўл босиб ўтганда ўtkазиладиган сервис хизмат кўрсатишлар сони ва алмаштирилайдиган 5-10 та детал, узел ва автоэксплуатацион суюқликлари номлари келтирилган.

Мисол тариқасида 2.2-жадвалда “Ласетти” автомобилининг техник хизмат кўрсатиш регламенти келтирилган.

Ундан кўринадики, назорат амаллари умумий амалларининг 80-85 фоизини, ижрочилик амаллари (детал, узел ва автоэксплуатацион материалларни алмаштириш) 15-20 фоизини ташкил этади.

Шахсий автомобил эгалари кафолатдан кейинги даврда сервис хизмат кўрсатиш бўйича даврийлик ва амалларни ҳамда иш ҳажмларини ўз ҳоҳишлири бўйича танлаб олишлари мумкин, аммо кўпчилик ҳолларда улар регламент тавсияларига риоя қиласидар.

Баъзи заводлар автомобил ёшига қараб иш ҳажмининг ошишини кўзда тутади. Масалан, ВАЗ да иш ҳажмини 5-8 йил ишлаш давомийлигига – 10 %, 8 йилдан ортиғида – 20 % ошириш тавсия қилинади.

Автомобиллар сервиси бўйича ТХК ва ЖТ меъёрлари “Фукаролар автомобилларига ТХК ва Т ҳақидаги Низомда келтирилган, аммо унда ҳар қайси автомобил бўйича иш ҳажмлари кўрсатиб ўтилмаган”. Автомобилсозлик фирмалари автосервис иш ҳажми меъёрларини мижозларга кўп ҳам маълум қилавермайдилар ТХК бўйича иш ҳажми меъёрлари автомобил маркалари бўйича айрим маълумотларда келтирилган “УзДЭУ авто” нинг чиқарган автомобиллари бўйича маълумотлар “УзДЭУ авто ҳиссадорлик жамиятининг Нексия, Тико, Дамас, Матиз, Ласетти автомобилларида техник хизмат кўрсатиш ва таъмирлаш вақт меъёрлари”да [56] берилган. Қуйидаги (2.3 жадвалда Россиянинг ВАЗ, Япониянинг Тоёта

«CHEVROLET LACETTI» автомобилига техник хизмат күрсатиши регламенти

Хизмат күрсатиши даврийлиги автомобил босиб ўтган масофа ёки хизмат муддати бўйича аниқланади.	Масофа, км (x 1000)	2	10	20	30	40	50	60	70	80	90	100
	Хизмат муддати, ой	3	6	12	18	24	30	36	42	48	54	60

ДВИГАТЕЛ

Узатувчи тасмалар (генератор, компрессор ва гидрокучайтиргич)	I			I			I			I		
Мотор мойи ва фильтри (1) (3)	R	R	R	R	R	R	R	R	R	R	R	R
Совитиш тизими (шланглар ва бирокмалар)	I	I	I	I	I	I	I	I	I	I	I	I
Совитиш тизими суюқлиги (3)	I	I	I	I	R	I	I	I	R	I	I	I
Ёнилғи фильтри (1) (3)	I	R	R	R	R	R	R	R	R	R	R	R
Ёнилғи насосининг фильтри (1) (3)	I	R	R	R	R	R	R	R	R	R	R	R
Ёнилғи қувурлари ва бирокмалар	I		I		I		I		I		I	
Хаво фильтри (2)	I	I	I	I	R	I	I	I	R	I	I	I
Ўт олдириш чақмоқлари				I			R			I		
Юқори кучланиш ўтказгичлари	Ҳар 96 000 кмда алмаштириш											
Ёнилғи буғини ютгич, қувурўтказгич ва клапан фильтри					I				I			
Картерни шамоллатиш тизими				I				I			I	
Тишли тасма				I			R			I		
Ёнган газларни чиқариш тизими ва унинг маҳкамланиши		I	I	I	I	I	I	I	I	I	I	I

Изоҳ: I - текшириш, зарурат бўлса созлаш, таъмирлаш, тозалаш ёки алмаштириш. R - алмаштириш.

- (1) Автомобилдан оғир шароитларда эксплуатация қилинганда (қисқа масофада қатнаш, двигател узоқ вақт давомида салт ҳолатида ишлаши ёки чангли жойда эксплуатация қилиниши, **-30°C** дан қуийи ҳароратда эксплуатация қилиниши, сифатсиз ёнилғидан фойдаланилганда) олдин содир бўлишига қараб **5000 км** ёки **3 ойда** алмаштириш амалга оширилади.
- (2) Автомобил чангли шароитда эксплуатация қилинганда унга қисқароқ мудатда техник хизмат кўрсатиши талаб қилинади. (3) Химмотологик картага қаранг

2.2-жадвал давоми

Хизмат кўрсатиш даврийлиги автомобил босиб ўтган масофа ёки хизмат муддати бўйича аниқланади.	Масофа, Км (х 1000)	2	10	20	30	40	50	60	70	80	90	100
	Хизмат муддати, ой	3	6	12	18	24	30	36	42	48	54	60

КУЗОВ, ЮРИШ ҚИСМИ, ТРАНСМИССИЯ ВА БОШҚАРИШ ТИЗИМИ

Автомобил салонининг ҳаво фильтри	(2)	R	R	R	R	R	R	R	R	R	R	R
Тормоз гидроюритмаси /илашиш муфтаси суюклиги (3)(4)	I	I	I	R	I	I	R	I	I	R	I	I
Олдинги тормоз механизми диски ва колодкаси	(5)	I	I	I	I	I	I	I	I	I	I	I
Орқа тормоз механизми диски, барабани ва колодкаси (5)		I	I	I	R	I	I	I	R	I	I	I
Тўхтаб тургандаги тормоз (қўл тормози)		I	I	I	I	I	I	I	I	I	I	I
Тормоз тизими ва ҳаво сийракланишини кучайтиргичи		I	I	I	I	I	I	I	I	I	I	I
Узатмалар қутиси мойи		I	I	I	I	I	I	I	I	I	I	I
Юриш қисми ва кузов болт/гайкалари махкамланганлиги		I	I	I	I	I	I	I	I	I	I	I
Автоматик узатмалар қутиси мойи	(3) (6)	I	I	I	I	I	I	I	I	I	I	I
Шиналар ҳолати ва уларнинг босими		Ҳар 5 000 км да текшириш										
Филдиракни қайта ўрнатиш		Ҳар 5 000 км да филдиракни қайта ўрнатиш										
Филдиракни ўрнатиш бурчаги	(7)	Шинанинг нормал едирилмаслиги ва уводида текшириш										
Рул бошқармаси		I	I	I	I	I	I	I	I	I	I	I
Рул бошқармаси гидрокучайтиргичи ва қувурўтказгичлар	(3)	I	I	I	I	I	I	I	I	I	I	I
Ярим ўқ юритмаси чангушлагичи		I	I	I	I	I	I	I	I	I	I	I

2.2-жадвал давоми

Хизмат күрсатиш даврийлиги автомобил босиб ўтган масофа ёки хизмат муддати бўйича аниқланади.	Масофа, Км (x 1000)	2	10	20	30	40	50	60	70	80	90	100
	Хизмат муддати, ой	3	6	12	18	24	30	36	42	48	54	60

КУЗОВ, ЮРИШ ҚИСМИ, ТРАНСМИССИЯ ВА БОШҚАРИШ ТИЗИМИ (давоми)

Хавфсизлик тасмаси кузовга қотириш узеллари		I	I	I	I	I	I	I	I	I	I	I
Кулфлар, ошиқ-мошиқлар, фиксаторлар ва капот қулфлари	I	I	I	I	I	I	I	I	I	I	I	I
Автомобилни назорат учун хайдаш	Хар бир ҳизмат күрсатишдан кейин ўтказилади											

Белгилар:

I - текшириш, зарурат бўлса созлаш, таъмирлаш, тозалаш ёки алмаштириш.

R - алмаштириш.

(2) Автомобил чангли шароитда эксплуатация қилганда унга қисқароқ мудатда техник хизмат күрсатиш талаб қилинади.

(3) Химмотологик харитага қаранг

(4) Гидроузатма (тормоз/илашиш муфтаси) суюқлиги ҳар 15 000 км да алмаштирилади, агар автомобиль қуидаги оғир шароитларда ишласа:

- автомобиль тоғли ёки тепаликли жойда бошқарилса;
- тез-тез тиркама шатакка олинса.

(5) Автомобил оғир шароитда эксплуатация қилинганда унга қисқароқ мудатда техник хизмат күрсатиш талаб қилинади: қисқа масофада қатнаганда, узок вақт туриб қолганда, чангли жойда эксплуатация қилинганда ва шаҳар шароитда тез-тез тўхтаб ишлаганди.

(6) 1.8 DOHC русуми (ZF 4HP16 автоматик узатмалар қутиси):

Автомобилдан оғир шароитларда фойдаланилганда автомат узатмалар қутиси мойи ҳар **60 000 км** да алмаштирилади:

- атроф-мухит ҳарорати **90°C** ёки ундан юқори тоғли шароитда, ёки
- тоғли ёки тепаликли жойда, ёки
- тез-тез тиркама шатакка олинса, ёки
- автомобильдан такси, милиция машинаси сифатида ёки юк ташишда фойдаланилганда.

(7) Агар зарур бўлса, ғилдирак қайта ўрнатилади ёки мувозанатланади.

ва УзДЭУ автомобилларининг ТХК иш ҳажмлари берилган).

Завод тавсияларида одатда, жорий таъмир иш ҳажмлари кўрсатилмайди. Бу эса, автомобиллар ишончлилиги умумий баҳосини (ТХК ва ЖТ меъёрлари), ишлаб чиқариш минтақаларидаги постларни, устахоналарнинг технологик ҳисобини қийинлаштиради.

Фирмавий автосервисда техник хужжатларнинг бут эмаслиги (айниқса автомобил эгаларига етказилмаслиги), ишлаш шароити ҳисобининг сустлиги, жорий таъмир иш ҳажмининг йўқлиги бу тизимнинг камчилиги ҳисобланади.

2.3. Автосервиснинг меъёрий хужжатлари

Автомобиллар сервисида қуидаги меъёрий хужжатлар мавжуд:

Автотранспорт воситаларига техник хизмат кўрсатиш ва таъмирлаш бўйича қатор давлат стандартлари ишлаб чиқилган.

Ўзбекистон Республикасининг O'zDSt 1049:2003 стандартида автотранспорт воситаларига техник хизмат кўрсатиш ва таъмирлаш бўйича умумий талаблар келтирилган.

Ушбу стандарт автомотранспорт воситаларига техник хизмат кўрсатиш ва таъмирлаш бўйича хизмат кўрсатишга бўлган умумий талабларни ўрнатади, белгиланган муддатларда ва етарли сифатли хизматларга фойдаланишга, хизматлар ва уларни бажарувчилар ҳақида маълумотларни олишга фойдаланувчиларнинг хукуқларини ўрнатади. Буюртмаларни қабул қилиш ва расмийлаштириш, фойдаланувчилар билан ҳисоб китоб қилиш қоидаларини белгилайди, бажарувчиларнинг ва фойдаланувчиларнинг вазифаларини ва мулкий жавобгарлигини ўрнатади.

Унда кўрсатилаётган хизматларнинг сифати мажбурий талабларига жавоб бериши лозим бўлган 20 дан ортиқ давлат стандартлар ва уларнинг номлари келтирилган.

2.3-жадвал

УзДЭУ ва хорижий автомобилларининг сервис хизмат кўрсатиш даврийлиги ва ТХК иш ҳажмлари ҳақида маълумот

Даврий-лик, минг км	Иш ҳажми, ишчи-соат										
	LC Pra do	Toyota Camry 2,4	Corolla	Tic o	Da mas	Nex ia-S	Nex ia-D	Ваз-2110	Мат из-1	Мат из-2	Ла сетти
10000	2.0	1.2	1.2	2.0	2.1	2.2	2.2	2.71	2.2	2.2	2.5
20000	3.6	2.2	2.2	2.7	2.9	2.9	3.1	5.85	2.75	2.7	3.4
30000	2.0	1.2	1.2	2.2	2.5	2.4	2.8	4.69	2.4	2.4	2.9
40000	7.1	5.0	5.0	2.9	3.0	3.4	3.6	6.85	3.30	3.2	4.0
50000	2.0	1.2	1.2	2.2	2.5	2.4	2.8	3.88	2.4	2.4	2.9
60000	3.6	2.2	2.2	2.9	3.0	3.7	3.9	7.74	3.60	3.0	4.4
70000	2.0	1.2	1.2	2.2	2.5	2.4	2.8	2.8	2.4	2.4	2.9
80000	7.1	5.6	5.6	4.1	4.2	4.4	4.6	2.71	4.50	4.2	5.0
90000	2.0	1.2	1.2	2.2	2.5	2.4	2.8	5.85	3.0	3.0	2.9
100000	6.6	2.2	2.2	2.7	2.8	2.9	3.1	4.69	2.75	2.7	3.4

Автосервис тармоги бўйича ишлаб чиқилган қуидаги Низомлар асосида сервис хизмати амалга оширлмоқда:

- “Автомобил транспорти харакатдаги таркибига техник хизмат кўрсатиш ва таъмирлаш ҳақидаги Низом”;
- “Фуқаролар автомобилларга техник хизмат кўрсатиш ва таъмирлаш ҳақидаги Низом”;
- “Автомобилларга кафолатли техник хизмат кўрсатиш тўғрисида Низом”;
- “«Ўзавтотеххизмат» ҳиссадорлик жамияти корхоналарида енгил автомобилларга техник хизмат кўрсатиш ва таъмирлаш тўғрисидаги Низом” ва бошқалар.

Автомобилсозлик компаниялари томонидан ишлаб чиқилган ва амалиётда қўлланилаётган қуидаги меъёрий ҳужжатларни келтириш мумкин;

- автомобилларнинг хар қайси маркалари бўйича “Техник хизмат кўрсатиш ва таъмирлаш бўйича завод раҳбарий Йўриқномаси”;
- “Автомобилларни эксплуатация қилиш бўйича Йўриқнома”;
- “Автосервис ишлаб чиқаришни ташкил этиш Йўриқномаси”;
- “УзДЭУ авто” ҳиссадорлик жамиятининг Нексия, Тико, Дамас, Матиз, Ласетти автомобилларига техник хизмат кўрсатиш ва таъмирлаш вақт меъёрлари;
- GM Uz компаниясининг сервис хизмат кўрсатиш амаллари бўйича иш ҳажмлари маълумотномаси;
- “Автомобилнинг сервис китобчаси”;
- “Эҳтиёт қисмлар каталоги” ва бошқалар.

Автосервис корхоналари фаолияти бўйича қуидаги меъёрий ҳужжатларни келтириши мумкин:

- “АТХКСда енгил автомобилларга техник хизмат кўрсатиш ва таъмирлаш хизматларини кўрсатиш ҳақидаги Низом”;
- “Бажарилган хизматлар, эҳтиёт қисмлар ва материаллар нархномалари (прайскурантлари)”;
- “Таъмирланадиган деталлар, узеллар ва агрегатларни мижозлардан қабул қилиш ва улардан автомобилларни таъмирлашда фойдаланиш ва хисоб-китоб қилиш тўғрисидаги Низом”;
- “Автотеххизмат корхоналарида енгил автомобиллар кузовлари ва кузов деталларини таъмирлашга қабул қилиш, таъмирлаш ва эгасига топшириш ҳақида техник талаблар” ва бошқалар.

2.4. Фирма усулидаги автосервис тўғрисида тушунча ва унинг соҳадаги етакчи ўрни

Фирма усулида хизмат кўрсатиш – бу автомобил ишлаб чиқарувчи фирманинг ўз автомобилларига техник хизмат кўрсатиш ва таъмирлаш ишларини амалга оширишdir. Бу усулда хизмат кўрсатилганда қуидаги тадбирлар тўлиқ бажарилиши лозим:

- ҳар бир фирма ўз автомобилларига сервис хизмат кўрсатишни ташкил этади;
- сервис автомобилнинг қаерда сотилишидан қатъий назар ташкил этилади;
- сервис тўлиқ шаклда, яъни сотиш, техник хизмат кўрсатиш ва таъмирлашнинг барча турлари, эҳтиёт қисмлар ва автоэксплуатацион материаллар билан таъминлаш амалга оширилади;
- фирма усулида ишловчи барча сервис корхоналари ўз фирмалари томонидан технологик жихозлар, техник хужжатлар, меъёрий хужжатлар ва кўрсатмалар билан тўла таъминланади;
- фирма ўз сервис корхоналари учун кадрлар ва мутахассисларни тайёрлайди ва уларнинг малакасини мунтазам ошириб боради.

Ҳар қайси автомобил ишлаб чиқарувчи фирма ёки компания ўз автомобилларини сотиш ва уларга сервис хизмати кўрсатиш учун “Дилер” ёки “Дистрибьютор” билан савдо шартномаси тузади.

Дунё автосервиси амалиётида автомобилларга фирма усулида хизмат кўрсатишнинг қуидаги шакллари мавжуд:

- автомобилсозлик компаниялари ўз фирмалари орқали сервис хизматини ташкил этиш;
- шартнома асосида ишловчи асосий соҳаси бошқа бўлган фирмалар ёрдамида сервис хизматини ташкил этиш (АЁҚШ эгалари—“Бритиш Петролеум”, “Шел”, “Эссо”, сұғурта компаниялари ва ҳокозолар);
- ихтисослашган олиб сотувчи фирмаларнинг маҳсус тайёргарликдан ўтган мутахассислари томонидан сервис хизматини ташкил этиш (“Тоёта” Япония ва бошқалар);
- автомобиллар сотувчи агентлар томонидан сервис хизмат кўрсатишни ташкил этиш (“Рено” Франция, “Фиат” Италия);
- автомобилларнинг айрим қисмлари ва тизимларини ишлаб чиқарувчи фирмалар ташкил этган сервисдан фойдаланиш. Масалан, АҚШда дизел-мотор ишлаб чиқарувчи фирмалар “Катерпиллер”, “Камминс”, Германияда “Раба Ман”, “Порше”, Россияда “Русский дизель” ва ҳокозо.

Амалда автомобилсозлик компаниялари фирма усулида хизматни ташкил этишининг бир ёки бир неча вариантлардан иборат комбинацияларни кўллайдилар. Масалан, Франциянинг “Рено” фирмасига қарашли автомобилларга фирма усулида хизмат кўрсатувчи тармоқларда 13 минг атрофида “Дилерлар” фаолият кўрсатади, Италиянинг “Фиат” компаниясида эса, уларнинг сони 11 мингни ташкил этади.

Ўзбекистонда ҳам фирма усулида хизмат кўрсатиш шаклланган ва охирги вақтда тез суратлар билан ривожланиб бормоқда:

- собиқ иттифоқ автомобил заводларининг “АвтоВАЗ” “АвтоЗАЗ”, “Москвич”, “АвтоГАЗ”, “КамАЗ” сервис хизмат кўрсатиш марказлари ва бошқалар;
- хорижий автомобил компанияларининг “Тоёта”, “Мерседес-Бенц”, “Хундай” ва бошқа фирмаларнинг сервис хизмат кўрсатиш станциялари;

- Ўзбекистонда ишлаб чиқарилаётган “УзОтойўл”, “Исузи”, “УзДЭУ авто”, “ДжиЭм Уз” компанияларининг сервис хизмат кўрсатиш марказлари. “УзДЭУ авто” ҳиссадорлик жамиятининг Ўзбекистон ички бозорида 45 та кафолатли хизмат кўрсатувчи дилерлари, ташқи бозорда эса 19 та минтақавий корхоналари мавжуд бўлиб, “ДжиЭм Уз” ёпиқ ҳиссадорлик жамияти ташкил бўлгандан сўнг ички бозордаги дилерлар сони 2008 йилда яна 2 тага ортган. Ички бозордаги энг катта дилерларнинг 17 таси “Автотеххизмат” ҳиссадорлик жамиятияга бирлашган.

“ДжиЭм Уз” нинг ички бозорда дилер корхоналарини танлаш мезонларида [27] давогарларга қуидаги талаблар кўйилган:

1. Корхонанинг юридик мақоми бўйича талаблар. Унда мулкчилик шаклидан қатъий назар корхона “юридик шахс” мақомига эга бўлган, Ўзбекистон Республикаси резиденти бўлиб, мустақил хўжалик юритувчи корхона бўлиши лозимлиги кўрсатиб ўтилган.

2. Корхонанинг ишлаб чиқариш техника имкониятига талабларда қуидаги асосий ҳоллар кўрсатилган:

- асосий фаолият сифатида автосервис хизмати кўрсатиш соҳасида 5 йилдан кам бўлмаган тажрибага эга бўлиш;

- шахсий айланма маблағлар 500 млн. сўмдан кам бўлмаслиги;

- охирги 12 ой давомида корхонанинг ойлик товар айланмаси 100 млн. сўмдан кам бўлмаслиги;

- техник хизмат кўрсатиш бўйича пуллик хизматлар ҳажми умумий товар айланмаси ҳажмининг 10 % дан кам бўлмаслиги;

- автосалоннинг намойишлар зали (ихтисослашган автомагазин) ва “ДжиЭм Уз” ЁХЖ нинг автомобиллари ва эҳтиёт қисмларини сотишга мўлжалланган маҳсус шахсий майдонлари бўлишлиги.

3. Автосалон (автомарказ) қурилишига талабларда қуидагилар таъкидланган:

- автосалонни қуришда “ДжиЭм Узбекистан” томонидан тасдиқланган, “Chevrolet” талаблари асосида яратилган қурилиш режаси дастури амал қилиб олиниши лозимлиги (2.11, 2.12-расмлар);



2.11-расм. “Шевролет” автосалонинг ташқи кўриниши.



2.12-расм. “Шевролет” автосалонинг намойишлар зали

- автосалоннинг сотиши биноларига бўлган 8 банддан иборат талаблар келтирилиб, унда бино ва иншоатларнинг ўзаро ўрнашиши, таркиби, жихозланишлари ва 4 постли техник хизмат кўрсатиш станциясининг ишлаб чиқариш базаси ва малакали сервис хизмат кўрсатувчи мутахассислар бўлиши лозимлиги.

4. Намойишлар зали, автомобиллар сақлаш жойи, ахборот алоқа воситалари ва автосалон ходимларига талабларда қуидаги асосий ҳоллар келтирилган:

- дилер “Шевролет” томонидан тасдиқланган брендлар мажмуи (савдо белгиси, логотиплар, кўрсаткичлар ва бошқалар) ишлатилиши ва мебеллар танланиши, бинонинг ичи расмийлаштирилиши;

- мижозлар учун қабулхонанинг ва кутиш хоналарининг жихозланиши;

- эҳтиёт қисм ва аксессуарлар сақлаш ва уларни сотиши учун майдон ажратилиши;

- дилер “Шевролет” томонидан тавсия этилган ахборот алоқа воситалари ва дастурларидан фойдаланиши ва дастурларнинг ҳимоясини кафолатлаши;

- дилер камида 2 та “ДжиЭм Узбекистан” ЁҲЖда сервис хизмати кўрсатиш бўйича ўқитилган мутахассис ва сотиладига автомобиллар сонига кўра 1 та ёки 2 та савдо маслаҳатчисини ишга олиши;

- автомобилларни сақлаш учун қаттиқ қопламали маҳсус жойлар ажратилган бўлиши.

Ўзбекистонда фирма усулида автосервисни ташкил этиш тажрибаси ва келажаги

Республикамида автосервиснинг пайдо бўлишига асосий туртки, аҳоли шахсий автомобиллар сонининг ўсиши бўлган.

1960 йилга қадар шахсий автомобиллар сони кам бўлган ва факат аҳолига хизмат қилувчи енгил автомобиллардан иборат бўлган. Уларга хизмат кўрсатиш автомобил эгаларининг муаммолари бўлиб, сони жуда кам

бўлган хизмат кўрсатиш корхоналарида ва жамоат транспорти корхоналарининг усталари ишдан бўш вақтида амалга оширилар эди.

1969 йилда Ўзбекистон ҳукуматининг “Фуқоролар транспорт воситаларида техник хизмат кўрсатиш ва таъмирлашни яхшилаш чоралари” тўғрисидаги қарорига асосан Ўзбекистон аҳолисига майший хизмат кўрсатиш вазирлиги таркибида “Узавтотеххизмат” бош бошқармаси ташкил қилиниб, унинг қарамоғига Ўзбекистон Республикаси автомобил транспорти вазирлигининг Намангандаги автотаъмирлаш заводи, туман ва шаҳар ижроия қўмиталари тасарруфидаги 4 та техник хизмат кўрсатиш станцияси, 7 та автомобил ювиш пункти, 48 та автомашина, мотоцикл ва мотороллер таъмирловчи устахоналар берилган.

Қарорда автосервиснинг ишлаб чиққариш базасини ривожлантириш, шаҳарларда йирик, қишлоқларда йўл ёқаларида автомобилларга техник хизмат кўрсатиш станциялари, ёнилғи қуиши шаҳобчалари, автомобил ювиш пунктлари, мотеллар ва бошқа обьектларни қуриш бўйича аниқ чоралар келтирилган эди ва улар амалга оширилабошланди.

Автосервис мустақил хизмат кўрсатиш соҳаси сифатида ривожланабошлади.

Ўзбекистонда шахсий автомобиллар сони кескин ўсиб бориши натижасида автосервис ишлаб чиққариш базаси ҳам тезкор ривожланабошлади. Мавжуд ишлаб турган автосервис корхонлари қаторига 1974 йилдан бошлаб, автозаводларга қарашли **фирма усулида** сервис хизмати кўрсатувчи “АвтоВАЗтеххизмат”, “КамАЗавтотеххизмат”, “АвтоЗАЗхизмат”, “Москвичавтотеххизмат” ва бошқа корхоналар фаолият кўрсата бошладилар. Кейинги даврда автосервис корхоналари тармоқлари ва таркибининг янада ўсиши улар моддий техника базасининг янада мустаҳкамланиши, ширкат корхоналарининг ва фирма усулида ишловчи сервис корхоналарининг ташкил этилиши натижасида бўлди.

Техник хизмат кўрсатиш станциялари, маҳсус автомобказлар ва устахоналарнинг умумий сони фақат “Узавтотеххизмат” бошқармаси таркибида 1991 йил январида 282 корхонани ташкил этди, улардаги ишчи постлари сони 1152 тага етди.

Фирма усулида хизмат кўрсатувчи “АвтоВАЗтеххизмат”, “Москвичавтотеххизмат”, “АвтоЗАЗхизмат”, “АвтоГАЗтеххизмат” ларнинг 50 та корхоналарида ишчи постлари сони 408 тага етди [16].

Ўзбекистон Республикаси мустақилликка эришгандан сўнг, бозор иқтисодиёти тизимиға ўтиши муносабати билан эски иқтисодий алоқалар ўзгарди, янгилари шаклланди, автомобилсозлик саноати яратилди, улар ишлаб чиқарган маҳсулотлар билан савдо қилувчи ва автомобилларга хизмат кўрсатувчи автомобказлар ва дилер станциялари ишга туширилди, автосервиснинг фирма усулида хизмат кўрсатиш шакли янада ривожланди.

Пайдо бўлган кичик ва қўшма корхоналар, фирмалар ўз транспорт воситаларида техник хизмат кўрсатиш ва таъмирлаш бўйича автосервис корхоналарида мурожат қилабошладилар. Иккинчи томондан мавжуд автотранспорт корхоналари ўз ишлаб чиқариш биноларида ва худудларида

автомобилларга техник хизмат кўрсатиш ва таъмирлаш бўйича сервис хизмати кўрсатишни ташкил этабошладилар, ёнилғи қуиши шаҳобчалари ва катта автомобил сақлаш биноларида ҳам техник хизмат ва таъмирлашнинг айрим ишлари (ювиш, шина таъмирлаш, мой алмаштириш, электротехник ишлари ва бошқалар) амалга оширила бошланди. Бундан ташқари кичик ва оиласвий бизнес шаклида ишловчи кўпдан-кўп хусусий автосервис корхоналари, устахоналар, техник хизмат кўрсатиш ва таъмирлаш постлари пайдо бўлди.

Автомобилларга хизмат кўрсатиш соҳасида автосервис бозори шаклланди ва унда рақобат пайдо бўлди, бу эса, хизмат кўрсатиш сифатини янада кўтаришга хизмат қилади. Бундай шароитда фирма усулида хизмат кўрсатувчи корхоналарнинг аҳамияти катта.

Улар даромадининг 85-90 фойзини автомобил ва эҳтиёт қисмлар сотиши, 10-15 фойзини техник хизмат кўрсатиш ва таъмирлаш ташкил этади. Шунинг учун улар мустаҳкам моддий техника базасига эга, энг замонавий диагностик асбоблар, қурилмалар ва стенклар билан жихозланган юқори малакали мутахассис ва ишчилар билан таъминланган фирмавий автосервис корхоналарида автомобилларни сотиши, уларга сотишолди давридаги, кафолат давридаги ва кўпгина автомобиллар учун эса кафолатдан кейинга даврдаги сервис хизмати кўрсатилади. “ДжиЭМ Уз” ЁҲЖ корхонаси томонидан ишлаб чиқарилаётган “Шевролет” фирмасининг “Этика”, “Такума”, “Каптива” автомобиллари Ўзбекистон ва хорижий автомобил бозорини янада бойитди ва фирмавий сервис хизмати кўрсатишнинг мавқейини янада юқори погонага кўтарди.

Бундан ташқари Республикада “Тоёта”, “Хундай”, “Мерседес Бенц”, “Форд” ва бошқа фирмаларнинг ҳам дилерлари фаолият кўрсатмоқдалар.

Доимий мижозларга хизмат кўрсатиш (абонементли хизмати) автомобиллар техник ҳолатини ҳисобга олиб бориш, унинг ресурсини башорат қилиш, бўлғуси сарф-харажатларни олдиндан режалаштириб бериш, доимий маслаҳатлар ва имтиёзлар бериш ҳисобига фирмавий сервис корхоналарининг рақобатбардошлигини янада оширади.

Келгусида фирмавий автосервис янада ривожланиб, мижозларнинг маълумотлари компьютерга киритилиб, маҳсус дастур асосида сервис хизмат кўрсатиш даврлари графигини бир неча йил олдиндан тузиш, сарф харажатлар ҳисбланиб, мижоз бюджетини олдиндан режалаштириш имконини беради.

Фирмавий автосервиснинг навбатдаги долзарб масалалари:

- янги маркадаги автомобилларга сервис хизмати кўрсатишни биринчилардан бўлиб ташкил этиш;
- хизмат турларининг янгиларни жорий қилиш (автомобил сотища лизинг усулини қўллаш, ижарага бериш, ишлатилган автомобилларни сотишга тайёрлаш, сотиш ва уларга кафолатли хизмат кўрсатиш)
- автомобил түнингини ривожлантириш – олдинги чиққан моделларга кейинги моделларда қўлланилган рул гидрокучайтиригичи, кондиционер, автонавигатор, аксессуарлар ва бошқа янгиликларни ўрнатиш;

- автосервис сифати менежменти тизимини ривожлантириш;
- сервис хизмат кўрсатиш меъёрларини аниқлаштириш ва уларни мижозларга етказиш (Ўзбекистон шароити ва унинг минтақаларига мослаб сервис хизмат кўрсатиш даврийлиги ва амаллар сонини, хар 1000 км.га тўғри келадиган жорий таъмир солиштирма иш хажмини автомобилнинг эксплуатацион шароитдаги ишончлилиги тадқиқотлари натижасида белгилаш лозим);
- автомагистрал йўллар ёқасидаги автосервисни ривожлантириш ва бошқалар.

Фирмавий автосервис билан бир қаторда мустақил сервис корхоналари ва устахоналари ҳам ривожланиб бормоқда. Мижозларни жалб қилиш учун арzonроқ бахода ва тез хизмат қилиш, ихтисослашган ишларни бажариш (ювиш, мой алмаштириш, кичик жорий таъмир ишлари, шина таъмир, кузов пачоқларини таъмирлаш ва бўяш ва бошқалар) атрофида яқин ўрнашган мижозларга кафолатдан кейинги даврдаги сервис хизматини кўрсатиш, магистрал йўллар ёқасида, марказдан узокдаги худудларда сервис хизматини ташкил қила олиш ва бошқалар уларнинг асосий афзаллиги ва кенг тарқалганигининг сабабидир.

Ўзбекистонда фирмавий авто-сервис хорижий автомобиллар учун асосан Тошкент шаҳрида, мамлакатимизда ишлаб чиқарилаётган автомобиллар учун шаҳар ва туман марказларида фаолият кўрсатаяпти ва унинг кўлами кенгайиб бормоқда. Хориж тажрибасида ҳам шундай, АҚШ да барча автосервис хизмати кўрсатувчи корхоналарнинг 9 фоизигина фирма усулида ишлайди, улар бажарган ишларнинг улуши 1996 йилда 16 фоизни ташкил этган [16].

Республикамизда автосервис тизими янада ривожланмоқда, унинг хизматидан бир миллиондан ортиқ автомобил эгалари мунтазам фойдаланмоқдалар. Автосервиснинг моддий-техника базасини бугунги кун талаблари даражасигача ривожлантириш, соҳада қонун устиворлигини таъминлаш, сервис хизмати маданиятини ошириш, ташкилий-иктисодий ислохотларни амалга ошириш, фан ва техника янгиликларини ишлаб чиқаришга жорий қилиш автосервис бўйича техник сиёсатни белгиловчи омиллар бўлиши лозим.

Назорат саволлари

1. Автомобилларга техник хизмат кўрсатиш ва таъмирлашнинг режавий-огохлантирувчи тизимининг моҳияти нималардан иборат?
2. “Автомобил транспорти ҳаракатдаги таркибига техник хизмат кўрсатиш ва таъмирлаш ҳақидаги Низом” лар қайси йилларда тасдиқланган, уларнинг бир-биридан фарқи ва АТЭ меъёрларининг ўзгариб бориш даражаси қандай?
3. Автомобилларга сервис хизмат кўрсатиш тизимининг тузилмаси ва меъёрлари қандай?
4. Сотиш олди сервис хизмат кўрсатишнинг вазифаси нима ва унда қандай амаллар бажарилади?

5. Кафолат даврида сервис хизмат кўрсатишининг мазмунинима ва бажариладиган амаллар қандай хужжатлар билан расмийлаштирилади?
6. Кафолатдан кейинги даврда сервис хизмат кўрсатишиниг қндай алохидагусусиятлари бор?
7. Фирмавий сервис қандай даврийлик билан ўтказилади?
8. Автомобилларга техник хизмат кўрсатиш регламентинима ва унда қандай бажариладиган амаллар кўрсатилган?
9. Сервис хизмат кўрсатиш даврида ТХК ва ЖТ меъёрларининг қийматлари қандай ва улар қайси манбаалардан олинади?
10. Автосервис бўйича қандай давлат стандартлари мавжуд?
11. Автосервис бўйича қандай тармоқ стандартлари ва йўриқномаларини биласиз?
12. Автосервис корхоналари стандартида нималар ўз аксини топади?
13. Фирмавий автосервиснинг моҳияти нимада ва бу хизмат қандай усууллар билан амалга оширилади?
14. Ўзбекистонда фирмавий автосервис холати ва унинг келажаги қандай?
15. GM Уз нинг ички бозорда дилер корхоналарини танлаш меъзонларида давогарларга қандай талаблар қўйилган?
16. Фирмавий автосервиснинг навбатдаги долзарб масалалари нималардан иборат?

III БОБ **АВТОТРАНСПОРТ ВОСИТАЛАРИ СЕРВИСИ КОРХОНАЛАРИ ВА** **УЛАРНИНГ ТАВСИФИ**

3.1. Автотранспорт воситалари сервис корхоналари турлари

Автосервис корхоналарида тижорат ишлари (автомобил, эҳтиёт қисмлари ва анжомларини сотиш), техник хизмат қўрсатиш ва мижозлар билан ишлаш хизматлари бажарилади.

Ишлаб чиқариш фаолиятига кўра автосервис корхоналарининг қўйдаги турлари мавжуд. (3.1- расм)



3.1- расм. Автотранспорт воситалари сервис корхоналари турлари

Тижорат ишлари автосавдо марказлари, автосалонлар ва эҳтиёт қисмлар дўконларида амалга оширилади.


Автосавдо марказлари автомобиллар ва эҳтиёт қисмлар билан улгуржи савдо қиласидилар. Автосавдо марказларини автомобилсозлик ҳиссадоролик жамиятлари, тижоратга ихтисослашган маҳсус йирик фирмалар ташкил этадилар. Уларнинг марказий омборлари йирик шаҳарларда жойлашган бўлиб, савдо шохобчалари вилоятлар шаҳарларида ташкил қилинади. Автосавдо марказларида ёки уларнинг шохобчаларида автомобилларга техник хизмат қўрсатиш амаллари ҳам бажарилади.

Автосалонлар автомобилсоз фирмаларнинг автомобилларини намойиш қилиш, мижозларга фирмаларнинг фаолияти ҳакида маълумот бериш, автомобил, унинг деталлари ва жиҳозлари билан савдо қилиш, уларни сотишга тайёrlаш технологик амалларни бажарадилар.

Эҳтиёт қисмлар дўконлари харидорларга автомобиллар эҳтиёт қисмлари, анжомлари, автомобил мойлари ва антифризлар ва бошқа моллар билан савдо қиласидилар. Улар автосавдо марказлари, автосалонлар таркибида ёки мустақил тижорат дўкони сифатида фаолият қўрсатадилар.

Автомобиллар техник сервиси корхоналари таснифи ҳам ҳар хил адабиётларда ҳар хил берилган ва бугунги кун талабларига мосланиб шаклланиб бормоқда. Бу корхоналар АТВ техник сервиси билан шуғилланиб, уларда ТХК ва ЖТ бўйича хизматлар қўрсатилади.

Автомобилларга техник хизмат кўрсатувчи корхоналарнинг қўйидаги таснифини келтириш мумкин (3.2-расм).



3.2-расм. Автомобиллар техник сервиси корхоналари таснифи

Автомарказлар автомобиль ишлаб чиқарувчи ва улар билан савдо қилувчи компаниялар томонидан ҳиссадорлик асосида ташкил этилади. Улар йирик шаҳарларда ва вилоят марказларида жойлашади ва улар филиаллари вилоят туманлари, шаҳарлар ҳамда қишлоқларида бўлиши мумкин.

Автомарказлардаги постлар сони ихтисослашган автомобиллар учун 10 тадан 40 тагача, енгил автомобиллар учун 25 тадан 100 та ва ундан ортиқ бўлиши мумкин. Автомарказлар бир ёки бир неча русумли автомобилларга техник хизмат кўрсатиш ва таъмирлаш ишларини амалга оширадилар. Улар мустаҳкам ишлаб чиқариш техника базаси - бинолар, иншоотлар, қурилмалар, зарур технологик жихозлар, маҳсус асбоб ускуна ва қурилмалар, эҳтиёт қисмлар ва материаллар билан тўлиқ таъминланган, малакали кадрлар ва техник-технологик ва меъёрий хужжатларга эга бўладилар.

Марказлар ва уларнинг филиалларида ишлаб чиқаришда янги илғор технологияни жорий этиш, кадрлар малакасини ошириш, хизмат кўрсатиш сифатини ва маданиятини яхшилашга катта эътибор берилади. Замонавий автомобилларга сервиси учун кадрларнинг малакаси юқори бўлиши, автомобиллар конструкциясининг алоҳида хусусиятларини яхши билиши, замонавий электрон диагностик қурилмалар ва ажратиш-йигиш, созлаш мосламаларини ишлата олиши лозим.

Шунинг учун ҳам фирмавий автосервиснинг мутахассислари юқори малакага эга бўлишлари, ўз малакаларини мунтазам ошириб боришлари тақозо қилинади.

Хорижий автосервис усталарининг кўпчилиги олий маълумотли бўлишининг ҳам сабаби шундан иборат. Мамлакатимиздаги мавжуд автосервис корхоналарига қўшимча 1970-80 йилларда 12 та автомарказ қурилиб, ишга туширилган. 1996-98 йилларда 10 та автомарказ тўлиқ қайта жихозланган, ҳозирги пайтда уларнинг сони 400 тадан ошган.

Бу автомарказлар асосан енгил автомобилларга хизмат кўрсатишга мўлжалланган. Республикаизга хорижий мамлакатлардан автобус ва юк автомобиллари келтирилиши муносабати билан уларнинг фирмавий автосервиси ташкил этилган.

Тошкент шаҳрида 1996 йилдан бошлаб, “Тошшаҳарийўловчitrans” ҳиссадорлик уюшмаси таркибида “Мерседес Бенц” сервис хизмат кўрсатиш маркази фаолият кўрсатмоқда. Бу автобусларнинг сони бир мингга яқинлашмоқда, олдин келган автобусларнинг юрган йўли 1-1,2 миллион километрни ташкил этмоқда. Бундай сервис марказлари 8 -, 2 - ва 7-автобус саройлари худудида жойлашган бўлиб, замонавий ишлаб чиқариш техника базасига малакали мутахассисларга эга ва автобус ишлаб чиқарувчи заводдан мунтазам маслаҳат олинади, мулоқотда қилинади, меъёрий ҳужжатлар, эҳтиёт қисмлар билан таъминланади ва энг янги технологиялар жорий қилиб борилади.

Шунингдек, Тошкентда “Тоёта”, “Хундай”, “КамАЗ”, “МАЗ” автомарказлар фаолият қўрсатмоқда, Самарқандда ишлаб чиқарилаётган “Исузу” автобусларининг сервис маркази ҳам “Тошшаҳартрансхизмат” ҲҚ тасарруфида ташкил этилмоқда.

Автомарказлар автомобиллар сервиси соҳасида техник сиёсатни белгиловчи, илмий-техник тараққиётни таъминловчи корхоналардир.

Автомобиллар техник сервиси станциялари

Автомобилларга техник хизмат кўрсатиш станциялари (АТХКС) автомобиллар, эҳтиёт қисм, автомобил жиҳозлари ва материаллар билан савдо қилиш, автомобиларга техник хизмати кўрсатиш, агрегат, тизим ва деталларни таъмирлаш, ишдан чиққанларини алмаштириш, кузовларни қайта тиклаш, мижозларга автомобилни ишлатиш бўйича маслаҳатлар бериш билан шуғулланади. АТХКСлар қуввати, бажараётган хизматлари ва маъмурий-ташкилий тузилишига қараб бир неча турларга бўлинади (3.3-расм).

Автосервис хизматининг асосий қисми шаҳарларда жойлашган АТХКСларда бажарилади, улар қўрсатадиган хизмат турлари хилма-хилроқ, бажарадиган иш ҳажмлари каттароқ, мижозлар таркиби бир қадар доимий.

АТХКСлар маъмурий-ташкилий тузилишига қараб, автомобилсозлик фирмаларига қарашли автомарказлар таркибида ёки мустақил фаолият олиб борувчи корхоналар сифатида шаклланган.

Универсал АТХКСларда ҳамма русумдаги автомобилларга техник хизмат кўрсатишнинг ва таъмирлашнинг барча амаллари бажарилади.



3.3-расм. Автомобилларга техник хизмат кўрсатиш станциялари таснифи

Ихтисослашган АТХКСлар автомобилларнинг айrim русум ва турларига хизмат кўрсатишга ёки сервис хизматининг айrim амалларини бажаришга мослашган бўлади.

АТХКСлар бажараётган иш ҳажмига қараб, кичик (15 ишчи постгача), ўрта (16-25 ишчи постгача) ва катта (25 дан кўп ишчи постли) станцияларга бўлинади.

Кичик ва ўрта станцияларда асосан техник хизмат кўрсатиш ва майда таъмирлаш ишлари бажарилиб, уларнинг иш ҳажми 5-7 ишчи соатни ташкил этади. Дунё автосервиси амалиётида кичик ва ўрта станциялар ҳам сон, ҳам кўрсатиладиган ялпи иш ҳажми ҳисобида етакчи ўринда туради, АТХКСларининг ўртacha қуввати 3,5-4,5 ишчи постини, ишчилар сони 4,5-5,5 кишини ташкил этади.

Катта станцияларда катта ҳажмдаги ишлар бажарилади ва таъмирлашнинг барча турлари амалга оширилади, чунончи автомобил кузови тикланади ва бўялади, автомобил ва агрегатларнинг иш қобилиятлари тикланади.

Магистрал йўллар бўйида жойлашган АТХКСларда асосан техник хизмат кўрсатиш, майда таъмилаш ишлари амалга оширилади, автомобил эҳтиёт қисмлари, анжомлари ва материаллари билан савдо қилинади. Бундай станциялар асосан енгил автомобилларга хизмат кўрсатишга мўлжалланган, сони ҳам етарли эмас, юк автомобиллари ва автобусларга хизмат кўрсатиш имконияти жуда кам. Улардаги ишчи постларнинг сони 1 дан 5 тагача боради. Ўзбекистонда ҳалқаро автомобил йўлларининг тез сураътларда қурилиши ҳалқаро юк ташишнинг ривожланиши натижасида бундай станцияларга талаб ортиб бормоқда ва уларнинг сони кўпаймоқда. Магистрал йўл қурилиши амалиётида йўл бўйларида сервис хизмати инфраструктурасини ҳисобга олиш кўзда тутилган, кичик автосервис корхоналари лойиҳаланмоқда ва қурилмоқда.


Собиқ Иттифоқда Ленгипроавтотранс, ВАЗ, Гипроавтотранс лойиҳалаш институтлари томонидан ишчи постлар сони 6, 10, 11, 15, 20, 25, 50 бўлган автосервис корхоналарининг намунавий лойиҳалари ишлаб чиқилган ва амалга оширилган. Бундан ташқари, Республикаизда фаолият кўрсатаётган автомобилсозлик фирмаларининг автосервис марказлари ва салонлари қурилган ва мустақил сервис корхоналарининг янги ва қайта қуриш лойиҳалари ишлаб чиқилган ва амалга оширилмоқда.

Автоустахоналар автомобилларга техник хизмат кўрсатиш ва таъмирлаш ишларининг айrim турларига ихтисослашган кичик корхоналардир. Уларда автомобилни ювиш, шина таъмирлаш, мой алмаштириш, автомобил кузовини тиклаш ва бўяш, таъминот тизими агрегатларини (карбюратор, инжектор, форсунка, юқори босимли ёнилғи насоси) таъмирлаш ва созлаш, электр жиҳозлари носозликларини бартараф этиш ишлари амалга оширилади. Бундай устахоналар шаҳарларда, қишлоқларда ва магистрал йўл бўйларида жойлашади. Улар мустақил фаолият олиб борувчи оиласвий кичик корхона бўлиб, ишчиларнинг сони биринкини кишидан иборат бўлади.

Кўчма автоустахоналар маҳсус автофургонларга ёки тиркамалар кузовига ўрнатилиб, унда жиҳозлар, асбоб-ускуналар, эҳтиёт қисмлар ва материаллар захираси бўлади, магистрал йўллар ёқаларида, ахоли зич яшовчи мавзелада, катта автомобил сақлаш жойларида мижоз буюртмаси бўйича сервис хизмати кўрсатадилар. Автоэвакуаторлар автоҳалокат натижасида пачоқланган автомобиллар ва йўлда носозлик туфайли тўхтаган автомобилларни сервис корхонасига элтиб бериш учун хизмат қиласи. Улар мустақил фаолият кўрсатиши ёки АТХКС таркибида бўлиши мумкин.

Автомобил агрегатлари ва тизимиларини таъмирловчи корхоналар. Бу корхонлар автомобилларни ва унинг айrim агрегатларини таъмирлашга ихтисослашади. Ўзбекистонда автомобил сервисининг ривожланиши жараёнида Намангандаги енгил автомобилларни таъмирлаш заводи фаолият кўрсатган ва кейинги даврда Тошкент вилояти Олмазор автомобил таъмири заводида ҳам фуқароларнинг енгил автомобиллари мукаммал таъмирдан чиқарилган. Ҳозирги вақтда асосан автомарказ ва унинг филиаларида ҳалокатга учраган ва коррозия натижасида яроқсиз ҳолга

келган автомобилларнинг кузовлари алмаштирилмоқда. Масалан, “УзДЭУ авто” томонидан 2004-2008 йиллар давомида 1644 та кузови алмаштириш учун сотилган (3.4-расм).



3.4-расм. 2004-2008 йилларда “Ўзватотеххизмат” ҲЖ орқали сотилган УзДЭУ автомобиллари кузовлари.

Агрегатларни ва уларнинг базавий деталларини таъмирлаш йўлга кўйилган. Автомобилларга техник хизмат кўрсатиш станцияларида тўлиқ комплектли двигателлар, махсус устахоналарда двигателнинг цилиндрлар блоки ва тирсакли вали мукаммал таъмирланади. Айрим устахоналар ҳорижий автомобилларнинг двигатели ва унинг деталларини таъмирлашга ихтисослашган.

Автомобилларда учрайдиган энг кўп нуқсонлар таъминот тизими ва электр жиҳозларига тўғри келади ва бу тизимлар ёнилғи тежамкорлигига катта таъсири кўрсатади. Шундан келиб чиқиб, бозор иқтисодиёти шароитида таъминот тизимида техник хизмат кўрсатиш ва таъмирлашга мослашган махсус устахоналар фаолият кўрсатади. Улар томонидан карбюратор, бензонасос, инжектор, форсунка, юқори босимли ёнилғи насоси ва таъминот тизимининг газ аппаратураларини таъмирлаш йўлга кўйилган. Дизел ёнилғиси ва газда ишлайдиган двигателлар таъминот тизимининг таъмири бўйича, ҳаттоқи автотранспорт корхоналари ҳам шундай махсус устахоналарга мурожаат қиласидилар.

Электр жиҳозлари бўйича ҳам аккумуляторларни таъмирлаш ва замонавий автомобилларнинг йўлда содир бўладиган носозликларини бартараф этиш бўйича махсус устахоналарга мурожат қилинади.

Кузовларни таъмирловчи махсус устахоналар автоҳалокатга учраган автомобилларнинг ва эксплуатация жараёнида коррозияга учраган ва жилосини йўқотган автомобилларни таъмирлаш ва бўяш бўйича махсус устахоналар фаолият кўрсатади. Улар шахсий кичик корхоналар бўлиб, мижозлари автомобилларининг пачоқланган қисмларини тўғирлаш, капот, эшик, қанотларни алмаштириш, мижоз дидига мослаб бўяш билан шуғулланадилар.

АТК, АЁҚШ сақлаш жойлари ва бошқалар таркибидаги устахоналар

Автомобил ҳайдовчилари учун автомобилларга ёнилғи қуиши шоҳобчаларига келиб, ёнилғи заҳираларини тұлдирған вақтда автомобилдаги майда нұқсанларни бартараф этиб олиш қулай ва осон. Ҳориж амалиётіда йўл бўйида жойлашган АЁҚШлар таркибидаги асосан кичик автосервис корхоналари фаолият кўрсатади. Республикаизда ҳам кўпгина АЁҚШ таркибидаги ёки унинг ёнида ўрнашган кичик автосервис устахоналарида автомобилларни ювиш, шиналарни таъмирлаш, уларни азот билан дамлаш ва мувозанатлаш, мой алмаштириш,двигател ва унинг тизимларидаги майда носозликларни бартараф этиш амалга оширилади.

Фуқароларнинг енгил ва айниқса юк автомобиллари ва автобуслар учун сервис хизмати кўрсатиш йўл ёқасидаги станцияларда ёки автотранспорт корхоналари таркибидаги сервис хизмат кўрсатиш постларида амалага оширилади. Автотранспорт корхоналари (АТК)да юк автомобиллари ва автобусларга техник хизмат кўрсатиш ва таъмирлаш ишлари яхши йўлга кўйилгани учун фуқаролар ўзларининг шундай автомобилларига хизмат кўрсатиш бўйича уларга мурожаат этадилар. Олдинги таксомотор паркларининг ишлаб чиқариш техника базаси асосида енгил автомобилларга сервис хизмати кўрсатиш ишлари яхши йўлга кўйилган ва улар автосервис корхоналари билан рақобатлаша оладилар. Бундан ташқари сақлаш жойлари, сайёхлар мотеллари ва турли муассасалар худудида жойлашган устахоналар мавжуд.

3.2. Автомобилларга ёнилғи қуиши шоҳобчалари

Ёнилғи қуиши шоҳобчалари автомобилларни ёнилғи-мой маҳсулотлари ва бошқа эксплуатацион материаллар билан таъминлаш учун хизмат қиласи.

Автомобилларга ёнилғи қуиши шоҳобчалари (АЁҚШ) тарқатадиган ёнилғисига қараб бензин ва дизель ёнилғилари қуиши ҳамда газсимон ёнилғилар тарқатиш шоҳобчаларига бўлинади.

АЁҚШ шаҳардаги, йўл ёқасидаги ва кўчма турларга бўлинади (3.5-расм).



3.5-расм. АЁҚШ турлари

Шаҳардаги АЁҚШлар шаҳар ичидағи барча автомобилларга хизмат қиласи.

Йўл ёқасидаги АЁҚШлар шу магистралдан ўтаётган барча автомобилларга хизмат қиласи.

Кўчма АЁҚШлар автобус йўналишларининг охирги бекатларида,

сиҳатгоҳларда, мотелларда ва муассасалар талаби бўйича автомобилларни ёнилғи билан таъминлайди.

Барча АЁҚШлар автомобилларни ёнилғи билан, баъзиларида эса мой маҳсулотлари ва автоэксплуатацион материаллар билан ҳам таъминлайди, баъзиларида эса қўшимча сервис хизмати ҳам кўрсатилади.

Республикамида автомобилларни сони кўпайиши билан АЁҚШлар сони кескин кўпаймоқда. Ҳозир қурилган ва қурилаётган АЁҚШлар сервис устахоналари билан биргаликда қурилмоқда. АЁҚШнинг ўрнашган жойига ва катта-кичиклигига қараб автомобиллар сервиси устахоналари, ҳам ювиш, мой алмаштириш ва шина таъмиридан тортиб, то электротехника ишлари, диагностикалаш, двигател ва бошқа агрегатлар таъмиригача бўлган ишлар бажарилмоқда.

Хорижий давлатларда ҳам шундай амалиёт қўлланилиб келинмоқда. Масалан, АҚШда автомобиллар ТХК ва Т ишларининг учдан бир қисми АТХКС ва АЁҚШда бажарилади.

Замонавий АЁҚШ лар, айниқса, шаҳардаги ва йўл ёқасидаги АЁҚШ ларнинг ўтказувчанлик қобилияти етарли даражада юқори бўлиши учун куйидаги тартибларга риоя қилиш керак.

Биринчи навбатда, АЁҚШ худудидаги ҳамма автомобиллар ҳаракати, кўчадан кириб келиш ва унга чиқиш, бир тарафлама ҳаракатни ташкил этилиши, манёврлар – кесишувларсиз ҳаракатланиши ва шу билан бирга ҳар бир оролчада биттадан колонка жойлаштирилиши мақсадга мувофиқ.

Иккинчи навбатда, ёнилғи қўйиш худудигача кириб келиш масофаси қанчалик узун бўлса, оролчада ёнилғи куяётган автомобил эса эркин ёнилғи қуйиб олдинга ҳаракатланади. Бу эса автомобилларни навбат кутиб турган пайтда йўлни ҳаракатланиш бўлагига ҳалақит беришини олдини олади.




3.6-расм. “ARBOS” АЁҚШининг умумий кўриниши.

Учинчи навбатда, АЁҚШ даги оролчалар йўл ўқига нисбатан 45 градус бурчак остида жойлашган бўлиши лозим. Оролчаларнинг бундай жойлашиши автомобилларни АЁҚШ дан чиқишини осонлаштиради, ўз навбатида бу автомобилларни АЁҚШ га кириб келишини ҳам осонлаштиради.

Тўртинчи навбатда, цистерналарга ёнилғи тўлдириш учун келган ёнилғи ташувчи автомобил бошқа автомобиллар ҳаракатланишига ҳалақит бермаслиги керак (3.6-расм).

Ҳозирда Республикаизда кўплаб сикилган ва суюлтирилган газ тўлдириш шохобчалари фаолият кўрсатмоқда (3.7-расм).



3.7-расм. Автомобилларга газ тўлдириш шохобчаси биноси: 1-газ тўлдиргич колонкалари; 2-операторлар хонаси; 3-устахона; 4-маиший хоналар; 5-вентиляция камераси; 6 ва 7-электр насослари ва компрессорлар учун хоналар;

3.3. Автомобилларни сақлаш жойлари

Автомобилларни сақлаш жойлари аҳоли яшайдиган мавзеларда, аэропортда, вокзалларда, бозорларда, стадионларда, томошахоналарда ва одамлар кўп тўпланадиган бошқа жойларда ташкил қилинади.

Автомобилларнинг 4 хил сақлаш усули мавжуд:

- ёпиқ, иссиқ бинода;
- ёпиқ, иситилмайдиган бинода;
- ярим очиқ, очиқ айвонда;
- очиқ майдонда.

Сақлаш усули автомобиль турига, иқлим шароитига, сақлаш биноларини куриш учун сарфланадиган маблағлар миқдорига қараб танлаб олинади. Одатда, енгил автомобиллар ва автобуслар ёпиқ биноларда, юк автомобиллари очиқ майдонларда сақланади.

Сақлаш жойларида шахсий автомобиллар қисқа вақт ва узок муддат сақланиши мумкин.

Автомобиллар, очиқ майдонларда, асосан қисқа вақт, унинг эгаси ўз ишини битириб чиққунча сақланади.

Аҳоли зич яшайдиган катта шаҳарларда (Милан, Кельн ва бошқалар) автомобиллар механизациялашган кўп қаватли туар жойларда сақланади.

Автомобилларни узоқ муддат сақлаш учун автомобиллар туар жойлари жиҳозланади.

Автомобилларни сақлаш жойлари шахсий ҳовли юзасида ёки бостирмаларда, кўп қаватли биноларга яқин жойлардаги якка тартибдаги жойда, ер усти ва остида ташкил қилинади.

Ер усти ва ер ости автомобил сақлаш жойлари бир қаватли ёки кўп қаватли бўлиши мумкин.

Бир қаватли сақлаш жойлар аҳоли яшайдиган кўп қаватли биноларга яқин жойда жиҳозланади.

Ер устидаги бир қаватли сақлаш жойлари учун маҳсус ер ажратилади ва у жиҳозланади.

Ер остидаги бир қаватли автомобил сақлаш жойлари йўллар, тротуарлар, қўприклар, гулзорлар ва иморатлар остига жойлаштирилади.

Тошкент шаҳрида Пушкин ва Ассакинская кўчалари чоррахасида, Космонавтлар проспектида ва бошқа жойларда шундай автомобил сақлаш жойлари қурилган.

Ер усти автомобил сақлаш жойлари кўп қаватли бўлиши ҳам, автомобилларнинг қаватдан қаватга кўтарилиши механизациялашмаган, яrim механизациялашган ва механизациялашган бўлиши мумкин.

Механизациялашмаган сақлаш жойларида автомобиллар қаватдан қаватга рампалар орқали ҳаракатланади.

Рампа турлари: - бир йўлли, икки йўлли;

- бино ичкарисида, бино ташкарисида;
- очик, ёпик;
- паралел, кесишадиган.

Рампаларнинг бўйлами оғиши:

- тўғри чизиқлида -18%;
- эгри чизиқлида -13%;
- очик рампада -10%.

Яrim механизациялашган сақлаш жойларида автомобилларнинг ҳаракати, қаватларга чиқиш ва тушиши лифт ёрдамида, қават бўйлаб эса, ўзининг юриши орқали амалга оширилади.

Адабиётларда келтирилишича [29, 58] механизациялашган сақлаш жойларининг элеватор, цилиндр, минора турлари кенг тарқалган. Элеватор тизими учта автомобилнинг майдонига мос келадиган майдонда 44 тагача автомобилни сақлаш мумкинлиги сабабли катта шаҳарларда қўл келади.

Цилиндр шаклидаги сақлаш жойи кичкина майдондан самарали фойдаланиш имкониятини беради. Транспорт лифти айлана марказида ҳаракатланади ва ҳар бир қаватда 6-12 машина-ўрин жойлаштирилади. Минора тизимида ҳар бир қаватда бтадан автомобил жойлаштирилади ва қаватлар ер ости ва ер устида бўлиши мумкин.


Катта шаҳарларда кичик майдонлардан самарали фойдаланиш мақсадида механизациялаштирилган кўп қаватли очик сақлаш жойлари ҳам

жорий этилмокда. Бундай енгил конструкциялар мавжуд очиқ автомобил сақлаш жойларига ўрнатиласа, унинг сиғимини бир неча баробарга ошириб беради. Бу тизимлар анча арzon ҳамда уни доимий ва вақтингча вариантыларда ҳам қўлласа бўлади. Кўп ўринли сақлаш жойларида автомобилларга техник хизмат кўрсатиш ва майдада таъмирлаш ишлари бажарилиши мумкин.

3.8-расмда 211 та шахсий енгил автомобиллар сақлаш жойи лойиҳаси келтирилган.

Лойиҳанинг асосий кўрсаткичлари:

- автомобил турар жойлари сони 211;
- шу жумладан, ҳар қаватда 72 ;
- қаватдаги сақлаш жойлари майдони, m^2 1560 ;
- шу жумладан, ҳар қайси турар жой майдони, m^2 ... 22 .



3.8 –расм. 211 та шахсий енгил автомобил учун сақлаш жойи:

1-автомобиллар сақлаш минтақаси; 2-ўз автомобилига ўзи хизмат кўрсатиш постлари; 3-омборхона; 4-шамоллатиш камералари учун хона; 5-рампа; 6-навбатчи хонаси; 7-автомобилларни ювиш пости.

Автомобиллар қаватлараро ярим айланасимон рампалар орқали харакатланади. Уч қаватли бинонинг биринчи қаватида сақлаш жойларидан ташқари автомобилларни ювиш пости, ўз автомобилига ўзи техник хизмат кўрсатиш постлари жойлашган.

Дунёнинг энг катта шаҳарларида кўп қаватли ер усти ва ер ости сақлаш жойлари қурилган.

Чикаго шаҳрида 60 қаватли бинонинг пастки 19 қаватида 900 автомобил сақлаш жойлари бор.

Париж шаҳрининг Монпарнас ҳиёбони ҳудудида 824 ўринли, 6 қаватли ер ости, Албан-Сатран ҳиёбони ҳудудида 855 ўринли, 6 қаватли ер ости автомобил сақлаш жойлари қурилган.

Автомобил сақлаш жойлари қуриш Республикализ шаҳарсозлигида ҳам ечилиши лозим бўлган долзарб муаммолардан бири ҳисобланади.

Сайёхларнинг автомобилларини сақлаш ва уларнинг сервиси борасида мотеллар ва кемпинглар қурилади.

Мотель – сайёхларга ва узоқ шаҳарларга юк ташувчи хайдовчилар учун мўлжалланган меҳмонхона, ресторан, автомобиллар сақлаш жойи, автосервис биноси, ёнилғи қўйиш шохобчаси, автомобилларнинг қисқа муддатга тўхташ майдонларидан ташкил топган бўлади.

Кемпинг – сайёхларга хизмат кўрсатиш учун мўлжалланган керакли қурилмалар билан жиҳозланган ва ободонлаштирилган, манзарали табиат кўйнидаги ҳудуддир. Сайёхлар учун, ётоқхона сифатида палаткалар учун ва унинг атрофида автомобиллар сақлаш учун майдончалар ажратилади.

3.4. Автосервис корхоналарининг асосий техник-иқтисодий кўрсаткичлари

Лойҳаланаётган, қурилаётган ва фаолият кўрсатаётган автосервис корхоналарининг ҳозирги замон талабларига жавоб бериши уларнинг техник иқтисодий кўрсаткичлари ҳисобларини таҳлил қилиш натижасида аниқланади.

Автомобилларга техник хизмат кўрсатиш станцияларининг техник-иқтисодий кўрсаткичлари сифатида бир ишчи постига тўғри келадиган 7 та солиширма кўрсаткич тавсия этилади (3.1-жадвал).

Лойиҳалар техник-иқтисодий кўрсаткичларининг қийматлари фарқ қилишининг боиси - лойиҳалашнинг технологик ҳисобида дастлабки маълумотлар сифатида Гипроавтотранс автомобилларнинг бир қанча моделларини олган, ВАЗ лойиҳалаш бюроси фақат ВАЗ автомобилларини олган. Иш хажмлари ва корхонанинг ишлаш режими ҳам ҳил қабул қилинган.

ЎзДЭУ автомобиллари учун ҳам станцияларнинг шундай техник-иқтисодий кўрсаткичлари маҳсус адабиётларда келтирилади.

Автосервис корхонасининг қуввати ундаги ишчи постларининг сони билан характерланади. Ишлаб чиқариш участкаларининг қуввати технологик жихозларнинг иш унуми ва ишчилар сонига қараб ҳамда битта ишбай

ишчининг ҳар йилги (олдинги йилга нисбатан) автомобилларга техник хизмат кўрсатиш ва таъмиrlаш хизматининг ҳажми билан баҳоланади.

3.1-жадвал

Шахар АТХКС лойиҳаларининг солиштирма техник-иктисодий кўрсаткичлари

Кўрсаткичлар	Ленгипроавто-транс			ВАЗ лойиҳалаш бюроси			Гипроавтотранс		
Хизмат кўрсатиладиган автомобиллар сони	Постлар сони								
	6	11	15	25	25*	50*	50*	10	20
	120	116	125	151	151	182	260	203	203
Бино ичидаги автомобил постлари **	1.0	2.2	2.3	2.8	2.0	3.4	3.7	2.2	2.5
Жами ходимлар сони	6	5.4	5.8	6.6	6.4	7.5	7.1	7.7	7.1
Ишлаб чиқариш ишчилари	4.3	4.0	4.4	4.9	4.9	5.3	5.5	5.9	5.7
Участка майдони, м ²	1383	1000	973	1048	1048	682	680	820	650
Бош бино фойдали майдони, м ²	138	218	222	241	205	249	254	201	246
Бош бино қурилиш ҳажми, м ³	833	1380	1456	1575	1240	1722	1850	1225	1469

* - дўкон билан;

**- бунга ишчи, ёрдамчи постлар ва кутиш постлари ҳам киради.

Назорат саволлари

1. Автотранспорт воситалари сервиси корхоналарининг турлари ва уларнинг вазифалари.
2. Автомобилларга техник хизмат кўрсатиш корхоналари турлари ва уларнинг вазифалари.
3. Автомарказларнинг вазифалари.
4. Автомобилларга техник хизмат кўрсатиш станцияларининг турлари ва вазифалари.
5. Ёнилғи қўйиш шоҳобчалари ва вазифалари.
6. Ёнилғи қўйиш шоҳобчаларининг ишлаб чиқариш техник базасининг вазифалари.
7. Сиқилган ва суюлтирилган газ тўлдириш шоҳобчалари.
8. Автомобилларни сақлаш жойлари ва усуллари.
9. Автосервис корхоналарининг асосий техник-иктисодий кўрсаткичлари.

IV БОБ

АВТОСЕРВИС КОРХОНАЛАРИДА ТЕХНИК СЕРВИС ТЕХНОЛОГИК ЖАРАЁНИНИ ТАШКИЛ ЭТИШ

4.1. Автотранспорт воситалари техник сервиси ишларининг моҳияти

Автотранспорт воситалари техник сервиси техник таъминлашнинг жаҳон бўйича кенг тарқалган усули ҳисобланиб, ишлашга яроқлилиги, ишончлилиги, хавфсизлиги, тежамкорлиги ва зарурий ташқи кўринишини таъминлаш учун бажариладиган бир қанча хизматлар мажмуидир. Автосервис хизматининг асосий вазифаси мамлакатдаги автомобил транспорти, қайси мулк шаклида бўлишидан катъи назар, бетўхтов, хавфсиз, тежамкор ва ишончли ишлашини таъминлашдир.

Деярли ҳар куни ишга чиқувчи автомобилларни ёнилғи-мой маҳсулотлари билан таъминлаш, уларни ювиш-тозалаш ва назорат қилиш, хизмат кўрсатиш ёки таъмирлаш талаб этилади.

Автосервис тизимининг ривожланиши - кўрсатиладиган хизматларнинг маълум бир хусусиятларга эга бўлишини тақозо этади:

- ҳаммабоплиги, яъни мижознинг исталган корхонада сервисдан фойдаланиш имкониятига эга эканлиги;
- хизматлар сифатининг давлат қонунлари асосида кафолатланиши;
- сервис маданиятининг ошиши ва сифатининг яхшиланишига доимо рағбат мавжудлиги;
- мавжуд эҳтиёт қисмлар ва материалларнинг ишончли эканлиги;
- хизматлардан фойдаланишнинг қулайлиги, мижозларни ўзига жалб қила билиши.

Автомобиллар сервисини техник, тижорий, мижозлар учун қулайликлар ҳосил қилиш ва ахборот етказиш каби ишларга ажратиш мумкин.

Техник хизмат дейилганда автомобил, унинг агрегатлари, бўлаклари ва қисмларининг техник ҳолатини назорат қилиш, созлаш, ростлаш ва тиклаш-таъмирлаш билан боғлиқ бўлган ишлар жамланмаси қўзда тутилади, чунончи:

- автомобилларнинг тизим ва қисмларини диагностика қилиш;
- автомобилларга техник хизмат кўрсатиш;
- автомобиллар агрегатлари ва бўлакларини таъмирлаш, иш қобилиятини тиклаш;
- автомобилларга кўчаларда, йўлларда, сақлаш жойларида талабга асосан техник ёрдам кўрсатиш;
- автомобилларни қайта жиҳозлаш;
- автомобилларни давлат техник қаровига тайёрлаш;
- енгил автомобиллар ва автобуслар кузовларига занглашга қарши ишлов бериш;
- шикастланган автомобиллар кузовларини тиклаш;
- автомобилларни вақтинча ва доимий сақлаш;
- автосервисда ўзига-ўзи хизмат кўрсатиш шаклини ташкил этиш.

Тижорий хизмат дейилганды эса ахолини автомобиллар, эҳтиёт қисмлар, автоматериаллар ва автоанжомлар билан таъминлаш, савдо ва реклама қилиш ва умуман бу соҳанинг бизнес сифатидаги фаолияти тушунилади, чунончи:

- автомобиллар, эҳтиёт қисмлар, автоанжомлар билан савдо қилиш;
- автомобилларни ёнилғи-мой материаллари билан таъминлаш;
- мижозлар автомобилларини комиссиян усулда сотиб бериш;
- автотехник экспертиза хulosалари чиқариш;

Мижозлар учун қулайликлар яратиш ва ахборот етказиш дейилганды:

- мижозлар учун турли майший хизматлар ва қулайликлар ташкил этиш (кафе, бар, чойхона ва ҳ.к.);
- мижозларни автосервис ахбороти билан таъминлаш;
- техник маслаҳатлар ташкил этиш;
- кўрсатиладиган хизмат турларини реклама қилиш;
- мижозлар билан доимий алоқалар ўрнатиш, уларнинг талаблари, фикрлари ва таклифларини ўрганиб, ўз фаолиятида ҳисобга олиш ва бошқаларни кўзда тутади.

Барча турдаги сервис корхоналарида, асосан катта қувватли автосервис корхоналари, техник хизматнинг қуйидаги турлари амалга оширилади: автомобилларни сотишолди техник хизмати, кафолат даврида ва ундан кейинги даврда техник хизмат, мижоз буюртмаси асосида бажариладиган қўшимча техник ишлар.

4.2. Техник сервисни ташкил қилиш технологик жараёни

Сервис кўрсатишнинг технологияси, яъни ишларнинг бажарилиш кетма-кетлик тартиби ишлаб чиқилар экан, бу технология мақсадга мувофиқ, кам чиқимли ва самарали бўлиши талаб этилади. Шу билан бир вақтда ишлаб чиқилган ва амалдаги технологик жараён қуйидаги талабларга жавоб бериши лозим:

- содда ва қулай бўлиши;
- ҳаммабоплиги;
- ишларни якунлашга имкон бериши;
- хавфсизлиги;
- механизация, автоматлаштириш ва компьютерлаштириш воситаларини кенг қўллашга имкон бериши.

Ҳаммабоп технология дейилганды унинг кўп маротаба бошқа сервис корхоналарида ҳам қўллаш имконияти мавжудлиги тушунилади, универсаллиги дейилганды турли моделдаги, русумдаги автомобилларга хизмат кўрсатишда ҳам шу технологияни қўллаш мумкинлиги тушунилади.


Технологиянинг якунланганлиги эса автомобил ҳар бир ишлаб чиқариши бўлимларидан ўтган пайтда шу бўлимда мўлжалланган барча ишларнинг тўла бажарилиши зарурлигини билдиради.

Автосервис корхоналари(АСК)нинг ишлаб чиқаришини ташкил этиш технологияси ягона ўзаро боғланиш мезони асосида автомобилни ювиши-иғишиштириш - қабул қилиш учун кўриб чиқиш ва зарур бўлган ҳолларда

автомобилни диагностика постидан ўтказиб бажариладиган ишлар ҳажмини олдиндан тахминий аниқлаш ва уларни бажариш шартларини мижоз билан келишишдан бошланади. Шуни айтиш зарурки, қайси ва қандай ишларни бажарилишни танлаш ва буюриш мижознинг ҳукуқидир. Бунда, албатта қабул қилувчи мутахассис - сервис ходими унга малакали маслаҳатлар беради.

Автомобилларни қабул қилиб олиш маҳсус ҳужжат «Автосервис корхоналарида автомобилларни хизматга қабул қилиш ва эгасига топшириш қоидалари» асосида амалга оширилади. Шу мақсад учун корхонада маҳсус жиҳозланган пост (кўтаргичли ёки эстакада) ажратилади.

Изоҳ қилинган технологик жараённи 4.1-расм шаклида келтириш мумкин.



4.1-расм. АСКларида автосервисни ташкил қилишнинг технологик жараёни.

- - автомобиллар ҳаракатининг асосий йўналиши;
- > - автомобиллар ҳаракатининг баъзи ҳоллардаги йўналиши;
- > - таъмирланадиган агрегатлар ва деталлар йўналиши;

Одатда, қабул қилиш ва техник-назорат, эгасига топшириш постлари бирлаштирилиб, автомобил бир жойда, якка мутахассис томонидан қабул қилинади ҳамда эгасига топширилади.

Келтирилган технологик чизма умумий бўлиб, ТХК ва таъмирлаш ишлари ҳажми мижознинг талаби ва хоҳишига қараб, ўзгариши, кўп вариантли (8...10) бўлиши мумкин. Масалан ТХКни тўла ҳажмда бажариш ва таъмирлаш, ТХКни айрим ишлари билан таъмирлаш ишларини бажариш ва ҳ.к.


Шуни таъкидлаш керакки, ҳамма ҳолларда автомобилни ювиш-тозалаш, қабул қилиб кўздан кечириш ишлари бажарилади, хавфсизликни таъминловчи механизмлар ва тизимлар диагностикадан ўтказилади, зарурат бўлса, чуқур диагностика қилиб, сўнг ишчи постларига ёки кутиш жойларига жўнатилади.

4.3. Автомобилларни сервисга қабул қилиш ва эгасига топшириш тартиби ҳамда қоидалари

Автомобилларни хизматга қабул қилиш автомобил, унинг агрегатлари, узеллари ва тизимларининг техник ҳолатини аниқлаш, бажариладиган ишлар ҳажмини ва муддатини белгилаш, шунингдек, зарур хужжатларни тўлдириш, мижозлар билан муомала қилиш каби ишлардан иборат.

Буюртмачи-мижоз автосервис корхонаси хизматидан фойдаланиши учун дастлаб автомобилнинг техник паспорти ва ўзининг шахсий хужжатларини кўрсатиши лозим. Агар автомобил бошқа кишига ёки ташкилотга қарашли бўлса, ишончнома қофози бўлиши шарт. Йўл транспорт ҳодисаси натижасида шикастланиб қолган автомобилнинг техник паспортида бу ҳақда давлат автомобил инспекциясининг белгиси ёки маҳсус маълумотномаси бўлиши талаб этилади. Давлат стандартларига зид равишда қайта жиҳозланган, ишлаб чиқарилиши тўхтатилганига 15 йилдан ошган автомобиллар хизматга қабул қилинмайди.

Автосервис корхонасига техник хизмат ва таъмирлашга муҳтоҷ автомобиллар келиб, унинг олдидаги майдонда тўхтайди. Автомобил зарур ҳолларда ювиш-тозалаш постига, сўнгра қабул қилиш постига келиб тушади. Автомобил эгаси - мижоз автомобилларни қабул қилувчи – диспетчер ёки менеджерга учрайди. Мижоз билан қабул қилувчи сервис мутахассиси барча асосий масалалар: ишлар ҳажми, сарф бўладиган эҳтиёт қисмлар ва материаллар миқдори, хизмат нархининг тахминий миқдори ва кўрсатиладиган хизматларнинг бажариш муддати бўйича келишиб, мижоз талаблари асосида буюртма – чек тўлдириб бир нусхасини мижозга беради, бу хужжат автомобилнинг корхонага киришига рухсатнома сифатида хизмат қиласи. Албатта, автомобилларни хизматга қабул қилиш ҳам корхона ёки соҳа раҳбарияти томонидан тасдиқланган маҳсус қоидалар асосида амалга оширилади. Автомобил эгаси - мижоз билан келишилган ҳолда ва унинг иштирокида автомобил тўла кўздан кечириб чиқилади, унинг умумий техник ҳолати, айниқса, харакат хавфсизлигини таъминловчи тизимларига катта эътибор берган ҳолда аниқланади.



4.2-расм. Автомобилларни қабул қилиш ва эгасига топширилиш жойи.

Кўпчилик автомарказларда ва автомобилларга техник хизмат кўрсатиш корхоналарида автомобилни хизматга қабул қилиш уни ташки ва остки томондан ювиш, мотор бўлинмасини маҳсус шланг ёрдамида ювиш, салонни тозалаш ва қуритиб артишдан бошланади. Бу ишлар қўпчилик ҳолларда автоматик режимда ишловчи ювиш-қуритиш комплекслари ёрдамида бажарилади.

Автомобилларни қабул қилиш учун ишлаб чиқариш биносининг кираверишида маҳсус жой ажратилади ва жиҳозланади. Автомобилнинг остки қисмларини кўриб, назорат қилиб чиқиш учун участкага тўрт тиргакли кўтаргичлар ёки эстакадалар ўрнатилади, айrim ҳолларда қаров чуқурларидан ҳам фойдаланиш мумкин. Қабул қилувчи мутахассис тўла комплект чилангарлик асбоблари ва айrim енгил диагностик приборлар, масалан, газоанализатор, люфт ўлчагич, аккумуляторлар зарядини текширувчи учи айри асбоб ва ҳ.к. лар билан таъминланади.

Ҳажми ва қиймати ўзгармас бўлган ишлар, масалан, ювиш, тозалаш, автоматик диагностика, мой алмаштириш ва ҳ.к. ишларни бажариш учун автомобилларни қабул қилиш кўп вақт талаб этмайди.

Автомобил қабул қилингандан сўнг ишчи постларига қўйилади ёки маҳсус қутиш жойларига ўтказилади. Қабул қилиш вақти ўртacha 20-30 дақиқани ташкил этади.

Айrim ҳолларда, қабул қилиш постида автомобилдаги носозликлар сабабини аниқлашнинг имкони бўлмаса, автомобил маҳсус диагностика участкасига жўнатилади ва маҳсус приборлар, стендлар ёрдамида мутахассислар томонидан автомобилнинг техник ҳолатига диагноз қўйилади.

Керакли ҳужжатлар тўлдирилгандан сўнг (техник ҳолат далолатномаси, буюртма-наряд) автомобил ТХ кўрсатиш ёки таъмирлаш участкасига жўнатилади. ТХ ёки таъмирлаш участкаларида автомобилга нарядда кўрсатилган профилактик, таъмирлаш ёки носоз деталлар ва агрегатларни созларига алмаштириш ишлари бажарилади.

Агар ТХГа қўшиб таъмирлаш ишлари бажариш талаб этилса, олдин таъмирлаш, сўнгра ТХ ишлари бажарилади. Ишларни бажариш жараёнида

нарядда кўрсатилмаган таъмирлаш ишлари чиқиб қолган ҳолларда, бу ишларга мижоз билан келишилган ҳолда қўшимча наряд ёзилади.

Автомобилни таъмирлашда буюртмачи мижоз томонидан келтирилган эҳтиёт қисмлар ва материаллардан, агар улар техник шартлар талабларига мос тушса, фойдаланишга ҳам рухсат этилади.

Автомобилнинг корхонада туриш вақти бир суткадан ортиб кетиши эҳтимоли бўлган ҳолларда унинг бутлиги ва умумий техник ҳолатига қайднома тузилади. Қайдномада автомобилнинг ташки кўринишидаги барча камчилик, носозликлар, эшик, капот ва ойналарни очиш-ёпиш механизмларининг ҳолати, етишмаган қисмлари (захира ғилдирак, асбоблар, фара ва подфарник, ойналар ва х.к.) тўла кўрсатилади. Қайдномани томонлар имзолаганларидан сўнг унинг бир нусхаси мижозга берилади.

Автосервис корхоналарида ТХК ва таъмирлаш ишларини бажариш якка усулда, тайёр эҳтиёт қисмлар ёки таъмирланган деталлардан фойдаланган ҳолда якунланади, яъни ҳар бир автомобилда бажариладиган иш турлари ва ҳажми айнан шу автомобилнинг техник ҳолатидан ва мижознинг талабларидан келиб чиқади. Таъмирлаш «бегоналаштирилмаган» усулда олиб борилади, яъни ишлаш қобилияти таъмирланиб тикланган деталлар, узеллар ва агрегатлар ўз автомобилларидаги ўринларига қайтарилади. Автомобилнинг автосервис корхонасида туриш вақти нафақат қисмларга ажратиш-йиғиш, диагностик ва созлаш ишлари вақтидан, балки янги эҳтиёт қисмлар олиш ёки деталларни устахоналарда тиклаш вақтларини ҳам ўз ичига олади.

Автомобилларга ТХ кўрсатиш ва таъмирлаш ишлари учун ҳақ барча автосервис корхоналарида буюртмачи томонидан давлат молия органлари маъқуллаган махсус нархномалар асосида тўланиши лозим.

ТХК ва таъмирлашда фойдаланилган эҳтиёт қисмлар ва асосий материаллар нархи, бу нархномаларда кўрсатилмаган ҳолларда ҳисоблаш эркин бозор нархлари асосида ўтказилади.

Нархномаларда кўрсатилмаган ТХК ва таъмирлаш ишлари учун тўлов, мижоз билан келишилган ҳолда корхона раҳбари тасдиқлаган иш вақти меъёри ва 1 меъёр-соатнинг нархи асосида ҳисобланади, бунда ишларни бажариш шароит тоифаси ҳам кўзда тутилади.

Кузовларни таъмирлаш ва бўяш жараёнларида автомобиллар агрегатлари, узеллари ва бўлакларини зарурий ҳолларда чиқариб олиш ва ўрнатиш бўяш ишлари нархига кирмайди ва буюртмачи томонидан нархномага асосан алоҳида тўланади. Автомобилларга ТХ кўрсатиш ва таъмирлаш корхоналарида бажарилган ишлар махсус II - бўғин йўлланма ҳужжати «Автотеххизмат корхоналарида мижозлар буюртмасига қўра техник хизматдан ўтган автомобиллар элементлари техник ҳолатига талаблар» асосида назоратдан ўтказилади. Мазкур ҳужжат таъмирланган деталлар, узеллар, агрегатлар техник ҳолатини юқорида келтирилганидек кафолатлайди.

Барча зарур ишлар бажариб бўлингандан сўнг, автомобил эгасига топшириш учун яна қабул қилинган бўлимга келтириллади ва махсус техник

назоратдан ўтказилади. Буюртмада кўрсатилган барча ишларнинг бажарилганлиги, уларнинг сифати, автомобилнинг умумий ҳолати ва бутлиги яна бир карра техник назоратдан ўтказилиб, хизматлар, сарфланган эҳтиёт қисмлар ва материаллар учун буюртмачи билан ҳисоб-китоб қилиниб эгасига тақдим этилади ёки тайёр автомобиллар қаторига қўйилади. Автомобилни қабул қилиб олганлик тўғрисида унинг эгаси буюртмага имзо чекади ва хизмат ҳақи тўлангач, автомобилини олиб кетади. Автомобилни топшириш вақтида агар унинг эгаси буюртмадаги ишларни бажаришдан қониқиши ҳосил қилмаса, унинг ҳақли эътиrozлари қондирилади.

Одатда АСКларда қабул қилиш ва эгасига топшириш постлари бирлаштирилиб, бир жойда ташкил этилади ва қабул қилиб олган мутахассис ходимнинг айнан ўзи автомобилни яна эгасига топширади.

Автосервис корхоналари ишлаб чиқариш технологиясининг муҳим таркибий қисми бу жараёнларни механизациялаштириш, автоматлаштириш ва компьютерлаштиришдир. Бу воситалар қўлланилганда меҳнат унуми бир неча баробар ошади, сифати эса яхшиланади.

4.4. Автосервис корхоналарининг ишчи ва ёрдамчи постлари

ТХК ва таъмирлаш ишлари ишлаб чиқариш биносининг маҳсус жиҳозланган ишчи постлари ва устахоналарида бажарилади. Автомобилларнинг ўзида бажариладиган ишлар пост ишлари деб аталади ва маҳсус постларда бажарилади.

Айрим ишчи постлар баъзи ишларни бажаришга ихтисослашган бўлишлари мумкин, масалан, мойлаш ва мойларни алмаштириш пости, тормозларни текшириш ва созлаш, олдинги ғилдиракларни ўрнатиш бурчакларини назорат қилиш ва созлаш постлари ва х.к.

ТХК ва таъмирлашнинг барча умумий ишлари (созлаш, қотириш, агрегатлар, қисмларни ўрнидан ажратиб олиш ва ўрнига қўйиш ва х.к.) универсал постларда бажарилади ва бу ишлар катта ҳажмни ташкил этади. Кичик қувватли АСКларнинг (2-6 постли) постлари асосан универсал постлардан иборатдир. Йирик ва баъзан ўрта қувватли АСКларида автомобиллардаги майда таъмирлаш ишларини бажариш учун алоҳида, кириш ва чиқиш учун қулай бўлган жойда, маҳсус постлар ажратилади. Бунда автомобил ювиш-тозалаш ва қабул қилувчи билан келишган ҳолда бўш турган постга киритилади ёки бўши бўлмаган ҳолда кутиб турилади. Шу жойнинг ўзида, айнан шу постда, барча ишлар бажарилади ва автомобил чиқиб кетади.

Баъзан, асосан, хориж амалиётида, шу постларнинг қаторида ўз-ўзига хизмат кўрсатиш постлари ҳам ажратилади, яъни мижоз ўзи ёки ёрдамчиси билан айрим ишларни ўзлари бажариб олишади.

ТХК ва таъмирлаш ишларини бажариш жараёнида кўпинча автомобилларни кўтариш ва улар остида ишлаш, ғилдиракларни осилтириш талаб этилади. Шунинг учун автосервис корхоналари ишчи постларининг 70÷80 фоизи маҳсус гидравлик ёки электромеханик кўтаргичлар билан жиҳозланади.

Кўтаргич ва кўриш чуқури билан жиҳозланган постларда ишчига автомобилнинг остидан туриб хизмат кўрсатиш имконияти яратилади.

Ишчи постлари бир томони берк (4.3-расм) ва ҳар икки томони очик (бир томондан кириб иккинчи томондан чиқиб кетиладиган) бўлиши мумкин. Очик постлар асосан ювиш, тозалаш, қабул қилиш ва эгасига топшириш ҳамда айрим диагностика ишларини бажариш учун қўлланилади. Ишчи постлар технологик талабларга мос ҳолда жиҳозланиши, унда ҳаёт хавфсизлигини таъминлаш ва табиатни асраш шароитлари яратилган бўлиши шарт. Шунингдек, уларда бажариладиган ишлар рўйхати, бажариш тартиби, техник ва технологик талабларга оид хужжатлар мавжуд бўлиши талаб этилади.

Автомобил қисмлари техник ҳолатига қўйиладиган талаблар ҳам якка тартибда ишлаб чиқариш усулига мос ҳолда, яъни бажариладиган хизматлар ва ишлар чегарасида бўлади.

TXK ва таъмирлаш ишларининг сифати ва белгиланган ҳажмда бажарилишини таъминлаш мақсадида ишлаб-чиқариш участкалари ва ишчи постларда керакли жиҳозлар, асбоб-ускуналар ва ашъёлар қатори технологик хариталар ва бошқа корхона стандартларига оид техник – технологик хужжатлар бўлиши талаб этилади.



4.3-расм. Кўриш чуқурлиги билан жиҳозланган ишчи пост

TXKга келган автомобилларда бажариладиган ишлар даврийлиги ва ҳажми автомобилсоз компаниялар томонидан ишлаб чиқилган ва автомобилни сотишда унга қўшиб ҳар бир мижозга тақдим этиладиган махсус «Автомобилнинг сервис дафтарчаси» талонларига асосан белгиланиши тавсия этилади.

Сервис дафтарчаларига эга бўлмаган ёки талонлари тугаган автомобилларга TXK, профилактик ишлар муассасалар, бирлашмалар томонидан ишлаб чиқилган махсус низомларда кўрсатилган тавсиялар,

меъёрлар асосида ўтказилади. Шуни таъкидлаш лозимки, қандай ишларни бажариш буюртмачи – мижоз хуқуқидир.

Назорат саволлари

1. Автотранспорт воситалари техник сервиси ишларининг мохияти нимадан иборат?
2. Техник хизмат дейилганда нима тушунилади?
3. Тижорий хизмат турларига нима киради?
4. Автосервис корхоналарида мижозларга учун қандай қулайликлар яратилиши зарур?
5. Техник сервисни ташкил қилиш технологик жараёнининг кўрниши қандай?
6. Автомобилни сервисга қабул қилиш ва эгасига қайтариш тартиби нимадан иборат?
7. Автомобилларни сервисга қабул қилишда қандай хужжатлар расмийлаштирилади?
8. Ишчи ва ёрдамчи постларнинг вазифаси ва жойлашуви қандай?

V БОБ

АВТОСЕРВИС КОРХОНАЛАРИ ИШЛАБ ЧИҚАРИШ БҮЛИНМАЛАРИ ВА УСТАХОНАЛАРИДА БАЖАРИЛАДИГАН ИШЛАР

5.1. Автосервис корхоналари ишлаб чиқариш бўлинмалари ва ихтисослашган устахоналари

Автомобилларга тўла равишда хизмат кўрсатувчи корхоналарда қуйидаги ишлаб чиқариш бўлинма ва устахоналар ташкил этилади:

- автомобилларни ювиш ва қуритиш;
- автомобилларни хизматга қабул қилиш ва уларни эгасига топшириш;
- махсус диагностика;
- техник хизмат кўрсатиш постлари;
- таъмирлаш, агрегатларни алмаштириш постлари;
- кузов элементлари (эшиклар, капотлар, бамперлар ва х.к.)ни таъмирловчи постлар;

-автомобил, агрегат, асбоб ва жиҳозларини таъмирловчи махсус устахоналар (агрегатлар, узел ва деталларини таъмирловчи; ғилдираклар ва шиналарга хизмат кўрсатувчи; аккумуляторларни таъмирловчи ва зарядка қилувчи; электр жиҳозларига хизмат кўрсатувчи; моторнинг ёнилги таъминлаш тизими асблори: карбюратор, ижектор, бензонасос ва ҳ.к.га хизмат кўрсатувчи; кузовни таъмирлаш комплекси: тунукасозлик, пайвандлаш, арматура, бўяшга тайёрлаш, бўяш ва қуритиш ва бошқалар.

Автомобилларга техник хизмат кўрсатиш корхонаси ишлаб чиқариш биносининг таркибий қисми 5.1-расмда схематик кўринишда келтирилган.

АСК ишлаб чиқариш технологик жараёнини тўғри ташкил этиш мақсадида барча постлар (автомобил тураг жойлари) махсус белги (индекс)ларга эга. Индексларнинг биринчи рақами (нуқтагача) ушбу постнинг қайси минтақага тегишлилигини билдириса, иккинчи рақам (нуқтадан сўнг) постнинг турини билдиради:

0-автомобилларнинг навбат кутиш жойи; 1-қўзғалмас кўтариш элтиш жиҳозига эга бўлган ишчи пости; 2-ер усти ишчи пости; 3-ёрдамчи пост; 4-тормоз тизимини текшириш жиҳозига эга бўлган ишчи пост; 5-бошқариш ғилдиракларини ўрнатилиш бурчакларини текшириш ва созлаш жиҳози билан таъминланган ишчи пост; 6-ёритиш ва сигнализация, шу жумладан двигател ва унинг тизимларини текшириш жиҳозларига эга бўган ишчи пост (куват жиҳози ўрнатилиши ҳам мумкин).


Пост ва ишлаб чиқариш минтақалари қуйидаги индекслар билан белгиланади (5.1-расм):

1-қабул қилиш ва топшириш минтақаси; 1.3-назорат, қабул ва топшириш пости (ёрдамчи пост);

2-ювиш бўлими; 2.1-ювиш пости (ишчи); 2.3-қуритиш пости (ёрдамчи);

3-диагностика бўлими; 3.4-тормоз тизимини текшириш жиҳозига эга бўлган ишчи пост; 3.5- бошқариш ғилдиракларини ўрнатилиш бурчакларини текшириш ва созлаш жиҳози билан таъминланган ишчи пост; 3.6-двигател,

унинг тизимлари ва ёритиш ва сигнализация асбобларини текшириш ишчи пости (қувват жҳозига эга бўлиши ҳам мумкин);



5.1-расм. АСК постлари ва минтақаларини жойлашиш чизмаси.
I-ишлаб чиқариш минтақаси; II-маъмурий минтақа

4-ТХК миңтақаси; 4.0- автомобилларнинг навбат кутиш жойи; 4.1- құзғалмас кутариш жиһозига эга бўлган ТХК ишчи пости; 4.2- ТХК ер усти ишчи пости;

5-ЖТ пости; 5.0-автомобилларнинг навбат кутиш жойи; 5.1-қўзғалмас кўтариш жиҳозига эга бўлган ЖТ пости;

6-мойлаш бўлими; 6.0-автомобилларнинг навбат кутиш жойи; 6.1-қўзғалмас кўтариш жиҳозига эга бўлган ишчи пости;

7-аккумулятор батареяларини таъмирлаш ва зарядлаш устахонаси; 7.0-автомобилларнинг навбаткутиш жойи;

8-электр жиҳозлари ва асбобларини таъмирлаш устахонаси; 8.0-автомобилларнинг навбат кутиш жойи;

9-ёнилғи таъминоти тизими асбобларини таъмирлаш устахонаси; 9.0-автомобилларнинг навбат кутиш жойи;

10-агрегат-механика бўлими; 10.0-автомобилларнинг навбат кутиш жойи;

11-шиномонтаж бўлими; 11.0-автомобилларнинг навбат кутиш жойи;

12-қопламачилик агрегат устахонаси; 12.0-автомобилларнинг навбат кутиш жойи;

13-кузовларни таъмирлаш устахонаси; 13.0-автомобилларнинг навбат кутиш жойи; 13.1-қўзғалмас кўтаргичли ишчи пост; 13.2-ер усти ишчи пости;

14-бўёқчилик устахонаси; 14.1-қўзғалмас кўтаргичли ишчи пост; 14.2-ер усти ишчи пости; 14.3-ёрдамчи пост.

Автомарказларда, йирик ва ўрта АСКларида юқорида келтирилган ишлаб чиқариш участкаларининг барчаси тўла ва мустақил равишда ташкил этилади. Лекин унинг бир қанча вариантлари ҳам бўлиши мумкин, масалан, майда таъмирлаш ишлари (3 ишчи-соат ҳажмигача) ТХК постларида ёки алоҳида, киришга ва чиқишга қулай бўлган постларда бажарилиши мумкин. Баъзи устахоналар кичик АСКларга бирлаштирилади, масалан, аккумулятор устахонаси электр жиҳозлари устахонаси билан, таъминлаш тизими асбобларини таъмирлаш агрегатлар устахонаси билан. Шунингдек, ТХК ишлари таъмирлаш ишлари билан бирга бир постларда ташкил этилиши ҳам мумкин.

5.2. Автосервис корхоналарида кўриладиган хизмат турларининг бажарилиш жойлари

Автосервис корхоналарида кўрсатиладиган сервисларнинг турларини ва бажарилиш жойларини кўриб чиқамиз:

1. Автомобиллар салонини йиғишириш ва тозалаш, моторни ва кузовни ҳар томондан, шунингдек, остидан ювиш, кузовни қуритиш ва жило бериш (полировка) ишлари автомобилларни ювиш-тозалаш ва қуритиш бўлимида бажаради.

Замонавий АСКларда бу ишларни бажарувчи участкалар керакли жиҳозлар ва сув тозалагич иншоотлари билан таъминланади. Бу участка корхонанинг қуввати ва имкониятига қараб механизациялашган ёки қўлда, шланг ёрдамида ювадиган (5.2-расм) бўлиши мумкин. Автомарказлар, йирик ва баъзи ўрта қувватли АСКларда ювиш участкаси механизациялашган, баъзида эса автоматлаштирилган бўлади (5.4-расм).



5.2-расм. Автомобилларни шланг ёрдамида қўл билан ювиш пости.



5.3-расм. Автомобилларни чўткалар билан ювиш пости.

Ювилган автомобиллар асосан иссиқ ҳаво оқими ёрдамида қуритилади (5.5-расм).



5.4-расм. Автобусларни ювиш пости.



5.5-расм. Автомобилларни иссиқ ҳаво оқими ёрдамида қуритиш жиҳози.

2. Автомобилларни сервис хизматига қабул қилиш, автомобил ва унинг агрегатлари, узеллари ва тизимларининг техник ҳолатини аниқлаш бажариладиган ишлар ҳажмини ва муддатини белгилаш, шунингдек, зарур ҳужжатларни тўлдириш, мижозлар билан муомала қилиш каби ишлар автомобилларни қабул қилиш ва эгасига топшириш участкасида бажарилади. Шунингдек қабул қилиш жараёнида, автомобилнинг ташқи кўриниши кўздан кечирилади, унинг бутлиги текширилади, эгаси “носоз” деб айтган агрегатлар ва узеллар текшириб кўрилади, ҳамда ҳаракат хавфсизлигини таъминловчи барча механизмлар текширилиб, сарф бўладиган эҳтиёт қисмлар, материаллар миқдори ва тахминий хақи ҳам келишилиб олинади. Бундан ташқари автомобилнинг умумий техник ҳолатини белгиловчи агрегатлар ва қисмлар ҳам, эгаси буюртмасидан қаътий назар, кўриб чиқилади.

Бажариладиган ишларнинг тахминий ҳажми, бажариш муддати ва нархи белгиланиб, мижоз билан келишилгандан сўнг ҳужжатлар расмийлаштирилади.

Автомобилларни сервисга қабул қилиш корхона ёки соҳа раҳбарияти томонидан тасдиқланган маҳсус қоидалар асосида амалга оширилади. Автомобилларни кўрикдан ўтказиш ва сервисга қабул қилиш давомида унинг бутлиги ва техник ҳолатига маҳсус талаблар қўйилади. Албатта, автомобилнинг маркаси ва русуми унинг техник паспортига мос бўлиши, агрегатлари ва барча қисмлари завод маҳсулоти бўлиши шарт, ясама деталлар қўйилган ва конструкцияларга ўзгартиришлар киритилган ҳолда автомобил хизматга қабул қилинмайди.

Автомобилни эгасига топширишда эса буюртмада кўрсатилган ишларнинг бажарилганлиги, автомобилнинг бутлиги ва ташқи кўриниши текширилиб, топширилади.

Автомобилларни қабул қилишда ва уларни эгасига топширишда диагностик жиҳозлар ёки асбобларни қўллаш максадга мувофиқдир.

Қабул қилиш пайтида автомобилдаги барча носозликлар сабабини аниқлашнинг имконияти бўлмаган ҳолларда у диагностика постларига юборилади ва маҳсус стенdlар, ўлчов-назорат асбоблари ёрдамида унинг техник ҳолати аниқланади.

3. Автомобиллар, уларнинг агрегатлари, механизмлари ва тизимларининг техник ҳолатини аниқлаш ишлари маҳсус диагностика участкаси (пости)да бажарилади.

Диагностика жараёнида техник ҳолатни аниқлаш автомобилни қисмларга ажратмасдан маҳсус дастурларга асосан стенdlар, ўлчов ва назорат асбоблари ёрдамида бажарилади.



5.6-расм. Автомобилларни диагностикалаш пости



5.7-расм. Автомобилларни компьютерли диагностикалаш



5.8-расм. Бошқарилувчи ғилдиракларни ўрнатилиш бурчакларини созлаш пости



Диагностика ТХ кўрсатиш ва таъмирлашнинг муҳим элементи ва назорат ишларининг асосий воситаси, усули бўлиб, уни билиб қўлланилса, меҳнат сарфи камаяди ва сифат, иш унуми ошади, энг муҳими автомобиллар техник ҳолати яхшиланади.


4. ТХК, яъни профилактик, тўсатдан, қутилмагандан автомобилда носозликлар, бузилишлар содир бўлиши эҳтимоли олдини олиш ишлари техник хизмат кўрсатиш постларида бажарилади. Маълумки, бу ишлар қаров-назорат, қотириш-маҳкамлаш, созлаш, мойлаш ва майда таъмирлаш ишларидан иборат бўлиб, керакли технологик жиҳозлар билан таъминланган постларда маҳсус чукурлар устида ёки кўтаргичлар, эстакадаларда бажарилади. ТХК участкасининг айrim постлари, баъзи ишларни, масалан, мойлаш, олдинги гилдиракларнинг ўрнатиш бурчакларини текшириш ва созлаш, мотор газлари заҳарлилигини меъёрига келтиришга ихтисослашган бўлиши мумкин. Бу участка постларининг ихтисослашганлиги ёки жами ишларни бажаришга мўлжалланганлиги корхонанинг қувватига, ишлар ҳажми ва уларни ташкил этиш усулига боғлиқдир.



5.9-расм. Автомобилларга ТХК ва таъмирлаш постлари.



5.10-расм. Мотор мойларини алмаштириш пости



5.11-расм. Тизимларни техник суюқликлар билан таъминлаш пости

5. Жорий таъмирлаш, яъни автомобиллар агрегат, узел ва тизим қисмларида содир бўлган бузилишлар, носозликларни тузатиш ишлари таъмирлаш, агрегатларни алмаштириш постларида бажарилади. Кўп ҳолларда бу бузилишлар ва носозликларни оддий созлаш ёки қотириш билан бартараф этиб бўлмайди, бунинг учун носоз агрегат ёки узел автомобилдан ечиб олинади ва алмаштирилади ёки маҳсус устахоналарда таъмирланади.

Таъмирлаш постлари ҳам маҳсус жиҳозланган чукурлар, бир қанча тиргакли кўтаргичлар ёки эстакадалардан иборатdir. Баъзан таъмирлаш ишларини бажаришда автомобилнинг кўтарилиши ва унинг остида иш бажариш талаб этилмайди, масалан, алангалатиш чақмоғи ёки карбюраторни алмаштириш маҳсус ажратилган оддий постларда бажарилиши мумкин.



5.12-расм. Автомобилларни таъмирлаш постлари

Таъмирлаш участкаси, шунингдек, кўтарувчи ва ташувчи кранлар, қўл ёки электрик таллар билан жиҳозланади ва кўчма домкратлар билан таъминланади.

Баъзан енгил автомобиллар кузовларининг шикастланган элементларини (эшик, қанот, бамперлар ва х.к.) тўғрилашга ёки текислашга, пайвандлашга ва жойида бўяшга тўғри келиб қолади. Автомарказларда, йирик ва ўрта қувватдаги станцияларда шу ишларни бажаришга маҳсус ажратилган ва жиҳозланган постлар бўлади.

Постларда бажарилиши мақсадга мувофиқ эмас ёки мумкин бўлмаган таъмирлаш ишлари, маҳсус таъмирлаш-тиклаш устахоналарда бажарилади. АСКлардаги бу устахоналарнинг таркиби ва сони шу корхонанинг қувватига, йиллик ишлар ҳажмига боғлиқдир.

6. Мотор, узатмалар қутиси, илашиш муфтаси, олдинги ва орқа кўприклар, редуктор, рул механизмлари ва бошқа узелларни қисмларга ажратиш ва йифиш, айrim деталларга, масалан, тирсакли вал, мотор блоки ва х.к.ларга турли хилдаги механик, электрогальваник, чилангарлик каби ишловлар бериш ёки алмаштириш ва синаш ишлари агрегатларни таъмирлаш ва механика участкасида бажарилади.



5.13-расм. Агрегатларни таъмирлаш ва механика устахонаси.

7. Аккумуляторлар батареясига ТХК ва таъмирлаш, зарядкасини маромига етказиш ёки улар таъмирлангандан сўнг янгидан зарядлаш, дистилланган сув ва электролит тайёрлаш ишлари аккумулятор устахонасида бажарилади. Таъмирлашга яроқли аккумуляторлар батареяси корпуси автомарказлар, йирик АТХКСлари ёки маҳсус ихтисослашган устахоналарда алмаштирилади ёки мастика қуйиб тузатиш, пластинка ва сепараторларини алмаштириш, қўрғошинли сетка ва клеммаларини қалайлаш, кавшарлаш билан таъмирланиб ишлаш қобилияти тикланади.

8. Шиналар бўйича ажратиш-йифиш, ҳаво босимини назорат қилиш, мувозанатлаш, камерани ва майда жароҳатланган шиналарни таъмирлаш ҳамда ташқи назорат қилиш ишлари шиналарни таъмирлаш устахонасида бажарилади.

Шиналарни ажратиш-йифиш ишлари шина ўз муддатини ўтаб бўлгандан сўнг ёки камера тешилганда бажарилади. Йифилган шина меъёрий ҳаво босимигача дамланади. Ҳаво босимини назорат қилиш ҳар бир ТХКда бажарилади. Юк автомобиллар ва автобуслар шиналарини дамлаш пайтида, занжир ҳалқаси чиқиб кетиб ишловчини жароҳатлаши мумкин. Бундай баҳтсиз ҳодисаларни олдини олиш мақсадида, улар маҳсус металл қафасларда дамланади.



5.14-расм. Шиналарни таъмирлаш устахонаси

9. Электр ва электрон блоклари, агрегатлари (генераторлар, стартерлар, турли узатма электромоторлари, ва ҳ.к.) ва бошқа назорат-ўлчов асбобларини текшириб кўриш ва зарурат бўлганда таъмирлаш ишлари электротехника ёки электр жиҳозларини таъмирловчи устахонада бажарилади. Шуни таъкидлаш лозимки, бу жиҳозларнинг носозлигини автомобилларнинг ўзида таъмирлаш постларида тозалаш, қотириш ва созлаш ишлари билан бартараф этилиши иложи бўлмаган ҳоллардагина устахонага келтирилади. Таъмирлашга келтирилган автомобил жиҳозлари аввал маҳсус стендларда текширилиб кўрилиб, сўнгра қисмларга ажратилади, ювилади, тозаланади, сўнгра қуритилади ва сараланади, яъни яроқсизлари янгисига ёки яроқлисига алмаштирилади, баъзилари таъмирланади ва яна йифилиб синаб кўрилади.

10. Бензонасос, карбюратор, инжекторларни қисмларга ажратиш, ювиб тозалаш, яроқсиз деталларини алмаштириш, қайтадан йиғиши, яроқлилигини текшириб ва синаб кўриш ишлари ёнилғи билан таъминлаш жиҳозларини таъмирловчи устахонада бажарилади.



5.15-расм. Ёнилғи билан таъминлаш аппаратларини таъмирлаш устахонаси.

11. Автохалокат ёки занглаш, чарчаш ёки эскириш натижасида шикастланган кузовлар кузовларни таъмирлаш устахонасида таъмирланади. Ушбу устахона автосервис корхонасидаги барча устахоналардан энг каттаси бўлиб, ундаги ишларнинг ҳажми ва мураккаблиги кўп вақтни талаб этади. Шунинг учун бу устахонанинг майдони энг катта, ундаги ишчиларнинг сони нисбатан кўп бўлади. Кузов устахоналари автомарказларда, йирик АТХКСлари ва шунингдек, шикастланган кузовларни тиклашга ихтисослашган маҳсус станцияларда ташкил этилади.

Кузов устахоналари бир неча мустақил ишлаб чиқариш участкаларидан, чунончи:

- тунукасозлик;
- бўяшга тайёрлаш;
- бўяш ва қуритиш;
- арматураларни таъмирлаш мажмуидан иборат.



5.16-расм. Автомобил кузовини таъмирлаш жойи



5.17- расм. Пайвандчилик минтақаси

Бу устахонага кузов барча агрегатлар, осма қисмлардан ажратилган холда келтирилади. Кузовни таъмирлаш тунукасозлик участкасидан бошланади. Бу жойда урилиб шикастланган кузовлар маҳсус стендларда винтли, гидравлик тортмаларда тортилиб тўғриланади, коррозияга учраб чириган жойлари ва деформацияланиб тўғрилашнинг иложи бўлмаган қисмлари автоген ёки пневматик кескичлар ёрдамида кесиб ташланади. Олиб ташланган жойларга эҳтиёт қисмлар ёки маҳсус тайёрланган ямоқлар пайвандланади. Пайвандлаш карбонат ангидрид ҳимояли муҳитда, яrim автоматик электрёйли қурилмаларда бажарилади. Кузов панеллари ва ўзакларининг ёрилган ва узилган жойлари ҳам шу усулда уланади.

Кесишида эса автоген усули билан бир қаторда пневматик юритмали айланма кескичлар қўлланади.

Кузов деталларини бир-бирига улашда контакт нуқтали электр пайвандлаш усуллари ҳам қўлланади.



5.18-расм. Бўяшга тайёрлаш минтақаси



5.19-расм. Тунукасозлик минтақаси

Тўғриланган ва уланган кузовнинг пайвандланган чокларидан тозаланади ва, айниқса, махсус асбоблар ёрдамида қўл зарбаси билан обдон текисланади. Узил-кесил тўғриланган, нафис ҳолгача текисланган ва тозаланган кузов бўяшга тайёрлаш участкасига ўтказилади. Бу жойда кузов сиртидан бўёқлари иложи борича қириб, сидириб ташланади, жилвир қоғоз билан ишқаланиб тозаланади. Нотекис жойлари ва тиркишлари махсус шувоқ - шпаклевка билан текисланади ва кузов бўяш участкасига ўтказилади.



5.20-расм. Бўяш-қуритиш камераси

Бўяш жойи алоҳида ёпиқ герметик камера бўлиб, у ишончли ҳаво сўриш ва ҳайдаш асосида ишловчи вентилятор билан жиҳозланади. Бу камерада кузов сиртига, аввало, ҳомаки бўёқ - грунт сепилади, шовқинга ва коррозияга қарши ишлов берилади ва махсус пуркагич пистолетларда бўёқ сепилади. Нитроэмалли бўёқлар тез, 20 минут ичиди, $18\div20^0$ С оддий ҳароратда қуритилади, агар синтетик эмал бўёқлари ишлатилса, қуритиш учун кузовни $110\div130^0$ С ҳароратли камерада $30\div50$ минут ушлаб туришга тўғри келади.



5.21- расм. Автомобилларни бўяш.



5.22-расм. Бўёқ тайёрлаш хонаси

Бўёқларни тайёрлаш, ранг ва жилосини аниқлашни автомобил паспортидаги код белгиси асосида компьютерлар ёрдамида ёки маҳсус тайёргарликка эга бўлган мутахассислар бажарадилар.

Кузов мажмуасининг яна бир участкаси - арматура участкаси бўлиб, бу жойда эшик, капот, юхона ошиқ-мошиқлари, қулфлари, ойналарни кўтариш -тушириш механизмлари ва ҳошиялари таъмирланади.

Шунингдек, кузов мажмуида алоҳида, ўриндиқлар ва сунчиқларни таъмирловчи ва радиатор, бензобакларни кавшарловчи мустақил участкалар ҳам бўлиши мумкин.

Автомарказлар ва АТХКСларида маъмурий-маиший хоналар қатори албатта мижозлар учун алоҳида хона, эҳтиёт қисмлар омборлари ва савдо дўконлари, салонлари бўлиши шарт.

12. Мижозлар учун қулайликлар яратиш ва ахборот етказиш вазифасини мижозлар учун хоналар ва хизмат пунктлари бажаради. Бозор иқтисодиёти шароитида рақобатга чидаш ва унда муваффақиятли кураш олиб боришнинг асосий шартларидан бири бозорга қўйилган товар ёки хизмат юқори сифатли бўлиши ва унга бериладиган кафолат ҳисобланади.

Автосервис хизмати ҳам бу қоиддан ҳолис эмас. Хизмат кўрсатиш соҳасида, жумладан, автосервисда ҳам, сифат икки қисмдан, яъни автомобилда бажарилган ишларнинг сифати ва автомобил эгалари-мижозларга қилинадиган муомала маданиятидан иборатdir. Мижозлар учун яратилган қулайликлар улар шу корхонанинг доимий мижозларига айланишларини таъминлаб беради. Автомобилларида юзага келган кичик носозликларни тузатиш ёки кам ҳажмдаги сервис хизмати билан кирган мижозлар учун кутиш ва дам олиш салони, унда телевизор, дам олиш креслолари, диванлар, стол ва стуллар газета ва журналлар, проспектлар бўлади, буфет хизмат кўрсатади.

Мижозларга кўрсатиладиган маданий-маиший хизмат қуйидаги мажмуалардан ташкил топиши мумкин:

- мижозлар учун кутиш ва дам олиш салони;
- кафе-барлар;

- савдо шохобчалари, сотиладиган автомобиллар, эҳтиёт қисмлар дўйонлари;
- автосалонлар.



5.23-расм. Мижозлар билан ишлаш хоналари

Автосервис корхонасига келган мижозлар автосалон ёки кўргазма залларида мавжуд автомобиллар билан танишиб, уларнинг ўзларига ёқсан русум ва моделларини танлаб олиш имкониятларига эга бўладилар. Худди шундай, сотиб олинадиган автомобиллар мижозлар томонидан ўз вақтида олинишини таъминлаш учун савдо корхоналари ўз таркибларида сотиладиган автомобиллар, эҳтиёт қисмлар омборларини ташкил қиласидилар. Автомобилларга сервис кўрсатувчи қўпгина корхоналарнинг тижорий ишларига автомобиллар, уларга эҳтиёт қисмлар ва автоматериаллар билан савдо қилиш ҳам киради. Айниқса бу ишлар дилер сервис корхоналарининг биринчи вазифаси хисобланади. Автосавдо жойлари – автосалонлар, эҳтиёт қисмлар сотиш дўйонлари корхоналарнинг киравериш қисмидаги энг нуфузли жойида жойлаштирилади.

Улар харидорлар дидига мос тушишига, замонавий, қулай ва шинам бўлишига ва жиҳозланишга катта аҳамият берилади, чунки сотиладиган автомобилларни харидорларга намойиш этиш ва реклама қилиш санъати тижорий ишларнинг муҳим таркибий қисмидир.

Мижозларга маданий-маиший хизматни яхшилаш учун корхоналар ёнида ресторонлар, ошхоналар, кафе-барлар ва чойхоналар ташкил этилади.



5.24-расм. Эхтиёт қисмлар савдо дўкони



5.25-расм. Автосалонлар

Мижозларга янада кўпроқ қулайликлар яратиш мақсадида автосавдо салонлари ёнида тижорат банклари бўлимлари ташкил қилинади.

5.3. Автосервис корхоналарининг ёрдамчи бўлимлари

Автомарказлар ва АСКларда маъмурий-маиший хоналар қатори мижозлар учун алоҳида хона, эхтиёт қисмлар омборлари ва савдо дўконлари, салонлари бўлиши шарт.

Ишлаб чиқариш бинолари ва устахоналаридан ташқари технологик жараёнларнинг узлуксиз ва тўхтовсизлигини таъминловчи элементлардан бири омбор хўжалигидир. Уни барпо этиш ва фаолиятини ишлаб чиқариш жараёнлари талаблари асосида ташкил этиш, айниқса, муҳимдир.

Омбор хўжалигининг таркиби, уларда сақланадиган захиралар ҳажми ва хиллари, автосервис корхоналарининг турлари ва ишлаб чиқариш кувватига боғлиқ бўлади.

Автомарказ ва АСКларнинг омборларида қуидаги захиралар сақланади:

- сотиладиган автомобиллар;
- автомобилларга эхтиёт қисмлар;
- алмаштириладиган (янги ва таъмирланган), алмашилган автомобиллар агрегатлари ва узеллари;
- таъмирлаш материаллари (лок-бўёқлар, электродлар, кислород баллонлари, кислоталар, карбидли бочкалар, турли металлар ва х.к.);
- ёнилғи-мой материаллари;
- асбоб-ускуналар;
- шиналар;
- автомобилларнинг турли хил ашёлари.

Автомобиллар, эхтиёт қисмлар ва материалларнинг ишлаб чиқаришга сарфланадиган ва сотиладиган қисмлари учун алоҳида омборлар ёки умумий захира омборларини ташкил этиш мумкин.

Омборларни лойиҳалаш сақланадиган эҳтиёт қисмлар ва материалларнинг хиллари бўйича захиралар микдори асосида амалга оширилади.

Материалларнинг хиллари бўйича тўғри танлаб шакллантирилган захиралар ҳажми ТХК ва таъмирлашни узлуксиз таъминловчи мустаҳкам моддий-техник базаси бўлиб хизмат қиласи. Захираларни шакллантириш усуслари эса сервис корхоналар тармогининг ташкилий таркиби, корхона хизматининг автомобиллар турлари ва ишларига қараб ихтисосланганлик даражаси ва қувватига боғлиқдир. Захираларни шакллантириш мустақил ва марказлаштирилган бўлиши мумкин. АСКлар ўз омборлари захираларини маҳсус ишлаб чиқарилган максимал ва минимал меъёрлар асосида тўлдириб турадилар.

Омборларда сақланаётган материалларнинг захираси минимал меъёрга қадар камайиб кетган ҳолда, у максимал даражага қадар тўлдирилади. Амалда захираларнинг меъёрлари натурал сонларда (сонлари, массалари) белгиланади ва маълум муддат (кун, ой, квартал) давомида тўла фойдаланишга мўлжалланади.

Мустақил АСКлари ўз захири моллари турлари ва ҳажмини ўзининг ўтган даврдаги амалий фаолияти ҳисоботидан олинган статистик маълумотлар, шунингдек, хизмат кўрсатиладиган автомобиллар сонининг келажакдаги эҳтимолий ўзгаришларини назарда тутган ҳолда аниқлайдилар.

Захиралар аниқлангач уларни сақлаш меъёрлари орқали омборлар ҳажмини (қувватини) аниқлаш мумкин. Ҳар бир молнинг хили бўйича қуидагича сақлаш меъёрлари белгиланган:

- майдон бирлигига тўғри келадиган массаси ($0,2 - 3 \text{ т}/\text{м}^2$);
- хона ҳажмига тўғри келадиган массаси ($0,1 \div 2,0 \text{ т}/\text{м}^3$);
- максимал сақлаш баландлиги.

Сақлаш меъёрлари асосида омбор жиҳозлари танлаб олинади (стеллаж-тахмонлар, кўтариш-силжитиш механизмлари, маҳсус яшиклар, тагликлар, аравачалар ва х.к). Омбор майдонини аниқлашда ундаги жиҳозлар, юриш ва транспорт йўлакчалари, мол қабул қилиш, тарқатиш, шунингдек бўш идиш-анжомларни сақлаш жойларининг ўлчамлари ҳам ҳисобга олинади. Автомарказлар ва йирик АСКларда омборлар ёнфинга чидамли материаллардан алоҳида бино ҳолатида ёки ишлаб чиқариш мажмуаси билан бириктирилган (блок усулида) бир неча бўлим, хоналар сифатида барпо этилади.


Ўрта ва кичик қувватли станцияларда эса омборлар учун одатда ишлаб чиқариш биноси мажмуасида бир ёки бир неча хоналар ажратилади. Аммо ҳар қандай ҳолда ҳам ёнилғи-мойлаш материаллари алоҳида бинода сақланиши зарур.

Омбор майдонининг шакли тўртбурчак бўлиб, унинг бўйи билан эни 1:4 нисбатда бўлиши мақсадга мувофиқдир. Автосервис корхоналари молларини кўп қаватли ($3 \div 4$) тахмонларда сақлаш мумкин. Бу ҳолда омбор майдонидан фойдаланиш даражаси 40-60 % га етади (5.28-расм). Автомарказлар, катта ва ўрта қувватли автосервис корхоналарида эҳтиёт

қисмлар ва агрегатлар алоҳида хонада, кўп қаватли пештхталарда, махсус токчали шкафларда, майда деталлар эса (болт, гайка, шайба ва ҳ.к) яшикларда сақланади.

Керакли деталларни тезда излаб топиш учун улар автомобил қисмлари бўйича гурухланиб каталог номлари асосида жойлаштирилади. Махсулот ва материалларни шу ёрлиқларга асосан махсус пештахталарга жойлаштириш ишлаб чиқаришга керакликларини бир зумда топишга имкон беради. Думалоқ шаклдаги металлларни горизонтал шаклда кўп қаватли пештахталарда, яssi металллар вертикал шаклда пештахта токчаларида сақланади.

Эҳтиёт қисмлар ва агрегатлар сақланадиган омбор автомобилларга ТХК ва жорий таъмирлаш постларига яқин жойлашган бўлиши зарур, чунки улар ўзаро технологик боғланганлар. Лок-бўёқ, кузов деталлари, пайвандлаш материаллари, кислород баллонлари, юпқа металл листларини ва шунингдек, шикастланган кузовлари тикланаётган автомобиллар ашёларини сақлаш омбор-лари кузовларни таъмирлаш участкасида ёки унинг ёнида жойлаштирилади.



5.26-расм. Эҳтиёт қисмлар омбори

Енгил ўт олувчи материаллар ва кислоталар (лаклар, бўёқлар, сульфат кислотаси, сульфат ва хлорид кислотаси) ажратилган ҳолда, алоҳида ёнғинга чидамли хоналарда сақланади. Кислоталар юмшоқ тагликларга ўрнатилган шиша идишларда, алоҳида ажратилган хоналарда сақланади.

Шина омборларида янги, айрим ҳолларда таъмирлашга топширилган ва таъмирланган шиналар ҳам вертикал ҳолатда сақланади. Бу омбор ҳам шиналарни таъмирлаш участкаси ёнида жойлашуви мақсадга мувофиқ хисобланади. Катта ва ўрта қувватли станцияларда ТХК ва таъмирлаш жараёнида ҳар доим керак бўлиб турадиган айрим майда деталларнинг бир қисми (болтлар, гайка, шайба, прокладкалар, картон қофозлари,

электросақлагиchlар, автолампочкалар ва ҳ.к.) ишлаб чиқариш участкалари бошлиқларида сақланади.

Кичик қувватли станцияларда юқорида келтирилган барча вазифани марказий омбор бажаради. Ёнилғи-мойлаш материаллари уч қунлик захира ҳисобида алоҳида, ёнғинга чидамли биноларда сақланиши талаб этилади.

Шунингдек барча турдаги корхоналарда ишдан чиққан, яроқсиз деталлар ва анжомлар сақланадиган алоҳида омбор бўлиши лозим.

Шина ва бошқа резинатехник маҳсулотлар ҳамда материаллар маҳсус омборларда сақланади. Бу омборларнинг тузилиши ертўла ёки ярим ертўла шаклида бўлиши мақсадга мувофиқдир. Шиналар ҳам 2 қаватли пештахталарда тик турган ҳолда сақланади. Камералар озрок дам берилган ҳолатда илгакларда сақланади. Улар вақти-вақти билан бир оз айлантирилиб турилади. Шиналар омбори қоронғи бўлиб, у ерда ҳаво ҳарорати $-10^{\circ}\text{C} < t < +20^{\circ}\text{C}$ ва намлиги 50-60% оралиғида бўлиши керак. Шиналарни сақлаш хоналарига ёруғлик нуридан ҳимоялаш учун маҳсус ойнали деразалар ўрнатилади. Резина материалларни сақлаш омборларида уларга салбий таъсир этувчи материаллар (керосин, бензин, скрипидар, мой) билан биргаликда сақлаш тақиқланади.

Таъмирлаш учун ишлатилувчи хом резиналар ёғоч тиқинга эга бўлган ўрамларда пештахта устида сақланади. Таъмирлаш учун ишлатиладиган елим ёпиқ ойнали идишда сақланади.

Омбор хўжалигини тўғри ташкил этиш ундаги сақланаётган моллар хисоботини тўғри ва аниқ олиб боришни таъминлайди. Бунда компьютерлардан фойдаланиш мақсадга мувофиқдир.

5.4. Автосервис корхоналари коммунал хўжалиги

Автосервис корхоналари коммунал хўжаликларининг вазифаси ишлаб чиқаришни электр ва иссиқлик энергиялари, сув ва сиқилган ҳаво билан таъминлаш, корхонада зарурий санитария, эстетика ва экологик ҳолат яратишдир.

Электр таъминоти. Автосервис корхоналари электроэнергия истеъмолчиларининг учинчи тоифасига киради (яъни, уларга энергия узатишдаги узилишлар бир суткага қадар давом этиши мумкин).

АСКда электроэнергия қўйидаги мақсадларда фойдаланилади:

- технологик жиҳозлар, электромоторларни ҳаракатлантириш;
- қизитиш қурилмалари (вулканизация аппарати, автомобилларни бўяш, куритиш камералари ва ҳ.к), электропайвандлаш аппаратлари ва ёритиш тизими асбобларини энергия билан таъминлаш;
- инсон ҳаёти ва унинг хавфсизлигини таъминловчи ва нормал меҳнат шароити яратиш учун хизмат қилувчи техник воситаларнинг (электровентиляторлар, кондиционерлар, компьютерлар ва ҳ.к) ишлашини таъминлаш.

Электроэнергия тизимида кучланиши 127, 220, 380 вольтли ўзгарувчан ток ва 6, 12, 24, 36 вольтли ўзгармас ток қўлланилади. Кичик кучланишдаги ўзгармас токлар (асосан 12, 24 в) аккумуляторлар батареяларини зарядлаш,

автомобилларга ТХК ва таъмирлаш постлари чуқурларини ёритиш учун ишлатилади. Ташқи электр тармоғига уланиш қувватини корхонадаги истеъмолчиларнинг белгиланган қувватларини ва уларнинг бир вақтда уланиш эҳтимоллигини ҳисобга олувчи қуйидаги коэффициентлар орқали жамланади:

$$\text{Ички ва ташқи ёритиш чироқлари} \quad e_v = 0,9 \div 1,0$$

$$\text{Санитария ва сув хўжалиги техникаси} \quad e_g = 0,6 \div 0,7$$

$$\text{Технологик жиҳозлар} \quad e_t = 0,3 \div 0,4$$

Коэффициентларнинг паст қийматлари кичик қувватли, юқори қийматлари эса катта ва ўрта қувватли станциялар учун қабул қилинади. Зарурий уланиш қуввати

$$N = 0,8 (e_v N_1 + e_g N_2 + e_t N_3), \text{ квт}.$$

бунда:

N_1 – ички ва ташқи ёритиш чироқларининг белгиланган қуввати, квт;

N_2 – санитария ва сув хўжалиги техникасига сарф бўладиган қувват, квт;

N_3 – технологик жиҳозлар истеъмол қиласиган қувват, квт.

Ўртacha уланиш қуввати турли кўламдаги станциялар учун қуйидаги миқдорларда деб қабул қилиш мумкин:

Энг кичик станциялар учун (2-4 постли).....30 – 40 квт

Кичик станциялар учун.....60 – 80 квт

Ўрта станциялар учун.....100 – 150 квт

Катта станциялар учун.....150 – 250 квт

Станцияни ташқи электр тармоғига уланиш усули унинг зарурий электр энергияси қувватига ва коммунал тармоқнинг техник ҳолати ва юклanganligiga боғлиқdir. Agar станция шаҳар ташқарисида жойлашган ва зарур уланиш қуввати 50 квт дан ошмаса унда тўғридан тўғри паст кучланишдаги (380 в) шаҳар коммунал тармоғига уланиши мумкин. Станция электр тармоғидан 200-300 м нарида жойлашган бўлса унга электр энергия ўрта вольтли кабел ёки кучланиши 10 – 20 киловольтли бўлган ҳаводан тортилган симлар орқали трансформатордан ўтказиб узатиш иқтисодий жиҳатдан маъқулроқdir. Bu ҳолда истеъмолчи станцияда кучланишни пасайтирувчи (380 в) трансформатор ўрнатиши лозим.

Станциянинг ички электр жиҳозларини ўрнатиш ва уларга электр ўтказгичларни тортиш махсус “Электр қурилмаларини ўрнатиш қоидаси” ва “Электр қурилмаларини техник эксплуатация қилиш қоидалари” хужжатлари асосида бажарилиши талаб этилади.

Биринчи навбатда ишлаб чиқариш биноларидаги устахоналар ҳамда бошқа ёрдамчи хоналар бажариладиган ишлар тавсифига асосан ёритилиши электр энергияси билан таъминланиши лозим.

Автомобилларга техник хизмат қўрсатиш, уларни диагностикалаш ва таъмирлаш участкалари бино шифтига ўрнатилган эстетик газли лампалар ёрдамида ёритилади. Кўриш ариқчалари хона полидан пастда жойлашганлиги учун уларнинг ёритиш тизимига электр таъминоти умумий ёритиш тизмидан алоҳида шамоллатиш тизими билан биргаликда амалга

оширилади. Технологик жиҳозларга электр энергияси деворларга ўрнатилган, бош улагич орқали таъминланадиган штепсел розеткалари орқали узатилади.

Иссиқлик таъминоти. Корхонанинг иншоотларини иситишни лойиҳалаётганда хоналардаги ҳавонинг ҳисобланган параметрлари 5.1-жадвалдаги миқдорларда қабул қилинади.

Ишдан ташқари вақтда ҳамма хоналарда илиқ ҳароратни ушлаб туриш учун навбатчи иситгич кўзда тутилиши керак. Иситиш тизимини ишдан ташқари вақтда навбатчи иситгичга ўтказишни имкони борича автоматлаштириш лозим.

Автомобилларга техник хизмат кўрсатиш ва сақлаш хоналарида шамоллатиш билан мослашган ҳаво иситгич қўлланилиши керак. Бу тизим ҳаво иситиш жиҳозларини марказлашган ёки марказлашмаган ҳолда жойлаштириш ёрдамида амалга оширилади.

Марказлашган буғ-ҳаво иситиш усулида ҳаво марказий камерада иситилади ва у ердан марказдан қочма вентилятор ҳамда металли ҳаво юритгич ва пол тагидаги каналлар ёрдамида хоналарга тарқатилади.

5.1-жадвал

Хоналарнинг микроиқлим меъёrlари

Хоналар номи	Ҳарорат °C	Ҳавонинг нисбий намлиги, %	Ҳавонинг ҳаракатланиш тезлиги, м-с
Автомобилларга хизмат кўрсатиш	16	75 дан ортиқ эмас	0,5 дан ортиқ эмас
Автомобилларни сақлаш	5	меъёrlанмайди	0,5 дан ортиқ эмас 1.0
Эҳтиёт қисмлар, агрегатлар материаллар ва асбоблар сақлаш	10	меъёrlанмайди	меъёrlанмайди
Шиналарни сақлаш	5	меъёrlанмайди	меъёrlанмайди

Марказлашмаган ҳолда иситишда яхлит блокка ўрнатилган калорифер, вентилятор ва электродвигателдан фойдаланилади.

Ҳаво узатиш агрегатларини колонналар ёки деворларда жойлаштириш лозим.

Таъмирлаш-тайёрлов ва омборхоналарни иситишда паст босимли ёки юқори босимли (маҳаллий иситиш асбоблари) буғл билан иситиш тизими қўлланади.

Автомобилларни сақлаш хоналари билан дарвоза ёки эшик орқали қўшни ишлаб чиқариш хоналарида қўшимча жой кўзда тутилади ва у ерга узатилаётган ҳаво миқдори ҳисобдагидан 10 % га оширилади.

Аккумулятор, камера ямаш, копламачилик ва қайта тиклаш ишлари бажариладиган хоналарда ҳаволи иситиш қўлланганда ҳавони айланма ҳаракатлантиришга рухсат этилмайди.

Ҳавонинг совиши ҳисобланганда, ташқи тўсиқлар ва инфильтрация ҳисобига йўқотиладиган иссиқликдан ташқари, хонага кираётган совуқ автомобилларни иситишга кетадиган ва очик дарвозадан кираётган совуқ ҳавони иситишга кетадиган иссиқликни ҳам ҳисобга олиш зарур.

Иситилган двигателнинг ва унинг совитиш тизимидағи сувнинг ўртача ҳарорати 50°C га тенг, автомобилнинг совитилган қисмларини ўртача ҳарорати ҳисобланган ташқи иситиш ҳароратидан 10°C га юқори қабул қилинади.

Хоналарга кириб келаётган автомобилларни иситиш давомийлиги қабул қилинади. 1-тоифали автомобилар учун-1 соат, 2- ва 3- тоифа учун 2 соат, 4 -тоифали учун эса -3 соат. Бунда 2- ва 3- тоифа учун 70 % иссиқлик биринчи соатда сарфланади, 4- тоифа учун эса биринчи соатда -50%, иккинчи соатда -30% ва учинчи соатда -20%.

Автомобилар хонага кўплаб кириб келиши ва чиқиши вақтида хонаниг совиши максимумга етади. Ҳаво миқдори шамолни йўналиши ва тезлигига, ташқи ва ички ҳароратга, дарвозанинг баландлиги ва кенглигига боғлик. Дарвозанинг очиб ёпилишидан йўқотилаётган иссиқликни қоплаш учун иссиқлик таъминоти лойихаланаётганда қўйидагиларни кўзда тутиш лозим:

-ташқи ҳавонинг ҳисобланган ҳарорати минус 20°C дан паст бўлганда, агар ТХК минтақасида постлар сони 5 дан ортиқ бўлса ва сақлаш минтақаларига кириб чиқаётган автомобиллар сони 1 соатда 20 тадан ортиқ бўлса, ташқи дарвозаларга иссиқ ҳаво тўсиқлари ўрнатилади;

-ташқи ҳисобланган ҳарорат минус 20°C дан юқори бўлса йўқолган иссиқлик ўрнига қўшимча иссиқ ҳаво берилади ёки қўшимча даврий ишлайдиган рециркуляцион агрегатлар ўрнатилади;

Ҳаво тўсгич иккита вертикал ҳаво юритгичдан иборат бўлиб, ўз электродвигатели билан таъминланган. Ундан юбориладиган иссиқ ҳаво кириб келаётган ҳавога қарши 45° бурчак остида йўналади.

Сиқилган ҳаво билан таъминлаш. Сиқилган ҳаво билан ишловчи ускуналар бошқарилиши енгиллиги, ишончлилиги ва хавфсизлиги билан ажralиб туради, уларнинг камчилиги эса фойдали иш коэффициентининг кичиклиги ва шовқиннинг баландлигидир. АСКларида айрим технологик жараёнларни бажариш учун бу ускуна ва асбоблардан фойдаланилади.

АСКнинг сиқилган ҳавога бўлган эхтиёжи қўйидагича аниқланади:

$$Q = \sum g e a, \text{м}^3 / \text{мин}$$

бу ерда:

g -сиқилган ҳаво билан ишловчи барча ускуналар, дастгоҳлар ва қурилмалар томонидан истеъмол қилинадиган ҳаво ҳажми, $\text{м}^3/\text{мин}$;

e -иссиқликдан бир вақтда фойдаланиш коэффициенти, 0,9...0,52 (истеъмолчилар сонига боғлиқ бўлиб, истеъмолчилар кўпайиши билан қиймат кичиклашади, 5.2-жадвал);

а-ҳаво магистралларидаги ножипслик натижасидаги йўқотилиш коэффициенти, 1,1 ...1,3.

5.2-жадвал

Иссикликдан бир вақтда фойдаланиш коэффициенти күрсаткичлари

Истеъмолчилар сони	1	2-3	4-6	7-10	11-20	21-40	40 дан зиёд
Бир вақтда фойдаланиш коэффициенти,	1	0,9	0,8	0,78-0,7	0,7-0,6	0,55-0,52	0,5 дан зиёд

Сиқилган ҳаво билан ишловчи ускуналар, дастгоҳлар ва қурилмалар истеъмол қиласидаган ҳаво ҳажми 5.3-жадвалда келтирилган.

АСКларида сиқилган ҳавони етказиб бериш мақсадида поршенли компрессорлардан (5.27-расм) фойдаланилади (босим 0.6...1.0 МПа).



5.27-расм. Компрессор ускунаси

5.3-жадвал

Сиқилган ҳаво билан ишловчи ускуналар, дастгоҳлар ва қурилмалар истеъмол қиласидаган ҳаво ҳажми

Ускуна, дастгоҳ ва қурилма номи	Ҳаво истеъмоли, м ³
Пардозловчи машина	0,5-0,7
Йўнувчи машина Ø10 мм гача.	0,5-0,6
2 мм қалинликдаги пўлат листларни қирқиш қайчиси	0,7
M14-M24 гайкалари учун гайкабурагич M14-M24	1,2
65 мм диаметрли чархлар учун	0,75
150 мм диаметрли чархлар учун	1,1
200 мм диаметрли чархлар учун	1,2
Бир устунли кўтаргич	0,8-1,0*

Изоҳ: * ҳар бир кўтариш учун

Шамоллатиш тизими. Автосервис корхоналарининг ишлаб чиқариш иншоотлари меҳнат мухофазаси талаблари асосида шамоллатиш жиҳозлари билан таъминланган бўлади. Чунки ишлаб чиқариш технологик жараёнларида юзага келадиган (ёнилғи ва электролитнинг буғланиши, бўёқ газлари, автомобилдвигателларидан чиқадиган ёниш маҳсулотлари ва ҳ.к.) ва ҳаво таркибига қўшиладиган ҳар хил газлар инсон соғлигига заҳарловчи таъсир кўрсатади. Бундан ташқари бу газлар таъминот тизими жиҳозларини ва аккумуляторларни таъмирлаш, бўёқчилик устахонасида, кўриш чуқурларида, мой материаллари омборларида ҳаво таркибида портлашга мойил қўшилмалар юзага келтириши мумкин.

Бу ҳолатларнинг олдини олиш мақсадида барча турдаги корхоналарнинг ишлаб чиқариш биноларида шамоллатиш тизими ташкил қилинади. Шамоллатиш тизимининг асосий вазифаси ҳаво таркибида газлар концентрациялари ҳосил бўлишига йўл қўймаслик ва ҳавонинг меҳнат мухофазаси қоидалари ва ёнғинга қарши талаблар асосида белгиланган миқдорларда алмашиниб туришини таъминлашdir.

Ҳаво таркибидаги заҳарли газларнинг миқдорини камайтириш мақсадида ТХК ва таъмирлаш минтақаларида автомобилларнинг ишлаб турган двигателларидан чиқаётган ёниш маҳсулотлари маҳсус қувурлар орқали ташқарига чиқариб юборилади.

Ёниш маҳсулотлари таркибидаги заҳарли газлар аввало юқорига кўтарилиди, кейинчалик совиши натижасида хонанинг энг паст қисмига тушади. Шу сабабли кўриш чуқурларига 22-30°C ҳароратдаги тоза ҳаво 150 м³/с ҳисобида юборилиб турилиши керак.

Аккумуляторларни таъмирлаш устахоналарида, зарядлаш жараёнида ажралиб чиқадиган водород ва кислоталар буғлари ҳаво билан бирлашиб портлашга мойил қўшилмалар ҳосил қиласди. Аккумуляторларни таъмирлаш хоналарда умумий шамоллатиш татбиқ қилиниб, аккумуляторларни зарядлаш хоналарида эса ҳавони соатига 10маротаба алмашиниши таъминланади.

Умумий шамоллатишдан ташқари барча заҳарли газлар ажралиб чиқиши мумкин бўлган жойларда маҳаллий шамоллатиш ускуналари ўрнатилади.

Маҳаллий шамоллатиш ускуналари иш жойида ажралиб чиқадиган заҳарли газларни бино ичкарисида тарқалишига йўл қўймай ташқарига чиқариб юборади. Бундаги шомоллатиш вентиляторларининг қуввати қуйидагича аниқланади:

$$V_2 = Fv3600, \text{ м}^3/\text{с},$$

бу ерда: V_2 – бир соат ичида сўриб олиниши керак бўлган газлар ва ҳаво қўшилмалари миқдори, м³/с;

F – сўриш шкафининг очик юзаси, м²;

v – сўриш юзасидаги газлар ва ҳаво қўшилмаларининг ҳаракат тезлиги, м/с.

Сув таъминот ва тозалаш тизими Автосервис корхоналари ўзлари жойлашган шахар тармоқлари орқали сув билан таъминланади. Магистрал йўллари ёнларидаги ва сув тармоқлари мавжуд бўлмаган кичик аҳоли пунктларидаги корхоналар ўзларининг сув билан таъминлайдиган автоном тармоқларига эга бўлишлари мумкин.

Корхонада сувлар асосан ичиш, санитар-маиший эҳтиёжлар, технологик жараёнлар (автомобилларни ювиш, дастгоҳларни совитиш) ва ўт ўчириш учун сарфланади.

Мавжуд меъёрларга асосан **маиший эҳтиёжлар** учун қуидаги сув сарфлари ҳисобланади:

- офис (идора) хизматчиларига, бир киши учун - 50-80 л/кун;
- жисмоний меҳнат қилувчиларга, бир киши учун - 120-150 л/кун.

Технологик жараёнлардаги сув сарфига автомобилларни ювишга кетадиган сув миқдори киради. Чунки бошқа ишлаб чиқариш устахоналаридаги (аккумулятор, шиналарни таъмирлаш устахоналари, қозонхона ва ҳ.к.) сув сарфи жуда кам бўлиб $0,5\text{-}1,0 \text{ м}^3$ дан ошмайди. Автомобилларни ювишга сарфланадиган сув миқдорлари ювиш услубига (кўлда, механизациялашган) қараб, 5.4-жадвалда келтирилган.

5.4-жадвал

Автомобилларни ювишга сарфланадиган сув миқдорлари

№	Ювиш услуги	Сув сарфи, л/автомобил		
		Шасси	Кузов	Жами
1	Кўлда ювиш	400	300	700
2	Механизациялашган	300	200	500

Ўт ўчириш учун сув сарфи мавжуд биноларнинг ёнгинга чидамлилик даражасига боғлиқ бўлиб 5.5-жадвалда келтирилган.

Юқорида келтирилган сув сарфидан ташқари станция худудидаги дарахтлар, гул-кўкаламзорларни суғориш учун сарфланадиган сувни ҳам тахминан 5 л/м^2 меърида ҳисобга олиш зарур.

5.5-жадвал

Ўт ўчириш учун сарфланадиган сув миқдорлари

Биноларнинг ёнгинга чидамлилик даражаси	Иншоотларнинг ёнгинга хавфилик даражаси	Битта ёнгин ҳолати учун сув сарфи, л/мин		
		Биноларнинг ҳажми, минг м^3	3 гача	3-5
I – II	Д, Е	300	300	600
	А, В, С	600	600	900
III	Д, Е	300	900	900
		600	900	1200
IV – V	Д, Е	900	1200	1500

Станция сув билан таъминланиши учун шаҳар, қишлоқ сув ўтказиш коммунал тизимиға уланиши ёки мустақил сув таъминотига эга бўлиши, яъни ер ости сувларини артезиан қудуқ насослари орқали тортиб фойдаланиши мумкин. Баъзи ҳолларда бу усулларнинг барчасидан бирданига фойдаланилади.

Корхона коммунал сув ўтказиш тармоғидан фойдаланадиган бўлса чиқиши мумкин бўлган ёнғинларни ўчириш учун 50 m^3 ҳажмдаги маҳсус иншоот қурилиб унда заҳира суви сақланади. Чунки тармоқдаги сув босими ёнғинни тез ўчиришга имкон бермайди, камлик қиласи.

Ер ости сувларидан ва сув ўтказиш тармоғидан фойдаланиш учун маҳсус сув сақлаш минораси қурилади ва унга автоматик режимда ишловчи гидронасослар ёрдамида сув ҳайдалади. Бу ҳолда инсонлар истеъмоли учун ишлатиладиган сув заҳирасини ташкил этишда маҳсус санитария–гигиена қоидаларига риоя этиш талаб этилади. Минорага ҳайдалган сувдан заҳира хавзаси тўлдирилади, қолган қисми истеъмолчиларга қувурлар орқали тарқатилади. Тармоқнинг бир қисмига сув сарфини ўлчовчи ҳисоблагич ўрнатилади. Шуни таъкидлаш зарурки, шаҳар коммунал сув тармоғидан фойдаланилганда унинг сифати кафолатланади, ер ости сувлар сифатини эса доимо назорат қилиб туриш талаб этилади, айниқса инсон истеъмоли учун ишлатиладиган қисми маҳсус меъёрий талабларга мос бўлиши шарт.

Автомобилларни ювиш постидан чиқаётган оқова сув канализация тизимини, сув хавзаларини ва атроф муҳитни ифлосламаслиги учун маҳсус “сув сепаратор”идан ўтказилади. Сепараторнинг бакидан сув-оқова тармоғига ёки бошқа сув хавзаларига, канал (арик)ларга ташланаётган сув барча ифлосликлардан (шу жумладан мой маҳсулотларидан) тоза бўлиши керак. Сепаратор камида учта бакдан иборат бўлади.

Оқова сув кетма-кет сепаратор бакларидан ўтиш жараёнида сув таркибидаги лой ва бошқа қаттиқ оғир заррачалар (ювиш маҳсулотлари) баклар тубига чўкиб йиғилади. Худди шундай мой маҳсулотлари солиштирма оғирлиги кичик бўлгани учун (аралашма учун ўртача 0,85) баклардаги сувнинг устки қисмига қалқиб чиқиб маҳсус идишларда йиғилади. Сепаратор бакларида тўпланадиган лойқа вақти-вақти билан тозалаб турилади. Идишда тўпланган лой, қувурдан бункерга (автомашинага юклаб, жўнатиш учун) туширилади.

АСК марказлашган тартибда сув манбаи билан таъминланмаган ҳолларда ва ташқи муҳитни муҳофаза қилиш мақсадида, автомобилни ювишдан чиқсан сув тозаланиб, ундан қайта фойдаланиш мумкин. Бунинг учун фойдаланилган сув тозалаш қурилмалари қўлланади. Бундай қурилмалар асосан аралашмаган заррачалар: қумлар ва нефт маҳсулотларини тозалашга асосланган.

Назорат саволлари

1. Автосервис корхоналарида қандай ишлаб чиқариш бўлимлари ва устахоналари ташкил этилади?
2. Маҳсус диагностика участкасида қандай ишлар бажарилади?

3. Техник хизмат кўрсатиш постларининг вазифаси нимадан иборат?
4. Кузовларни таъмирлаш устахонаси қандай мустақил ишлаб чиқариш участкаларидан иборат?
5. Автосервис корхоналарида қандай майший хизмат кўрсатиш мажмуалари ташкил этилади?
6. Автосервис корхоналаридаги ёрдамчи бўлимларга нималар киради?
7. Автосервис корхоналарида коммунал хўжалиги дейилгандага нима тушуниллади?

VI БОБ

СЕРВИС КОРХОНАЛАРИДА ДИАГНОСТИКАЛАШ ИШЛАРИНИ ТАШКИЛ ЭТИШ

6.1 Диагностиканинг технологик асослари

Эксплуатация жараёнида содир бўладиган бузилишларни аниқлаш ва олдини олиш, автомобилларнинг ишончлилигини ва юқори самарадорлигини сақлаб туриш учун диагностика ишлари ўтказилади.

Автомобил, унинг таркибий қисмлари маълум эксплуатация шароитларида намоён бўладиган, хусусиятлар деб аталадиган миқдор ва сифат кўрсаткичлари билан тавсифланади. Хусусиятлар мажмуи автомобил ёки унинг элементини ишлатиш учун яроқлилик даражасини аниқлайди ва бошқа автомобил (элемент)лардан фарқи ва ўзига хослигини ифода этади.

Автомобил ёки унинг элеметининг техник ҳолатини маълум вақт ва ташқи муҳит шароитларида тавсифлайдиган параметрлар миқдорлари техник ҳужжатлар билан белгиланади.

Автомобил атроф-муҳит билан, унинг таркибий қисмлари эса ўзаро бир-бири билан харакатда бўлиб, ўз вазифаларини бажаради. Бунинг натижасида автомобилнинг хусусиятлари аста-секин ёмонлашади. Иқлим шароитлари, эскириш, созлаш ишлари, эксплуатация жараёнида бузилган элементларни алмаштиришнинг таъсири остида автомобил техник ҳолатини тавсифловчи параметрлар қиймати ўзгаради.

Автомобил, унинг таркибий қисмлари техник ҳолатини аниқлаш усул ва воситалари, назариясини қамраган билимлар соҳаси техник диагностика деб аталади. Диагностика (грекча-diagnosticos) – аниқлашга қодир, демакдир.

Техник ҳолат тўғрисида маълумотнинг борлиги ва унинг кенгайиши автомобиллар техник эксплуатацияси масалаларини ечишда асос бўлиб хизмат қиласди, автомобилга кўрсатилаётган техник таъсирларни режалаштириш ва самарадорлигини баҳолаш имконини беради. Диагностика етилиб келаётган бузилишларни ўз вақтида аниқлаш, уларнинг вужудга келиш эҳтимоллигини, ижтимоий ва иқтисодий оқибатларининг олдини олишга ёрдам беради.

Диагностика деб автомобил, унинг агрегат ва механизmlарининг техник ҳолатини, бўлакларга ажратмасдан аниқлаш ҳамда керакли техник сервис ишларини ўтказиш бўйича хулоса чиқариш технологик жараёнига айтилади.

Диагностикалаш жараёни механизмнинг техник ҳолати тўғрисида ахборот берувчи ташқи белгилар бўйича олиб борилади. Бунда механизмнинг намойон бўлмаган носозлик ва бузилишлари, уларни бартараф этиш учун керакли таъмирлаш ишларининг ҳажми, механизмнинг истиқболдаги соз ишлаш ресурси ва бажарилиши керак бўлган профилактик ишлар рўйхати аниқланади.

Назорат жараёнида тадқиқ этилаётган объект бир бутун тарзда кўрилади. Диагноз қўйиш жараёнида эса бир бутун объект ва унинг элементлари кўриб чиқилади, чунки объектнинг ҳолати унинг элементлари ҳолатининг функциясидир. Диагноз қўйишнинг вазифаси тизимнинг у ёки бу ҳолати сабабини унинг элементлари ҳолатига боғлаб аниқлашдир. Диагноз қўйишни назорат операцияларини бажармасдан туриб амалга ошириш мумкин эмас. Шунинг учун автомобилнинг назоратга яроқлилигини баҳолашни билиш керак.

Автомобилнинг назоратга яроқлилиги деганда унинг диагностикалаш ишларига мослашганлиги тушунилади. Диагностикалаш ишларига мослашганлик муайян шароитларда энг кам меҳнат, вақт ва маблағ сарфларида тегишли аниқликни таъминлайди.

Автомобилнинг назоратга яроқлилик коэффициенти — K_k . Бу кўрсаткич автомобил конструкциясининг диагноз қўйишга мослигини изохлайди:

$$K_k = \frac{T_o}{T_o + T_q}, \quad (6.1)$$

бу эрда: T_o — диагностиканинг соғ меҳнат ҳажми, яъни назорат-диагностикалаш ва у билан боғлиқ бўлган ишларнинг ҳажми (бу кўрсаткич диагностик восита ва усулларнинг такомиллашганлигига боғлиқ), ишчи-соат;

T_q — қўшимча ишлар ҳажми, яъни назорат жойларига уланишни таъминлаш, ўлчов асбобларини улаш ва узиш, тест тартибига ўтиш билан боғлиқ бўлган ишларнинг қўшимча ҳажми (бу кўрсаткич автомобил конструкциясининг такомиллашганлигига боғлиқ), ишчи-соат.

Автомобил конструкциясига бевосита ва доимий ўрнатилган асбоблар ёрдамида ахборот олиниши муносабати билан ташқи диагностика қўйиш усул ва воситалари ўзгариб, T_o нинг миқдори пасаяди.

Автомобил (агрегат, механизм) элементларнинг тартибга келтирилган тузилмасидир. Унинг иши кўрсатилган элементларнинг бир-бири билан ўзаро боғлиқлиги орқали амалга оширилади. Бу боғлиқлик физик миқдорлар орқали ифодаланиб, тузилмавий параметрлар ёки техник ҳолат параметрлари деб аталади (тортиш кучи, босим, тебраниш амплитудаси, товуш кучи, ток кучи, харорат ва х. к.).

Эксплуатация жараёнида тузилмавий параметрлар номинал миқдорлардан чегаравий миқдорларгача узлукли ёки узлуксиз ўзгариши мумкин ва, демак, автомобилнинг техник ҳолати унинг созлигини белгилайдиган тузилмавий параметр миқдорларининг четга оғишлари мажмуи билан аниқланади.

Автомобилнинг тузилмавий параметрларини агрегат ва механизмларини ажратмасдан туриб бевосита аниқлаш имконияти жуда чекланган. Шунинг учун диагностик параметрлардан фойдаланилади.

Диагностик параметр - бу автомобил, унинг агрегат ва узеллари техник ҳолатининг миқдорий қийматини билвостиа, диагностик белги

(симптом) лар бўйича, бўлакларга ажратмасдан туриб аниқланадиган (двигателнинг қуввати, тормоз йўли, люфтлар, эркин йўллар ва ҳ.к) сифатли ўлчовидир. Диагностик параметрлар тузилмавий параметрлар билан боғланган бўлиб, объектнинг техник ҳолати тўғрисида керакли маълумот беради. Ҳар қандай объектнинг чиқиш жараёнлари иккига бўлинади:

1) ишчи жараёнлар - объектнинг иш функцияларини белгилайдиган жараёнлар (масалан, двигателда ёнилғи ва бошқа эксплуатацион материалларни сарфлаш, энергия ишлаб чиқариш, ишлатилган газларни чиқариб ташлаш ва ҳ.к.);

2) бирга содир бўладиган (ҳамроҳ) жараёнлар - ишчи жараёнлар билан бир йўлакай пайдо бўладиган жараёнлар (тебранишлар, урилишлар, иссиқлик чиқариш ва ҳ.к.). Бундай жараёнлар параметрларини кузатиш ва ташқаридан ўлчаш мумкин.

Шунинг учун ишчи ва ҳамроҳ жараёнлар параметрлари диагностик параметрлар бўлиб хизмат қиласди.

Ишчи ёки бирга содир бўладиган (ҳамроҳ) чиқиш жараёнларини объектнинг носоз техник ҳолатидан дарак берувчи ташқи белги (симптом) деб қараш мумкин.

Диагностик параметрлар қуидаги таснифланади:

1. Ташкил бўлиш принципи бўйича:

а) ишчи жараёнлар параметрлари (қувват, тормозланиш йўли ва ҳ.к.);

б) бирга содир бўладиган (ҳамроҳ) жараёнлар параметрлари - диагностик объектнинг техник ҳолати бўйича чегаралangan ахборот беради (исиш, тебраниш, шовқин ва ҳ.к.);

в) геометрик параметрлар - механизм деталларининг ўзаро тузилмавий боғланишини аниқлайди (тирқишилар, эркин юриш ва ҳ.к.).

2. Ахборот тури бўйича:

а) кенг ахборотли (комплекс);

б) тор ахборотли (локал).

3. Юрган йўли функцияси бўйича:

а) узлуксиз;

б) узлукли.

4. Тузилмавий параметрнинг функцияси бўйича:

а) тўғри чизиқли: $C=a+bX$;

б) даражали: $C=aX^b$;

в) ҳосилали: $C=f(x)$.

5. Ахборотнинг характеристи, ҳажми ва ўзаро боғлиқлиги бўйича:

а) айрим диагностик параметрлар бошқаларига боғлиқ бўлмаган ҳолда объектнинг носозлигини аниқ кўрсатади (масалан, объектнинг подшипнигидаги шовқин ёки тебранишлар ейилишнинг қўпайганидан ва тирқишининг катталашганидан дарак беради);

б) умумий диагностик параметрлар диагностик объектнинг техник ҳолатини бир бутун тарзда баҳолайди (масалан, берилган юкламадаги двигателнинг қуввати, трансмиссия агрегатларининг умумий айланма


люфтлари йиғиндиси ва х. к.). Бундай параметрлар носозликни аниқ күрсатмайды;

в) ўзаро боғлиқ диагностик параметрлар объект носозлигини бир вақтнинг ўзида аниқланган ва ўлчанган күпгина параметрлар мажмуи орқали ифодалайди (масалан, двигател киритиш клапанининг зич ёпилмаслиги натижасида карбюратордан товуш чиқиши ва двигателнинг катта айланишлар сонида бир маромда ишламаслиги).

Ҳар қандай чиқиш параметри ҳам диагностик параметр бўлиб хизмат қила олмайди, чунки чиқиш параметри сезувчанлик, бир маънолилик, барқарорлик ва сермаънолилик каби хусусиятлар талабларига жавоб бериши керак.

Диагностикалашнинг умумий жараёни объектнинг берилган куч, тезлик ва иссиқлик (p, v, t) тартиботларида функционал (объектнинг ишлаш жараёнида) ёки тест таъсирида (объектнинг сунъий ишлаши ташкил этилиб) олиб борилади. Диагностик параметрлар ўзгаришини техник диагностикалаш воситалари ёрдамида ўлчанади ҳамда олинган ахборотни меъёрий қиймат билан таққослаб, мантиқий ишлов бериш асосида диагноз қўйишни ўз ичига олади, яъни қўйидаги кетма-кетликда бажарилади (6.1-расм):

- объектга функционал ёки тест таъсиrlари ўтказиш;
- диагностик параметрларни ўлчаш;
- олинган ахборотга ишлов бериш;
- меъёрий қиймат билан таққослаш ва диагноз қўйиш.




6.1-расм. Техник диагностикалашнинг умумий жараёни

Диагностик меъёрлар. Автомобил техник ҳолатини аниқлаш учун диагноз қўйиш воситалари ёрдамида ўлчанган диагностик параметр микдорларини меъёрий микдорлар билан таққослаш керак. Диагностик меъёрларга қўйидагилар киради (6.2-расм):

Бошлангич меъёр (S_b) - янги, техник соз обьектлар техник ҳолати характеристикаси диагностик параметр микдорига мос келади ва эксплуатация шароитларида шу меъёрга мос келтириш учун обьектни созлайдилар ёки таъмирлайдилар. Бошлангич меъёр техник хужжатларда келтирилади.

Чегаравий меъёр (S_u) - обьектнинг шундай техник ҳолатига мос келадики, бу шароитда техник-иктисодий нуқтаи назардан обьект

эксплуатациясини давом эттириш мақсадда мувофиқ эмас. Бу меъёр давлат стандартлари талабларида ва техник хужжатларда келтирилади.



6.2-расм. Диагностик параметр меъёрларининг босиб ўтилган йўл бўйича ўзгариши: S_6 -бошланғич меъёри; S_q -чегаравий меъёри; S_i - жорий вақтдаги қиймати; S_{ik} -йўл қўйилган меъёри. L_i , L_{ik} ва L_q - техник ҳолат меъёрларига тегишли масофалар.

Йўл қўйилган меъёр (S_{ik}) - даврий диагностика жараёнида асосий диагноз қўйиш меъёри бўлиб хисобланади. Йўл қўйилган меъёр асосида объект ҳолатига диагноз қўйилади ва эксплуатацияни давом эттириш, профилактик таъсир ёки таъмирлаш ишлари бўйича тегишли қарор қабул қилинади.

Диагноз қўйиш. Автомобилни диагностикалаш вақтида диагностик параметрларнинг жорий вақтдаги микдори аниқланади ва у асосида объектнинг техник ҳолати бўйича диагноз қўйилади.

Диагноз қўйиш — механизмнинг техник ҳолати тўғрисида хulosачиқариш унинг ҳозирги вақтда ва навбатдаги сервисгача бўлган даврда эксплуатация учун яроқлилигини билишdir. Демак, режалаштирилган диагноз автомобилнинг соз ишлаши ресурсини прогнозлаш элементларини ҳам ўз ичига олади.

- агар диагностик параметрнинг жорий вақтдаги қиймати (S_i) бошланғич меъёрий қиймат (S_6) га teng ёки катта бўлса, «эксплуатация қилиш» диагнози қўйилади, яъни ушбу шарт $S_a \leq S_i < S_{ee}$ бажарилиши керак;

- агар диагностик параметрнинг жорий вақтдаги қиймати (S_i) йўл қўйилган меъёрий қиймат (S_{ik}) га teng ёки катта бўлса ҳамда унинг чегаравий меъёрий қиймати (S_q)дан кичик бўлса «техник хизмат кўрсатиш» диагнози қўйилади, яъни $S_{ee} \leq S_i < S_q$;

- агар диагностик параметрнинг жорий вақтдаги қиймати (S_i) чегаравий меъёрий қиймат (S_q) га teng ёки катта бўлса, «таъмирлаш» диагнози қўйилади, яъни $S_i \geq S_q$.

Диагноз қўйиш натижасида автомобилнинг техник ҳолати ва навбатдаги техник хизмат кўрсатишгача бўлган ишлаш қобилияти аниқланади. Бундан ташқари объектнинг жорий вақтдаги, келажакдаги ва ўтган вақтдаги техник ҳолатини аниқлаш мумкин.

Объектнинг техник ҳолатини аниқлаши масалалари қуйидагилардан иборат (6.3-расм):

- техник диагностика;
- техник прогноз;
- техник генетика.



Агар **техник диагностиканинг** вазифаси жорий вақт ичидаги объект техник ҳолатини аниқлаш, **техник прогнознинг** вазифаси эса келажақда кутиладиган объект техник ҳолатини ва ўтказиладиган техник таъсир ёки диагностика даврийлигини олдиндан айтиб бериш бўлса, **техник генетиканинг** вазифаси объектнинг аввалги вақтдаги техник ҳолатини аниқлашдир (масалан, объектнинг аварияолди ҳолати).


Диагностика ишларини ўтказиш мақсади ва вазифаларига қараб ҳар хил турларга бўлинади.

6.2 Диагностикани ташкил этиш турлари

Автосервис корхоналари (ACK) ва марказларидаги техник сервис ишлари технологик жараёнини ташкил этишда автомобилларни техник ҳолатини диагностикалаш катта ахамиятга эга.

ACK ва марказларда ишлаб чиқариш жараёнидаги диагностика турлари: *автомобилларни қабул диагностикаси (D_k)*; *буюртмали диагностика (D_b)*; *технологик диагностика (D_t)*; *назорат - диагностикаси (D_n)* кўлланилади (6.4. расм).

Қабул диагностикаси (D_k) ишини ўтказишдан мақсад автомобил эгасининг буюртмаси бўйича “носоз” деб белгиланган агрегатлар ва узелларни текшириб чиқиш ҳамда хавфсизликни таъминловчи барча механизmlарни техник ҳолатини назорат – кўриқдан ўтказиш. Шунингдек, автомобилнинг умумий техник ҳолатини белгиловчи агрегатлар ва тизимлар ҳам, эгаси буюртмасидан қаътий назар, кўриб чиқилади. Назорат - кўрик натижаларига асосланиб, бажариладиган ишларнинг таҳминий ҳажми, бажариш муддати, нархи белгиланади ва мижоз билан келишилади, сўнгра буюртма - наряди расмийлаштирилади.



6.4-расм. ТХКС технологик жараёнида диагностикани қўллаш схемаси:

— асосий йўналиш; - - - - ёрдамчи йўналиш.

Қабул қилиш постида қуйидаги технологик ва диагностик жиҳозлар бўлиши керак:

- кўтаргич;
- газанализатор;
- ёритиш ва огоҳлантириш анжомлари ишлашини текшириш учун ойна;
- ишлатилган газларни атмосферага чиқариб юбориш шланги;
- кўчма диагностик воситалар ва бошқалар.

Агарда назорат – кўрик вақтида “нозослик” сабаблари аниқланмаса, автомобилни маҳсус диагностка устахонасига юборилади.

Буюртмали диагностикалаш (Д_б) ишлари автомобил эгасининг буюртмаси асосида, унинг иштирокида ўтказилиши мақсадга мувофиқ бўлади. Бу турдаги диагностикалаш ишлари маҳсус диагностика (автомобиллар, уларнинг агрегат, механизм ва тизимларининг техник ҳолатини аниқлаш, баҳолаш билан шуғулланувчи) устахонасида ёки ихтисослаштирилган (бошқариш ғилдиракларининг ўрнатиш бурчакларини аниқлаш, тормоз тизимини ва бошқа тизимларни диагностикалаш) постларида ўтказилади. Буюртмали диагностикалаш натижасига кўра аниқланган нуқсонлар диагностикалаш устахонаси (пости)нинг ўзида бартараф этилиши мумкин.

Бундай диагностикалаш ишларини ўтказиш учун қуйидаги диагностик воситалар бўлиши керак:

- тормоз хусусиятларини текшириш учун барабанли стенд;
- шиналарни мувозанатлаш стенди;
- бошқариш ғилдиракларининг ўрнатиш бурчакларини аниқлаш стенди;
- амортизаторлар ҳолатини диагностикалаш стенди;
- тортиш хусусиятини диагностикалаш стенди;
- мотор-тестерлар (осциллограф ёрдамида, этalon осциллограммаларга таққослаш усули билан ўзгарувчан ток генератори ишидаги нуқсонларни,

конденсатор, ўт олдириш ғалтаги бирламчи ўрамининг ҳолатини, узгич контактларидағи тирқиши, ўт олдириш чақмоғидаги тешіб ўтувчи күчланиши ва ўт олдириш ғалтагининг иш қобилиятыни анықлаш имконини беради).

-сканерлар (электрон бошқарув блокли автомобилларнинг мотор ва бошқа тизимларини диагностикалаш учун) ва бошқалар.

Технологик диагностика (Д_т) сервис китобчасида кўзда тутилган ва мижоз буюртмасига асосланиб назорат-созлаш ишларини ва қўшимча бажариладиган ишлар ҳажмини анықлаш учун техник сервис устахоналарида ўтказилади.

Сервис ишларини бажаришда диагностик жиҳозларни кўллаш кўпгина назорат - созлаш ишларининг ҳажмини камайтиради, уларнинг сифатини оширади, яъни агрегат ёки тизимларни сабабсиз бўлакларга ажратилмаганлиги. Шунинг учун сервис ишлари ўтказиладиган устахона ва минтақалар ўзига тегишли диагностик воситалар билан жиҳозланиши керак, яъни қотириш ишларини назоратлаш учун динометрик калит, созлаш ишлари бўйича: шчуп (тирқишларни ўлчаш учун); люфт ўлчагичлар; чизғич; манометр; индикатор; мотор-тестер; скайнер ва бошқа ўлчов асбоблари.

Назорат диагностикаси (Д_н) автомобил, унинг агрегат ва тизимлари бўйича бажарилган сервис ишлари сифатини анықлаш мақсадида ўтказилади. Бажарилган техник таъсир ишларининг сифати, ҳажми АСКда мавжуд диагностик жиҳозлар ёрдамида текширилади, масалан автомобилнинг тормоз тизими самародорлиги, тортиш сифатлари, ҳаракат хавфсизлигини таъминловчи механизмлар, ишлатилган газлар таркиби ва бошқа диагностик параметрлар баҳоланади. Лекин диагностик параметрлар сони иложи борича чегараланган бўлиши керак.

Диагностик жараёнда текшириладиган диагностик параметрлар, сервис ишлари бажарилгандан сўнг автомобилнинг агрегат ёки тизимини эксплуатацияга “яроқли” ёки “яроқсиз”лиги бўйича олинадиган маълумотга асосланиши керак.

6.3 Сервис корхоналарида диагностикалаш ишларини ташкил этиш

Автомобилларни ҳамда уларнинг агрегат ва механизмларини буюртмали диагностикалаш ишлари АСКнинг маҳсус диагностика устахонасида ва постларида чуқурлаштирилган ҳолда ўтказилади. Унинг вазифаси автомобилнинг тортиш сифатлари ва иқтисодий қўрсаткичларини назорат қилиш, сервис ҳамда жорий таъмирлашга бўлган эҳтиёжини аниқлашдир. Шунинг учун устахона керакли диагностик воситалари, яъни автомобилларнинг тортиш хусусиятлари, тормоз тизимининг самародорлиги, бошқариш ғилдиракларини жойлашиш бурчагини аниқловчи жиҳозлар, двигателни диагностикалаш скайнери, мотор-тестер, фарани текширувчи асбоб ва бошқа диагностик воситалар ҳамда кўтаргич ва сиқилган ҳаво тарқатиш тизими билан жиҳозланиши керак (6.5-расм). Устахонанинг диагностик мажмуалари “Технологик жиҳозлар ва маҳсус асбоблар

рўйҳати”га биноан АСКнинг қувватига (ишчи постлар сонига) асосан жиҳозланади.

Махсус диагностика устахонасида майда носозликларни бартараф этишга ва айrim деталларни (махсус мосламаларсиз) алмаштириш мумкин. Бундан ташқари, диагностик жараёнига таъсир этмайдиган техник таъсир (нормалларни алмаштириш, қотириш) амалларига ҳамда диагностикани ташкил этиш учун зарур бўлган (фара ва бошқа тизимлар назорат лампочкаларини, электр сақлагичларни ва бошқаларни алмаштириш) ишларини бажаришга руҳсат этилади. Агар диагностикалаш жараёнида носозлик аниқланса ва уни бартараф этиш учун махсус мосламалар керак бўлса ёки бартараф этиш меҳнат ҳажми катта (0,5 ишчи-соатдан ундан юқори) бўлса, автомобил керакли устахонага юборилади.



6.5 –расм. Махсус диагностикалаш устахонаси

Автомобилда вужудга келган носозликлар (масалан, кузов ёки бошқа қисм элементларида дарзлар, механизмни бўлакларга ажратиб, носоз деталларни алмаштириш ва бошқалар) бартараф этилгандан сўнг, яъна диагностикалаш ишларини давом этириш учун автомобил илгариги диагностика устахонасига юборилади

Ҳозирги вақтда сервис корхоналарида автомобилнинг агрегат ва тизимлари бўйича носозликларни аниқлашда “компьютерли диагностика” қўлланилмоқда (6.6-расм).



6.6-расм. Двигателларни компьютерли диагностикалаш

Компьютерли диагностикалаш бўйича замоновий автомобилларнинг куйидаги агрегат ва тизимларининг техник ҳолати аниқланади:

- двигател тизимлари;
- электр ва электрон жиҳозлар;
- автоматик узатма қутиси;
- бошқарув фидиракларининг ўрнатиш бурчаклари ва бошқалар.

АСКларининг диагностик асбоб–усканалар билан жиҳозланиши, унинг қувватига, турига ва бажарадиган ишлар мажмуасига боғлик. Шунинг учун универсал АСКда диагностика устахонаси ҳар хил моделдаги автомобилларни кўзда тутиб универсал асбоб-усканалар билан жиҳозланиши керак. Аммо бундай диагностик асбоб-ускуналар қиммат туради, шунинг учун тез маънавий эскирмайдиган турларини танлаш керак бўлади. Бунга ҳар доим ҳам эришиб бўлмайди, чунки диагностикалаш нарҳини юқори қуйиб бўлмайди (айрим ривожланган давлатларда бепул диагностикалаш ишлари тавсия этилмоқда). Демак, диагностикалаш вақтини қисқартириб, диагностикалаш сонини ошириш керак.

АСКларга кирган автомобилларнинг носозликларини ўз вақтида аниқлаш ва бартараф этиш натижасида: жорий таъмирлаш сарфлари 8...12% га, эҳтиёт қисмлар сарфлари 10...12% га, ёнилғи сарфи 2...5% га камаяди; автошиналарнинг юрадиган йўли эса 3...5% га ошади ҳамда эксплуатацион ҳафсизлиги ва экологик кўрсаткичлари яхшиланади.

Назорат саволлари

1. Диагностиканинг мақсади нима?
2. Қандай кўрсаткичлар диагностик параметр бўла олади?
3. Диагностик параметрлар қандай турларга бўлинади?
4. Қандай диагностик меъёрлар мавжуд?
5. Қандай диагностик параметрга асосланиб обьектнинг техник ҳолати бўйича диагноз қўйилади ?
6. АСКларида қандай диагностика турлари мавжуд?
7. Махсус диагностика устахонасида қайси турдаги ишлар бажарилади?
8. Қандай агрегат ва тизимлар “компьютерли диагностика” ёрдамида текширилади?

VII БОБ
АВТОМОБИЛЛАР СЕРВИСИ ТЕХНОЛОГИЯСИ

7.1. Кабина, кузов ва платформага техник хизмат кўрсатиши ва таъмирлаш технологияси

Кабина, кузов ва платформага техник хизмат кўрсатиши.

Автомобил-лардан турли мақсадларда, турли йўл ва иқлим шароитларида фойдаланиш, уларнинг турли хил ифлосланишига олиб келади. Юк автомобили кузовларининг ифлосланиши ташладиган юк турига боғлиқ бўлиб, улар қум, тупроқ, кўмир, қурилиш материаллари ва истеъмол моллари бўлиши мумкин.

Ташқи муҳит, яъни ҳарорат, ёғингарчилик ва кузовга ёпишиб қолган ифлосликлар таъсирида бўлган жойлардаги бўёқнинг химик ва физик хусусиятлари ўзгариб, юза аста секин эскиради. Буларни олдини олиш ва ТХК ишларини сифатли бажариш мақсадида тозалаш, ювиш ва қуритиш ишлари олиб борилади.



7.1-расм. Ташқи тозалаш ишларига мўлжалланган **KSM 750 B XL** туридаги супириш машинаси (5 о.к. га эга бўлган **Honda** двигателли, иш унуми $4000 \text{ м}^2/\text{соат}$, ўтиш кенглиги 100 мм, контейнери 40 литр, ишчи тезлиги 4 км/соат, ташқи ўлчамлари 1240x690x1150 мм, массаси 80кг).

Автомобил кузовини тозалаш: тозалаш ишларидан мақсад кузовда қолган юк қолдиқларини йиғиштириш, юк автомобилларнинг кабиналари, автобус ва енгил автомобил салонларини чангдан тозалашдан иборат.

Кир ва чангдан тозалашда жунли чўткалардан, қирғичлардан ва артиш материалларидан ҳамда электр чангсўргичлардан фойдаланилади. Улар кўлда кўтариб юрувчи ва қўзгалмас бўлиши мумкин (7.1,7.2-расмлар). Электр чангсўргич учida конуссимон каллак ва чўткали эгилувчан ичак(шланг)лардан иборат. Ҳаво сўриш босими 11...12 Па оралиқда бўлади. Йирик АТК ва автобус саройларида қўзғалмас чанг сўргичлардан фойдаланиш катта самара беради.



7.2-расм. Қўчма ва қўзғалмас чангютгич турлари (Лавор фирмаси), қуввати 1500 ватт, сўриш қобилияти 3190 мм сув устуни, ҳаво оқими 140 м³/соат

Автомобилларни ювиш: автомобил ташқи қисмларини ва шассисини ювиш учун илиқ сувдан (25-30°C) фойдаланилади ва унинг ҳарорати ювиладиган сиртнинг ҳарорати узоғи билан 18-20°C ортиқ бўлиши зарур, акс ҳолда бўялган юзаларга салбий таъсир этиши мумкин. Сувни босим остида пуркаш йўли билан автомобил ювилганда, унинг сифатини ошириш учун чўтка, губка каби материаллардан фойдаланилади.

Ювиш сифатини ошириш, сув сарфини ва ювиш вақтини камайтириш сув босимида, пуркагич тешиги диаметрига, пуркаш бурчагига боғлик.

Сувнинг сарфи қўйидагича аниқланади:

$$Q = \frac{60 \times F \times V}{1000} = \frac{3 \times \pi \times d^2 \times V}{200}, \text{ л / мин}$$

бу ерда: F - пуркагич тешиги юзаси, мм²

V -пуркагичдан сувнинг чиқиш тезлиги, м/с

d -пуркагич тешиги диаметри, мм

Ўз навбатида $V = M \times \sqrt{2 \times g \times h}$, м/с

бу ерда: $g = 9.81$ - эркин тушиш тезланиши, м/с²

h - сув босими (напор), м

M - сачратиш коэффициенти, сачратгичлар пуркагичлар билан бўлса 0.5-0.55, бўлмаса 0.7-0.75 тенг.

Демак юқори кинетик энергияга эга бўлиш ва сув сарфини камайтириш учун унинг босимини ошириш ва пуркагич диаметрини кичрайтириш зарур. Бу билан сувнинг сарфини камайтириш мумкин.

Сув сарфини камайтириш ва ювиш сифатини ошириш учун маҳсус синтетик ювиш воситаларидан ҳам фойдаланилади (прогресс, автошампун, автоэмulsия ва ҳ.к). Улар ўз навбатида юзадаги кирларни юмшатади, мой изларини эритади ва ювишни енгиллаштиради. Мисол учун енгил автомобиллар кузовини ювишда 40-50 грамм синтетик ювиш воситаси ишлатилади. Синтетик кукуннинг 7-8 грамми 1 литр, ҳарорати 35-45° сувда эритилиб, сув пуркагич ёки ювиш пистолети билан сепилади. Сув сарфини камайтириш учун, ундан қайта фойдаланиш тизими қўлланилади.

Автомобилларни ювиш, уни бажариш турига қараб қўл билан, механизациялашган ва маҳсус бўлиши мумкин.

Қўл билан: шланга ва сепкич ёрдамида паст босимли (0.2-0.4МПА), юқори босимли (1-2.5МПА) бўлиши мумкин.

Механизациялашган ювиш тури маҳсус жиҳозлар ёрдамида бажарилади ва тузилишига қараб заррачали, чўткали ва заррача-чўткали бўлади.

Жойлашишига қараб, қўзғалмас (автомобил ҳаракатланади), қўзғалувчан (автомобил жойида туради), бошқариш турига қараб қўл билан бошқарилувчи ва автомат равишда бошқарилувчи бўлади.

Заррачали ювиш жиҳозида ишчи аъзо сифатида пуркагич ва форсункалардан фойдаланилади, ҳамда улар ёрдамида сув ёки аралашма пуркалади.

Чўткали ювиш жиҳозларида, цилиндрсимон устига шетка ўрнатилган барабанлар айланади ва сув сепади. Улар енгил автомобиль ва автобуслар учун қўлланилади.

Зарра-чўткали - бунда пуркагичлардан сув сепилади ва чўтка айланади (автобус, енгил автомобиль ва юк автомобиллари учун). Қўзғалмас-ювиш жиҳози ювиш постида фундаментга ўрнатилган бўлади.

Ҳаракатланувчан-ювиш жиҳози автомобиль шассисига ўрнатилган бўлиб, автомобилларни АСК дан ташқарида ювиш учун мўлжалланган. Қўл билан бошқарувчи-ювиш жиҳозини, қўл ёрдамида ҳаракатга келтирилади.

Автомат равишда бошқарилувчи ювиш жиҳози - автомобиль ювиш постига киргандан сўнг, фотоэлемент ёки улагич ёрдамида ҳаракатга келади.

Кўп функцияли жиҳоз ёрдамида автомобильнинг таг ва устки қисми бирданига ювилади. Ғилдираклар эса, маҳсус жиҳозлар ёрдамида (7.3-расм) ювилади.



7.3-расм. Ғилдиракларни автоматик ювиш жиҳози: ишчи ҳажми 400 л., қуввати 7,2 кВт., кучланиш 3x400 В.

Автомобилларни ювиш ишлари механизациялашганда, унга 1.5-3 мин, қўл билан 10-20 мин вақт сарфланади. Механизацияни қўллаш натижасида ҳаражатлар юк автомобиллари ва автобусларда 1-3 %, енгил автомобилларда 25-30 % камаяди.

Ювиш постларидаги ариқчаларнинг поли 2-3 % қияликда, майдонча автомобилнинг ташқи ўлчамларидан 1.25-1.5 м кенгроқ бўлиши керак. Автомобил ювиш постларида конвейер ёрдамида ҳаракатланади (7.4-расм).



7.4-расм. Автомобилларни ювиш конвейери шакли (конвейернинг ҳаракатланиш тезлиги 3...4 м/мин).

Автомобилларни қўл билан ювиш пости - маҳсус трубалар билан жиҳозланган бўлиб (водопровод, сув босими 0.2-0.4 МПа) сув босимини ошириш учун маҳсус насос, қурилма ва сепгичлардан(7.5-расм) фойдаланади. (Шлангада қўл билан ювиш мосламаси(M-107)даги сув босими 2.2 МПа ни ташкил этади. ЦКБ-1100 туридаги ГАРО мосламасининг ишлаб чиқариш қобилияти 35-40 л/мин ни ташкил этиб, водопровод сувини 10 м баландликка чиқара олади).


Енгил ва юк автомобилларни юқори босим остида ювишда сув сарфи 150-200 л ни, автобуслар учун 300-400 л ни ташкил этади. Паст босим остида ювишда сув сарфи 200-300 % га ошади.

Енгил ва юк автомобилларни юқори босим остида ювишда сув сарфи 150-200 л ни, автобуслар учун 300-400 л ни ташкил этади. Паст босим остида ювишда сув сарфи 200-300 % га ошади.

Автомобилларни ҳар қандай ювиш турини қўлланганда кузовнинг сирти оз бўлса ҳам шикастланади. Қуйидаги расмларда (7.6-расм)) турли усууларда ювилган сиртларнинг шикастланиш даражалари акс эттирилган.



7.5-расм. Кўл билан ювишда ишлатиладиган сув сепгич (максимал босими 160 Bar, сув сарфи 20 л/мин; сувнинг максимал ҳарорат 60 °C).




7.6-расм. Турли усулларда ювилган сиртларнинг шикастланиш шакли:
 а-артиш материали тагига қаттиқ заррача тушиб қолган ҳолат;
 б-артиш материали яхши тозаланмай ишқаланган ҳолат;
 в-25 марта автомат равишда ювилган юза ҳолати.

АСК ларда автомобилларни ювишда ва устахоналарда ишлатилган сувни тозалаш, ундан қайта фойдаланиш ва санитария талабларига риоя қилган ҳолда канализация тизимига оқизиши муҳим рол ўйнайди.

Ишлатилган сув канализация тизими, сув ҳавзалари ва атроф мухитни ифлослантирмаслиги учун АТК ларда лой тиндиргич ва мойбензинтутгичлардан фойдаланилади. Лойтиндиргичнинг оддий тури 7.7-расмда кўрсатилган.

Автомобилларни ювиш постидаги қувур(3) орқали сув, махсус идиш(2)га оқиб тушади. қаттиқ ва оғир заррачалар лойтиндиргичга тушиб, тезлигини йўқотади ва тиндеригич тубида тўпланади. Тиндирилган сув қувур(5) орқали 6-мойбензинтургич(6)га оқиб тушади.



7.7-расм. Лойтиндиргич

7.8-расм. Мойбензинтургич: а) Ишлаш схемаси; б) Мойбензин аралашмасини ажратиш.

Лойтиндиргичда тўпланган лойқа сиқилган ҳаво ёрдамида тозалаб ташланади. Электромеханик узатмали қопқоқ(9) очилиб, тўпланган лойқа идиш(7)га тушади. Шундан сўнг, қопқоқ беркилиб, қувур(1) орқали (суюқ лойқа ҳосил қилиш учун) идишга сув берилади. Сўнгра қувур(8) орқали 0,4 МПа дан кам бўлмаган босим билан сиқилган ҳаво юборилади. Идишда тўпланган лой, қувури(4, Ø150 мм)дан бункерга (автомашинага юклаб, жўнатиш учун) туширилади. Лойтиндиргичда тўпланадиган лойқани вақти-вақти билан тозалаб туриш учун диафрагмали насосдан фойдаланилади. Бу лойни ҳайдовчи насос, инжекторли ёки пневматик турда бўлиши мумкин.

7.8-расмда келтирилган мойбензинтургичга тиндирилган сув лойтиндиргичдан қувур(1) орқали қалпок(2) остига қуйилиб, қудук(3)ни тўлдиради (бу жараён сув тўккич(4)нинг юқори қиррасигача сув тўлгунча амалга оширилади). Сув тўккичдан сув тошиб чиққандан сўнг, қувур(5) орқали (канализация) чиқинди тармоғига оқиб тушади. Мой ва бензиннинг солиштирма оғирлиги (аралашма учун ўртача 0,85) кичик бўлгани учун, аралашма қопқоқ(2)нинг устки қисмига тўпланиб, қудуқдаги сув сатхидан тошиб чиқади. қопқоқ каллагида тўпланган мой ва бензин аралашмаси, қувур(6) орқали, идиш(7)га қуйилади.

Агар АСК марказлашган тартибда сув манбаи билан таъминланмаган бўлса, ташқи муҳитни муҳофаза қилиш мақсадида, автомобилни ювишдан чиққан сувни тозалаб, қайта фойдаланиш мумкин. Бунинг учун сув оқиб тушадиган ҳавзаларга, идишларга, тозалаш қурилмаси ўрнатилади. Автомобилларни ювишда қайтадан фойдаланадиган (заррачалардан тозаланган) сув кимёвий усулда (лойқатиб, тўзитиб) тозаланади. Бундай

қурилма чиқинди сувини сифатли тозалашни таъминламайди, аммо ўрнатиш учун катта майдон талаб қиласи. Шунинг учун бундан самаралироқ ҳисобланган "КРИСТАЛЛ" қурилмасидан фойдаланган маъқул.

Бу қурилма ишлатилган сувни турли заррачалардан, яъни қум ва нефт маҳсулотларинидан тозалашга мўлжалланган бўлиб, фильтрлаш жараёнини тебранувчи фильтр ҳисобига бажаради.

"КРИСТАЛЛ" қурилмасининг асосий афзалликлари чиқинди сувларини сифатли тозалashi, тозалаш қурилмаларини иҳчамлиги ва иш унуми бўйича уларнинг турли хиллари мавжудлигидир.

Автомобилларни ювишдан сўнг механизация ёки қўл кучи билан **қуритиши-артиши ишлари** бажарилади. Масалан, енгил автомобиллар совуқ (кам ҳолларда, илиқ) ҳаво пурковчи қурилма ёрдамида қуритилади. Бунда ҳаво ҳавотақсимловчи қувурлар орқали диффузорга сўрилади, у кузовнинг кўндаланг қисми текислигига нисбатан 65 град. қияликда жойлашган бўлади. Диффузор ҳаво оқимини елпифиҳимон пуркаб туради. қурилмага вақт релеси ўрнатилган бўлиб, у шабадалатгични ўчириб-ёкиб туриш учун хизмат қиласи. қурилма иш унуми 30-40 авт/соат бўлиб, электромоторнинг қуввати 22.5 квт.ни ташкил этади.

Занглаш, автомобиллар сиртига ҳаводан нам тушиб қолиши, кузовнинг кўринмас бўшлиқларида томчилар пайдо бўлиши ва уларнинг йиғилиши натижасида ҳосил бўлади. Қиши пайтларида сирпанчиқка қарши ҳаракат хавфсизлигини таъминлаш мақсадида сепиладиган тузлар кузовнинг занглаш ва чириш жараёнини тезлаштиради. Кузов туби ва қанот осллари ифлосликлардан тозаланиб ва ювилиб занглашга қарши ишлов берилади. Занглашга қарши ишлов беришнинг бир неча тури бўлиб улар занглаш жараёнини секинлаштирувчилар ва занглашга қарши қоплам ҳосил қилувчилар каби турларга бўлинадилар.

Кабина, кузов ва платформаларни таъмирлаш технологияси. Автомобилларнинг кузов, кабина ва таянчларининг асосий носозликлари: уларнинг қийшайиши, пачоқланиши, узилиши, занглаши, чириши, болтли ва парчинмехли бирикмаларнинг бўшашиб кетишидан иборат.

Таъмирлаш вақтида уларни занглаш маҳсулотларидан тозалаш, пайвандлаш, текислаш ва юзаларни силлиқлаш, қўшимча деталлар қўйиш, химоя қатламларини янгилаш йўллари билан тикланади.

Занглаш маҳсулотлари металл чўтка ёки эритувчи модда ёрдамида тозаланади.

Пайвандлаш ишларини бажаришда кўпинча газли пайвандлаш туридан фойдаланилади. Пайвандлаш қўл билан ёки автомат равишида бажарилади.

Ёриклар пайвандланиб, йиртилиб кетган катта тешикларга эса қўшимча қоплама қўйилади, ўз навбатида бу қоплама йиртилган ердан 20-24 мм чиқиб туриши зарур.

Пачоқланган ерлар ва қийшайишлар совуқ ёки қиздирилган ($600\text{-}650^{\circ}\text{C}$ газ горелкаси ёрдамида) ҳолда түғриланади. Қиздириб түғрилаш металл қават-қават бўлиб қолганда ёки совуқ ҳолда түғрилаб бўлмай қолганда бажарилади.


Пачоқ икки ҳаракатда түғриланади. Авваламбор пачоқ бўлган жой уриб чиқарилади. Чиқарилган қисмнинг устига(7.9-расм) маҳсус ушлагич-1 қўйиб марказдан сиртга қараб маҳсус болғача ёрдамида түғриланади, сўнгра ёғоч ёки резина болғача ёрдамида текисланади.

Ўткир қирраси ва эгилиши бўлмаган чуқур пачоқларни чиқариш ўртасидан бошланади ва аста-секин болғача ёки резина болғача билан текислаш ташқи томонга қараб давом эттирилади. Ўткир қиррали бурчаклари бўлган пачоқларни ўткир қиррадан ёки тахланиб қолган еридан бошлаб уриб чиқарилади. Битта чуқурлик бўлса, металнинг тортилиши ҳисобига марказдан ташқи томонга болғача билан уриб бартараф этилади (7.9в-расм). Чуқурлик чегарасига яқинлаганда болғача билан уриш кучи камайтирилади. қанча кўп айлана бўйлаб ҳаракат қилинса, текислаш шунчалик сифатли бажарилади. Агарда бир-бирига яқин бир неча чуқурликлар бўлса (7.9-расм), аввал уларнинг орасига ишлов берилади ва битта чуқурликка келтирилади, сўнгра чуқурликнинг шаклига қараб кейинги силлиқлаш ишлари бажарилади.

Силлиқлаш ишлари түғриланаётган юзанинг шаклига қараб танлаб олинган ушлагичлар-1 билан текислаш болғачалари ёрдамида қўлда ёки маҳсус жиҳозлар ва механизациялашган мосламалар ёрдамида бажарилади.

Масалан, автомобил қанотларининг қаттиқ чўзилиб кетган ерларини уриш йўли билан түғрилаб бўлмайди. Бу ҳолларда қаттиқ пачоқ бўлган ва текис бўлмай қолган юзалар кесиб олиб ўрнига керакли листни пайвандлаш йўли билан текисланади. қийшиқликлар ва эгилишлар маҳсус механик кенгайтиргич ёки гидропресслар ёрдамида түғриланади.

Ғадир-будур бўлиб қолган юзалар, пайванд чоклари маҳсус термопластик мАСКалар (ПФН-12, ТПФ-37), эпоксид клейлари ёки юмшоқ қалайлаш усулларини қўллаш билан силлиқланади.



7.9-расм. Пачоқни чиқариш ва текислаш шакли:
а-ушлагич ёрдамида пачоқни чиқариш;
б-ушлагич ёрдамида түғрилаш;
в-бир пачоқни бартараф этиш;
г-бир неча пачоқни бартараф этиш

Юза текислаб бўлмас ҳолатда бўлса, айрим бўлаклари темир аппа, темир қайчи ёки бошқа асбоблар ёрдамида кесиб ташланиб, ўрнига шаблон ёрдамида металл листлардан тайёрланган бўлаклар пайвандланади.

Ҳозирги вактда катта юзадаги емирилишни тиклаш учун таъмирлашнинг «панел» усули кўп қўлланилади. Занглаш ёки ҳалокатга учраш натижасида шикастланган кузов бўлаги олиб ташланади, ҳамда унинг ўрнига янги ёки бошқа автомобилдан кесиб олинган худди шунга ўхшаш таъмирлаш детали (панели) ўрнатилади.

Аварияга учраган кузовларни тўғрилаш учун маҳсус мосламалар ва жиҳозлардан фойдаланилади(7.10-расм), улар кузов профили бўйича, геометрик ўлчамларига риоя қилган ҳолда тортиш йўли билан ўз ҳолатига келтирилади. Жиҳознинг рамасига автомобил қотирилади, қўлда ёки гидравлик тўғрилаш мосламаларида кузовни тортиш ва тўғрилаш ишлари бажарилади. Юк автомобилларининг металл кузовларини тўғрилаш тартиби унинг кабина ва таянчларини тўғрилаш тартибига монанд бўлади.



7.10-расм. Кузовларни тўғрилаш жиҳози

Кузов металлининг қалинлиги таянч металлининг қалинлигидан катта бўлганлиги учун пайвандлаш ишлари осонлашади, аммо тўғрилаш қийинлашади.

Пайвандлаш ишларида кўпинча электр ёйли пайвандлаш аппаратидан (7.11-расм) фойдаланилади, тўғрилаш ишларини бажаришдан аввал эса, юза 600-650°C га қиздирилади.



7.11- расм. ЕИСЕМАНН ва Форвард ФWM-200 ПРО мод. пайвандлаш аппаратлари

Бўёқчилик ишлари бўяш камераларида (7.12- расм) бажарилиб, бўяш ва грунтовкалаш бўёқсепгичлар (7.13-расм) ёрдамида амалга оширилади.



7.12- расм. Бўёлаш-куритиш камераси, мод. НОРДБЕРГ ЕСОНОМИС

Энг кўп тарқалгани босим остида бўёқ сепиш ($0.3\text{-}0.7\text{МПа}$) бўлиб, у маҳсус жихозлар талаб қилмайди. Бунинг учун бўёқ эритгичлар ёрдамида суюлтирилади. Лекин бунда бўёқ қуригач, эритгич учиб кетади ва юзадаги бўёқ заррачалари орасида ёриқлар ҳосил бўлиб, юзанинг занглашга қарши хусусияти, кўриниши ва сифати пасаяди.

Такомиллашган бўяш усулларидан бири - камроқ эритгичга эга бўлган бўёқлардан фойдаланиш, бўёқ $50\text{-}70^{\circ}\text{C}$ гача қиздирилади ва 0.15МПа босим остида сепилади, натижада бўёқни 25% гача тежаш мумкин. Бу усул бўёқни юзага текис ва қалинроқ сепиш имконини беради ва юза силлиқ чиқади. Аммо, ёнғинга қарши хавфсизлик қонунларига асосан, бўёқчилик устахоналарида бўёқни фақат иссиқ сув билан иситиш мумкин, лекин иситиш анжоми бўяш камерасида бўлиши мумкин эмаслиги қийинчиликлар туғдиради.



7.13-расм. Бўёқ сепгич ва бўёқ ҳайдаш ускунаси.

Ҳозирги вақтда бўёқни маҳсус жиҳозлар ёрдамида 10-30 МПа босим остида, 0.17-1.0 мм диаметрли сепгичлар ёрдамида сепиш усулидан ҳам фойдаланилмоқда. Бу усулда меҳнат унумдорлиги жуда юқори ва бўяшда катта майдондан фойдаланилади. Бу усулда қуюқ бўёқларни эритмасдан туриб фойдаланиш мумкин. Бўяш вақтида туманлик ҳосил бўлиши жуда кам ва керакли бўёқ қалинлигига бир сепишда эришиш мумкин. Бўялган юзанинг кўриниши бошқа усулларга қараганда пастроқ, чунки юқори босим ҳосил қилиш учун фойдаланиладиган плунжерли насослар бўёқни бир текис сепилишини унчалик таъминлай олмайди. Лекин ҳозирда бу камчиликни бартараф этиш йўллари топилган.

Бўяш ишлари технологик жараёни қуйидаги кетма-кетлиқда бажарилади: металл юзани бўяшга тайёрлаш (зангдан, эски бўёқдан юзани тозалаш), шпатлевка суртиш (юзага суртилади ва силлиқланади), грунтовка суртиш (ГФ-021 суртиб, 1.5-2.0 соат қуритилади), бўяш (МЛ-12, МЛ-197, МЛ-110 туридаги бўёқлар сепилиб, юза 130-140°C да 20 соат давомида, шундан 2 соат чангга, 6 соат ёпишқоқликка, 12 соат мустаҳкамликка қуритилади).

АСК га келувчи автомобиллар ранги турли хил бўлганлиги учун, керакли рангдаги бўёқни топиш мушкул, шунинг учун керакли рангни тайёрлаш зарур. Ишлаб чиқаришда турли бўёқ рангларини ҳосил қилиш учун уч хил, яъни қизил, сариқ ва ҳаво ранглардан фойдаланилиб, маҳсус бўёқ аралаштиргич қурилма ёрдамида тайёрланади. Ҳозирги вақтда компьютер ёрдамида автомобил рангини спектрал анализ қилиш ва бир-бирига кўшиладиган бўёқларнинг миқдорини аниқлаш кенг тарқалган.

Автомобилларни занглашдан ҳимоялаш. Иқлим шароитидан келиб чиқсан ҳолда автотранспорт воситаларининг занглашига таъсир кўрсатувчи асосий омилларга, ҳаво ҳарорати ва намлиги, туман ва ҳаво таркибидаги тузларни мавжудлиги киради. Автомобилларни ёпик иншоотларда сақлаш давомида шамоллатиш тизимини мукаммал ишлашига эътибор қаратилиши зарур. Акс ҳолда занглашнинг жадаллашишига сабаб бўлиши мумкин. Бизнинг республикамизда автотранспорт воситалари, айниқса қишлоқ жойларида оғир экстремал шароитларда эксплуатация қилинади ва сақланади. Изланишларнинг кўрсатишича, пахтачиликда қулланиладиган менерал

ўғитлар, гербицидлар ва дефолянтлар транспорт воситаларининг кузовлари ва бошқа қисмларига иқлим шароитларига қараганда кўпроқ зарар етказади.

Атроф муҳитни айниқса шаҳарларда, ифлосланишнинг кўпайиши, ҳаво таркибидаги агрессив кимёвий моддаларни ошиб кетишига, бу эса ўз навбатида автомобилларда занглашни тезлашишига ва ҳаво таркибидаги агрессив кимёвий моддалар кўп жойларда 2-2,5 баробарга ошиб кетишига олиб келади. Ҳар хил мамалакатлар метрологик хизматларининг маълумотларига кўра, атмосфера олтингугурт икки оксиди билан кўпроқ ифлосланмоқда, бу ўз навбатида ҳаводаги намлик билан қўшилиб сульфид кислотасини ҳосил қиласди. Бу кислота машиналар деталларига(айниқса кузовга тегишли) ўтириб занглашни тезлаштиради.

Шаҳарларда қиши пайтлари сирпанишнинг олдини олиш учун йўлларга сепиладиган тузлар ҳам занглашни кучайтиради.

Автомобиллар деталларининг занглашининг умумий ҳажмида электрокимёвий занглаш, занглаш тезлиги катталиги билан муҳим ўрин тутади. У металл юзалардаги электр токини ўтказадиган электролитни (тузлар, кислоталар ва ишқорларни сувдаги эритмаси) ҳосил бўлиши натижасида пайдо бўлади.

Автомобилларнинг барча ташқи ва ички деталлари занглашга учраши мумкин. Кузов деталларининг юпқа (0.5-1.2 мм) пўлатдан тайёрланиши ва фақат озгина қалинликдаги грунтовка билан ҳимояланганлиги, уларда 2-2,5 йилги эксплуатациядан кейин занглаш натижасида ишдан чиқсан жойларини пайдо бўлишига олиб келади.

Автотранспорт воситаларини занглашдан сақлаш учун биринчидан уни олдини олиш, иккинчидан автомобилларни зарарли муҳит таъсиридан, яъни занглашдан ҳимоялаш бўйича барча тадбирларни амалга ошириш керак.

Албатта занглашни келтириб чиқарувчи сабабларни йўқотиш мақсадга мувофиқ, лекин буни қисман амалга ошириш мумкин. Иқлим таъсирини олдини олиш асосан автомобилларни ёпиқ жойларда, шамоллатишини яхши ташкил қилиш билан амалга оширилади. Заарарли моддалар таъсирини камайтириш борасида, эса қишлоқ хўжалигига ишлатиладиган химикатларни заарсизларидан фойдаланиш йўли билан мақсадга эришилади. Лекин бу масала келажакда ҳал қилиниши мумкин холос.

Автотранспорт воситаларини лойиҳалашда ва ишлаб чиқаришда ишлатиладиган материалларни тўғри танлаш ва ижобий конструктив ишламалар билан занглашни камайтириш мумкин. Масалан, автомобиллар кузовларини тайёрлашда руҳланган пўлатлардан фойдаланилмоқда. Бу услугуб "Форд" (АқШ), "Ситроен" (Франция), "Деймлер-Бенц" (ГФР) фирмалари тамонидан ишлаб чиқаришда кўлланилмоқда. Шу билан бирга кузовларни деталларини лойиҳалашда ҳар-ҳил ифлосликлар ва намлик йиғиладиган «чўнтақ» жойларни мумкин қадар камайтириш, таркибида агрессив моддалар кам бўлган ёнилғи мой маҳсулотларидан фойдаланиш лозим.

Кейинги йилларда автомобилларни эксплуатация ва таъмирлаш даврида зарарли муҳит таъсиридан ҳимоялаш кенг қўлланилмоқда. Автомобилларнинг ташқи қисмини ҳимоялаш учун, улар юзасига занглашга

қарши юпқа плёнка материал қопланмоқда. Бунинг учун асосан қуидаги материаллар: пластик мой (ПВК (ГОСТ 19537-74), ВТВ-1 (ТУ 38181180-78), УНЗ по ТУ 38001277-76), мастика (мастика № 579, № 580, БМП-1, №4010) ва консервация мойи қулланади. Занглашга қарши плёнка деталларни занглашдан сақлаш билан бирга, шовқинни ҳам камайтиришга ёрдам беради.

7.2. Автомобил двигателига техник хизмат кўрсатиш ва таъмирлаш ишлари технологияси

Кривошип-шатун механизми(КШМ) ва газ тақсимлаш механизм(ГТМ)ларида учрайдиган асосий носозликлар, уларнинг аломатлари ва келиб чиқиши сабаблари. Эксплуатация жараёнида деталларнинг табиий ейилиши, тўсатдан ишдан чиқиши ва иш қобилиятини йўқотиши натижасида цилиндр поршен гурухи (ЦПГ), КШМ, ГТМ, бирикма ва агрегатларда турли носозликлар пайдо бўлади.

КШМ нинг асосий носозликларида цилиндрлар, поршен ҳалқалари ва ариқчалари, поршен бўртмаси девори ва тешиклари, шатун каллаги втулкалари, тирсакли вал бўйинлари вкладишларининг ейилиши ва поршен ҳалқаларининг қурум босиб қолиши киради. Асосий бузулишлар ва ишдан чиқишиларга эса поршен ҳалқаларининг синиши, цилиндр юзасининг ейилиши, поршеннинг тиқилиб қолиши, подшипникларнинг эриши, цилиндр блоки ва унинг каллагида дарзлар ҳосил бўлиши мисол бўла олади.

КШМ носозлигининг аломатларида цилиндрдаги компрессиянинг йўқолиши ва шовқин билан ишлаши, газларнинг қўп микдорда картерга ўтиб кетиши ва мой қуиши бўғизидан қуюқ тутун чиқиши мисол бўла олади.

ГТМ нинг асосий носозликларида турткич ва унинг втулкалари, клапан тарелкалари ва ўриндиклари, шестернялари, газ тақсимлаш валининг таянч бўйинлари ва муштчаларининг ейилиши, клапан ва коромисла орасидаги тиркишнинг бузилиши киради. Ишдан чиқишиларга эса клапан пружиналари эластиклигини йўқотиши ва синиши, газ тақсимлаш шестернясининг синиши, клапанларнинг куйиши ва бошқалар киради. Газ тақсимлаш механизмининг шовқин билан ишлаши носозлик аломатларидан бири ҳисобланади.

КШМ ва ГТМ лар бўйича текширув назорат ва диагностика ишлари. Двигател бўйича носозликлар ва бузилишларнинг асосий қисми ГТМ ва КШМ зиммасига тушади, ҳамда бажариладиган иш ҳажмининг ярмидан ортифи шу носозлик ва бузилишларни бартараф этишга сарфланади. Кўрсатилган механизмларни диагностикалаш, уларнинг диагностика кўрсаткичларини аниқлашдан иборат бўлиб, бу ишлар двигателни бўлакларга ажратмасдан туриб бажарилади.


Поршени юқори қисми зичлиги бўйича диагностикалаш ишлари унинг компрессиясини, картерга ўтувчи газлар микдорини, мойнинг камайишини, киритиш тактидаги ҳавонинг сийраклиги, сиқилган ҳаво цилиндрга юборилганда, унинг босими пасайишини аниқлашдан иборатdir.

Двигател компрессияси бўйича: бу иш тирсакли вални аккумулятор батареяси тирсакли вални айлантира олиш частотасида цилиндрда ҳосил бўладиган босимни аниқлашдан иборат. Компрессияни аниқлаш қиздирилган

двигателда ва махсус жиҳозлар ёрдамида (7.14-расм) бажарилади. Двигателларнинг турига қараб бу кўрсаткич, карбюраторли двигателлар учун 0.44-12 МПа ни, дизел двигателлари учун ками билан 2 МПа ни ташкил қиласди.

Компрессия, компрессометр ёки компрессограф ёрдамида, ўт олдириш чақмоғи (чақмоқ) ёки форсунка ўрнида аниқланади (бу кўрсаткич меъёрдан 30-40 % дан кам бўлмаслиги керак).

Мойнинг камайиши бўйича: автомобилни эксплуатация қилиш даврида мой сатҳи меъёригача тўлдириш йўли билан аниқланади. Мойнинг камайиши ҳалқаларни ейилиши ва клапанлар зичлигини бузилиши натижасида содир бўлади. Мой сатҳи меъёридан камайиши ёки қўпайиши двигателдан чиқадиган газларнинг рангини ўзгаришига олиб келади.



7.14-расм. Манометрли(а) ва ўзи ёзувчи(б) компрессометрлар ҳамда Исузу автомобили двигателининг компрессиясини ўлчаш шакли(с).

Бу усулнинг камчилиги шундан иборатки, у автомобил эксплуатацияси билан боғлиқ бўлиб, факат ҳалқаларнинг ейилиши билангина эмас, балки клапан втулкаларининг ейилиши ва зичликни бузилиши оқибатида ҳам бўлиши мумкин.

Газларнинг картерга ўтиши цилиндр-поршен гурухи (ЦПГ) деталларини ейилишига боғлиқ бўлиб, иш жараёнида кўпайиб боради. Газнинг ҳажми, диагностикалаш жиҳози ёрдамида, юкланиш ва энг катта буровчи моментда аниқланади. У газ счетчиги ёрдамида аниқланиб, мой ўлчаш таёқчаси ўрнига уланади ва маълум вақт ичida картерга ўтган газ микдори аниқланади.

Киритиш тактидаги ҳаво сийраклиги ҳаво тўлдириш тезлигига, компрессияга, ҳаво тозалагич каршилигига, клапанларнинг эгарида тўлиқ ўтирмаслигига ва иш жараёнининг нотекис боришига боғлиқ бўлади. Шунинг учун ҳавонинг сийраклиги ва унинг доимийлиги двигателни техник ҳолатини характерлайди. Ҳавонинг сийраклиги ваккумметр ёрдамида,


киритиши коллектори орқали аниқланади. Двигател механизмларини ҳолатини аниқлаш, таъминот ва ўт олдириш тизимлари созлангандан сўнг бажарилади.

Двигателнинг соз ҳолида, уни стартер билан айлантирганда кўрсатгич 0.5-0.57 МПа ни, ҳамда салт юришда 0.64-0.745 МПа ни ташкил этиши ва бу кўрсатгич ўзгармай туриши керак.

Сиқилган ҳавонинг цилиндрдан чиқиб кетиши бўйича: бу вақтда поршен юқори ёки пастки чекка нуктада бўлиб, клапанлар беркилган ҳолатда бўлади, диагностикалаш натижасида поршен ҳалқаларининг ейилганлигини, улар эгилувчанлигининг йўқолганлиги, синган ёки қурум босиб қолганлигини, цилиндрнинг ейилганлигини, клапанлар ва поршенинлар ҳамда цилиндр блоки ва каллаги зичлиги бузилганлигини аниқлаш мумкин.

Двигател ҳолати К-69М прибори ёрдамида, чақмоқ ёки форсунка ўрнида цилиндрга юборилган ҳавонинг сарфини монометр ёрдамида аниқлаш йўли билан амалга оширилади.

Шовқин ва тебранишлар бўйича: механизмларнинг ишлаши жараёнида тебраниш ва шовқин ҳосил бўлади. Бу шовқинлар частотаси баландлиги ва фазаси маҳсус асбоб ёрдамида аниқланади ва этalon кўрсатгич билан солиштириб техник ҳолат аниқланади. Двигателга эшитиш нукталари орқали трубкасимон стетоскоп ёрдамида диагноз қўйиш 7.15-расмда келтирилган.



7.15-расм. Двигателга эшитиш нукталари(а) орқали трубкасимон стетоскоп(б) ёрдамида диагноз қўйиш: а-шакл: 1-клапан қисми; 2-поршен; 3-итаргичлар; 4-таксимлаш шестернялари; б-шакл: 1-найча(стержен); 2-мембрана; 3-резина трубкалар; 4-қулоқ эшитгичлари.


Картердаги мойнинг кўрсатгичлари бўйича: двигател деталларининг ейилиши, ҳаво ва мой фильтрининг ишлаш сифати, совитиш тизимининг зичлиги, ҳамда мойнинг яроқли ёки яроқсизлиги аниқланади. Бунинг учун вақти-вақти билан картердаги мойдан намуна олиб туриш, унинг қовушқоқлигини, таркибидаги сув, кремний ва едирилган маҳсулотлар миқдорини аниқлаб туриш керак.

Мойдаги металл маҳсулотлари миқдори билан бирикмаларнинг техник ҳолати аниқланади. Кремний миқдорининг ошиши - ҳаво тозалагичларнинг носозлигини, сувнинг пайдо бўлиши - совитиш тизимининг носозлигини,

қовушқоқликнинг камайиши -мойнинг яроқсиз ҳолга келиб қолганлигини кўрсатади.

КШМ ва ГТМ га техник хизмат кўрсатиш. Двигателнинг бузилиши ва унда ҳосил бўлувчи носозликларини олдини олиш мақсадида профилактик тадбирлар комплекси бажарилади. Бу диагностикалаш, КХК ва даврий ТХК давридаги двигател бўйича бажариладиган диагностикалаш, маҳкамлаш, созлаш ва мойлаш ишлари ҳисобланади. Шу жумладан замонавий енгил автомобиллар учун ҳам шу мақсадда даврий сервис хизмат кўрсатиш ишларини бажаришда юқорида келтирилган амаллар бажарилади. Хизмат кўрсатиш даврида асосий эътибор маҳкамлаш ва назорат-созлаш ишларига қаратилади.

Маҳкамлаш ишларини бажаришдан мақсад двигател бирикмаларини (двигателнинг рама таянчига, цилиндр каллаги ва картерни цилиндрлар блокига ва х.к.) зичлигини текширишдан иборат. Газ ва совитиш суюқлигининг чиқиб кетмаслигини олдини олиш учун, цилиндр каллагининг блокка маҳкамлаш моменти текширилади. Бу вазифа автомобилларни ишлаб чиқарувчи завод кўрсатмасига биноан белгиланган кетма-кетлиқда(7.16-расм), ҳамда меъёрий бураш моментида динамометрик калитдан, автоЧИЛАНГАР асбоблари тўпламларидан фойдаланиланиб бажарилади. Чўян каллаклар иссиқ ҳолатда, алюмин каллаклар эса совуқ ҳолатда маҳкамланади.



7.16-расм. Нексия SOHC-двигателларининг цилиндр каллаклари гайкаларини маҳкамлаш кетма-кетлиги


Двигателларда КШМ ва ГТМ бўйича созлаш ишлари клапан стерженининг юқори қисми билан туртгичлар ёки каромислолар оралиғидаги тирқиши созлаш, двигател таянчининг рама билан бирикмасини қотириш, цилиндрлар каллаги ва картерни цилиндр блоки билан биргаликда қотириш ишларидан иборат бўлиб, диагностикалаш ишлари натижасига кўра бажарилади.

Клапан тирқишлигини созлаш ишлари даврий ТХК да ёки заруратга кўра бажарилиб, ГТМнинг равон ишланини таъминлайди, газ тақсимлаш жараёнини меъёрлайди, цилиндрларнинг ёнилғи аралашмаси билан

тұлишини таъминлайды, булар ўз навбатида двигателнинг қувватини ва компрессиянинг ошишига имкон яратади.

Цилиндр, цилиндр каллаги, штанга ва клапанларнинг юритма механизмидаги бошқа деталлар двигателни исишига қараб 80-150°C гача, клапанлар эса 300-600°C гача қизийди. Бунда деталлар орасидаги иссиқлик тирқиши камаяди, бу эса деталларни иссиқлик таъсирида деформацияланишига, клапанларни ўз уяларига зич ўтирумаслигига олиб келади.

Двигател ишлаганда, чиқариш клапанида иссиқлик тирқиши хаддан зиёд кичик бўлса, тарелка ўта қизиб кетади, унда ёриқлар пайдо бўлади, клапан эгари юмшаб, газлар чиқиб кетиши оқибатида унинг ейилиши тезлашади. Иккинчидан юқори ҳарорат таъсирида клапанлар ишлашида кучли тақиллашлар пайдо бўлади ва газ тақсимлаш механизми деталлари жадаллик билан ейила бошлайди. Иссиқлик тирқиши, одатда, пўлат шчуп ёрдами билан 20-25°C ҳароратда аниқланади (7.17 -расм).




7.17-расм. Газ тақсимлаш механизмларидаги иссиқлик тирқишини ростлаш ва шчуп билан текшириш шакли: а-ростлаш винти ва клапан тирқиши оралиғи, б-кулачок ва туртқиҷ усти созлаш шайбаси оралиғи, в-клапан ўзаги ва карамисло тумшуғи оралиғи. 1-шчуп, 2-ростлаш винти, 3-клапан қалпоғи, 4-ариқча, 5-кулачок, 6-киргизма, 7-туртқиҷ, 8-гайка, 9-бурагич, А-ейилишни эътиборга олгандағи шайба қалинлиги, Б-шайба қалинлиги, В-иссиқлик тирқиши.

Бунинг учун поршен сиқиши тактида цилиндрдаги юқори чекка нұқтага келтирилади ва биринчи цилиндрга тегишли клапанлар билан коромисло орасидаги тирқиши шчуп ёрдамида аниқланади ва зарур бўлса созланади, қолган клапанлар ва коромислолар орасидаги тирқиши эса, цилиндрларнинг ишлаш кетма-кетлиги бўйича бажарилади.

Клапанның иссиқлик тирқишини созлашда қуйидагиларни ҳам эътиборга олиш зарур, туташувчи сиртларнинг ейилиши ҳисобига ариқча (4) ҳосил бўлади ва у ўлчаш жараённида шчуп остида қолади. Натижада ҳақиқий тирқиши шчуп билан ўлчанган тирқишдан катта бўлади. Шунинг учун юритма ричагини клапан билан туташадиган зонасидаги йўлини ўлчаш учун индикатордан фойдаланган маъқул.

Кўпгина автомобилларда (7.18-расм), тақсимлаш вали кулачоклари билан 1-коромисло орасидаги тирқиши созлаш 2-созловчи винтни бураш билан бажарилади, сўнгра 3-чегараловчи гайка билан чегараланди.

Замонавий Нексия, Эсперо ва шунга ўхшаш двигателлар ГТМ тузилишларида гидрокомпенсаторларнинг пайдо бўлиши клапан механизмида тирқиши созланишини автоматик равишда таъминлади, аммо гидрокомпенсаторлар мойнинг сифати ва уни тозаланиш даражасига жудаям сезгирирлар. Мойнинг коксланиши, ейилган ва емирилган деталларнинг заррачалари гидроитаргични қотиб қолишига сабаб бўлади.



7.18-расм. Ананавий тузилишдаги ВАЗ, Тико ва Матиз автомобиллари газ тақсимлаш механизмининг иссиқлик тирқишини созлаш шакли.


1-коромисло; 2-созловчи винт; 3-контргайка.

Бу вақтда механизмда ҳисобга олинмаган зарбли юкланишлар ҳосил бўлади, натижада клапан ва тақсимлаш валини фойдаланиб бўлмаслик даражасигача ейилишига олиб келади. Бунинг олдини олиш учун мотор мойини алмаштириш вақтида, цилиндрлар каллагининг қопқоғи тақсимлаш вали билан биргалиқда ечиб олиниб, гидроитаргичлар ечиб олиниши ва бензин ёки керосинда ювиб ташланиши зарур. Бу гидроитаргич ичидаги кирликлардан халос бўлишни таъминлади.

КШМ ва ГТМ ларни таъмирлаш. Двигателни жорий таъмирлашдаги энг асосий ва муҳим ишлар қўйидагилардан иборат: поршен ҳалқалари, поршенларни, поршен бармоқларини, ўзак ва шатун бўйнидаги вкладишларни (таъмирлаш ўлчамларига мослаб), блок қистирмасини алмаштириш, клапаннинг эгарини силлиқлаш, сўнгра маҳсус аралашма билан артиш, маҳсус эритмалар билан мой йўлларини ювиш ва тозалаш, редукцион клапанни тозалаш ёки алмаштириш ва бошқалардир.

Цилиндр блоки гильзаларини алмаштириш ишлари унинг пастки ва юқори қўйим ўлчамларининг ейилиши, дарз кетиши, чукурчалар ҳосил бўлиши натижасида бажарилади. Шу билан бирга ҳозирги вақтда ишлаб чиқарилаётган қўпгина енгил автомобилларнинг гильзалари цилиндр блоки билан биргалиқда кўйма тарзида бўлади. Гилзаларнинг ейилиш даражаси унинг юқори қисмидан 5, 15, 50 ва 90 мм чукурликда икки перпендикуляр текислик бўйича нутромер асбоби ёрдамида аниқланади. Бунинг учун нутромер маҳсус колибр ёрдамида нолга келтирилади (7.19-расм) ва ҳар бир цилиндрнинг ўлчамлари расмда келтирилганидак аниқланади.

Гильзаларнинг ейилиши натижасида, ўлчамлар меъёрий кўрсатгичлардан фарқ қилиб қолади, шу билан бирга ейилиш гильза диаметри бўйича нотекис бўлади, бу ҳолда улар йўниш йўли билан кейинги ўлчамларга келтирилади ва поршен ҳамда унинг ҳалқалари гильзанинг янги ўлчам гурухига мос равишда танлаб олинниб ўрнатилади.



7.19-расм. Цилиндрлар ейилиш даражасини нутромер ёрдамида аниқлаш.
1-нутромер; 2-колибр ёрдамида нутромерни нолга келтириш

7.20-расм. Поршен ва цилиндр орасидаги тирқишини текшириш шакли


Поршенларни алмаштириш, унинг этагида чуқурчалар ҳосил бўлганда, таг қисми ва компрессион ҳалқа атрофидаги юза қисми куйганда, ҳамда ҳалқаларни ўрнатиш ариқчалари кенгайиб кетганда бажарилади. Гильзаларда ейилиш кам бўлиб, поршенларда юқорида келтирилган камчиликлар юзага келганда, двигателни автомобилдан ечмасдан туриб, поршенларни алмаштириш мумкин. Бунда картердаги мой тўкиб олинади, картер ва цилиндр блоки каллагини ечилади, шатун болтларининг гайкаси бураб олинади, шатуннинг пастки қопқоғи ечилади ва поршен шатун билан биргаликда юқори томондан суғуриб олинади. Кейин поршен бобишкасидан пресс ёрдамида поршен бармоқлари ечиб олинади ва поршен шатундан ажратилади. Керак бўлса, шатуннинг юқори қисмидаги бронза втулкаси ҳам пресс ёрдамида ечиб олинниб алмаштирилиши мумкин.

Бунинг учун поршен яssi шчуп билан биргаликда юқори қисми билан цилиндрга киритилади. Шчуп поршен бармоғи ўрнатилиш тешиги ўқига перпендикуляр жойлашиши зарур. Кейин динамометр ёрдамида шчуп тортилади ва шчупни чиқиши вақтидаги куч аниқланади. Аниқланган куч автомобил двигателларининг турига қараб, эксплуатация ёки таъмирлаш қўлланмасида келтирилган меъёрий қўрсаткичлар билан таққосланади.

Масалан, ЗИЛ-130 двигатели учун шупнинг қалинлиги 0,08 мм, эни 13 мм ва узунлиги 200 мм бўлиши, ҳамда уни цилиндр билан поршен орасидан тортиб чиқарувчи кучнинг катталиги 35-45 Н ни ташкил қилиши керак. Агарда тортиб чиқарувчи куч меъёридаги кўрсаткичдан фарқ қилса, поршен бошқасига алмаштирилади.

Поршени алмаштиришдан аввал уни цилиндрга мослаб танлаб олиш зарур, бунинг учун гильзанинг ўлчамлар группасига мос келувчи поршен танлаб олинади ва лентасимон шуп ёрдамида цилиндр, ҳамда гильза орасидаги тирқиш текширилади (7.20-расм).

АСК шароитида цилиндрга поршенин танлашда, юқоридагилардан ташқари поршен бобишкасидаги тешик, поршен бармоғи ва шатуннинг юқори каллагидаги бронза втулка диаметрлари бир хил ўлчамлар гуруҳида бўлиши керак. Шунинг учун «поршен-бармоқ-шатун» тўпламини йиғишида, уларга бўёқ ёрдамида қўйилган белгилар бир хил рангда бўлишига эътибор бериш керак. Поршенга бармоқ танланадиганда унинг бобишкага тешигига қўлнинг катта бармоғи ёрдамида енгил кириши текширилади (7.21-расм).



7.21-расм. Поршен бобишкага енгил текшириш шакли

бармоғини
киришини

7.22-расм. Поршен ариқаси ва ҳалқа орасидаги тирқиши аниқлаш шакли:
1-поршен ҳалқаси; 2-поршен; 3-шуп тўплами


Тўғри танланган поршен тепа қисми билан цилиндрга қўйилганда, ўзининг оғирлиги билан аста-секин пастга тушиши керак.

Поршен билан шатунни бир-бирига биректиришдан аввал шатун каллакларини параллеллигини маҳсус қурилмалар ёрдамида текширилади. Бундай қурилмалар ёрдамида шатуннинг буралиб кетганлиги, эгилганлиги ва каллакларининг марказлари орасидаги масофа аниқланади. Текширув натижаларига кўра шатуннинг бирор ўлчами меъёридан фарқ қилса, маҳсус калитлар ёрдамида қурилманинг ўзида ўлчамлар меъёрига келтирилади. Бунда шатуннинг юқори ва пастки каллаклари юқори ва пастки плиталар орасидаги ҳолатда бўлиши керак.

Шатунни текшириш ва тўғрилашдан сўнг, поршен 60°C ҳароратдаги мойли ваннага солиниб қиздирилади, кейин эса поршен бармоғи поршен

бобишкаси ва шатуннинг юқори каллагига прессланади. Пресслангандан сўнг бобишкадаги ариқчага чегараловчи ҳалқалар ўрнатилади. Поршен билан шатун йиғмасини цилиндр блокига ўрнатишдан аввал, поршен ҳалқаларини поршен ариқчасига жойлаштирилади. Поршен ариқчаси билан поршен ҳалқаси орасидаги тирқиши шуп ёрдамида (7.22-расм) аниқланади. Бундан ташқари ҳалқани ёруғлик нурини ўтказиши бўйича текширилади, бунинг учун ҳалқа цилиндрнинг едирилмаган юқори қисмига жойлаштирилади ва цилиндр билан унинг орасидан ёруғлик нури ўтиши аниқланади.

Поршен ҳалқасини туташиб жойидаги тирқиши шуп ёрдамида аниқланади. Агар у меъёридан кичик бўлса, ҳалқанинг туташиб жойлари эговланади. Бу ишларни бажаргандан сўнг ҳалқа поршенга ўрнатилади. Ўрнатилган ҳалқаларнинг туташ жойлари ҳар томонга айланади бўйича қўйиб чиқилади. Поршен йиғмасини цилиндрга ўрнатиш маҳсус мослама ёрдамида амалга оширилади (7.23-расм).



7.23-расм. Поршен йиғмасини цилиндрга ўрнатиш: 1-цилиндр блокидаги гильза; 2-мослама; 3-поршеннинг шатун ва ҳалқалар билан биргалиқдаги йиғмаси

Тирсакли вал вкладишлари, подшипниклар тақиллаганда ва редукцион клапан ҳамда мой насоси соз бўлиб, тирсакли валнинг 500-600 айл/мин тезлигида магистралидаги мой босими 0,05 МПа дан кам бўлганда алмаштирилади. Вкладишларни алмаштириш, улар билан тирсакли валдаги таянч ва шатун бўйинлари орасидаги тирқиши меъёридан кўпайиб кетганда ҳам амалга оширилади. Автомобил двигателларининг турига қараб, таянч бўйни билан вкладиш орасидаги меъёрий тирқиши 0,026-0,12 мм, шатун бўйни билан вкладиш орасидаги меъёрий тирқиши эса 0,026-0,11 мм оралиғида бўлади.

Тирсакли вал подшипникларида тирқиши, назорат қилувчи жез пластинкалари ёрдамида аниқланади. Мойланган пластинка вкладиш ва вал бўйни орасига қўйилади, ҳамда қопқоқ болtlари динамометрик калит ёрдамида ҳар бир двигател учун белгилangan меъёрий буровчи момент билан тортилади. (ЗИЛ-130 двигателида таянч подшипниклари 110-130 Нм, шатун подшипниклари 70-80 Нм). Агар 0,025 мм ли пластинка қўйилганда тирсакли вал жуда бўш айланса, бу - тирқишининг катта эканлигини кўрсатади. У ҳолда

тирсакли вал бўйни орасига ҳар бири 0,025 ммга қалинроқ бўлган мойланган пластинкалар қўйиб борилиб тирсакли вал ҳис қилувчи куч билан айланадиган бўлгунча давом эттирилади ва пластинканинг қалинлигига қараб керакли ўлчамдаги вкладишлар танланади.

Тирсакли вал бўйинларининг ҳолати текширилгач (юзада ейилиш ва тирналиш излари бўлмаслиги керак), танланган вкладишлар ювилади, артилади ва мотор мойи билан мойланиб жойига ўрнатилади.

Тирсакли вал шатун бўйинининг ейилиши масалан: Исузу автомобилида 65.902-65.992 мм гача, чегаравий қиймат эса 65.85 мм гача бўлиши мумкин.

Тирсакли валнинг ўқ бўйича силжишини созлаш ишлари кўпгина двигателларда таянч шайбаларини танлаш йўли билан амалга оширилади. ЗМЗ-53 двигателларида орқа таянч шайбаси ва тирсакли вал орасидаги тиркиш 0,075-0,175 мм, ЗИЛ-130 двигателларида эса 0,075-0,245мм ни ташкил этади. ЯМЗ ва ВАЗ двигателларида эса, силжиш (0,08-0,23мм) ярим шайбалар ёрдамида созланади. Исузу автомобилида тирсакли вал эркин йўли 0.104-0.205 мм бўлиб, чегаравий қиймат 0,35 мм ни ташкил этади.

Эксплуатация жараёнида ўқ бўйича силжиш катталашиб боради, шунинг учун таъмирашда шайба ва ярим шайбаларнинг қалинлиги, кейинги таъмираш ўлчамдагисидан фойдаланилади.

Блок каллагининг асосий носозликларига блок билан бирлашувчи юза қатламидаги дарз кетиш, совитиш кўйлагидаги дарз кетиш, клапан йўналтирувчиси тешикларининг ейилиши, клапан ўриндиқлари фаскасининг ейилиши ва унда чуқурчалар ҳосил бўлиши, клапан ўриндини прессланган еридан бўшашиб кетиши мисол бўла олади.


Каллак бирикмасини таъмираш учун уни бўлакларга ажратиш муҳим ўрин тутади. Сифатли бўлакларга ажратиш деталларни ишдан чиқишини олдини олади. Шунинг учун бўлакларга ажратишда маҳсус ечгичлардан фойдаланилади(7.24-расм).

Алюминидан тайёрланган цилиндр каллаги юзасидаги 150 мм гача узунликда бўлган ёриқлар пайвандланади, пайвандлашдан аввал ёриқнинг икки томонидан 4 мм диаметрда тешик тешилади. Кейин каллак электропеч ёрдамида 200°C гача қиздирилади, ундан сўнг ёриқ темир чўтка билан тозаланади ва пайвандланади. Совитиш кўйлаги юзасида узунлиги 150 мм гача бўлган ёриқлар эпоксид елими ёрдамида елимланади. Елимлашдан аввал ёриққа худди пайвандлашдан аввалгидек ишлов берилади, ацетон билан мойсизлантирилади, икки қатлам алюмин кукунлари аралаштирилган эпоксид елими суртилади ва 18-20°C ҳароратда 48 соат ушлаб турилади.


Алюминидан тайёрланган цилиндр каллаги юзасидаги 150 мм гача узунликда бўлган ёриқлар пайвандланади, пайвандлашдан аввал ёриқнинг икки томонидан 4 мм диаметрда тешик тешилади. Кейин каллак электропеч ёрдамида 200°C гача қиздирилади, ундан сўнг ёриқ темир чўтка билан тозаланади ва пайвандланади. Совитиш кўйлаги юзасида узунлиги 150 мм гача бўлган ёриқлар эпоксид елими ёрдамида елимланади. Елимлашдан аввал ёриққа худди пайвандлашдан аввалгидек ишлов берилади, ацетон билан

мойсизлантирилади, икки қатlam алюмин кукунлари аралаштирилган эпоксид елими суртилади ва 18-20°C ҳароратда 48 соат ушлаб турилади.

А)



Б)



7.24-расм. Цилиндр каллакларини бўлакларга ажратиш шакли: 1-клапан биримасини ечиш мосламаси; 2-клапанларни ҳаракатини чегараловчи таглик


Ҳозирги вақтда каллак ва цилиндрлар блоки ёриқларини ямаш учун “кемпи” ва “аргон” пайвандлаш турларидан кўпроқ фойдаланилмоқда. Бу усуллардан фойдаланиш таъмирлаш вақтини тежашга имкон беради.

Каллакни цилиндрлар блоки билан туташиш жойидаги ўйилиш ва чуқурликларни фрезалаш ёки силлиқлаш йўли билан таъмирланади. Ишлов берилган каллак назорат плитасида текширилади. Бунда 0,15 мм ли шуп плита ва каллак орасидан ўтмаслиги керак.

Йўналтирувчи втулкаларнинг тешиги едирилган бўлса, янгисига алмаштирилади. Алмаштиришда гидравлик пресс ва маҳсус мослама ишлатилади. Клапан фаскаларининг ейилиши ва ўйилиши, тозалаш ёки силлиқлаш йўли билан бартараф қилинади. Тозалаш ишлари учига клапанни ўзига мажбуран тортиб турадиган «сўрғич» ўрнатилган пневматик дрел ёрдамида бажарилади. Клапанларни тозалашда, тозалаш пасталаридан (15 грамм M20 ёки M12 электрокорунд кукуни, 15 гр. M40 бор карбида ва мотор мойи аралашмаси) ва ГОИ пастасидан фойдаланилади. Тозаланган клапан ва унинг эварида айлана бўйлаб $a \geq 1,5$ мм кенглиқда хира из ҳосил бўлади.

Тозаланган юза сифатини клапаннинг юқори қисмида босим ҳосил қилувчи асбоб ёрдамида ҳам текшириш мумкин. 0,07 МПа га етган босим 1 мин. ичida сезиларли даражада тушиб кетмаслиги керак.

Агар клапан эгарларининг фаскасини тозалаш йўли билан тиклаб бўлмаса, у ҳолда юза йўниш йўли билан таъмирланади. Йўниш 15, 30, 45, 75°ли йўнувчи асбоблар ёрдамида бажарилади. 30°ли асбоб киритувчи клапан эгарлари учун, 45°ли асбоб чиқарувчи клапан эгарлари учун мўлжалланган. Йўнишдан сўнг фаска силиқланади ва тозаланади.



7.25-расм. Клапан эгарини алмаштириш шакли: а-ечгич ёрдамида эгарни ечиш; б-эгарни қоқиш; 1-ечгич корпуси; 2-гайка; 3-шайба; 4-винт; 5-уч ушлагичли гайка; 6-тортиш пружинаси; 7-ушлагич конуси; 8-ечгич ушлагичи; 9, 12-ўрнатилган эгарлар; 10-цилиндрлар каллаги; 11-қоққич

Клапан эгари ўйилиб кетган ёки бўшаб қолган бўлса, махсус ечгич ёрдамида чиқариб олинади (7.25а-расм), тешик эса таъмирлаш ўлчамига мослаб кенгайтирилади. Таъмирлаш ўлчами бўйича танлаб олинган клапан эгари махсус пресслагич ёрдамида қоқиласди(7.25б-расм) .


Клапанларнинг асосий носозликлари уларнинг фаскасини ейилиши, клапан стерженини ейилиши ва эгилишидан иборат. Клапанларни саралашда, уларнинг тўғрилиги ва ишчи фаскаларини стерженга нисбатан нотекислиги аниқланади (7.26-расм).

Назорат индикаторлар(10, 11) ёрдамида бажарилади. Клапан стержени ва ишчи фаскасининг рухсат этилган тебраниши техник шартларда назарда тутилган. Меъеридан юқори тебраниш ҳосил бўлса, клапан стержени тўғриланади. Стержен таг қисмининг нотекис ейилиши чарх ёрдамида текисланади. Клапан фаскаси махсус чархлаш жиҳозида силлиқланади.

Клапан турткичларининг ўйсимон ва цилиндросимон юзалари ейилади. Унинг стерженини силлиқлаб, кейинги таъмирлаш ўлчамига келтириш йўли билан тикланади.

Шайн(коромисло)нинг ейилган бронза втулкалари янгисига алмаштирилиб, унинг ички диаметри таъмирлаш ёки меъёрий ўлчамларга келтирилади. Янги втулкалар қўйилганда, мойнинг ўтиши учун тешиклар тешилади.

Деталларни тикловчи махсус устахоналари бўлган катта АСК лар ва автомарказларда тирсакли ва газ тақсимловчи валлар таъмирланади. Тирсакли валнинг едирилган таянч ва шатун ўрнатувчи бўйинлари ҳамда газ тақсимловчи валнинг таянч бўйинлари силлиқлаш жиҳозлари ёрдамида таъмирлаш ўлчамларига келтирилади. Силлиқлашдан сўнг тирсакли ва газ тақсимлаш валининг бўйинлари абразив лентаси ёки ГОИ пастаси ёрдамида тозаланади. Газ тақсимлаш валининг едирилган муштчаларига махсус силлиқлаш жиҳозлари ёрдамида ишлов берилади.



7.26-расм. Клапанларни текшириш мосламаси: 1-маховик; 2-валча; 3-устунча; 4-втулка; 5-бармок; 6-кронштейн; 7-ролик; 8-марказ; 9-призма; 10, 11-индикаторлар; 12-плита

Цилиндрлар каллагини маҳсус жиҳозлар ёки чилангарлик дастгоҳида юқорида келтирилган мосламалар (7.22-расм) ёрдамида йиғилади. Сўнгра агрегатларни ажралиш юзаларининг шпилкаларига зичлагичлар ўрнатилади ва киритиш ҳамда чиқариш коллекторлари ўз жойига маҳкамланади. Йиғилган каллак цилиндрлар блокига ўрнатилади ва бириктириш гайкалари белгиланган кетма-кетликда маҳкамланади. Мой филтри, текшириш найчаси термостат, сув насоси, ёнилғи насоси, ҳаво филтри билан биргаликда карбюратор, компрессор, генератор, стартер ва бошқа агрегатлар двигателга йиғилади. Двигател йиғиб бўлингач уни чиниқтирилади ва синовдан ўтказилади.


Двигателни чиниқтириш ва синаш ишлари маҳсус синаш жиҳози (7.27-расм) ёрдамида уч босқичда амалга оширилади: совуқ, юкланишсиз иссиқ ва юкланиш остида иссиқ. Ҳар бир босқич икки қисмдан иборат. Масалан,

совуқ ҳолда чиниқтириш тирсакли валнинг 400-600 айл/мин айланишлар сонида 15 мин, сўнгра 800-1000 айл/мин да 20 минут ўтказилади.

Юкланисиз иссиқ чиниқтиришда аввал тирсакли вал 1000-1200 айл/мин да 20 минут, сўнгра 1500-2000 айл/мин да 15 минут айлантирилади. Иссиқ юкланиш остида чиниқтиришда 11-15 кВт юкланиш берилади ва 25 мин тирсакли вал 1600-2000 айл/мин тезлик билан айлантирилади. Сўнгра 29-44 кВт юкланиш берилиб, тирсакли вал 2500-2800 айл/мин тезликда 25 мин айлантирилади.

Совуқ чиниқтиришда двигателнинг тирсакли вали электродвигател-14 ёрдамида айлантирилади. Бу даврда двигатель барча биримларининг геометрик шакллари ва ишчи юзаларнинг ҳолати ўзгаради ва унча катта бўлмаган юкланишда ишлашга маслашади.

Юклашинсиз иссиқ чиниқтиришда (двигатель салт юриш тартибида ишлайди) ишқаланиш юзаларини навбатдаги мослашишлари назарда тутилган. Бундай чиниқтиришдан мақсад двигателни фойдаланиш учун тайёрлашдан иборат. Ҳар бир турдаги автомобил двигатели учун чиниқтиришнинг муқобил тартиби ўрнатилган.



7.27-расм. Двигателни синаш жиҳози: 1-совитиш суюқлиги баки; 2-двигател; 3-плита; 4-шкивларнинг ҳимоя ғилофи; 5-совитиш тизимиға келувчи сувни беркитиш крани; 6-двигателнинг олдинги таянчини маҳкамлаш гайкаси; 7-суюқ ёнилғи билан таъминлаш крани; 8-устунни қотириш гайкаси; 9-ёнилғи беркитиш крани; 10-чиқариш қувурини маҳкамлаш гайкаси; 11-устун; 12-двигателнинг орқа таянчини маҳкамлаш болти; 13-кардан валини ҳимоя ғилофи; 14-электродвигател; 15-суюқликли реостат; 16-реостатни бошқариш ушлагичи; 17-электродвигателни бошқариш тугмаси; 18-юкланишни кўрсатувчи ракамли кўрсаткич; 19-огохлантириш лампаси; 20-таксометр; 21-мой ҳарорати кўрсатгичи; 22-сув ҳарорати кўрсатгичи; 23-манометр; 24-

бошқариш пулти корпуси; 25-узатмалар қутиси ушлагичи; 26-карбюратор дросселини бошқариш тортқиси; 27-құл тормози ричаги; 28-илшиш муфтаси тепкиси; 29-водопровод сувини беркитиш краны.

7.3. Автомобил двигателининг совитиши ва мойлаш тизимиға техник хизмат күрсатиши ва таъмирлаш технологияси

Автомобил двигателининг совитиши тизимиға техник хизмат күрсатиши ва таъмирлаш технологияси. Совитиши тизимининг носозликларини қуидаги ташқи аломатларидан билса бўлади:

-двигател узок муддатда, зўриқиб ишламаганда ҳам қизийди, агар таъминот ва ўт олдириш жиҳозлари нотўғри созланган бўлса, радиатор суюқлиги қайнаб кетади.

-термостат клапани аста-секин очилса ёки мутлақо очик бўлса (двигател юргизилгандан кейин) аста-секин қизийди, борди-ю клапан кеч очилса, двигатель тезроқ қизиб кетади.

Совитиши тизимининг носозликлари: зичликнинг бузилиши, яъни сув насоси сальнигидан, патрубка ва бошқа жойларидан суюқликнинг сизиб оқиши, тасма таранглигининг бўшашиб қолиши, унинг узилиши, термостат қопқофининг берк қадалиб ёки очиқлигича қолиши, насос паррагининг синиши, радиатор қопқофининг жипс ёпилмаслиги, тармоқ деворларида суюқлик чўкинди (қуйқа)си ҳосил бўлиши ҳисобланади.

Двигател совитиши тизимини диагностикалашда тизимни қизиш ҳолати ва зичлигини, тасманинг таранг тортилиши ва термостатнинг ишланиши текширилади. Двигател меъёрида ишлаганда совитиши тизими суюқлигининг

ҳарорати $80\text{-}95^{\circ}\text{C}$ чегарасида бўлиши керак, радиаторнинг юқори ва пастки қисмидаги суюқлик ҳароратининг фарқи $8\text{-}12^{\circ}\text{C}$ оралиғида бўллади. Совитиши тизими суюқлигининг сизиб оқишини сув насосининг ва бошқа бирикиш жойларининг остки қисмларидаги суюқлик изларидан пайқаш мумкин. Буни назорат қилиш двигателнинг совуқ ҳолатида бажарилади. Тизимнинг зичлиги, радиаторнинг устки суюқлик билан тўлмаган қисмига киритилаётган ҳаво ($0,06 \text{ Мпа}$) босими билан текширилади (7.28-расм).

Термостат клапанининг дастлабки очилиш пайтида суюқлик ҳарорати $65\text{-}70^{\circ}\text{C}$ ва тўла очилишида $80\text{-}85^{\circ}\text{C}$ бўллади. Носоз термостатни алмаштириш зарур.


Ечиб олинган термостат, қизитилган сувли ваннага ботирилиб, клапанининг очилишидаги бошланғич ҳарорат ва клапанинг очилиш йўли аниқланади. Двигателининг термостати қуидаги тартибда текширилади (7.29-расм):

1. Термостат олиниб, у қуйқумлардан тозаланади ва электр плиткага (6) қўйилган сувли ваннага (5) туширилади.


2. Сувни аралаштириб турган ҳолда киздирилади ва унинг ҳолати, бўлинмасининг қиймати 1°C дан катта бўлмаган симобли термометр ёрдамида назорат қилиб турорлади.

3. Индикатор (3) билан клапан очилишининг бошланиши текширилади, яъни клапан 0,1мм га очиладиган ҳарорат $(80\pm2)^\circ\text{C}$ аниқланади. қайнаётган сувда клапан камида 8,5 мм га тўлиқ очилади.

Техник хизмат қўрсатиш. Кундалик хизмат қўрсатишга, тизимни зичлигини кўриш ва совитиш суюклигининг сатҳини меъёрига келтириш киради. Агар совитиш тизими сув билан тўлдирмаган бўлса, у ҳолда қишки вақтда автомобил гараждан ташқарида, яъни очиқликда сакланганда совитиш тизимидағи, юргизиб юбориш иситкичидаги, шунингдек пешойнани ювиш учун мўлжалланган бакчадаги сув тўкиб ташланади. Двигателни юргизишдан олдин тизим иссиқ сув билан тўлдирилади ёки двигател иситиш тизимида уланади.



7.28-расм. Совитиш тизими зичлигини текшириш



7.29-расм. Термостатни текшириш чизмаси: 1-кронштейн, 2-термометр, 3-индикатор, 4-термостат, 5-сувли ванна, 6-Электр плитка

Даврий ТХК ўтказилганда юритма тасмаларининг таранглиги текширилади, лозим бўлса ростланади, шамолпаррак радиатор ҳамда жалюз текширилади ва керак бўлса махкамланади. Юритма тасмалар таранглиги ростланади, сув насосининг ҳамда шамолпаррак тасмасини тарангловчи қурилманинг подшипниклари мойланади. Мавсумий хизмат қўрсатишда совитиш ва иситиш тизимининг, шунингдек юргазиб юбориш иситгичининг зичлиги текширилади, совитиш тизими ювилади, қишки мавсумга тайёргарлик қўрилаётганда юргазиб юбориш иситгичининг ишлаши текширилади. Зичлик назорат қилинади, шланглар юзаларидағи ёриқлар, шишиган жойлар ва қатламларда ҳалқоб бўлмаслиги керак. Бундай текширишлар учун ҳаво насоси, манометр ва радиатор бўғзи билан бириктириладиган қурилмадан ташкил топган асбобдан фойдаланган маъкул. Насос ёрдамида радиаторнинг юқори қисмида 60 кПа атрофида босим хосил қилинади Агар тизим зич бўлса, у ҳолда кран беркитилгандан сўнг манометр стрелкаси ўрнидан қимирламайди, зичлик йуқолган бўлса стрелка босимнинг пасайишини қўрсатади. Радиатор ёки кенгайтириш бачоги қопқоғидаги ҳаво ва буғ клапанлари қўл бармоқлари билан босиб кўриб текширилади.

Совитиш тизимини ювиш қуйидаги тартибда бажарилади: совитиш суюқлиги түқилади; тизим сув билан тұлдирилади; двигател ишга туширилади ва қыздырылади; сув түкиб ташланади; тизим шу тартибда яна бир марта ювилади; сүнг совитиш суюқлиги билан радиатор тұлдирилади, радиатор қопқоғини үрнига қўйиб кенгайиш бакчасига, «МН» белгисидан 30-50 мм баландликкача суюқлик қуйилади. Конструкциянинг ўзига хос томонларини ва материалларнинг хоссаларини ҳисобга олган ҳолда тайёрловчи заводлар ўз кўрсатмаларида, совитиш тизимини ювиш тартибини ҳамда ювиш учун ишлатиладиган суюқликлар таркибини белгилаб қўйган.

Масалан, КамАЗ-740 ва ОТАЙЎЛ двигателининг радиатори ечиб олинади ва унга 5 фоиз каустик сода ҳамда 95 фоиз сув ёки 2,5 фоиз кучсизлантирилган сульфат кислота ҳамда 97,5 фоиз сувдан иборат эритма қуйилади. Эритманинг ҳарорати 60-80°C бўлиши керак. 30-40 дақиқадан сўнг эритма тўкиб ташланади ва радиатор иссиқ сув билан ювилади.

Совитиш суюқлигининг яхлаб қолишини ва тизимнинг занглаб ейилиши ҳамда унда қуйқа ҳосил бўлишини олдини олиш мақсадида, замонавий автомобилларнинг барчасида антифризлардан фойдаланилади. Антифризнинг яхлаб қолишини олдини олиш мақсадида, унинг зичлиги назорат қилиб турилади. А-40 антифризининг 20°C даги зичлиги 1,067-1,072 ва Тосол А-40 антифризиники эса 1,075-1,085 г/см³ бўлиши керак. Юқори концентрациядаги совитиш суюқликларини автомобилнинг ишлаш шароитига мослаштириш қўйидаги 7.1-жадвал бўйича амалга оширилиши мумкин.

7.1-жадвал

Совитиш суюқликларини автомобилнинг ишлаш шароитига мослаштириш

Ташқи муҳит ҳарорати	Аралашманинг таркиби(ҳажмда)	
	Антифриз	Дистилланган сув
-15°C	35	65
-25°C	40	60
-35°C	50	50
-45°C	60	40


Совитиш тизимидағи суюқлик двигателни меъёрий иссиқлик режимида ушлаб туради ва занглашнинг олдини олади. Шунинг учун суюқлик сатҳи пасайган тақдирда мутлақо сув қуиши мумкин эмас. Тизимдаги суюқлик 2 йилда алмаштириб турилади.

Вентилятор узатмаси, тасмасининг таранглиги шкивларнинг ўртасидаги масофада, тасмани 30-40Н куч билан босиб кўриб текширилади. Тасманинг меъёрдаги таранглиги (турли хилдаги двигателлар учун) 10-20 мм бўлиши керак.

КамАЗ-740 ва Исузу автомобилининг (7.30-расм,а) двигателларида генератор ва сув насоси юритма тасмасининг таранглиги генераторни(1), ўрнатиш планкасидаги (2) ариқчасимон тешик бўйлаб суриб ростланади. Тасма тўғри ростланганда, унинг эгилиши узун тармоқнинг ўртаси 40-45 Н

куч билан босилганда КамАЗ-740 двигателида 15-22 мм ни ва Исузу двигателида 8-12 мм ни ташкил қилиши керак.

ЗМЗ-53 двигателидаги сув насоси ва шамолпаррк юритмаси тасмасининг (7.30-расм, б) таранглиги, ричаг(5) дастасини суриб таранглаш ролиги(4) ёрдамида ростланади. 30-40 Н куч таъсирида тасма эгилиши 10-15мм бўлиши лозим. Генератор юритмасининг тасмаси эса, ўрнатиш планкасидаги ариқчасимон тешик бўйлаб генераторни суриш орқали тарангланади.



7.30-расм. Двигателлардаги юритма мосламаларининг таранглигини ростлаш: а-Исузу, б-ЗМЗ-53, в-ЗИЛ-130 1-генератор, 2-ўрнатиш планкаси, 3-гайка, 4-таранглаш ролиги, 5-ричаг, 6-тираскли вал шкиви, 7-генератор шкиви, 8-ростлаш болти, 9, 10, 11-компрессор, шамолпаррак ва сув насоси, рул бошқармасидаги гидрокучайтиргич насосининг шкивлари, 12-таранглаш кронштейни.

ЗИЛ-130 двигателида 3 та тасмани туғри тарангланишини кузатиб бориши лозим (7.30-чизма, в). Рул бошқармасидаги гидравлик кучайтиргич насоси юритмасининг тасмаси, насосни таранглаш кроштейнида (12) суриб тарангланади, генератор юритмасининг тасмаси эса генераторни планкага (2) маҳкамловчи гайкани бўшатиб, сўнг генераторни суриб тарангланади. Бу тасмаларнинг эгилиши 40 Н куч таъсирида 8-14 мм дан ошмаслиги керак. Компрессор юритмасининг тасмаси ростлаш болти (8) ёрдамида компрессорни кронштейн томон силжитиб тарангланади. Бу тасманинг 40 Н куч остидаги эгилиши 5-8 мм бўлиши лозим.

ТИКО ва ДАМАС русумли автомобилларига даврий ТХК да совитиш тизимидағи суюқликнинг сатҳи текширилади (двигателнинг совук ҳолатида),

унинг сатҳи "FULL" ва "LOW" белгиларининг оралиғида бўлиши зарур. Агар сатҳ "LOW" белгисидан пастда бўлса, суюқлик сатҳи меъёрига келтирилади.

НЕКСИЯ ва ЭСПЕРО автомобилларида суюқлик сатҳи "COLD" белгисидан юқорида бўлиши керак.

Совитиш тизимини жорий таъмирлаш. Совитиш тизимининг зичлиги шикастланган мис ўтказгичларни кавшарлаш, зарурат туғилса алмаштириш йўли билан таъмирланади. Радиаторларнинг таъмирлашда, уларнинг яроқсиз ҳолга келган ўтказгичларини 5% гача беркитиб қўйилишга ва 20% гача янгисига алмаштирилишига руҳсат этилади.

Жез қоришимасидан тайёрланган радиаторларни кавшарлаш қийинчилик туғдирмайди. Алюминий қоришимасидан тайёрланган радиаторларни кавшарлаш жуда мушкул. Бунинг учун диаметри 3-5 мм ли СВАК сими, 34A маркали кавшарлаш қотишмаси, Ф-34A маркали кукунсимон флюс ишлатилади. Кавшарлашга тайёрланган юза 400-560°C ҳароратда аланга билан қиздирилади. Агар юза бир текис қиздирилмаса, кавшар юзага бир текис ёйилмайди ва қумоқ-қумоқ бўлиб қолади. Амалда кавшарлаш юзасини бир текис қизиганлигини аниқлаш учун ёғоч стержендан фойдаланилади. У бир текис қиздирилган юзага текказилганда, кўмирсимон тусга киради ва юзада қора из қолдиради.

Радиаторни автомобилга ўрнатишдан аввал 0,1 МПа босим остидаги сиқилган ҳаво билан 3-5 мин мобайнида текширилади. Сув билан текширилганда босим 0,1-0,15 МПа ни ташкил этиши керак.

Двигателнинг мойлаш тизимиға техник хизмат кўрсатиш ва таъмирлаш технологияси. Двигателнинг ишлаш жараёнида, унинг картеридаги мой сатҳи камайиб, сифати ўзгаради. Булар двигателнинг бузилишига ва бошқа носозликларни келтириб чиқаришга олиб келади. Двигателнинг ишлаш жараёнида мой сифати ёмонлашишига сабаб, уни металл заррачалари ва ёнилғи қўшилиб ифлосланиши ҳамда оксидланишидир. Шунингдек, мойга унинг мойлаш сифатини яхшиловчи қўшимчаларнинг миқдорини мой таркибида камайиб бориши, мой сифатини пасайтиради. Мой таркибидаги механик аралашмалар, металл заррачаларидан иборат бўлиб, булар икки ишқаланувчи сиртнинг бир-бирига нисбатан сирпанишидан ҳосил бўлади. Минерал аралашма (кум, чанг)лар, ҳаво билан мойга қўшилиб, унинг мойлаш хусусиятини камайтиради. Мой таркибида, механик аралашманинг миқдори 0,2% дан ошмаслиги керак. Шу билан бирга ҳаводаги кислороднинг таъсири билан мой оксидланиб қолади ва картерга тушиб, қизиган ва кирланган мой билан аралашиб кетади. Кислоталар оксидловчи модда хисобланиб, цилиндрлар деворини, поршен ҳалқасининг емирилишида ва занглашга учрашида асосий омил ҳисобланади. Шунингдек, бу модда подшипникларда ишқаланишга қаршилик кўрсатувчи муҳит яратади. Смолалар эса поршенда ва поршен ҳалқасида локсимон қатлам ҳосил қиласида, ҳамда уларни қўзғалувчанлигини кескин камайтиради. Майдо коллоид ҳолда ва эриган ёки қуйқа кўринишида картерга тушувчи (қаттиқ аралашмалар, яъни: карбон, карбоид ва кокслар) мой каналлари ва найчаларидан ўтиб (мой айланиб ўтишини сустлаштириб) ишқаланувчи

сиртга таъсир этиб, уларда қирилган, чизилган юзали (абразив) ейилиш ҳосил қиласди.

Карбюраторли двигателларни совуқ ҳолатда юргизиш натижасида, цилиндрлар девори орқали, картерга бензин ўтиб кетиши ёки редукцион клапан плунжерининг ейилиши, кирланиб қолиши ва очик қолиши натижасида тизимдаги мой босими камайиб кетади. Мой насоси редукцион клапанининг плунжери ейилиб ёки кирланиб қолса (беркилиб қолиб), тизимдаги мой босимининг ошиб кетишига сабаб бўлади. Таркибида 4-6% дан ошиқ ёнилғи бўлган мойлар тўкиб ташланиб, янгисига алмаштирилади. Двигател картерида мой сатҳининг камайишига зичликнинг бузилиши, мой ушлагич ва бошқа бирикмалардан мойнинг сизиб чиқиши ва куйиши сабаб бўлади. Поршен ҳалқасининг ейилиши туфайли, ёниш камерасига ўтиб кетадиган мой, ёнилғи билан қўшилиб, куйиб ёнади. Бундан ташқари, двигателнинг иш жараёнида, майнин ва дағал мой фильтрлар ифлосланиб қолиб, мойни тозалаш қобилияти камаяди, бунинг натижасида тирсакли валнинг елкаларини ва вкладишларини ейилиб кетиши жадаллашади. Мойлаш тизимининг носозликлари қуидагилардан иборат:

- картердаги мой сатҳи мой ўлчаш шчупидаги "MIN" белгисидан кам;
- мойнинг босими тирсакли валнинг ўртача айланишлар сонида 0,1-0,15МПа дан кам;
- двигательни салт ишлашида(500 об/мин) босим 0,05МПа дан кам.

Бундан ташқари, мой таркибига ёнилғининг қўшилиб бориши мой қовушқоқлигини ва мой босимининг камайиб кетишига сабаб бўлади. Мойнинг сифати, ҳамда қорайиб кетганлиги, босма қофозга томизиб аникланади. Бундан ташқари (жипс маҳкамланган жойни бўшаб қолишидан), мой сизиб оқса ҳамда майнин ва дағал фильтрлар тез-тез кирланиб қолса, бу ҳам мойлаш тизими носозлигидан дарак беради.

Мойлаш тизимида техник хизмат кўрсатиши. Бунда картердаги мой сатҳи ва сифати текширилади, зарур бўлса, унинг сатҳи меъёрига етказилади. Шунингдек, фильтрлар тозаланади ёки алмаштирилади, хизмат муддатини ўтаб бўлган мой алмаштирилади. Дағал мой тозалаш фильтри, устидаги дастасининг айланиши текширилади. Бундан ташқари (маълум даврдан кейин) алоҳида мойлаш қурилмалари ва механизmlарни мойлаб туриш зарур. Шабадалатгич паррагининг вали ва сув насосининг подшипники (консистент, пластик 1-13 ёки ЯНЗ-2 мойи билан) ҳамда генератор подшипники ва электр жиҳозларининг мойланиш жойлари мойланади. Бундан ташқари, яна ҳаво фильтрининг сифимидағи мой алмаштирилади. Двигател картеридаги мой сатҳи, автомобил текис майдонда турганда, двигател ишлашдан тўхагандан кейин 3-5 дақиқа ўтгандан сўнг текширилади.

Двигателнинг мойлаш тизими энг асосий тизимлардан ҳисобланиб, у ишчи деталларни ейилиши ва ишқаланишини камайтириш, бирикмалар орасидаги тирқишлиарни жипслаштириш, ишчи қисмлар юзасидан иссиқлик ва ейилиш қолдиқларини йўқотиш, ишчи юзаларни занглашдан саклаш, паст ҳароратларда двигателни ўт олишини таъминлаш ва техник хизмат кўрсатиши харажатларини камайтиришни таъминлайди. Бу хусусиятларни ўз навбатида,

мойнинг таркибida мавжуд бўлган қовушқоқлик, ёйилиш, кўпириш, занглаш ва бошқаларга қарши қўшимчалар таъминлайди.

Мотор мойининг юқорида келтирилган ҳусусиятларини бажаришини таъминлаш мақсадида даврий хизмат кўрсатиш вақтида картердаги мойнинг сатҳи назорат қилиб турилади ва белгиланган вақтдан сўнг у янгисига алмаштирилади, дағал мой тозалагич ювиб тозаланади ва картонли майин фильтр янгисига алмаштирилади.

ГОСТ 21624-85 га асосан I-тоифадаги йўл шароитида ишловчи юк автомобилларига 2-TХК ишлари бажарилганда (14000 км да) картердаги мойни алмаштириш тавсия этилади. Аммо бу ерда автомобилларнинг ишлаш шароити ва матор мойининг ҳолати ҳақида гап юритилмаган. Олиб борилган илмий тадқиқот ишларининг натижаси шуни кўрсатдики, Ўзбекистон Республикасининг тоғли шароитида эксплуатация қилинаётган МАЗ автомобилларининг матор мойларини оқилона алмаштириш даври 10500 км ни ташкил этар экан.

Хулоса қилиб айтганда, картер мойларини алмаштиришнинг оқилона даврларини қабул қилиш, ишлатиладиган матор мойининг турига, двигателнинг тузилишига ва унинг техник ҳолатига, автомобилнинг ишлаш шароитига, табиий иқлим шароитига, ҳаво тайёрлаш турига, мой таркибидаги қўшимчаларнинг сифатига боғлиқ бўлиб, мойлаш тизимига хизмат кўрсатиш даврини оқилона танлаш бўйича илмий тадқиқот ишлари олиб борилиши зарурлиги таъкидлайди.

Ҳозирда хорижий фирмалар (КОСТРОЛЛ, ШЕЛЛ, МОБИЛ, ТЕКСАКО ва ҳ.к.) томонидан ишлаб чиқарилаётган мойларнинг ресурслари 10-50 минг км ни ташкил этади. Мойни двигател қизиган вақтда алмаштириш тавсия этилади.

Янги мойни танлаш автомобил ишлаб чиқарган завод кўрсатмасига биноан ёки қуйида келтирилган 7.2-жадвал асосида амалга оширилиши мумкин.


7.2-жадвал

Автомобил двигателлари учун матор мойини танлаш

SAE классификацияси бўйича мой турларини ташқи ҳароратга кўра танлаш									
Ташқи ҳарорат, °C	-30	-20	-10	0	10	20	30	40	50
Бензинда ишловчи двигателлар учун					SAE 20 W 50				
					SAE 15 W 40				
					SAE 10 W 30				
					SAE 5 W 20, SAE 5 W 30				
Дизел двигателлари учун					SAE 15 W 40				
					SAE 10 W 30				
					SAE 5 W 30				
					SAE 0 W 30				

КамАЗ-740, NEXIA, DAMAS ва бошқа турдаги двигателларининг картерларига 6 л дизель мойи ва 10 л дизел ёнилғисидан иборат аралашма тайёрланиб, бу аралашма керакли миқдорда (картерга қуйиладиган 2/3 мой хажмида) қуилиб, мойлаш тизими ювилади. Замонавий автомобилларнинг мойлаш тизимини ювиш учун Россияда-«ВНИИНП-113/3», ФИАТ фирмаси «Олиофиат Л-20» ва Шелл фирмаси «Шелл Донакс» ювиш мойларини тавсия этади. Махсус қурилма ва ювиш мойи (20-индустрисал мой) ёрдамида двигателнинг мойлаш тизимини ювиш яхши самара беради.

Баъзи бир ҳолларда енгил автомобилларга ўрнатилган мой фильтрини ечиб олиш жуда мушкул бўлади. Шунинг олдини олиш учун махсус ечгичлардан фойдалинилади (7.31-расм).



7.31-расм. Нексия ва ВАЗ автомобил двигателларининг мой фильтрини ечиб олиш шакли.


Марказдан қочма куч билан ишловчи фильтрда мойни тозалаш сифати, роторнинг айланишлар сонига боғлиқ бўлиб, буни назорат қилиш учун, двигателни тўхтатиб (ишлатмай) қўйиб, роторнинг шундан сўнгги эркин айланиши кузатилади. Марказдан қочма фильтрнинг яхши ишлаётганлигини аниқлашда, унинг роторини двигател ишдан тўхтагандан кейин 2,5-3 дақиқа мобайнида эркин айланиб туришини кузатиш кифоя. Фильтрнинг қониқарсиз ишлаши аниқланса, у қисмларга ажратиб тозаланади ва ювилади.

Дағал тозалаш фильтрида йиғилган қуйқа (двигателни мойини навбатдаги алмаштиришда) тўкиб юборилади ва фильтрловчи дискда йиғиладиган смолали қолдиқлар, ҳар куни двигателнинг иссиқ ҳолатида, фильтр устки дастагини икки-тўрт марта айлантириш билан тозалаб турилади. Шунингдек, қуйқа тўкилиб, корпусдан фильтрловчи диска блоки чиқариб олиниб, (қисмларга ажратмай) жунли чўткада, керосинли ваннага ботириб ювилади ва қисилган ҳаво билан пуркаб қуритилади. Белгиланган муддатда (5-6 минг км дан сўнг), картернинг шамоллатиш йўлларини, деталларининг маҳкамланиши, клапанлар ва найчаларда қуйқанинг йўқлиги текширилади ва қуйқалар ҳар 10-12 минг км дан сўнг тозаланади. Двигател картерининг шамоллатиш йўллари кирланиб, ифлосланиб қолганда, босим ортиб кетади, натижада картер сальник (қистирма) ларидан мой сизиб чиқа бошлайди. Двигател мойини алмаштиришда, картернинг шамоллатиш тизимидағи ҳаво фильтрининг корпуси керосин билан ювилади, сўнгра фильтр ваннасига маълум кўрсатилган сатҳгача мой қуйилади.

НЕКСИЯ русумидаги автомобилларнинг моторидаги мой ҳар 10000 км да ёки 1 йилда бир марта алмаштириб турилади. Доимий равшда мойнинг сатҳи назорат этилиб, агарда мойнинг сатҳи "MIN"белгидан пастда бўлса, у меъёрига келтирилади. Завод кўрсатмасига мувофиқ SG 5W/30, SAE 10W/40, SAE 15W/40, SF/CC туридаги мотор мойларидан фойдаланиш мақсадга мувофиқдир. Мойлаш тизимидағи мойни алмаштириш даври автомобиль ва мойнинг турига боғлиқ бўлиб, унинг сатҳи алмаштирилгандан 2-3 минут ўтгач текширилади.

7.4. Автомобил двигателининг ёнилғи таъминлаш тизимиға техник хизмат кўрсатиш ва таъмирлаш технологияси

Карбюраторли двигателларнинг ёнилғи таъминлаш тизимиға техник хизмат кўрсатиш ва таъмирлаш технологияси. Автомобил бўйича носозликлар ва бузилишларнинг 5% га яқини таъминот тизимиға тўғри келади. Тизимнинг асосий элементи бўлган карбюраторнинг меъёрий тўғри созланганлиги, ёнилғи тежамкорлигини таъминлаш билан бир қаторда чиқинди газлар таркибидаги заҳарли бирикмаларнинг рухсат этилган концентрациядан ошмаслигини таъминлашда муҳим рол ўйнайди.



7.32-расм. Бензинли двигателнинг таъминот тизими схемаси

1-ҳаво узатиш канали; 2-ҳавотозалагич (фільтр); 3-карбюратор; 4 ва 5-дрессел ва ҳаво заслонкалар юритмаси; 6-педал; 7-ёнилғи қувури; 8-ёнилғи сатхини кўрсатувчиси; 9-кўрсатувчи датчик; 10-ёнилғи баки; 11-бак қопқоғи; 12-ёнилғи крани; 13-дағал тозалагич (фільтр); 14-шовқин сўндиригич; 15-чиқариш қувури; 16-майин тозалагич (фільтр); 17-ёнилғи насоси

Ёнилғи таъминот тизимининг асосий носозликлари: зичликнинг бузилиши, ёнилғи баки ва трубкаларидан ёнилғининг оқиши, тезлатувчи насоснинг ишламаслиги туфайли дрессел қопқоғини бирданига очилганда двигателнинг бўғилиб ишлаши, ёнилғи ва ҳаво тозалагичларининг ифлосланиши, калибрланган тешик ва жиклёрларнинг ўтказувчанлик қобилиятининг ўзгариши, салт юриш жиклёрларининг ифлосланиши, игнали клапан зичлигининг бузилиши, пўкакли камерада ёнилғи сатхининг ўзгариши, ёнилғи насосидаги диафрагманинг тешилиши ва пружина эластиклигининг йўқолишидан иборат.

Карбюратор, ёнилғи насоси ва уларнинг алоҳида элементларининг кўзга ташланмайдиган носозликлари жиҳозлар ёрдамида ва автомобилни юргазиб синаш йўли билан, ҳамда улар автомобилдан ечилганда бўлакларга ажратиб, устахонадаги синаш жиҳозлари ёрдамида аниқланади.

Ёнилғи таъминот тизимининг диагностика қилиш кўрсаткичлари: двигателнинг оғир ўт олиши, ёнилғи сарфининг ошиши, двигател кувватининг пасайиши, қизиб кетиши, чиқинди газлар таркибидаги заҳарли газлар миқдорининг ошиб кетишидан иборат.

Таъминлаш тизимининг диагноз қўйиш ишлари куйидагилардан иборат бўлиб, двигател салт ишлаганда, тирсакли валнинг энг кичик айланишлар сони билан бир текис айланиши текширилади ва созланади; карбюраторнинг пўкакли камерасидаги ёнилғи сатҳи ва игнасимон клапаннинг зичлиги текширилади ҳамда тезлатиши насосининг ишлаши созланади, жиклёрларнинг ўтказувчанлик қобилияти аниқланади, карбюратор ифлосликлардан ва смолалардан тозаланади. Двигател салт ишлаганда, карбюраторни кичик айланишлар сонига созлаш унинг бир текис ва тежамкор ишлашини таъминлаб туради.

Ёнилғи таъминот тизимини диагностикалашда автомобилни юргизиб ёки жиҳоз ёрдамида синаш усууллари қўлланилади. Иккала ҳолда ҳам автомобилга маҳсус қурилма "сарфаниқлагич" ўрнатилиб, белгиланган режимдаги ёнилғи сарфи аниқланади. Автомобилни синашдан аввал тўлиқ навбатдаги даврий ТХК ҳажмидаги ишларни бажариш зарур.

Ишлаш шариоитида таъминот тизимини диагностикалашда 1 км текис йўлда ёнилғининг сарфи аниқланади. Бу ишни двигателни тортиш сифатини аниқловчи жиҳозда ҳам бажариш мумкин.

Карбюраторли двигателлар чиқинди газлар таркибидаги СО гази миқдори салт юришда ($0.6n_{\text{ном}} + 100$) 1978 йилгача чиққан автомобиллар учун 2-3.5%, замонавий автомобиллар учун эса 1.5% дан ошмаслиги керак.

Кундалик хизмат кўрсатишида таъминот тизимининг зичлиги текширилади. Автомобил ҳавода чанг миқдори кўп бўлган йўлларда ишлатилганда, ҳаво филтри тозаланади. Бакдаги бензин сатҳи текширилади ва зарур бўлса бензин қўйилади.

Навбатдаги даврий ТХК да таъминлаш тизимида барча асбобларнинг ҳолати ва уларнинг бирикмаларини зичлиги кўриб чиқилади, топилган носозликлар бартараф этилади. Тизимдаги асбоблар ва агрегатларнинг двигателга маҳкамланиши ҳамда уларнинг деталларини ўзаро мустаҳкамланиши, ҳаво заслонкаси ва дроссел юритмаларининг тўла очилиши ва ёпилиши яъни тўғри ишлаши текширилади. Ёнилғи ва ҳаво филтрлари бўйича зарур профилактик ишлар ўтказилади, бензин насосини двигателдан ечмасдан, унинг ишлаши НИИАТ (527Б русумли) асбоби ёки манометр ёрдамида текширилади, пўкакли камерадаги ёнилғи сатҳи ва двигателнинг осон ўт олиши ҳамда бир текс ишлаши текширилади. Зарурат бўлгандаги карбюратор салт ишлаш режимида, ишлатилган газлардаги углерод оксидининг миқдорини назорат қилган ҳолда ростланади.

Ҳаво филтрига хизмат кўрсатиш мой ваннасидаги мойни алмаштириш (агарда мой ваннасига эга бўлган филтр бўлса), филтрловчи элементни ювиш (агарда кўп марта ишлатиладиган бўлса, акс ҳолда янгисига алмаштирилади) ва унинг двигателга маҳкамланишини текширишдан иборат. Филтрловчи элемент ювилади, сўнг тоза мойга ботириб қўйилади, у ердан олиб мой оқиб бўлгунча кутилади ва ўз ўрнига қўйилади. Филтр корпусининг ички томони кирлардан, майдан ва чўқиндилардан тозаланади. Филтр ваннасига двигател учун мўлжалланган мой (тоза ёки ишлатилган) куйилади.

Ёнилғини дағал тозаловчи филтрдан даврий равища кир ва сув қолдиқларини тўкиб туриш, филтрловчи элементни эса бензин ёки ацетонда ювиб, сиқилган ҳаво билан пуркаш зарур. Филтрловчи элементни қисмларга ажратиш тавсия этилмайди.

Карбюраторларни қисмларга ажратганда қистирмалар ва деталларга зарар етмаслиги учун эҳтиёт бўлиш зарур. Жиклёрлар, клапанлар, игналар ва каналлар тоза керосинда ёки этилланмаган бензинда ювилади. Бу ишларни ҳавоси сўриб туриладиган постларда ёки шкафларда бажарилади. Карбюратор корпусидаги каналлар ва жиклёрлар ювилгандан сўнг, сиқилган ҳаво билан пуркалади. Жиклёрлар, каналлар ва тешикларни тозалаш учун қаттиқ сим ёки бошқа металл буюмлар ишлатиш мумкин эмас. Шунингдек йиғилган карбюраторни бензин бериладиган штуцер ёки балан-сирлаш тешиклари орқали, сиқилган ҳаво билан пуркашга йўл қўйилмайди, чунки бу пўқакни шикастланишига олиб келади.

Карбюратор деталларини қатқалоқлардан тозалаш учун уларни бир неча дақиқа ацетон ёки бензолга солиб қўйиш керак. Шундан сўнг, деталлар ҳўлланган тоза латта билан яхшилаб артилади.

Карбюраторнинг пўқакли камерасидаги беркитувчи игнада зичловчи шайба бўлса, бу шайбани игнадан ечиш ҳам, уни бензин ва керосиндан ташқари бошқа эритувчиларда ювиш ҳам тавсия этилмайди. Пўқакли камерасидаги бензин сатҳи, автомобилни горизонтал майдончага қўйиб, двигатели ишламай турганда текширилади.

Игнасимон клапаннинг зичлигини етарлича аниқлик билан, двигателдан ечиб олинган карбюраторда ёки алоҳида унинг қопқоғида, резина ҳаво бергич (груша) ёрдамида текшириб кўриш мумкин. Агар резина ҳаво бергич ёрдамида штуцерда сийракланиш ҳосил қилингандан сўнг, тахминан 15 сония мобайнида асбобнинг эзилган шакли ўзгармаса клапаннинг зичлиги етарли деб ҳисобланади.

Карбюраторда кўп микдорда ҳаво ва ёнилғи жиклёрлари мавжуд бўлиб, эксплуатация жараёнида уларнинг тешиклари кенгайиб кетиши ёки ёнилғи таркибидаги заррачалар таъсирида кичрайиб кетиши мумкин. Шунинг учун ТХК вақтида жиклёрларнинг ўтказувчанлик қобилияти текширилади. Агарда унинг ўтказувчанлик қобилияти меъеридан фарқ қиласа, янгисига алмаштирилади.

Пўқакли камерадаги ёнилғи сатҳи растланиб, жиклерларнинг ўтказувчанлик қобилияти текширилиб сўнгра йиғилган карбюратор маҳсус

жиҳозда текширилади. У карбюраторни двигателда ҳар қандай ишлашини акс эттира олади.

Автомобилга ўрнатилган карбюраторни созлашдан аввал двигателнинг совитиш тизимидағи суюқлик ҳарорати 75-80°С гача қиздирилиб олинади ва ўт олдириш тизими түлиқ назоратдан ўтказилади. Карбюраторни коллекторга ўрнатиш жипслиги ва ёнилғи киритувчи каналлар зичлиги текширилади. Ундан сўнг двигательни салт ишлашга мослаб созлаш ишлари қўйидаги тартибда бажарилади: ёнилғи сифатини созлаш винтини охиригача қотириб, сўнгра 1.5-2 маротаба айлантириб бўшатилади ва дросселнинг таянч винтини ёки миқдор винтини бураб, мумкин бўлган энг кичик айланышда равон ишлашига эришилади. Яна сифат винти буралиб двигательни энг катта айланышлар сонидаги равон ишлаш режимига келтирилади ва миқдор винти орқали кичик равон айланышлар сони созланади. Бу жараён бир неча марта қайтарилиб, двигательни энг паст айланышлар сонида равон ишлаш ҳолатига келтирилади. Сўнгра дроссел бирданига очилиб ҳамда беркитилиб, карбюратор ишлаши текширилади. Бунда двигатель ўчиб қолмаслиги зарур. Двигательнинг тирсакли валини энг кичик ва бир текис ишлашига эришилгандан сўнг, чиқинди газлар таркибидағи углерод оксиди миқдори текширилади ва созланади.

Ёнилғи ўтказгич ва ёнилғи бакини текширишда ўтказгич ва фильтрларнинг ҳолати текширилади, ҳамда уларнинг ўрнатилиш зичликлари, яъни зичлиги аниқланади ва зарур бўлса тозаланади. ТХК даврида резьбали бирикмалар маҳкамланади. Бир йилда бир марта (МХ даврида) ёнилғи баки ювилиб, ёнилғи ўтказгичлар сиқилган ҳаво билан пуркаб турилади. Ёнилғи бакидан ёнилғини керакли миқдорда сўрилишини таъминлаш учун, қабул қилиш найчасидаги фильтр тозаланада ва бакнинг қопқоғидаги шамоллатиш тешиги назорат қилинади.


Ёнилғи насоси ТХК даврида назорат қилинади ва унга хизмат кўрсатилади ёки бу жараён ўрта ҳисобда 5-10 минг км масофа юрилгандан кейин ҳам бажарилиши мумкин. Бу вақтда унинг ички қисми ва фильтрлаш тўри тозаланади, шунингдек насос ҳосил қиласидиган энг юқори босим ва ҳавонинг сийракланиши, клапанлар зичлиги ва иш унуми текширилади. Ёнилғи насоси автомобилнинг ўзида ёки ечиб олиниб текширилиши мумкин.

Ёнилғи насоси автомобилда текширилганда, у билан карбюратор орасига монометрли мослама ўрнатилиб, двигатель ишлаётган ҳолатда ҳосил бўлган босим аниқланади. Ёнилғи насоси ҳосил қиласидиган босим 0.02-0.03 МПа, ишлаб чиқариш қобилияти 0.7-2 л/минут ва 30 секунд мобайнида босимнинг пасайиши 0.008-0.010 МПа ни ташкил қилиши керак. Текшириш натижаларига кўра насос қисмларга ажратилиб барча деталларнинг ҳолати текширилади, тозаланади ҳамда диафрагма остидаги пружинанинг юқ билан ва юксиз ҳолатдаги узунлиги аниқланади ҳамда меъёрий қийматлари билан таққосланади.

НЕКСИЯ, ЭСПЕРО ва МАТИЗ туридаги автомобилларнинг ёнилғи таъминот тизими ёнилғи баки, ёнилғи насоси, ёнилғи филтри,

тақсимловчи ёнилғи қувурұтказгичи, босим ростлагич, электрон бошқариш блоки (ЭББ) ва датчиклардан тузилган (7.33-расм).

Электр юритмали ёнилғи насоси ва ёнилғи сатхини назорат қилувчи датчик ёнилғи бакига жойлашған. Насос бакдан ёнилғини олиб, фильтр ва ёнилғи үтказгичлар орқали уни тақсимловчи қувурұтказгичга етказади. Ёнилғи насоси тизимда кераклигидан ортиқ босим(0.35...0.8МПа) ҳосил қиласы. Босим ростлагич тақсимловчи ёнилғи қувурұтказгичига ўрнатылған бўлиб, у тизимда 284-325кПа босимни ушлаб туриш учун хизмат қиласы. Ортиқча ёнилғи тўкиш қувурұтказгичи орқали бакка қайта қийлади.




7.33-расм. Бензинли пуркаш (инжекторли) таъминот тизими схемаси
 1-ёнилғи баки; 2-электр бензин насоси; 3-фильтр; 4-редукцион клапан; 5-температура датчиғи; 6-температура датчиғи; 7-электромагнит клапани (инжектор); 8-ишга тушириш электромагнит клапани; 9-қайта үтказиши клапани; 10-бурилувчи пластинка; 11-байпас канали; 12-ўт олдириш тизими; 13-электрон блок; 14-аккумулятор батареяси; 15-потенциометр; 16-бурилувчи пластина; 17-дроссел заслонка датчиғи; 18-дроссел заслонка

Ўт олдириш калити ёқилғанда ЭББ ёнилғи насоси релесини 2 сонияга улайди. Бу вақт оралиғида насос тизимда керакли миқдорда босим ҳосил қиласы ва тұхтайди. Стартер уланғач двигател ишга тушади ва насос ишлашни давом эттиради. Тақсимловчи ёнилғи қувурұтказгичи (7.34-расм) киритиш коллекторининг устида жойлашған бўлиб, у инжекторларни ва босим ростлагични қотириш ҳамда инжекторларга ёнилғини бир текис етказиб бериш учун хизмат қиласы.

HUNDAI автомобили двигателининг ёнилғи таъминот тизимини ишлаши двигателни бошқариш модули (ДБМ) ёрдамида таъминланади. Ёнилғи босим остида бакда жойлашған электр насоси ёрдамида тақсимлаш қувурига босим билан узатилади. Ёнилғи насоси 0,36...0,5 МПа босим ҳосил қиласы, аммо босим ростлагич тизимда меъёрий босимни таъминлаб туради.

Үт олдириш калити ёқилгач ДБМ 2 секундга ёнилғи насоси релесини ёқади. Бу вактда насос зарурий босим хосил этиб ишдан тұхтайди. Стартер ишга туширилгач, насос тұхтовсиз ишлай бошлайди. Двигател ҳар қандай тартибда ишлаганда ёнилғининг иқтисодий сарфи ДБМ ёрдамида таъминланади.




7.35-расм. HYUNDAI автомобили ёнилғи таъминот тизимины ишлеш тартиби:
 1-абсолют босим датчиғи (MAPS), 2-совитиш суюқлиғи датчиғи (ECTS),
 3-дроссел заслонкасининг ҳолати датчиғи (TPS), 4-тирсакли валнинг
 буралиш бурчаги ҳолати датчиғи (CKPS), 5-тақсимлаш вали ҳолати датчиғи
 (CMPS), 6-1-кислородни ёниш ҳолати датчиғи (HO2S, 1-датчик), 6-2-
 кислородни ёниш ҳолати датчиғи (HO2S, 2-датчик), 7-детонация датчиғи, 8-
 транспорт тезлиғи датчиғи (VSS), 9-чиқинди газлар ҳарорати датчиғи (IATS),
 10-мой ҳарорати датчиғи (OTS), А- инжектор, В-катушка зажигания, С- салт
 юришни бошқариш пультига (ISCA), D-тозалашни бошқариш салиноиди
 клапани, Е-бош реле, F-ёнилғи насоси релеси, G-мойни созлаш клапани
 (OCV).

Абсолют босим датчиғи (MAPS), совитиш суюқлиғи датчиғи (ECTS),
 дроссел заслонкасининг ҳолати датчиғи (TPS), тирсакли валнинг буралиш
 бурчаги ҳолати датчиғи (CKPS), тақсимлаш вали ҳолати датчиғи (CMPS),

кислородни ёниш ҳолати датчиги (HO2S, 1-датчик), кислородни ёниш ҳолати датчиги (HO2S, 2-датчик), детонация датчиги, транспорт тезлиги датчиги (VSS), чиқинди газлар ҳарорати датчиги (IATS), мой ҳарорати датчиги (OTS) орқали маълумотлар ДБМ га етказилади, у орқали зарурий буйруқлар инжекторга, ўт олдириш фалтагига, салт юришни бошқариш пультига (PCSV), бош релега, ёнилғи насоси релесига ва мойнинг босимини созлагичига (OCV) етказилади. Кўйида HUNDAI автомобилининг ёнилғи таъминот тизимини бошқариш шакли (7.35-расм) келтирилган.

Диагностикалаш вақтида тизимдаги босим текширилади. Бунинг учун қувурӯтказгичга уланган ёнилғи етказиш шлангаси ечиб олиниб, унга махсус монометрли қурилма(7.36-расм) ўрнатилади ва ўт олдириш калити буралади ҳамда босим текширилади. Агар босим меъёридан кам бўлса, ёнилғи насоси алмаштирилади.



7.36-расм. Ёнилғи таъминот тизимидағи босимни текшириш: 1-манометр; 2-улагич; 3-қувурӯтказгич.

Меъёрий шароитларда ҳар 10000 км дан сўнг ёнилғи тизимининг зичлиги кузатиш йўли билан текшириб турилади, зарур бўлса қотириш ишлари бажарилади. Ҳар 30000 км дан сўнг ёнилғи насосидаги қабул қилиш ва ташқи филтрлар алмаштирилади.

Инжекторларнинг техник ҳолати, уларни бирин-кетин кучланишдан узиш йўли билан аниқланади. Инжекторнинг ишламаётганлигини двигател тирсакли вали айланишлар сонининг ўзгармаслигидан билиш мумкин.

Инжекторларнинг зичлигини аниқлаш учун, тақсимловчи қувурӯтказгич киритиш коллекторидан ечиб олиниади ва ўт олдириш калити буралади. Агар биронта инжекторнинг сачратиш тешигидан ёнилғи томчиласа ёки намланса, шу инжекторнинг зичлиги йўқолган ҳисобланади. У ҳолда, бу инжекторни янгисига алмаштириш тавсия қилинади.


Ҳар 10000 км дан сўнг двигателнинг салт ишлаши датчиги ечиб олиниб, унинг клапани қурумдан тозаланади ва бензинда ювилади. Сўнгра бирикиш юзасидан клапан учигача бўлган масофа-А (28мм бўлиши керак) меъёрига келтирилади. Бунинг учун клапанни чиқиш тешигига итариб киритиш ёки тортиб чиқариш зарур.

Замонавий инжекторли автомобилларнинг ёнилғи таъминот тизимини такомиллаштириш ва ёнилғи буғларини экологияга салбий таъсирини камайтириш мақсадида **Hundai** автомобилларида ёнилғи буғларини бошқариш тизими қўлланилади.

Hundai автомобилларининг ёнилғи буғларини бошқариши тизими

Ёнилғи филтрида ва бензин бакида пайдо бўлган ёнилғи буғлари бақда жойлашган А ва В клапанлари ёрдамида “Ganister”га (7.37-расм) тўпланади. Ёнилғи буғлари ўз навбатида канистрдаги ёғоч кўмирига шимилади. Агарда ДБМ ёнилғи буғларини ишлатмоқчи бўлса, буғ ёниш камерасига етказилади. Бу кўпинча, ҳаво сийраклиги энг қўп бўлганда, яъни двигателнинг салт ишлаш тартибида юз беради.

Тозалаш бошқаруви соленоиди клапани (PCSV) киритиш коллектори ва “Ganister”ни боғланиш қисмига ўрнатилган. У ютилган буғларни ECM/PCM сигнали бўйича киритиш коллекторига етказиб беради.



7.37-расм. Hyundai автомобилининг ёнилғи буғларини бошқариш тизими

Ёнилғи қўйиш бўғизи қопқоғи. Ёнилғи қўйиш бўғизи қопқоғи резбали бўлиб, унинг ичига зичлагич ўрнатилган. Қопқоқ ёпилганлигини ўзига хос чиқилилаб чиқсан овоздан билиш мумкин.

Канистр бензин буғларига тўлгандан сўнг PCSV клапани очилади ва буғлар двигателнинг киритиш коллекторига узатилади. Бензин буғлари канистрда тугагач, бақдан ҳам сўриб олина бошлайди. Ҳосил бўлган

сийраклашиш натижасида ёнилғи бакининг қопқоғидаги клапан очилиб, атмосферадан тоза ҳаво буғ ўрнига сўрилади. Бак тоза ҳаво билан тўлади.

Дизел двигателларининг ёнилғи тизимиға техник хизмат кўрсатиш ва таъмирлаш. Дизел двигателлари таъминот тизимиға автомобиллар асосий носозликларининг тахминан 9 % тўғри келади. Тизимнинг асосий носозликларига юқори босимли насос ва форсунка зичлигининг бузилиши, ҳаво ва ёнилғи фильтрларининг кирланиши, плунжер жуфтининг ейилиши ва созлигининг бузилиши, форсунканинг пуркаш тешигини қурум босиб қолиши, ёнилғи пуркашни бошлаш вақтининг ўзгариши мисол бўла олади. Бу носозликлар ёнилғи насосларини бир маромда ишламаслигига, яъни унинг ишлаб чиқариш қобилиятига ва ёнилғини пуркаш сифати пасайиши, ўз навбатида двигателнинг тутаб ишлаши ва унинг қуввати 3-5% га пасайишига сабаб бўлади.

Двигател таъминлаш тизимининг носозлиги ва ишламай қолишининг ташқи белгилари (аломатлари) двигателни ишга туширишнинг қийинлашиши, нотекис ишлаши, туташи, қувватининг камайиши, қаттиқ тўқиллаб ишлаши ва ёнилғи сарфининг ортиб кетиши кабилардан иборат.

Двигателни ишга туширишининг қийинлашишига асосий сабаб ёнилғи камерасига кам миқдорда ёнилғи узатилишидир. Тизимга ҳаво кириб қолиши, фильтрловчи элементларнинг ифлосланиши, паст босимли насоснинг носозлиги (ёки юқори босимли ёнилғи ҳайдаш насоси-ЮБЁН), плунжер жуфтининг ейилиши натижасида босимнинг камайиши ва форсунка пуркагичи каллаги тешигининг ейилиши, ҳамда пуркаш тешигини қурум тўсиб қолиши натижасида ёнилғиниг пуркалиши ёмонлашади.

Двигателнинг турғун ишламаслиги - (тирсакли вал айланишлар сони камлигига) таъминлаш тизимиға ҳаво сўрилиб қолишидан, ёнилғи насоси секцияларидан ёнилғи нотекис етказилиб берилиши ва форсунка ҳолатининг носозлигидандир. Двигателнинг тутаб (кора тутун чиқаруб) ишлаши: ЮБЁН дан ёнилғининг эрта ёки кеч етказиб берилиши сабабли тўла ёнмаслиги, форсунканинг пуркаш каллаги тешигининг кенгайиши натижасида пуркаш босимининг камайиши, ёнилғи кеч етказиб берилиши, форсункадан сизиб оқиши, ҳаво фильтрининг ифлосланиши, пуркалиш тешигининг қурум босиб кетиши натижасида пуркашнинг ёмонлашиши, форсунка сепиш каллагининг ифлосланиши ва ёнилғида сув тўпланиб қолиши сабаблидир.

Двигател қувватининг камайиши таъминлаш тизимиға ҳаво сўрилиб қолиши, ҳаво фильтрининг ифлосланиши, ёнилғининг етарли миқдорда етказиб берилмаслиги, пуркаш бурчаги созланишининг бузилиши, форсункадан ёнилғи пуркалишининг ёмонлашиши, ЮБЁН дан ёнилғини нотекис ва кам етказиб берилиши, компрессиянинг кам бўлиши, ҳамда тегишли (белгиланган) ёнилғидан фойдаланмаслик сабаблидир.

Таъминот тизимини диагностикалаш ва созлашда, тизим зичлиги, ёнилғи ва ҳаво тозалагичлар ҳолати, ёнилғи ҳайдаш насоси ва юқори босим насоси ишлаши текширилади.

Тизим зичлиги алоҳида ахамиятга эга бўлиб, у ишдан чиқса бақдан ёнилғи ҳайдаш насосигача бўлган қисмида тизимга ҳаво сўрилишига ва

ёнилғини күпроқ сарф бўлишига, ҳамда аппаратларни яхши ишламаслигига олиб келади. Бу қисм махсус асбоб-идиш ёрдамида текширилади, қолган қисми эса кўздан кечириш йўли билан текширилади. Ёнилғи ва ҳаво фильтрлари назорат йўли билан текширилади.



7.38-расм. ЮБЁНни синаш жиҳози.


Исузу автобусларининг ёнилғи насоси, юқори босимли насоси ва форсункалари **Bosch** фирмасининг махсулоти бўлиб, уларга хизмат кўрсатиш фақат фирма мутахассислари томонидан амалга оширилади, акс ҳолда уларга кафолатли хизмат кўрсатиш муддати ўз кучини йўқотади.

Ёнилғи ҳайдовчи насос ва юқори босимли насосларнинг техник ҳолати автомобилнинг ўзида ёки ечиб олиниб махсус жиҳозлар ёрдамида текширилади.

Устахона шароитида юқори босимли ва ёнилғи ҳайдаш насослари махсус жиҳозлар ёрдамида текширилади (7.38, 7.39-расм). Ёнилғи ҳайдаш насосининг берилган қаршиликдаги иш унумдорлиги ва ёнилғи канали тўла ёпиқ бўлганда, у ҳосил қиласиган босим текширилади.

Ёнилғи ҳайдаш насосини текшириш учун ундан филтрга кетган найча ўлчов бакчасига туширилади, ёнилғининг насосдан чиқиши эса, чиқишдаги босим 60-80 КПа гача кўтарилиши учун, кран воситасида бир оз ёпилади. КамАЗ-740 двигателининг соз ҳолатдаги паст босимли насоси ва ёнилғи ҳайдаш насоси кулачокли валнинг 1300 мин^{-1} бўлган айланишлар частотасида ўлчов бакчасига $2,5 \text{ л/мин}$ миқдорда ёнилғи бериши керак. Шу айланишлар частотасида ёнилғи ҳайдаш насоси ҳосил қиласиган босим, манометрнинг (9) кўрсатишига қараб, насосдан ёнилғи чиқиши кран билан аста беркитган ҳолда аниқланади. Агар насос 0,4 МПадан оз босим ҳосил


қилса, у ҳолда клапанларнинг зичлигини, поршенларнинг ейилганигини ва турткичнинг эркин ҳаракатланишини текшириш зарур. Юқори босимли ёнилғи насоси ҳар бир форсункага бериладиган ёнилғини бошланғич пайтига, бир текислилигига ва миқдорига текширилади.



7.39-расм. Ёнилғи насосларини текшириш жиҳозининг ишлаш шакли:
1-юқори босимли ёнилғи насоси, 2-эталон форсунка, 3-мензурка, 4-ёнилғи сатхини күрсаткич, 5-термометр, 6, 10-ёнилғи бакчалари, 7-жиҳознинг ёнилғи ҳайдаш насоси, 8-филтр, 9-манометр, 11-кранлар, 12-ёнилғини түплөвчи ванна

Ёнилғи беришнинг бошланғич пайтини аниқлаш ва ростлаш учун СДТА жиҳозларида, ҳар бир секциянинг чиқиши штуцерига ўрнатилган (7.40-расм) моментоскоплар ички диаметри 1,5-2,0мм бўлган шиша найчалар(1) ишлатилади. Насоснинг кулачокли вали айлантирилиб, шиша найчалар ҳажмининг ярми ёнилғи билан тўлдирилади, сўнг вал юритмаси соат стрелкаси бўйича аста айлантирилиб трубкалардаги ёнилғи сатхи кузатилади. Насос секцияларидан ёнилғи беришнинг бошланиши, моментоскопларнинг

шиша трубаларидағи ёнилғи ҳаракатланишининг бошланишига қараб аникланади.



7.40-расм. Моментоскоп:

7.41-расм. Форсункаларни текши-риш
найча, 1-шиша 7.41-расм. Форсункаларни текши-риш
найча, 2-пластмасса трубка, 3-пүлат асбобининг күриниши
найча, 4-гайка



СДТА жиҳозлари корпусининг насосни айлантирадиган вали томонига даражаларга бўлинган диск насоснинг кулачокли валини, жиҳоздаги юритма вал билан бириктирадиган муфтага эса стрелка ўрнатилган. Биринчи цилиндр трубасидаги ёнилғининг ҳаракатланишини бошлангич они саноқ боши 0° деб қабул қилинади. КамАЗ-740 двигатели цилиндрларининг ишлаш тартибида (1-5-4-2-6-3-7-8) мос равишда, бошқа цилиндрларга ёнилги берилишини бошланиши насоснинг кулачокли вали қуидаги бурчакларга бурилганда содир бўлади: 5-цилиндрга (насоснинг 8-секцияси)- 45° , туртингичига (4-секция)- 90° , иккинчига (5-секция)- 135° , олтинчига (7 секция)- 180° , учинчига (3 секция)- 225° , еттинчига (6-секция)- 270° ва саккизинчига (2 секция)- 315° . Бунда биринчи секцияга нисбатан ҳар бир секциядан ёнилғи беришнинг бошланиши орасидаги интервалнинг ноаниқлиги $0,5^\circ$ дан ортиб кетмаслиги керак. Ёнилғи беришнинг бошланиши ёнилғи пуркалишини илгарилатиш муфтасини очиб қўйган ҳолда текширилади.

КамАЗ-740 двигателидаги юқори босимли ёнилғи насоси конструкциясининг ўзига хос томони шундан иборатки, секциялар насос корпусидан алоҳида қилиб тайёрланган ва секция ўз корпуси билан йиғилган ҳолатда алмаштирилиши мумкин. Кулачокли валнинг бурилиш бурчагига қараб, ҳар бир секциядан ёнилғи беришнинг бошланиши, турткич товонининг қалинлигини ўзгартириши билан ростланади; товон қалинлигини $0,05$ мм га ўзгариши $0^\circ 12'$ бурилиш бурчагига тўғри келади.

Насос жиҳозда синалаётганда (7.39-расмга қаранг), ҳар бир секция берадиган ёнилғининг микдори, жиҳознинг форсункалар (2) остидан махсус тўсиқчани автоматик равишда олиб қўядиган қурилмасидан фойдаланган ҳолда, мензуркалар (3) ёрдамида аниқланади. Синов соз ва ростланган форсункалар тўплами билан биргаликда ўтказилади. У форсункалар насос секциялари билан бир хил (600 ± 2 мм) узунликдаги юқори босимдаги найчалар воситасида бириклирилади. Плунжернинг битта йўлида секция берадиган ёнилғи микдори (даврий узатиш) КамАЗ-740 двигатели учун $75,0-77,5$ $\text{мм}^3/\text{циклни}$ ташкил қилиши керак. Насос секциялари берадиган ёнилғининг нотекислиги $\pm 5\%$ дан ошмаслиги лозим. Секциялар ишлаб чиқариш қобилиятининг (V_ϕ) фарқи қуидагича аниқланади:

$$V_\phi = \frac{(V_{\max} - V_{\min})^2}{V_{\max} + V_{\min}} 100\%$$

бу ерда:

V_{\max} - энг кўп ишлаб чиқариш қобилиятига эга бўлган секциянинг кўрсатгичи, мм^3

V_{\min} - энг кам ишлаб чиқариш қобилиятига эга бўлган секциянинг кўрсаткичи, мм^3

Насосдаги ҳар бир секциянинг ёнилғи бериши секция корпусини насос корпусига нисбатан буриш орқали ростланади.


КамАЗ-740 двигатели насосининг секциялари соат стрелкасига қарши бурилса, циклик ёнилғи узатиш ортади, соат стрелкаси бўйича бурилса, камаяди.

Дизел форсункаларида зичлик, игнани кўтарилиши бошланадиган босим ва ёнилгини пуркаш сифати текширилади.

Носоз форсункани ишлаб турган дизелда, текширилаётган форсунканинг ташлама гайкасини бир оз бўшатиб аниқлаш мумкин. Форсункалар гайкасини навбатма-навбат бўшатиб, тирсакли валнинг айланишлар частотасини кузатиш керак. Агар соз форсунка узиб қўйилса, у ҳолда дизел нотекис ишлайди. Носоз форсунка узилса, двигателнинг ишлаши ўзгармайди.

Форсункалар ҳолатини НИИАТ-1609 асбобида (7.41-расм) тўлиқ текшириш мумкин. Бу асбоб ёнилғи бакчасидан (1), дастаси билан ҳаракатга келтириладиган ёнилғи насосидан ва манометрдан иборат. Форсунка-2 асбобга ўрнатилгандан сўнг, ричаг (7) воситасида босим аста-секин оширилади.

КамАЗ-740 дизели форсункасидаги ёпиқ тўзитгич корпусининг зичлигини жиҳозда, босимни $17-17,5$ МПа, Исузу автомобили форсункасини $18,1-21,6$ МПа оралиғида бир дақиқа мобайнида ушлаб туриб, аниқланади. Тўзитгич тумшуғидан 1 дақиқа давомида икки томчидан ортиқ ёнилғи ҳосил бўлиб томса, бундай тўзитгич ишлатишга яроқсиз деб ҳисобланади. Бу ҳолатда плунжер жуфтлиги янгисига алмаштирилиши лозим. Қуйида форсунканинг ёнилгини сепиш ҳолати шакллари келтирилган (7.42- расм).



7.42-расм. Форсунканинг ёнилғини сепиш ҳолатлари: 1-меъёрий; 2-нуқсонли (сепиш тешиклари кирланган); 3- нуқсонли (томчилаб сепилиш).

Түзитгич тешикларини қурум босганды, уларни (форсункани қисмларга ажратылғандан сўнг) ингичка пўлат сим билан тозалаш ва этилланмаган бензинда ювиш керак бўлади.

Ёнилғи бакларига хизмат кўрсатишида улар ечиб олинади ва аввало, қуйқалардан тозалангунча каустик соданинг 5 фоизли иссиқ сувдаги эритмаси билан, сўнг оқиб турган сув билан ювилади.


Чиқинди газларнинг туташи тутун ўлчагич ёрдамида аниқланади. Туташни ўлчаш ТХК да ва таъмирдан сўнг ёки ёнилғи аппаратураларини ростлаш пайтида, кўзғалмасдан турган автомобилнинг двигателини салт ишлашидаги икки хил режимда: эркин тезланишда (тирсакли валнинг айланишларини минимал частотадан максимал частотага етгунча тезланиши) ва валнинг энг юқори максимал частотали айланишларида амалга оширилади. Ишлатилган газларнинг туташи уларнинг оптик зичлигига қараб баҳоланади ва фоизларда ифодаланади. КамАЗ, МАЗ ва КрАЗ автомобилларининг двигателларида ишлатилган газларнинг туташи, эркин тезланиш режимида 40 фоиздан, энг юқори (максимал) частотали айланишларда 15 фоиздан ошмаслиги керак.

Газ ёнилғисида ишлайдиган двигателларнинг ёнилғи тизимиға техник хизмат кўрсатиши ва уни таъмирлаш технологияси. Суюлтирилган ва сиқилган газларда ишловчи автомобиллар учун мўлжалланган газ ускуналарига техник хизмат кўрсатиши кўпгина умумийликка эга. Чунки улар тузилиши ва ишлаш тартиби бири бирига жуда ўхшаш бўлади.

Карбюраторли автомобилларнинг учинчи авлод газ-баллон жиҳозлари билан қуролланган ёнилғи таъминот тизими (7.43-расм) ишлаганда баллондан (1) суюлтирилган нефт гази (пропан-бутан) босим остида юқори босимли газ магистралига (3) ўтади. Баллондаги газ сарфи мультиклапан (2) орқали содир бўлади, ўз навбатида газни тўлдириш ҳам мультиклапанга уланган тўлдириш мосламаси (4) орқали амалга оширилади.

Магистрал орқали суюқ ҳолатдаги газ філтрли газ клапанига (5) келади, у газни тозалаш, двигател ўчирилганда ёки бензинга ўтказилганда газни ўчириш учун хизмат қиласи. Сўнгра тозаланган газ редуктор буғлатгичга(6) ўтади, бу ерда газнинг босими 1,6 МПа дан 0,1 МПа гача тушади. Газ буғланиб редукторни совутганлиги учун двигателнинг совитиш

тизими билан боғланган. Советиш суюқлигининг доимий ҳаракати редуктор ва унинг мембранасини яхлаб қолишидан сақлаб туради.



7.43-расм. Карбюраторли автомобилларнинг учинчи авлод газ-баллон жиҳозларининг кўриниши: 1-баллон; 2-мультиклапан; 3-юқори босим газ магистрали; 4-газни тўлдириш мосламаси; 5-газ клапани; 6-редуктор-буғлатгич; 7-дозатор; 8-газ ва ҳавони аралаштиргич; 9-бензин клапани; 10-ёнилғи турларини улагич.

Ишлаб турган двигателнинг киритиш коллекторида ҳавонинг сийраклиги пайдо бўлиши хисобига, газ редуктордан паст босимли шланга бўйича дозатор (7) орқали карбюраторнинг дроссел заслонкаси ва ҳаво филтри оралиғига жойлашган аралаштиргичга (8) етиб келади. Ишлаш тартибини ўзгартириш (газга ёки бензинга ўтказиш) асбоблар панелига ўрнатилган ёнилғи турларини улагич (10) орқали амалга оширилади. Агарда улагич “ГАЗ” ҳолатига ўтказилса, газ электромагнит клапани (5) очилади, бензин электромагнит клапани (9) ёпилади. Ёки тескари бўлиши мумкин. Ёритиш диодларининг ҳолатига қараб, двигател қандай ёнилғида ишлашини аниқлаш мумкин.

Инжекторли автомобилларда қўлланиладиган 3-авлод газбаллон жиҳозларида бензин клапани ўрнида форсунка эмуляторлари ишлатилади. Газга ўтганда бу эмулятор бензин форсункалари ишини ўзида намоён қиласи, бу ўз навбатида компьютерни авария ҳолатига ўтишидан сақлайди. Шунинг учун лямбда-зонд эмуляторларидан фойдаланиш зарур.

4-авлод газбаллон жиҳозлари (7.44-расм) қўлланилганда, газ махсус форсункалар орқали тўғридан-тўғри киритиш коллекторларига етказилади. Улар ўзининг шахсий электрон бошқариш блокига эга бўлиб, ўз иш тартибларини назоратлагич орқали муқобиллаштиради ва эмулятор ролини ҳам ўйнайди.



7.44-расм. Метан ёнилғисида ишловчи Longas (4-авлод газ баллон жиҳозлари) номли алоҳида газ етказиш тизимининг асосий жиҳозлари: 1-редуктор; 2-газ форсункаларини электрон бошқариш блоки; 3-газ филтри; 4-газ форсункаси(Matrix); 5-газ клапани; 6-тўлдириш клапани; 7-улагич; 8-босим датчиги.

4-авлод газбаллон жиҳозлари қўйидаги афзаликкларга эга:

- 1 - ёнилғини кам сарфлаш;
- 2- газ ёнилғисида двигател қувватини кам йўқотиш (1-2%);
- 3- ЕВРО-2, ЕВРО-3, ЕВРО-4 экологик меъёрларини бажариш;
- 4- двигателлардаги пақиллашнинг йўқлиги;
- 5- автомобильга ўрнатилган ўз-ўзини диагностикалаш қурилмаси билан нуқсонсиз ишлаш (қўшимча эмуляторлар талаб қилинмайди);
- 6- ўрнатишда кам хатоликка йўл қўйилиш ва кам меҳнат талаб қилиниш;
- 7- нархининг эскирган лямбда-текширувчи тизимлар билан бир ҳиллиги.

Алоҳида сепиши тизимлари универсал ва инжекторли автомобиллар учун мўлжалланган. Бундай тизим билан жиҳозланган автомобил ўз қувватини йўқотмайди. Чиқинди газларнинг заҳарлилик даражаси бензинда ишлагандагига қараганда анча паст.

Ҳозирги вақтда Ўзбекистон Республикасида фойдаланилаётган газ баллонли автомобилларнинг аксарияти 2000 йилларгача “Россия” ишлаб чиқилган газ ёнилғи тизими билан жиҳозланган. Шунинг учун биз сиқилган ва суюлтирилган газда ишловчи ЗиЛ-138 автомобилининг ёнилғи-газ тизимига ТХК таркиби билан танишиб чиқамиз. Авваламбор эксплуатация жараёнида тизимда пайдо бўлувчи носозликлар ва уларнинг аломатлари билан танишамиз.

Газ баллонли ускуналарнинг носозликларини аниқлаш, унга техник хизмат кўрсатишни маҳсус тайёргарликдан ўтган ва тегишли гувоҳномага эга бўлган малакали авточилангарлар ўтказиши мумкин.

Тизимнинг асосий носозликлари тизим зичлигининг бузилишига ва газнинг сизиб чиқишига боғлиқдир. Тизим клапанлари ва корпус деталларининг бирикмаларини зич эмаслиги юқори босим редукторининг асосий носозликлари ҳисобланади. Дроссел заслонкалари очилганда редукторнинг чиқиши жойида босимнинг кескин пасайиши филтрни ифлосланганлигидан далолат беради.

Паст босимли газ редукторининг асосий носозликлари - двигател ишламаётганда клапанлар орқали газни қўйиб юбориши ҳамда газни умуман ёки етарли даражада узатмаслигидир.

Биринчи босқич клапанининг зичсизлигини паст босим манометри ёки эшитиш орқали аниқлаш мумкин.

Иккинчи босқич клапанининг зичсизлиги двигателнинг ўт олишини қийинлаштиради, салт ишлаш режимида двигателнинг ишлашини ёмонлаштиради, двигатель тўхтагандан сўнг, газ капот ости бўшлиғига сизиб чиқади.

Биринчи босқич диафрагмаси зичлигининг бузилиши натижасида пружинанинг ростлаш гайкасидаги тешик орқали газ сизиб чиқади. Иккинчи босқич диафрагмасининг зичлиги бузилганда эса, газ шу босқични ростлаш ниппелининг қопқоғи орқали сизиб чиқади.

Техник хизмат қўрсатиши. Кундалик хизмат қўрсатишда, газ баллонларининг маҳкамланиши ва газ тизимининг ҳамма бирикмалари зичлиги кўриш орқали текширилади. Иш кунининг охирида эса баллонлар арматуралари ва сарфлаш вентиллари зичлиги текширилади. Паст босимли газ редукторидан қуйқум тўкилади. Бензин ўтказувчи бирикмаларда ва электромагнитли клапан-филтрда бензиннинг томчилаши бор-йўқлиги текширилади.

Даврий ТХК да КХК да бажариладиган ишлардан ташқари, юқори босимли газ редуктори сақлаш клапанининг ишлаши ҳам текширилади. Магистрал, тўлдириш ва сарфлаш вентилларининг штокларидағи резбалар мойланади. Магистрал ва юқори босимли редуктор филтрларининг элементлари ечиб олинади, тозаланади ва ўз ўрнига ўрнатилади. Газ тизимининг зичлиги сиқилган азот ва сиқилган ҳаво билан текширилади. Двигателнинг ўт олиши ва салт ишлаш режимида қандай ишлаши, ҳам газда, ҳам бензинда текширилади. Паст ва юқори босимли редукторларнинг зичлиги текширилади ва лозим бўлганда чиқищдаги босим ҳамда сақлаш клапанининг ишга тушиш босими ростланади (юқори босимли редукторда). Паст босимли редукторнинг биринчи ва иккинчи босқичидаги босим қиймати ростланади. Газ баллонининг сақлаш клапанини ҳамда юқори ва паст босим манометрларини қандай ишлаши текширилади. Карбюраторнинг маҳкамланиши ҳамда аралаштиргич ўтказгичини карбюраторга маҳкамланиши текширилади. Иситгич ечилади, тозалаб ювилади ва унинг зичлиги текширилади, заслонкани ҳамда унинг юритмасини қандай ишлаши текширилади, сўнг ўз жойига ўрнатилади. Ҳаво филтри ечилади ва тозалаб ювилади, унинг ваннасига тоза мой қуйилади. Аралаштиргич текширилади

ва лозим бўлганда, ишлатилган газ таркибидаги углерод оксидининг энг кам микдорига ростланади.

Мавсумий хизмат кўрсатиш карбюратор-аралаштиргич, редукторлар, филтрлар ва элекромагнитли тўсиш клапанларини қисмларга ажратиш, тозалаш ва ростлаш ишларини ўз ичига олади. Юқори босимли редуктори сақлаш клапанининг ишга тушиш босимини ҳам текшириб кўриш лозим. Уч йилда бир марта газ баллонлари қўриқдан ўтказилади. Қишида ишлатишга тайёрлашда чўкиндилар тўкилади ва автомобилнинг бензин баки ювилади.


Газ ўтказгичлар ва бирикмаларни нозичлиги қуидагича бартараф этилади:

1. Юқори босимли редуктор ва баллонлар орасидаги трубкани таъмираш ёки алмаштириш учун (ташқи томони қизил бўёқ билан бўялган) баллонларни сарфлаш вентиллари беркитилади, тизимдаги газ ишлатиб бўлингандан ёки чиқариб юборилгандан сўнг қисмларга ажратилади ва трубка алмаштирилади.

2. Бирикмаларни зичсизлиги гайкаларни қўшимча бураш билан тузатилади. Агар бу натижга бермаса, у ҳолда бирикма қисмларга ажратилади, трубка учини ниппел билан биргалиқда кесиб ташланади ва янги ниппел кийдирилиб бирикма йигилади, бунда трубканинг юза қисми штуцернинг ички юза қисмига қадалиб туриши лозим.

3. Шикастланган резинали шланглар алмаштирилади.

Юқори босимли редуктор газнинг босими редуктордан чиқиша 1,2 МПа бўлишини таъминлаши керак. Ростлаш ишларини бажаришда (7.45-расм) босимни кўпайтириш учун винт(1) соат стрелкаси бўйича айлантирилади.




7.45-расм. Юқори босимли газ редуктори: 1-ростлаш винти, 2-контргайка, 3-втулка, 4-пружина тарелкаси, 5-пружина, 6-сақлаш клапани, 7-мембрана, 8-ташлама гайка, 9-редукцион клапан, 10-редуктор корпуси, 11-клапан корпуси, 12-фильтр, 13-винт, 14-шайба

Паст босимли редуктор филтрининг тўрини тозалаш учун крестовинадаги магистрал вентил беркитилади, газни ишлатиб бўлиб, ўт олдириш тизими учирилади, филтрловчи элементни бўшатиб чиқарилади,

тўрни ечиб олинади ва уни бензин, ацетон ёки бошқа эритувчидага ювилади, сўнг сиқилган ҳаво билан пуркалади.

Редукторни автомобилда ростлаш мумкин, бунинг учун қисқа чиқариш кувурининг тешигига (7.46-расм), пезометрни (2) улайдиган трубкаси бўлган тиқин (4) ўрнатилади. Тагқопқоқнинг қисқа қувурини пъезометрга(1) шланг ёрдамида, олдиндан тайёрланган учлик (5) орқали уланади. Трубкалар(6 ва 8) орқали вакуумли насос ёрдамида редукторни юксизлантириш қурилмасидаги бўшлиқда сийракланиш ҳосил қилинади. Биринчи босқич бўшлиғини кириш жойига фільтр штуцерига уланган шланг (15) орқали, компрессорда 0,22-0,6МПа босимга сиқилган ҳаво узатилади. Биринчи босқич бўшлиғидаги газ босими 0,18-0,20 МПа бўлиши лозим. У гайка (1) билан ростланади (қотирилган ҳолатда босим кўпаяди) ва манометр (10) орқали назорат қилинади. Ростлашдан сўнг контргайка (13) қотириб қўйилади. Сўнгра иккинчи босқич клапанининг очилиши ростланади. Бунинг учун қопқоқ (3) ечиб олинади, чегараловчи гайка бўшатилади ва ростлаш винтини, иккинчи босқич клапанидан ҳаво чиқиши бошлангунча бўшатилади.



7.46-расм. Паст босимли редукторни ростлаш: 1-2-пъезометрлар, 3-редуктор қопқоғи, 4-трубкали тиқин, 5-учлик, 6, 8, 15-трубкалар, 7-экономаизер қурилмасининг қопқоғи, 9-редукторни иккинчи босқичи, 10-хайдовчи кабинасидаги манометр, 11-биринчи босқичнинг ростлаш гаикаси, 12-манометр датчиги, 13,17- чегараловчи гайка, 18-иккинчи босқичнинг ростлаш ниппели, 19-шток стержени

Ростлаш винтини 1/8 -1/4 марта айлантириб қотирилади, клапан орқали чиқаётган ҳаво тўхтаганини эшитиш йўли билан аниқлаб, сўнг чегараловчи гайка қотириб қўйилади. 6 ва 8 трубкалар орқали юксизлантириш қурилмаси

бўшлиғида сийракланиш ҳосил қилинади ва унинг миқдори пезометрга(1) қараб 0,7-0,8кПа чегарагача келтирилади. Бунда иккинчи босқич клапани очилиши керак. Уни ростлангандан сўнг иккинчи босқич бўшлиғида, пезометр(2) бўйича, ниппелни (18) айлантириш билан атмосфера босимидан 0,05-0,07кПа га ортиқ бўлган босим ҳосил қилинади, бу пайтда юксизлантириш қурилмасида аввалги сийракланиш мавжуд бўлади. Сўнг контргайка(17) қотирилади ва стерженнинг(19) йўли текширилади. Агар стерженнинг йўли иккинчи босқич клапани очилганда 5мм дан кам бўлса, редукторни ечиб носозликни бартараф этиш лозим.

Редукторни ростлашда, аввал, иккинчи босқич клапанининг йўли текширилади: текширишни иккинчи босқич диафрагмасининг стержени йўли бўйича амалга оширилади (бу йўл 5мм дан кам бўлмаслиги керак).

Газ двигателини юргизиш пайтида юқори босим манометри бўйича баллондаги газ миқдори текширилади (босим 1,2МПа дан кўп бўлиши лозим), баллонлардаги сарфлаш вентиллари ва крестовинадаги магистрал вентил очилади. Ёнилғи турини алмашлаб улагичи «Газ» ҳолатига қўйилади, дроссел заслонкасини қўл билан бошқариладиган тугмачасини эса шундай ҳолатга қўйиш лозимки, бунда қизиган двигател 700-800 мин⁻¹ айланиш частотасини ҳосил қилсин. Ўт олдириш тизими ва стартер уланади (айлантириш вақти 5с дан ошмаслиги лозим). Двигател ишлай бошлаши биланок стартер узилади ва 1-2 дақиқадан сўнг дроссел заслонкасини секинаста бир оз очилади ҳамда валнинг 800-1000 мин⁻¹ айланишлар частотасида двигател қиздирилади. Дроссел заслонкасини қўл билан бошқариладиган тугмачаси тўла очик ҳолатга келтирилади.

Двигателни газ билан ўт олдиришда ҳаво заслонкаларини беркитиш тавсия этилмайди, чунки бунда аралашма бойиб, двигателни ўт олдириш қийинлашади.

Агар двигател ўт олган ёки бензинда ишлаётган бўлса, у ҳолда уни газга ўтказиш учун баллонлардаги ва крестовинадаги вентиллар очилади, ёнилғи турини алмашлаб улагичини «О» ҳолатига, сўнгра пўқакли камерадаги бензин ишлатиб бўлингандан кейин (двигател нотекис ишлай бошлайди) алмашлаб улагични «Газ» ҳолатига ўтказилади ва шу билан двигател газда ишлай бошлайди. Газдан бензинга ўтишни тескари тартибда амалга оширилади.

7.5. Автомобилларнинг электр жиҳозларига техник хизмат кўрсатиш ва таъмиrlаш технологияси

Бензинда ишловчи (ўт олдириш тизимисиз) ва дизел автомобилларнинг электр жиҳозлари носозликларини бартараф этиш ТХК ва ЖТ иш ҳажмининг 11-17% ни ташкил этади. Энг асосий носозликлар аккумулятор батареясига, кучланишни созлагич билан генераторга ва стартерга тўғри келади. Бундан ташқари ёритиш ва огохлантириш жиҳозларини текшириш ҳамда созлашга алоҳида эътибор бериш зарур.

7.5.1.Аккумулятор батареялариға техник хизмат кўрсатиш

Аккумулятор батареяларининг асосий носозликлари банкалардаги кучланишни пасайиши, сульфатланиш ва қисқа туташишлардан иборат (7.3 – жадвал).

7.3 – жадвал

Аккумуляторлар батареясини (АКБ) носозликларининг юзага келиш сабаблари, уларни диагностика қилиш ва бартараф этиш усуллари

АКБ носозликларининг сабаблари	Диагностика қилиш усуллари	Бартараф этиш усуллари
АКБ тез - тез разрядланади ва стартёр билан двигателни юргизиб юбориша тирсакли валнинг керакли айланишлар частотасини таъминлай олмайди.		
Двигател ишламай турган ёки тирсакли вали паст айланишлар частотасида ишлаган ҳолларда электр истеъмолчиларини узоқ вақт ишлатиш	Узоқ масофани ёритиш фаралари уланганда ярим чўғ билан ишлайди	АКБнинг разрядланганлик даражаси аниқланади, зарурат бўлса зарядланади. Двигател ишламагандан истеъмолчиларни узоқ вақт ишлатиш тавсия этилмайди
Қопқоқ юзаси бўйича ток ўтказувчи ифлослик ёки электролит билан АКБ қисқичлари туташуви туфайли меъёрдан ортиқ ўз-ўзидан разрядланиш	Вольтметр стрелкаси “қизғиш” зонада, амперметр разрядни кўрсатади. АКБ қопқоғи юзаси ифлосланган.	Батарея юзаси нашатир спиртининг 10% ли эритмаси ёки калийлаштирилган сода билан тозаланади.
Сепараторнинг емирилиши ёки “ўсиши”, АКБ актив массаси тўқилгандан ҳосил бўлган шлам билан электродлар туташуви туфайли меъёрдан ортиқ ўз-ўзидан разрядланиш	Электролит зичлиги меъёрий қийматда бўлса ҳам, вольтметр билан ўлчангандай э.ю.к паст қийматга эга бўлади.	Емирилган сепараторларни алмаштириш ва шламдан тозалаш орқали АКБ ни таъмирлаш.
Ифлосланган сув ёки электролит қўлланилиши туфайли меъёрдан ортиқ ўз-ўзидан разрядланиш	Вольтметр стрелкаси “қизғиш” зонада, амперметр разрядни кўрсатади.	10 соатли разряд режимида АКБ 1,1..1,2В гача разрядланади, электролит тўкилади, батарея ювилади, янги электролит қўйилади ва меъёргача зарядланади
АКБнинг узоқ муддатда сақланганлиги, паст зарядланиш даражасида ва электролит зичлиги паст ҳолда эксплуатация қилиниш туфайли электродларнинг сульфатланиб қолиши	Заряд бошланишида кучланиш юқори; заряд жараённида электролит зичлиги деярли ошмай туриб, унинг қайнай бошлаши, ҳарорат ошиши ва заряд охирида кучланиш пасайиши	Электролит тўкиб ташланади, 1,145г/см ³ зичликли янгиси қуйилади, АКБ 0,05 ⁰ C20 А (бу ерда ⁰ C20-20 соатли разряд режимидаги сифим) ток билан зарядланади ва заряд охирида зичлик меъёрига олиб борилади; АКБ таъмирланади

АКБ қисқичлари сим ушлагичларининг қўшилиш жойлари зич маҳкамланмаганлиги туфайли уларнинг оксидланиб қолиши	Қисқичлар ва сим ушлагич қўшиладиган жойларда оппоқ қурум ҳосил бўлиб қолади	АКБ қисқичлари сим улагичлари “оппоқ” қуримдан тозаланади, зич маҳкамланиб, техник вазелин билан мойлаб қўйилади
Электр истеъмолчилари занжирида қисқа туташув	Ҳамма истеъмолчилар узидан қўйилади, “масса” сими АКБ (-) қисқичга туташтирилади. Учқун ҳосил бўлиши қисқа туташув борлигини билдиради, унинг аниқ жойи тестер ёки мультиметр орқали кетма-кет текшириш билан аниқланади	Аниқланган қисқа туташув жойи қўшимча изоляция билан химоя қилиб қўйилади
Бир ёки бир неча аккумуляторларда носозликлар мавжуд	АКБ сифими меъёрдан кам ва юклама остидаги кучланиш тез пасайиб кетади	Батарея алмаштирилади
Генератор қурилмасида носозликлар мавжуд	Генератор қурилмаси чиқувидаги кучланиш меъёрдан кам	Генератор қурилмаси таъмирланади

АКБ да электролит сатхининг тез пасайиб кетиши

АКБ моноблоки шикастланган	Моноблокда тешлишлар бор	АКБ моноблоки таъмирланади ёки алмаштирилади.
Генератордан меъёрдан ортиқ кучланиш билан АКБ ўта зарядланиши	Генератор чиқувидаги кучланиш меъёрдан ортиқ	Кучланиш ростлагич ёки генератор таъмирланади
АКБ тиқини зичланмаган	Тиқиннинг буралиши текширилади	Тиқинни зич бураш билан носозлик бартараф этилади

АКБ тиқинидаги чақмоқллатувчи тешиклар орқали электролитнинг сачраши

Меъёрдан ортиқ заряд токи	Генератор қурилмаси носозлиги текширилади	Кучланиш ростлагич таъмирланади ёки янгисига алмаштирилади
АКБ ҳар хил қутбли электродларнинг қисқа туташуви	Носоз АКБ да кучланиш бўлмайди	АКБ таъмирланади

АКБ зарядланмайди


Генератор қурилмаси – АКБ занжирида узилиш бор	Генератор чиқувидаги кучланиш вольтметр билан текширилади, узилиш тестер билан аниқланади	Аниқланган узилиш бартараф этилади.
--	---	-------------------------------------

Электродларнинг актив массаси емирилган	Электролит зичлиги меъёрда бўлса ҳам, АКБ э.ю.к кам ёки заряд жараёнида суст газ ажralиб чиқади	АКБ таъмирланади
Вольтметр стрелкаси “қизил” зонада жойлашган, созловчи кучланиш меъёрли қийматида амперметр катта заряд кучини кўрсатади		
АКБ ҳар хил қутбли электродларнинг қисқа туташуви	Носоз АКБ да кучланиш бўлмайди	АКБ таъмирланади


Аккумулятор батареяларини диагностикалаш, улар сиртининг зичлигини, электролит сатҳини ва зичлигини, қаршилик билан кучланишни текширишдан иборат. Электролит сатҳини меъёрга келтириш дистилланган сув қуийш билан амалга оширилади. Электролит зичлиги ареометр (7.47-расм) ёрдамида текширилади ва фарқ $0,01 \text{ г}/\text{см}^3$ дан ошмаслиги керак. Ўзбекистон Республикаси шароитида аккумулятор батареяларидағи электролит зичлиги $1,25 \text{ г}/\text{см}^3$ га тенг бўлади.

Аккумулятор батареясини юкламали вилка (7.48-расм) билан текшириш, унинг қизиган двигателни юргизиш режимига мос келган зарядсизланиш ҳолатини аниқлашга имкон беради.

Сульфатланиш носозликларни энг қийин бартараф этиладигани бўлиб, у пластинка юзаларини йирик Pb_2SO_4 кристаллари билан қопланиши натижасида содир бўлади (аккумулятор батареялари кўп сақланганда, электролит зичлиги юқори бўлганда, стартер билан кўп қўшилганда). Уни бартараф этиш учун кам ток кучида (аккумулятрлар сифимининг 0,04 га тўғри келувчи) узлуксиз кучланиш бериш(зарядлаш) билан бартараф этилади. Қисқа тутатиш пластинкалардан актив массаларни тўкилиши натижасида содир бўлади.



7.47-расм. Электролит сатҳини текшириш.



7.48-расм. Аккумулятор батареясини текшириш учун юклама вилкаси:
1—вольтметр; 2—кронштейн; 3—коуж; 4—юклама резистори; 5—контакт ҳалқаси; 6—контакт гайкаси; 7—даста; 8—шчуп.

Юкламали вилка ёрдамида аккумулятор батареясини зарядланганлик даражасини аниқлашда, юкланиш остидаги вольтметрни текширилаётган батарея сиғимига түғри келган күрсатиши, қуйида келтирилган маълумотларга мос тушиши лозим:

Аккумуляторнинг кучланиши, В	1,7-1,8	1,6-1,7	1,5-1,4	1,4-1,5	1,3-1,4
Зарядланганлик даражаси, фоиз	100	75	50	25	О

Соз аккумулятор батареясини кучланиши юкламали вилка билан текширилганда камида 5с давомида ўзгармаслиги керақ Аккумулятор батареяси қопқоғадаги тешиклар тиқинлар билан беркитилган бўлиши лозим. Электролитнинг зичлиги $1,2 \text{ г}/\text{см}^3$ дан кам бўлган аккумуляторларни юкламали вилкада текшириш тавсия этилмайди.

Электролит зичлигининг $0,01 \text{ г}/\text{см}^3$ га камайиши, аккумулятор батареяси 6 % зарядсизланганлигини кўрсатади. Батареянинг зарядсизланиши ёзда камида 50 % ни, қишида 25 % ни ташкил қиласа, уни зарядлаш керак.

Аккумулятор батареяси - уч ойда бир марта батарея ҳақиқий сиғимининг 1/10 дан 1/13 гача ток кучи билан зарядланади.

Батареяларни зарядлаш икки хил усул билан:

- доимий ток кучи билан;
- доимий кучланиш билан зарядланади.

Биринчи усулда, батареяни зарядлаш тармоғига кетма-кет гурухлаб кучланишлар реостати орқали уланади. Батарея икки босқичда зарядланиб, биринчи босқичда зарядлаш, батареянинг битта элементидаги кучланиш 2.4 в га етгунча, иккинчи босқичда эса, ток кучи 50 % га камайгунча бажарилади. Бу услубнинг камчилиги шуки, зарядлаш 10-15 соат давом этади ҳамда уланадиган батареялар бир хил сиғимда бўлиши ва ток кучи ҳар соатда назорат қилиб турилиши зарур.

Иккинчи усулда, доимий кучланиш билан ҳар хил сиғимдаги ва ҳар хил даржада зарядланадиган батареяларни зарядлаш мумкин. Батареяларнинг бир хил кучланишдагилари гурухларга ажратилади ва зарядлаш қисқа вақт давом этади, ҳамда ток кучи ростлаб турилиши зарур. Шунингдек, зарядлашни бевосита автомобилнинг ўзида бажариш ҳам мумкин. Зарядлаш жараёнининг жадаллашиши катта ток кучи (50A) ҳисобига олиб борилади. АСС ларда кўлланиладиган тўғрилагичлар (Випрямителлар ВАС-111, ВСА-5 ва ҳ.к.) кучланишни 80В гача ва ток кучини 12А бўлишини таъминлайди.

Ҳозирги вақтда ишлаб чиқарилаётган (НЕКСИЯ, ТИКО ва ДАМАС автомобилларига қўйилаётган) 12V35AH ва 12V55AH(MF) аккумулятор батареяларида маҳсус индикаторлар бўлиб, улар аккумуляторни меъёрий (яшил ранг), зарядталаб (қора ранг) ва электролитнинг камлигини (рангсиз) кўрсатади. Индикаторнинг рангига қараб, аккумуляторни зарядлаш ёки унга электролит қуиши зарурлигини аниқлаш мумкин.

Аккумулятор батареясини жорий таъмирлашдан олдин унинг ташки сирти 3-5 фоизли кальций содасининг(қайнок) эритмаси билан юнгли

чүткада ювилади. Батарея ювилгандан кейин совуқ сув билан чайиб ташлаб, куруқ латта билан артилади. Батареяниң кислотага чидамли мумли(мастика) сиртининг ёриқлари, жипс бўлмаган жойлари электролитнинг сизиб чиқиши ва сачраши орқали аниқланади. Бундай нуқсонлар аккумляторлар батареясини қисмларга ажратмай туриб бартараф этилади. Шу ёриқ жойлари($90\text{-}120^\circ$ бурчак остида) қиздирилган исказа билан ўйиб кўчириб олинади, сўнгра шу жойларга қайнок, суюлтирилган мум қуйилади. Таъмирлаш олдидан, қисмларга ажратмай туриб батареяниң ҳақиқий сифимидағи ток $1/20\text{-}1/15$ нисбатдаги қийматида, кучланишни $1,5\text{V}$ га пасайгунча зарядсизлантиради. Сўнгра электролит сопол ванна ёки шиша идишларга қуйиб қўйилиб батарея дистилланган сув билан ювиб юборилади. Шундан сўнг, қувурчасимон фрезада ёки диаметри 18mm ли пармада пармалаб, перемичка чиқариб олинади ва қопқоқдаги кислотага чидамли мум қобиги кўчириб ташланади.

Мум қопламаси электрда қиздирилган куракчалар ёрдамида кўчириб ташланади. Батареяниң мумдан тозаланган қопқоги ечгич ёрдамида ечиб олинади. Пластиинанинг яхлит блоклари бакдан маҳсус ушлагич ёки омбир-ушлагич ёрдамида чиқариб олинади. Блокларнинг носоз мажмуаси бақдан (перемичкани ечмай туриб, батареяни қўзғатмай ушлаб туриб), қисиб ушлагич ёки омбир-ушлагич ёрдамида чиқариб олинади.

Қисмларга ажратилган батарея кислотага чидамли ваннага солиб ювилади. Носоз сепаратор ва пластиналар (кулоғи қалайланган жойидан эритиб) бареткалардан ажратиб олинади. Бақ зичлиги унга қайнок сув қуйиб ва унинг сизиб чиқишига разм солиб ёки электр ўтказувчанигини синааб, текширилади. Бунинг учун бақка электролитни сувдаги кучсиз эритмаси қуйилади ва яхши аралаштирилиб, синааб бўлингандан сўнг, ваннага тўкиб юборилади. Ваннада ва бақ ичида электродлар жойлашиб, улардан вольтметр орқали $127\text{-}220\text{V}$ кучланишли ток ўтказилади. Бақ зич бўлса, вольтметр стрелкаси “0” ҳолатидан силжимайди. Урилган, ёрилган ҳамда турли кўринишларда шикастланган бақлар таъмирланади ёки алмаштирилади. Йигилган пластиналар блокида қисқа туташувлар содир бўлиши ёки бўлмаслиги бақнинг алоҳида жойига ўрнатиб қўйилган вольтметр орқали текширилади. Бундай пайтда қопқоқни асбест ёки резина чилвир билан жипс маҳкамлаб ва бу сиртга эриган суюқ мум қуйилади. Йигилган батареяга меъёрдаги зичликда электролит қуйилиб ($25\text{-}30^\circ\text{C}$ ҳароратгача совитиб) 4-5 соат ушлаб турилгандан сўнг зарядланади.

7.5.2. Генератор ва реле-созлагичларига техник хизмат кўрсатиши

Замонавий автомобилларда генератор ва реле-созлагичларнинг ўзгарувчан токда ишлайдиганлари қўлланилади.

Генератор носозликларига коллекторнинг ифлосланиши, чўткаларни ейилиши, чўтка ушлагич пружиналарини синиши, сим чулғамларининг узилиши, чулғамлар орасидаги қисқа туташиши, якорни масса билан қисқа туташиши, якор сим чулғамларини узилиши, тасмани бўшашиши ёки узилишлари киради.

Генераторнинг носозликлари ва уларни бартараф этиш усуллари

Носозлик сабаблари	Диагностика қилиш усуллари	Бартараф этиш усуллари
Генератор қурилмаси аккумулятор батареясини заряд қила олмайди		
Шкив ейилганилиги ёки тасма таранглиги етарли бўлмагани учун тасманинг узилиши ёки сирпаниши	Узатма кўздан кечирилади, тасманинг эгилиш қиймати текширилади.	Тасма алмаштирилади. Белгиланган меъёрларга мос равишда тасманинг таранглиги созланади ёки шкив алмаштирилади.
Генератор қурилмаси ва АКБ занжирларидағи боғловчи штеккёрларда контакт йўқ ёки узилиш бор	Генератор ва АКБ (+) клеммаларидағи кучланиш узок масофани ёритиш фараси уланган ва двигателнинг ўртacha айланишлар частотасида вольтметр билан ўлчанади ёки тестер ёрдамида узилиш жойи аниқланади.	Контактни тиклаш, узилишларни бартараф этиш
Уйғотиш занжирида узилиш	Уйғотиш ғалтаги учликларини контакт ҳалқаларига кавшарлаш сифати текширилади	Узилиб қолган учликлар қайта кавшарланади. Уйғотиш чўлғамида ички узилиш бўлса, чўлғам йиғма ҳолда алмаштирилади
Статор чўлғамининг бирорта фазасида ўрамлараро туташув	Статорга нисбатан фаза чўлғамлари изоляцияси сифати омметрда текширилади	Узилиш ёки ўрамлараро туташув бўлса, статор янгисига алмаштирилади ёки таъмирланади
Тўғирлагич блокининг диоди тешилган ёки узилган	Омметр ёки назорат лампаси ёрдами билан диодларнинг тўғри ва тескари ўтказувчанлиги текширилади	Тўғирлагич блоки алмаштирилади
Интеграл кучланиш ростлагичининг ишдан чиқиши	Уйғотиш чўлғамини бирорта уни “масса”га уланган генераторларда “Ш” ва (+) қисқичларини уйғотиш чўлғамининг иккитали изоляция қилинган генераторлар учун “Ш” уни ва “масса”ни қисқа вақтда бир-бирига текказилганда вольтметр каттароқ кучланишини кўрсатади	Кучланиш ростлагич алмаштирилади
Тебранувчан ёки контактли транзисторли кучланиш ростлагични ишдан чиқиши	Пружинанинг таранглик кучи текширилади	Пружиннанинг таранглик кучи созланади

Генератор қурилмаси ишлаган пайтда юқори даражада шовқин		
Подшипникларда мойнинг етарли эмаслиги ёки йўклиги	Подшипниклар ҳолати текширилади	Подшипниклар ювилади ва мойланади. Ўта ейилган подшипниклар алмаштирилади
Генераторнинг емирилиши ва подшипникнинг тиқилиб қолиши, подшипник ташқи қобигининг қопқоқ ўтирган жойда айланиши	Қўл билан ротор валини айлантириб текширилади	Подшипник ва қопқоқ алмаштирилади
Қопқоқдаги подшипникнинг ишлаб ейилганлиги	Қўл билан ротор валини айлантириб текширилади	Подшипник ва қопқоқ алмаштирилади
Генератор қурилмаси АКБ ни ўта зарядлаш ҳолати (Электролитнинг “қайнashi”)		
АКБ носозлиги (аккумуляторда қисқа тута-шув бор)	Электролит зичлиги ва АКБ кучланиши текширилади	АКБ алмаштирилади ёки таъмирланади
Генератор (+) клеммасидан ўт олдириш калити ва кучланиш ростлагичигача бўлган жойда ўтиш қаршилиги ортиб кетиши	Занжирдаги ўтиш қаршилиги ёки занжирнинг айрим участкаларида кучланиш ўлчанади	<u>Контакт тикланади</u>
Элементрларнинг тешимиши туфайли кучланиш ростлагичининг носозлиги	Ростлагич ўрнига электр лампаси уланганда АКБ зарядланса, ростлагич ишдан чиқкан	Зарурият бўлса, ростлагич янгисига алмаштирилади.

Ўзгарувчан токли генератор ва созлагич релеларни диагнозлашда унинг ҳосил қилаётган кучланишини катталиги ва ҳолати текширилади. Кучланиш ҳамма истеъмолчилар уланганда, 12В дан кам бўлмаслиги керак. Бензинли двигателлардаги меъёрий ишлаётган генераторда ҳосил бўлаётган кучланиш ўзгариши 1-1,2 В дан ошмайди. Битта ишдан чиқсан диод ҳисобига унинг кучланишни тўғрилаш ҳусусияти камайиб, кучланиш 2,5-3В га ошади. Бунда вольтметр кўрсатаётган кучланишнинг ўртacha миқдори ўзгармайди, аммо аккумулятор ва бошқа электр жиҳозларининг ишлаш муддати меъёридан қисқаради. Кўрсатилган носозлик осциллографма орқали осон аниқланади.

Ўзгарувчан ток генераторида механик ва электр турқумидаги носозликлар бўлиши мумкин. Механик носозлик: ротор валининг ейилиши, шпонка уясининг кенгайиши, подшипникнинг ейилиши ва гайка резьбасининг шикастланиши ва бошқалардан иборат. Улар разм солиш ва бўлакларга ажратиш йўли билан аниқланади. Кўрсатилган носозликлар электротехник ва токарлик устахоналарида бартараф этилади. Энг кўп учрайдиган носозликлар чўтканинг ейилиб кетиши ва уни ушлаб турувчи пружинанинг эластиклигини камайиши ҳисобланади. Бу носозликлар деталларни алмаштириш йўли билан бартараф этилади.

НЕКСИЯ, ТИКО ва ДАМАС русумидаги автомобилларда 12V-1.4А туридаги ўзгарувчан ток генераторлари қўлланилади, уларга ТХК ишларини ташкил этиш МДХ да ишлаб чиқилган генераторларнидан унчалик фарқ қилмайди.

7.5.3. Стартерларга техник хизмат кўрсатиш

Стартернинг асосий носозликлари куидагилар киради: коллекторни ифлосланиши ва кувиши, чўткани ейилиши ва осилиб қолиши, чўтка симининг узилиб қолиши, эркин юриш муфтасининг қадалиб қолиши ёки шатаксираши, якор чулғамини сочилиб кетиши, тортиш релесидаги стартернинг улаш контактларини кувиши, тортувчи винтлар билан маҳкамланган қопқоқни бўшаб қолиши, чўткатуткични изоляцияли шайбалари ва пластиналарининг кувиши, электромагнитнинг ғалтаги втулкасида тортиш релеси якорини қадалиб қолиши, подшипникларнинг ейилиши, якор вали юритмасини қадалиб қолиши, тортиш релеси чулғамларининг узилиши, буфер пружинасини кучсизланиши, уйғотиш чулғами ёки якорнинг «масса» билан туташуви, коллектор пластиналари орасидаги туташув, стартер ишлётган пайтда чиқадиган ўзига хос шовқинлар.

Электростартерларнинг асосий носозликлари сабаблари, уларни диагностика қилиш ва бартараф этиш усуллари эса 7.5-жадвалда келтирилган.

7.5-жадвал

Электростартерларнинг асосий носозликлари сабаблари, уларни диагностика қилиш ва бартараф этиш усуллари

Носозликларнинг сабаблари	Диагностика қилиш усуллари	Бартараф этиш усуллари
Стартер ва тортиши релеси ишга туша олмайди (уланмайди)		
АКБ кучли разрядланган ёки унда носозликлар бор	АКБнинг разядланиш даражасини электролит зичлиги ёки юклама айриси ёрдамида аниқланади	Носоз АКБ янгисига алмаштирилади
Боғланишларда контакт бузилган, электр таъминоти ёки стартерни бошқариш занжири симларида узилиш бор	Тестер ёки вольтметр билан занжирларнинг ва ушлагичларнинг бутунлиги аниқланади	Зарурият бўлса, ушлагичлар қотирилади, шикастланган симлар алмаштирилади
Кўшимча реле, ўт олдириш калити иши бузилган	Стартер бевосита АКБга уланади. Стартер нуқсон сиз ишлётганда ёки ўт олдириш калити ишдан чиқкан	Носоз элементлар алмаштирилади ёки таъмирланади
Тортиш чўлғамида узилиш, ўрамлараро туташув “масса” билан туташув туфайли тортиш релесидаги носозликлар, контакт дискининг тақалиши ёки силжиши	Тортиш релесидаги контакт болтлари қўшимча сим билан туташтирилганда стартер ишлаб кетади	Қисмларга ажralадиган реле таъмирланади, носоз элементлар созларига алмаштирилади

Стартер чўлғамларида қисқа туташув	Назорат лампаси ёки тестер билан текширилади	Стартер таъмирланади
Тортиш релеси уланади, лекин стартер якори айланмайди ёки секин айланади		
АКБ кучли разрядланган	АКБ ни разрядлаш даражаси аниқланади	Разрядланган АКБ меъёргача зарядланади
АКБ клеммаларидағи контакт ёмон, тортиш релеси контакт болтларидағи гайка яхши қотирилмаган	АКБ ва тортиш релеси қисқичларидағи маҳкамланиш даражаси текширилади	Ёмон контакт бартараф этилади
Тортиш релеси контакт дискаси ишида бузилиш	Тортиш релеси болтлари бевосита қўшимча сим билан туташтирилади, стартер ишлаб кетса, реле носоз ҳисобланади	Тортиш релеси алмаштирилади ёки таъмирланади
Стартер коллектори кучли ифлосланган ёки оксидланган	Коллектор ташки томон дан кузатилади	Коллектор юзаси шиша қопланган майда донали жилвир билан тозаланади ёки токарлик станогида қирилади. Мойланган коллектор бензинда қўлланган замш билан артилади
Чўткалар кучли емирилганлиги “осилиб” қолиши	Коллектор томонидан чўткаларни босиб кўриб текширилади	Чўтка узели таъмирланади
Чўтка узелида “масса” билан туташув	Назорат лампаси ёки тестер билан текширилади	Туташув сабаби бартараф этилади
Чўтка ушлагич пружинаси бўшашиб қолган	Динамометр билан пружинани сиқиши кучи текширилади	Зарурият бўлса пружина алмаштирилади
Уйғотиш ва якор чўлғамлари “масса” ёки ўрамлараро туташиб қолиши	Назорат лампаси ёки тестер билан теширилади	Зарурият бўлса, якор ёки уйғотиш алмаштирилиб стартерни таъмирлаш
Якорнинг тиқилиб қолиши	АКБга уланган НЛ ёки вольтметр билан текширилади. Кучланиш пасайиши кучли бўлса, якор тиқилиб қолади	Стартер таъмирланади ёки алмаштирилади
Тортиш релеси уланади ва дарров узилади (тез - тез қайтариладиган шиқиллаш овози эшишилади)		
АКБ кучли разрядланган	Разрядланиш даражаси	АКБ зарядланади
Стартер электр таъминоти занжирида контакт ёмон	Тестер билан контакт ёмон жой аниқланади	Аниқланган ёмон контакт бартараф этилади
Ўт олдириш калитининг электр қисми ишдан чиққан	НЛ ёки тестер билан текширилади	Ўт олдириш калитининг носоз электр қисми алмаштирилади
Тортиш релесини ушлаб турувчи чўлғамида узилиш ёки контакт ёмон	Тестер билан текширилади	Реле таъмирланади

<i>Стартер уланади, лекин узатма шестеряси маҳовик гардиши билан тишлана олмайди</i>		
Етаклаш ва эркин юриш муфталари орасидаги пружиналар бўшалиб қолган	Стартерни қисмларга ажратган ҳолда текширилади	Таъмирлаш жараёнида пружиналарни алмаштириш
Стартер шестеряси ёки маҳовик гардишида уринган жойлар бор	Кузатиш орқали аниқланади	Стартер ёки маҳовик гардиши таъмирланади
Якор вали узатмаси механизмида қадалиш бор	Қўл билан текширилади	Шлицалар тозаланади ва ЦИАТИМ - 201,202, 203 мойлари билан мойланади
<i>Двигател ишига тушгандан кейин стартер узилмайди</i>		
Ўт олдириш калитида қадалиш бор	Кузатиш орқали аниқланади	Дарров двигателни тўхтатиши, стартерни узиш керак. Ўт олдириш калити таъмирланади ёки алмаштирилади
Якор вали узатмаси механизмида қадалиш бор	Кузатиш орқали аниқланади	Двигател тщхтилади, стартер узилади. Шлицалар тозаланади ва ЦИАТИМ 201,202,203 мойлари билан мойланади
Тортиш релеси куч kontakt-ларининг ёпишиб қолиши	Кузатиш орқали аниқланади	Тортиш релеси таъмирланади ёки алмаштирилади
<i>Стартер якори айланганда ўта шовқин содир бўлади</i>		
Стартернинг двигателга маҳкамланиши бўшашган	Стартернинг маҳкамланиши текширилади	Зарурият бўлса, маҳкамланиш болт ва гайкалари қотирилади
Узатма томонидаги стартер қопқоғи синган	Қўлда текширилади	Қопқоғни алмаштириб, стартер таъмирланади
Узатма шестеряси ва маҳовик гардиши тишларининг шикастланиши	Кузатиш орқали аниқланади	Узатма алмаштирилади ёки маҳовик гардиши таъмирланади
Узатма механизми - ишдан чиқиши ёки уни якор вали шліттаси бўйича қийинчиллик билан юриши	Қўлда текширилади	Носоз узатма механизми алмаштирилади, шлицалар ифлосликдан тозаланади ва усти мойланади
Подшипниклар ёки якор вали бўйинларини ейилиш	Қисмларга ажратилган ҳолда стартер текширилади	Втулка ёки якорни алмаштириш орқали таъмирланади
Двигателга стартер-холда кийшайган ўрнатилган	Кузатиш орқали текширилади	Қийшайганлик бартараф этилади

Стартерларга техник хизмат кўрсатишда, аввал, стартер занжиридаги симлар ва клеммаларнинг ҳолати, сўнгра стартер чўткалари ҳамда

коллекторнинг ҳолати текширилади. Коллекторнинг ишчи юзаси кўп куймаган ва силлиқ бўлиши лозим. Ишчи юза кирланган бўлса, бензин билан намланган тоза латтада артилади. Агар кувиш изини ва кирларни тозалашга эришилмаса, у ҳолда коллекторни майин ойнасимон (донадорлиги 80-100 бўлган) жилвир билан тозалаш керак. Чуткалар чуткатуткичда тиқилмай эркин силжиши ҳамда кўп ейилмаган булишлари лозим.

Стarter релесидаги контактларнинг ҳолати текширилади, контакт юзаси эса чангдан тозаланади. Контактлар бирмунча куйган бўлса, уларни майин ойнасимон жилвир ёки майин тишли текис эгов билан тозаланади. Агар контакт болтларини контакт диски билан туташадиган жойларида ейилиши катта бўлса, у ҳолда уларни 180°C га буриш лозим. Двигателдан ечиб олинган стартерни салт ишлашда ва тўла тормозланиш режимида текширилади. Салт ишлаш режимида, стартер истеъмол қилаётган ток микдори ва айланишлар частотаси текширилади. Тўла тормозланиш режимида истеъмол токи, кучланиш ва тормозлаш моменти ўлчанади. Ушбу режимда стартерни улаш давомийлиги 5 сониядан ошмайди.

Стarter шестернясининг ўқ бўйича ҳаракатланишини текшириш ва ростлашда аккумулятор батареясининг плюсли клеммасини стартер релеси чулғамини чиқариш клеммасига, минусли клеммасини эса стартер корпусига («массага») уланади. Бунда, реле якори тортилади ва шестерняни суради. Шестернянинг ён қисми билан тирак халка орасидаги тиркиш, металл чизгич ёрдамида улчанади. Чанглардан тозалаш учун стартер ҳаво билан пуркалади. Стартернинг ички бўшлиғи кучли ифлосланганда эса уни қисмларга ажратиб тозалаш зарур.

Стarter қопқоини ва юритмасини ифлосликлардан керосинда намланган латта ёрдамида тозаланади. Юқоридаги деталларни керосинли ваннага ботириб ювиш таъқиқланади, чунки эркин юриш муфтаси юритмасидаги ва бронзаграфитли ғовак сирпаниш подшипникларидаги мойлар ювилиб кетиши мумкин. Юритма ҳаракатланадиган стартер вали ЦИАТИМ-201 ёки ЦИАТИМ-202 мойи билан мойланади. Автомобилни қишида ишлашга тайёрлашда (МХКда), юргазиш иситгичини, шунингдек, двигатителни юргазишга кўмаклашувчи бошқа ёрдамчи воситаларнинг ҳолати ва ишлаши текширилади.

Ёритиш ва огоҳлантириш анжомларининг носозликларини келиб чиқиши лампочкаларнинг кувиши, узгич-улагичларнинг ишдан чиқиши натижасида рўй беради. Энг асосий қийинчилик фараларнинг носозлиги аниқлашдан иборат. Яқин ёритиш чироқлари 30м ни, узоқ ёритиш чироқлари 100 м масофани ёритиши керак. Бурилиш чироқларининг ўчиб ёниш частотаси $1,5\pm0,5\text{Гц}$ ни ташкил қилиши керак.

Фаралар маҳсус оптик приборлар ёки автомобилдан маълум масофада деворга ўрнатилган маҳсус экран ёки жиҳозлар ёрдамида созланади. Ростлаш вақтида битта фара ёруғлик нури ўтказмайдиган ғилоф билан ёпиб қўйилади. Агарда фарани созлашда экрандан фойдаланилса, у ҳолда экран, автомобилнинг турига қараб, ундан 5-12м гача узоқликда жойлаштирилиши мумкин. Агар ёруғлик шарпасининг эллипссимон шакли маркази билан

экрандаги вертикал ва горизантал чизиқларнинг кесишиш нүктаси мос тушмаса, фаралар ростлаш винтлари ёрдамида созланади. Шундай тартибда иккинчи фара ҳам созланади.

Ёритиш жиҳозларининг яроқсиз деталлари алмаштириш йўли билан таъмиранади.

7.5.4. Текширув-назорат асбобларига техник хизмат кўрсатиши

Текширув-назорат асбобларининг ишлаш қобилияти ва тўғри кўрсатиши текширилади. Уларнинг носозликлари сим чулғамларининг куйиши, симларнинг узилиши, нотўғри кўрсатиши бўлиб, тузатиб бўлмаса, улар янгисига алмаштирилади. Мой босими, сув ҳарорати ва ёнилғи сатхининг кўрсатгичлари датчик ва қабул қилувчиларнинг ишчанлигини текшириш учун, улар автомобилдан ечиб олинади ва маҳсус жиҳозлар ёрдамида меъёр кўрсатгичларига таққослаб текширилади.

Датчик ёки приёмникнинг носозлиги аниқланганда уларни соз ҳолатдаги датчик ёки приёмник билан алмаштириш тавсия этилади, чунки датчик ва приёмник конструкцияси қисмларга ажралмайди ва эксплуатация жараёнида таъмиранмайди.

Магнитоэлектрик ҳарорат кўрсаткичлар созлигини текширишни 20°C да ва маълум бир кетма-кетлик билан амалга ошириш тавсия этилади, бунинг учун датчик ва приёмник автомобилдан ечиб олиниши керак. Приёмник мосламага ишчи ҳолатда ўрнатилади. Датчик тўлдирилган ва радиатор қопқоғи билан беркитилган маҳсус ваннага солинади. Радиатор қопқоғи ваннадаги сув ҳароратини 100°C дан оширишга имкон беради.

Мой ҳароратини ўлчаш учун мўлжалланган датчиклар мой тўлдирилган ваннада текширилади.

Приемник шкаласининг текшириладиган нүкталари, $^{\circ}\text{C}$	40	80	100	110	120
Рухсат этилган ҳатолик, $^{\circ}\text{C}$	± 8	± 5	± 5	± 6	± 6

Ҳатолик юқори бўлган ҳолатда ҳарорат кўрсаткичнинг приёмниги ва датчигини алоҳида текшириш лозим.

Агар бу кўрсаткичлар меъёр чегарасида бўлса, асбоблар соз ҳолда ҳисобланади акс ҳолда янгисига алмаштирилади.

7.5.5. Ўт олдириш тизимига техник хизмат кўрсатиши

Ўт олдириш тизимида учрайдиган асосий носозликлар. Ўт олдириш тизимидағи элементлар бўйича носозликларнинг содир бўлишини ҳар бири бўйича кўриб чиқамиз. Юқори кучланишли ғалтакнинг носозликларига ғалтак қопқоғининг дарз кетиши ва куйиши, бирламчи ва иккиламчи чулғамлар ҳимоя қобиқларининг куйиши оқибатида ўрамлар орасидаги қисқа туташув, чулғамларни уланган жойидан узилиб қолиши, қўшимча резисторнинг узилиб қолиши ёки бирлашган қисмларнинг бўшашиб қолишлари киради.

Куйида ўт олдириш тизимларида учрайдиган носозликлар, уларнинг юзага келиш сабаблари ва бартараф қилиш усуллари жадвал кўринишида берилган.

7.6-жадвал


Ўт олдириш тизимларида учрайдиган носозликлар, уларнинг юзага келиш сабаблари ва бартараф қилиш усуллари

Носозликни юзага келиш сабаблари	Бартараф қилиш усули
Двигател ишга тушмаяпти	
Бирламчи ток занжирида узилиш мавжуд	Тестер ёрдамида бирламчи ток занжирини текшириш, узилиш жойини топиш ва бартараф этиш
Узгич контактларининг кувиши ёки мойланиб қолиши	Контактларни тозалаш ёки бензин билан артиб ташлаш
Марказий кўмир контактни «осилиб» қолиши ёки югурдакнинг халақит босувчи резисторини ишдан чиқиши	Кўмир контакт ёки пружинани алмаштириш, югурдакни алмаштириш
Узгич пишангчасининг корпусга қисқа туташиши	Пишангчани алмаштириш
Конденсаторни ишдан чиқиши	Конденсаторни алмаштириш
Датчик ёки коммутаторни ишдан чиқиши	Датчик ёки коммутаторни алмаштириш
Ўт олдириш ғалтагининг ишдан чиқиши	Ўт олдириш ғалтагини алмаштириш
Марказий юқори кучланиш ўтказгичнинг изолациясини тешилиши	Ўтказгични алмаштириш
Двигателнинг нотекис ишилаши	
Ўт олдириш занжиридаги ўтказгичларнинг уланиш жойи ва контактларнинг бўшашиб қолиши	Ўтказгичларни уланиш жойларини маҳкамлаш, контактларни тортиш
Узгич контактлари орасидаги тирқиши меъридан паст	Тирқиши ростлаш
Тақсимлагич қопқоғининг ички юзи ва югурдакни ифлосланиши, қопқоқдаги контакт уячаларнинг кувиши ёки дарз кетиши.	Тақсимлагич қопқоғининг ички юзи ва югурдакни тозалаш, носоз қисмларни алмаштириш
Узгич пишангчаси пружинасининг бўшашиб кетиши	Пружинани алмаштириш
Чақмоқ электродлари орасидаги тирқиши меърида эмас ёки чақмоқларни қурум қоплаган	Чақмоқ электродлари орасидаги тирқиши ростлаш, чақмоқни босим остида қум сочувчи қурилма ёрдамида тозалаш
Узгич контактларининг кувиши	Узгич контактларини тозалаш
Чақмоқнинг зичлиги бузилган	Чақмоқни алмаштириш
Узгич-тақсимлагич валчасининг втулкаси, тақсимлагич қулачоги, харакатланувчи контакт ўқи ейилган	Узгич-тақсимлагичнинг ейилган қисмларини алмаштириш
Юқори кучланиш ўтказгичларининг изолацияси тешиб ўтилган	Юқори кучланиш ўтказгичини алмаштириш

Үт олдириш ғалтагида ўрамлар аро қисқа туташув	Үт олдириш ғалтагини алмаштириш
Двигател тұла қувватни авж эттира олмайды	
Үт олдириш дақиқаси нотұғри ўрнатылған, марказдан қочма ростлагич носоз (юкчаларни тишилашиб қолиши ёки пружинанинг узилиши)	Үт олдириш дақиқасини қайтадан ўрнатыш, марказдан қочма ростлагичнинг ишдан чиққан қисмларини алмаштириш
Вакуум ростлагичи носоз	Вакуум ростлагич ёки сийракланиш узатиладиган қувураны алмаштириш

Узгич тақсимлагичнинг носозликлариға контактларнинг мойланиши ёки күйиши, узгич конактлари орасидаги тирқиши етарли эмаслиги ёки жуда катталиги, конденсаторнинг шикастланиши ёки күйиши, ротор ва қопқоқни ифлосланиши, қопқоқни дарз кетиши, ричаг пружинаси таранглигининг бўшашиши, етакловчи валик втулкасининг ейилиши, узгич ричаги втулкасининг ёки турткичининг ейилиши, подшипникнинг ейилиши, марказдан қочма созлагич пружинасининг кучсизланиши ва юкчаларнинг қадалиб қотиб қолиши, вакуумли ростлагич диафрагмасини тешилиши, узгич кулачогининг ейилиши, марказдан қочма ростлагич юкчаларининг тешиклай ва ўқларининг ейилиши, ҳимоя қобиқи ёки «масса» симларининг узилиши, таксимлагич қопқоғи ички юзасидаги электродларнинг күйиши ва оксидланиб қолиши, юқори кучланишли симларнинг ҳимоя қопламларини күйиши кабилар киради.

Свечаларнинг асосий носозликлари корпус ва марказий электрод бўйича герметикликнинг етарли эмаслиги, ён ва марказий электродларни ейилиши, ҳимоя қоплами этагининг емирилиши, свечанинг ички юзаларида электродлар орасидаги ҳаво тирқишини қисқаришига олиб келувчи қурум қопламини (7.49-расм) пайдо булишидир.



7.49-расм. Эрозияланган узгич контактлар орасидаги тирқиши ясси шчуп билан ўлчаш

Агар двигателда карбюратор ва үт олдириш тизими тўғри созланган ва меъёрий ишласа, шунингдек, ишлатилаётган ёнилғи сифатли бўлса, у холда двигательдан ечиб олинган свечанинг ранги занги жигарранг кўринишида бўлади. Ишлаш давомийлигига қараб корпус юпқа қурум қатлами билан қопланади. Марказий электрод меъёрий кул рангга тусида бўлади. Бундай свечаларни темир шетка ёки қумкоғоз билан тозалаб, тирқишини ростлангандан сўнг яна двигателга ўрнатиш мумкин.

Агар свечанинг ёниш камерасига кириб турувчи қисми майда қурум заррачалари билан қопланган бўлса, демак бунинг асосий сабаблари аралашмани ўта бойлиги, ҳаво тозалагичнинг ифлосланиши, учқуннинг кучсизлиги, двигательни қўп вақт салт ишлаш режимида ишлаши ва клапанлар иссиқлик тирқишининг нотұғи ростланганлигидир.

Свечани мой билан қопланиши поршен ҳалқаларининг ейилганлиги, клапан салниги тешигининг кенгайиб кетганлиги, двигателдаги мой сатхининг юқорилиги, мой филтрини ифлосланиши, карбюратордаги аралашманинг бойлиги, ўт олдириш тизимининг носозлиги туфайли содир бўлади.

Свечада қулранг-жигаррангдан то қулранг-кўк ранггача бўлган қурумнинг мавжудлигига свечанинг калил сонини пастлиги, карбюратордаги аралашманинг камбағал бўлиши, ёндириш моменти эрталиги, поршен тубини ва цилиндр каллагини қурум билан қопланиши, двигател цилиндрига қўшимча ҳавонинг сўрилиши, свечада зичлаш ҳалқасининг йўқлиги сабаб бўлади.

Юқори кучланишли симларнинг асосий носозликларига ҳимоя қопламишининг ёрилиши ва тешилиши, учларининг кучсиз қисилиши туфайли ёмон контактда бўлиши, синишлар, узилишлар ва қаршиликнинг ортиб кетиши киради.

Ўт олдириш тизими니 диагностикалашда электрон-нур трубкали қўзғалмас мотор-тестрлардан, ҳамда электрон автотестрлардан (сонли акс эттирувчи) фойдаланилади.

Носозликларни цилиндрлар бўйича акс эттириш бирламчи ва иккиламчи сим чулғамлари орасидаги кучланиш фазаларини ўзгариши ва иш жараёнини қўп маротаба такрорланиши ҳисобига амалга оширилади. Электрон-нур трубкаларида кучланишнинг ўзгаришини баҳолаш назар ташлаш ва этalon шакл билан таққослашдан иборат.

Охирги вақтларда узгич контактлари орасидаги тирқиши катталигини аниқловчи тахометр ва вольтметрдан иборат бўлган оддий асбоблар қўлланилиб, улар 20 В ва 0,5-1,0В гача(контактлар биришиб турган ҳолатдаги кучланишни аниқлаш учун) оралиқдаги кучланишни ўлчаш учун мослашган.

Тақсимлагични даврий равишда мойлаб туриш, унинг контактлари орасидаги тирқиши текшириш ва ростлаш, деталларнинг ҳолати ҳамда тозалигини кузатиб бориш лозим.

Хизмат кўрсатиш вақтида тақсимлагични маҳкамланганлиги текширилади ва зарур бўлса, уни маҳкамланади. Маҳкамлашдан аввал ўт олдириш моменти тўғри ўрнатилганлигини текшириш лозим. Тақсимлагич қопқоғи ечиб олиниб, уни ички ва ташқи сиртлари кирдан тозаланади.

Узгич контактлари ораси мой қолдиқлари ва чангдан бензин шимдирилган замш материалида тозалаш керак.

Куйган контактлар махсус абразив пластина ёки донадорлиги 150 бўлган майин ойнасимон жилвир билан тозалаш зарур (7.53-расм). Контактларни тозалашда ишлаш вақтидаги уларнинг юзасида ҳосил бўлган дўнглик ва чуқурликлар текисланиши лозим. Бу дўнглик ва чуқурликларни тўлиқ текислаш тавсия этилмайди.

Контактлар тозалангандан сўнг уларни ҳаво билан пуркаш, сўнгра бензинда енгил намланган замш билан артиш ва контактлар орасидаги тирқиши созлаш лозим.

Ҳаракатланувчи контакт ўқида қадалиб колишини текшириш учун ричагни бармоқ билан тортиб, сўнг қўйиб юборилади. Куйиб юборилган ричаг пружина ёрдамида чертилгандек, тез суратда дастлабки ҳолатига қайтиши лозим. Агар ричаг дастлабки ҳолатига секин қайтса, у холда ҳаракатланувчи контакт ёки контакт тўлиқ ҳолда янгисига алмаштирилади.

Тақсимлагичдаги марказдан қочма ва вакуумли созлагичларнинг ишлаши ҳамда учқуннинг бир маромдалигини текширишни, шунингдек, контактларнинг очик ҳолатда туриш бурчакларини ўрнатишни маҳсус СПЗ-12 жиҳозида ёки шунга ўхшаш жиҳозларда амалга ошириш даркор. Узгич ўқининг ичқуймаси ҳамда кўпгина автомобилларда қўлланилаётган вакуум созлагич подшипниги даврий равишда мойлаб туриш лозим.

Ўт олдириш бурчагини аниқ созлаш ишлаётган двигателда стробоскоп ёрдамида бажарилади. Унинг ишлаши қисқа вақт (0,0002с) оралиғида белгиланган онларда айланувчи детални қисқа ёруғлик импульси билан ёритилса, у қўзғалмас бўлиб қўринишига асосланган. Шунга асосан тирсакли валнинг кичик, ўрта ва катта айланишлар сонида ўт олдириш бурчагининг меъёрий қийматлари текширилади. Текширув натижаларига кўра узгич-тақсимлагич созланади ёки алмаштирилади. Алмаштирилган узгич-тақсимлагич устахонада таъмирланади ва таъмирлаш сифати жиҳозлар (СПЗ-12 каби) ёрдамида текширилади.

Изолятор юпкачасидаги қурумни Э203 ёки 541-2М белгили қум сочувчи курилмаларда тозаланади. Қурумни ўткир пўлат асбоблар ёрдамида олиб ташлашга уриниш изоляторнинг юзаси тирналишига ва юқори кучланишни массага ўтиб кетиш йўлакчалари ҳосил бўлишига олиб келади. Ўт олдириш чақмоқларини очик оловда (масалан ёнаётган газда) қиздириш йўли билан қурумни йўқотиш усули жуда заарли ҳисобланади. Чунки бунда чақмоқ зичлигини йўқотади ва ишдан чиқади.

Чақмоқларни ечиш ва қайта қотириш учун автомобилнинг асбоблар жамламасидаги маҳсус чақмоқ ключидан фойдаланиш керак. Бу мақсадда оддий гайкаключи ёки ясси омбирни ишлатиш чақмоқ қорпусидаги кирраларни ейилишига изоляторни синишига олиб келади.

Чақмоқларнинг ишлаш муддати кўп жиҳатдан уларни двигателда ишлаш шароитига боғлиқ. Паст айланишлар частотали, сиқиши даражаси кичик бўлган двигателларга ўрнатилган чақмоқлар жадаллаштирилган, сиқиши даражаси юқори бўлган двигателларга ўрнатилган чақмоқларга нисбатан узокроқ ишлайди. Баъзи автомобил заводлар барча ўт олдириш чақмоқлар жамламасини уларнинг ҳолати ва иш қобилиятидан қатъий назар автомобил маълум белгиланган масофани босиб ўтгандан кейин алмаштиришни тавсия қиласи. Масалан ВАЗ 30000 км дан кейин УзДЭУавто эса 20000 км дан кейин.

Игнали синов мосламаси мустақил ён электрод 4та ЎО чақмоғидан 2та марказий электродлар орасидаги тирқиши 7 - 10мм бўлган 2та разрядловчи ҳосил қилиш билан тайёрланади

**Микропроцессорли ЎОТ даги носозликларнинг асосий сабаблари,
уларни диагностика қилиш ва бартараф этиш усуллари**


Носозликларнинг сабаблари	Диагностика қилиш усули	Бартараф этиш усули
<i>Двигател ишига тушмайды</i>		
(+) АКБдан ЎО калитигача бўлган занжирдаги контактли боғланишлар бузилган	+ АКБдан бошлаб занжир бўйин ҳолати НЛ ёки вольтметр билан текширилади	Контакт боғланишдаги бузилишлар бартараф этилади, зарурият бўлса ЎО калити электр қисми алмаштирилади
ЎО ғалтаги бирламчи чўлғамида узилиш ёки иккиламчи чўлғамида қисқа туташув бор	Тестер ёки мультиметр билан ЎО ғалтаги чўлғамлари қаршилиги текширилади	Носоз ЎО ғалтаги янгисига алмаштирилади
ЎО чақмоқларида носозлик бор	ЎО чақмоғи иссиқлик конус ранги текширилади	ЎО чақмоғи курумдан тозаланади, созланади ёки янгиси ўрнатилади
Контроллерда носозликлар бор	Носозликлар коди бўйича ёки сканер билан текширилади	Зарурият бўлса, контроллер алмаштирилади
ЎО калитидан контроллер боғланиш уясигача бўлган занжирда узилиш бор	ЎО калитидан контроллер боғланиш уясигача бўлган занжир кетма-кет текширилади	Узилишлар бартараф этилади ва боғланиш уясидаги контакт тикланади
ЭПХХ электропневмоклапанида носозликлар бор	Клапанни узиб ва қўшиб текширилади. Агар шиқиллаш эшитилса, клапан соз ҳисобланади	Зарурият бўлса, клапан янгисига алмаштирилади
<i>Двигател тўла қувватга эриша олмайди</i>		
Совитувчи суюқлик ҳарорати датчигида носозлик бор	Мультиметр билан датчик клеммаларида кучланиш пасайиши ($3,43\pm3,73$ В) текширилади	Зарурият бўлса, датчик алмаштирилади
Бурчак импульслари датчигида носозлик ёки нотўғри ўрнатилган	Маховик гардишига нисбатан датчик тўғри ўрнатилганлиги текширилади ёки мультиметр билан унинг қаршилиги ўлчанади ($350\ldots450$ Ом)	Датчик билан маховик гардиши учи ўртасидаги тирқиши ($0,3\pm1,2$ мм) ўрнатиш билан созланади
Абсолют босим датчигида носозликлар бор	Чиқув клеммаларидағи чиқув кучланиш ($4,6\pm4,8$ В) текширилади	Зарурият бўлса датчик янгисига алмаштирилди
Контроллер иш дастурида чекинишлар бор (сбой)	Тизим элементлари текширилади. Агар улар соз бўлса, дастурдаги чекинишлар носозликлар	Зарурият бўлса, контроллер алмаштирилади

	коди бўйича ёки сканер ва мотортестер билан баҳоланади	
ЎО ғалтагида носозликлар бор	Игнали синов мосламасида учқун ҳосил бўлиши текширилади	Зарурият бўлса, ЎО ғалтаги алмаштирилади
<i>Двигател узилиб - узилиб ишлайди</i>		
ЎО чақмоқларида носозлик бор	Иссиқлик конуси ҳолати ва ЎО чақмоғи тирқиши текширилади	Зарурият бўлса, ЎО чақмоғи алмаштирилади
Юқори кучланиш симлар ёки халақитарини йўқотиш ушлагичларida носозлик бор	Мотор-тестер ёрдами билан иккиласмчи кучланиш осцилограммалари бўйича текширилади	Зарурият бўлса, юқори кучланиш симлари ёки ушлагичлар алмаштирилади

Носозликлар кодининг НЛ ва диагностика колодкаси (7.50-расм) ёки мотор - тестер ва сканерни улаган ҳолда аниқланади.

Двигател ва унинг компонентларини электрон бошқариши тизими 1 - ТК да нафақат мотор-тестер, сканер, мультиметр, стробоскоп, газоанализатор, монометр ва вакуум - насослардан фойдаланган ҳолда қуйидаги технологик схема бўйича диагностика қилиши зарур:

- электр бензонасос, ёнилғи фильтри ва ёнилғи босим ростлагичининг иш қобилиятини аниқлаш учун тизимнинг бир неча нуқталарида ёнилғи узатиш босими манометр ёрдамида ўлчанади;
- элетромагнит форсунка чўлғамларини қаршилиги мультиметр билан ўлчанади. Унинг қиймати 15,5 - 16,0 Ом ни ташкил этиши керак;
- мультиметр билан совитиш суюқлиги ҳароратига кўра датчик қаршилиги ўлчанади. Ҳарорат 15 - 20°C бўлганда у 43,0 Ком ни ташкил этиши керак. Айрим ҳолларда носозликлар коди бўйича сканер ёрдамида датчик игнали ўлчанади (унинг юқори ёки паст даражалиги);



7.50 - расм. Диагностик колодка
(боғловчи уя)
а-колодканинг ўзи; б-улагич
(қўшимча сим);
1 – 12-колодка клеммалари

Бензинли двигателнинг электрон бошқариш (ёнилғи пуркаш ва ЎО) тизимидағи носозликларнинг асосий сабаблари, уларни диагностика қилиш ва бартараф этиш усуллари

Носозликларнинг сабаблари	Диагностика қилиш усули	Бартараф этиш усули
<i>Двигател ишга тушмайды</i>		
ЎО чақмоқларида носозлик бор	Электродлар орасидаги тирқиши ва иссиқлик конуси ҳолати бўйича текширилади	Зарурият бўлса, ЎО чақмоқлари алмаштирилади
Электромагнит форсункада носозлик бор	Чўлғам қаршиликлари мультиметр ёки тестер билан текширилади (15,5 - 16,0 Ом)	Зарурият бўлса, электромагнит форсунка алмаштирилади
Электробензонасосда носозлик бор	АКБдан насос релеси чиқувигача бўлган электр занжири текрилади	Аниқланган узилишлар бартараф этилади ёки зарурият бўлса электробензонасос ва насос релеси алмаштирилади
Бошқариш тизими датчикларидан бирида носозлик бор	Сканер ёки мультиметр билан текширилади	Зарурият бўлса, носоз датчиклар янгисига алмаштирилади
<i>Двигател узилиши билан ишлайди ва тўла қувватга эриша олмайди</i>		
Датчиклардан бирида носозлик бор: Советувчи суюқлик ҳарорати, сўриладиган ҳаво, тирсакли вал, детонация, дроссел тўс-мақопқоғи ҳолати, ҳавонинг массаси сарфи, фазалар ва х.к; контроллер, ЎО чақмоғи, юқори кучланиш симлари, ЎО ғалтаги ёки модулида носозликлар бор	Носозликлар сканер, мотор-тестер ёки диагностика ёрдами билан аниқланади. Носозлик лар 48та сонли қиймат кўринишида “12” дан “182” гача кодланган. Ҳар бир сканер учун бир неча диагностик карта ёки картриджлар бўлиб, у автомобил ва двигател турига боғлиқ. Сканер диагностик ахборотни қоғозли юритувчи (распечатка) га, осциллограф ёки шахсий компьютер дисплейи экранига туширади. Аниқланаб ва бартараф этилган носозликлар коди контроллер хотирасидан ўчирилади. Сканер ёки мотор-тестер ёрдами билан диагностика қи-лишдан олдин датчик ахборотларини узатадиган ва электр таъминоти занжирларни қисмлар бўйича диагностика қилиш ҳажмини аниқлаб олиш учун мультиметр билан текшириш мақсадга мувофиқдир	Зарурият бўлса носоз датчик қурилмалари янгисига алмаштирилади

- газанализатор билан катализитик нейтраллаш асбоби маҳсус тешиги орқали CO, C_nH_m ва O₂ концентрациялари, мотор - тестер ёки сканер ёрдами билан эса маҳсус тест бўйича кислород датчиги (λ -зонди) чиқувидаги кучланиш двигателнинг ҳар хил иш режимида ўлчанади;
- осциллограф ёки мультиметр билан двигател тирсакли валнинг ҳар айланишлар частотасида кислород датчиги сигнал берувчи симининг кучланиши щлчанади;
- сканер билан контроллернинг созлаш дастури теширилади;
- сканер, мотор - тестер ва стробоскоп ёрдами билан ЎОТ параметрлари ўлчанади, шу жумладан учқун разряди давомийлиги, иккиламчи кучланиш қиймати, ЎО чақмоғидаги тешиш кучланиши қиймати ва ЎО ни илгарилатиш бурчаги;
- салт юриш ростлагичи, дроссел тўсмақопқоғи ҳолати датчигининг иш қобилияти ва электрон параметрлари (уни дроссел қисқа қувурига тўғри ўрнатилганлиги ҳам) аниқланади;
- ҳавонинг массали сарфи датчиги орқали ҳаво миқдори ўлчанади ва “СО миқдори” созвовчи винти текширилади;
- носозликларнинг кодларини ҳисоблаш усули билан электрон блокнинг ўз - ўзини диагностика қилиш қурилмаси текширилади;
- ТХК ва зарурий ЖТ ишлари бажарилгандан кейин контроллер хотирасидан носозликлар коди чиқазиб ташланади.

Носозликлар кодини диагностика колонкаси “10” ва “12” учларини қисқа туташтириш билан сигнализаторнинг ишга тушиш сони ёки асбоблар кутисидаги ёруғлик таблоси орқали текширилади.

Бунда “12” коди 3 марта пайдо бўлиши, ундан кейин қуийидаги тизим носозликларини акс эттирувчи кодлар пайдо бўлади:

- 15 ёки 13 - абсолют босим датчиги занжиридаги қисқа туташув;
- 16 - абсолют босим датчиги занжиридаги узилиш;
- 21 ёки 14 - совитувчи суюқлик қарорати датчиги занжиридаги қисқа туташув;
- 22 ёки 15 - совитувчи суюқлик ҳарорати датчиги занжиридаги узилиш;
- 25 ёки 49 - борт тармоғидаги кучланиш 10В дан кам;
- 26 ёки 48 - борт тармоғидаги кучланиш 18В дан ортиқ;
- 53 - бурчак импульслари датчигидаги носозликлар;
- 51, 52, 61..65 - контроллердаги носозликлар;
- 197 - ЭПХХ электрик пневмоклапан занжиридаги қисқа туташув;
- 198 - ЭПХХ электрик пневмоклапан занжиридаги узилиш;

Ҳозирги вақтда замонавий автомобилларнинг (Нексия, Ласетти, Хундай, Матиз ва х.к.) ўт олдириш ва ёнилғи таъминот тизимини электрон бошқариш блоки ёрдамида бошқариш амалга оширилмоқда.

Қуийда Хундай Н-1 автомобиларида қўлланиладиган электрон бошқариш блоки тўғрисида маълумот келтирилган.

7.5.6. Электрон бошқариш блокига техник хизмат кўрсатиши

Электрон бошқариш блоки(ЭББ)га эга бўлган автомобилларда тизимни диагностикалаш Hi-Scan ёки Launch-X431 туридаги сканерлар ёрдамида амалга оширилади. Сканерларда электрон шаклида мавжуд бўлган меъёрий кўрсаткичлар мажмуаси, автомобил ёнидан жилмай туриб унинг диагностикалаш кўрсаткичларини аниқлашга имкон беради. Hi-Scan сканерлаш асбобининг кўрсатличларни ўлчаш қисми ўз ичига мультиметр, рақамли осциллоскоп ва сигналлар симулятори датчикларини олади. Улар автомобилга ўрнатилган барча датчиклар ҳолатини аниқлашга имкон беради.

Hyundai автомобилининг электрон тизимини диагностикалаш ишлари мажмуига қуйидагилар киради:

- автомобилнинг электрон тизимини комплекс назоратдан ўтказиши;
- двигателнинг ЭББ сини ва автомобил тизимларининг бошқариш блоки тизимларини текшириш, ҳатоликларни йўқотиш;
- двигателнинг ишлашини таъминловчи датчиклар(тирсакли вал ҳолати датчиги, тақсимлаш вали ҳолати датчиги, ҳаво сарфи датчиги, дроссел заслонкаси ҳолати датчиги, кислород датчиги ва ҳ.к.)нинг ишлаш ҳолатини аниқлаш;
- ёнилғи таъминот тизимидағи босимни текшириш, ёнилғи наиссининг ишлаб чиқариш қобилиятини аниқлаш;
- генераторнинг ишлашини тестдан ўтказиши;
- JOHNSON Controls фирмасига тегишли тўрт компонентли газоанализатор ёрдамида чиқинди газларни тахлил қилиш.

7.9-жадвал

Электрон тизим ва қурилмаларидағи асосий носозликлар сабаблари, уларни диагностика қилиш ва бартараф этиш усуллари

Носозликларнинг сабаблари	Диагностика қилиш усуллари	Бартараф этиш усуллари
<i>Салт юриши режимида двигател ўчиб қолади</i>		
Штекерли боғланиш-ларда симлар ишончсиз қотирилган	ЭПХХ блокка боғланиш ишончлилиги текширилади	Ишончсиз контакт бартараф этилади
ЭПХХ клапанидаги носозликлар	Тестер билан текширилади ёки клапан узиб кўйилади ва ёпиб кўйилади	Зарурият бўлса, электромагнит клапан алмаштирилади
Бошқариш блокидаги носозлик бор	Тестер билан текширилади	Зарурият бўлса, бошқариш блоки алмаштирилади
<i>Автомобил силкиниб - силкиниб ҳаракат қиласи</i>		
ЭПХХ тизими микроалмашлаб улагичдаги носозликлар	Микроалмашлаб улагич клеммалари ўзаро туташтирилади, агар силкинишлар тўхтаса, микроалмашлаб улагич носоз бўлади	Қурилма созланади ёки микроалмашлаб улагич алмаштирилади

Бошқариш блокидаги носозликлар	Электромагнит клапан АКБ (+) клеммаси билан туташтириллади; силкинишлар тұхтаса, бошқариш блокида носозлик бўлади	Зарурият бўлса, блок алмаштирилади
<i>Бурилиш кўрсаткичи ишламайди (кўрсатгич лампаси ёниб ёки ёнмайди)</i>		
Бурилиш кўрсаткичи релеси носоз ёки занжирда қисқа туташув бор	Тестер ёки НЛ билан релени таъминлаш занжири бўйича текшириллади	Зарурият бўлса сақлагич ёки қисқа тута-шув борлиги аниклан-са реле алмаштирилди
<i>Авариядан хабар берувчи кўрсатгичнинг назорат лампаси ёнмайди</i>		
Авариядан хабар бе-рувчи релесида носоз-лик бор	Тестер ёки НЛ билан текшириллади	Зарурият бўлса, таъмирланади ёки реле алмаштирилди
<i>Ойнатозалагич электродвигатели “узилиш” релесида ишламайди</i>		
Ойнатозалагич узлук-сиз ишлаш релесида носозлик бор	Тестер билан текшириллади	Зарурият бўлса, реле таъмирланади ёки алмаштириллади
<i>Иситгични электрон бошқариши тизими уланганда салонга иссиқ ҳаво кирмайди</i>		
Иситгичнинг тўсма қопқоги узатмасидаги микромоторедукторда носозлик бор	Тестер билан текшириллади	Микромоторедуктор алмаштириллади
Қисқа туташув туфай-ли чўлғам F1 ёки F2 (4.11 - расм) сақлагич куйган ёки занжирда узилиш бор	Бошқариш занжири бўйича кетма-кетликда тестер билан текшириллади	Узилиш ва қисқа тута-шув бартараф этилади ва сақлагич алмаштирилади
Тизим контроллери 6 (4.11.-расм) да носоз-лик бор	Мультиметр билан текшириллади	Зарурият бўлса, контроллер алмаштириллади

7.5.7. Электрон тизим ва қурилмаларни эксплуатация қилиш ва ТХК нинг ўзига хос томонлари.

Ҳозирги пайтда автомобил ва тракторларда қуидаги электрон тизимлар ва қурилмалар ишлатилади: мажбурий салт юриш эканомайзери (ЭПХХ) тизими, бурилиш кўрсатгичи узгичи, авария ҳолати хабарчисининг релеси, эшикларни блокировка қилиш тизими бошқариш блоки, ойнатозалагични узилиб-узилиб ишлаш ҳаракатини бошқариш релеси, иқлим ўрнатгични бошқариш тизими (7.51 - расм) ва бошқалар.

Уларнинг ҳаммаси, автомобил агрегатларини муракаб электрон бошқариш тизими каби, эксплуатация жараёнида улар билан муомалада эҳтиёткорлик чораларини кўришни талаб этилади.


ЎО калити уланганда электрон реле ёки блок боцлагич уяларини ажратиб қўйиш ман этилади, чунки электрон блок компонент (электрон техника буюм) лари ишдан чиқиши мумкин ҳамда борт тармоғига АКБ уланган ҳолда транспорт воситаларида ва электрон тизим ва қурилишда

пайвандлаш ишларини бажаришга руҳсат этилмайди. Транспорт тизимидағи электрон тизим ва қурилмаларни созлаш бўйича ишлаб чиқарувчи заводнинг йўриқномалари бажарилиши зарур, носозликларни излашда киришув қаршилиги юқори бўлган мультиметр ёки тестер қўлланиши керак.

Электрон тизим ва қурилмаларга ТХКда уларнинг иш қобилияти, вақтинчалик цикллар, индикатор лампасини ишга тушиш моменти, меҳнат унумдорлиги ва х. к лар текширилади. Навбатдаги ТХК да ва уларнинг носозлик ҳолларида (7.6-жадвал) электрон блоклар автомобилдан ечиб олинади ва маҳсус стендларда текширилади.

АТЭЖ ва АЭ буюмлари ва тизимларига ТХК ва диагностика ўтказиш транспорт воситаларини юқори техник шайлигини ушлаб туриш имкониятини беради.

ТХК ва диагностика ўтказиш сифати транспорт ташкилотлари ва сервис ҳизмати муҳандис операторларини маҳоратига боғлиқдир.



7.51- расм. Автомобил иситгичини автомат бошқариш тизими схемаси
 1-автомобил салонидаги ҳаво ҳарорати датчиғи; 2-монтаж блоги; 3,4-тегишли равища ҳавони рециркуляция қилиш калити ва узгичи; 5-қўшимча резистор;
 6-контроллер; A-кўрсатгич асбобларини ёритиш узги чига; F1, F2-
 сақлагичлар; HL1, HL2-лампалар; K1, K2-реле контактлари; M1-вентилятор
 электродвигатели; M2-автомобил салонини чақмоқоллатиш

электродвигатели; М3-иситгич түсиги узатмаси микроредуктори; 1 - 6, 1-3-боғлагич уяларининг тартиб номери.

7.5.8. Электр узатмалар ва ёрдамчи электр жиҳозларга техник хизмат кўрсатиш

Электр узатмаси механизмлар ва ёрдамчи электр жиҳозларига ойна тозалагичлар, фаратозалагич ва фараювчлар, иситгичлар ва электровентиляторлар, ойнакўтаргичлар, ойна ва ўриндиқ электриситгичлари, ўриндиқ, орқа қўриниш ойнаси ва антенналарини ҳолатини созвочи моторедукторлар киради. Мазқур механизм ва қурилмаларнинг ишлаш режими (доимий ёки қисқа вақт) электродвигателлар, ҳар хил турдаги электрбуюмлар (термометалл сақлагич, иситиши элементи ва х. к) нинг ишончлилигига боғлиқ бўлиб, ишлаш қобилияти текширилади. Бунда уларнинг меъёрий техник ҳужжат (НТД) ларга мос ишчи цикллари қандай бажарилишига алоҳида эътибор берилади. Навбатдаги ТС да электрузатмалар истеъмол қиласидан ток кучини ўлчаш тавсия этилади.

7.6. Автомобилларнинг трансмиссиясига техник хизмат кўрсатиш ва таъмираш ишлари технологияси

Маълумки, автомобил трансмиссиясининг асосий агрегатларига илашиш муфтаси, карданли узатма, шестерняли ёки гидромеханик узатмалар қутиси, тақсимловчи қути ва етакловчи кўприк (асосий узатма ва дифференциал) киради. Автомобилларнинг трансмиссияси агрегатлари барча носозликларнинг 10-15% ни ва техник хизмат кўрсатиш умумий меҳнат ҳамда материаллар сарфининг 40% ини ташкил этади.

Трансмиссия агрегатларининг асосий носозликлари. Трансмиссия агрегатларидағи носозликлар автомобилнинг эксплуатация қилиш жараёнида, шунингдек, айрим деталларнинг ростланишини бузилиши, ейилиши ёки синиши оқибатида вужудга келади. Агрегатларнинг бошлангич ҳолатини тиклайдиган ростлаш ишларини бажариш ёки айрим деталларни алмаштириш натижасида носозликлар бартараф этилади.

Илашиш муфтасидаги носозликлар қўпинча унинг тўлиқ, уланмаслиги ёки тўлиқ ажралмаслиги натижасида келиб чиқади. Тўлиқ уланмаслиқда айлантирувчи момент двигателдан тўлиқ узатилмайди, илашиш муфтасининг тепкиси қуйиб юборилганда автомобил ўрнидан жуда секин қўзғалади ёки умуман қўзгала олмайди, илашмадаги етакланувчи диск эса жуда тез ейилади ва қисқа муддат ичida ишдан чиқади.

Илашманинг тўлиқ ажралмаслиги туфайли, узатмаларни улаш чоғида металларни зарбли ва қийинчилик билан қўшилиши кузатилади ҳамда ричакка кўпроқ куч билан таъсир этиш талаб этилади. Бу носозликларга илашмани ажратиш юритмасининг ростланишини бузилиши, етакланувчи дискнинг мойланиб қолиши ёки ейилиши сабаб булади. Илашмаси гидроюритмали бўлган автомобилларда эса гидроюритма тизимиға ҳавони кириб қолиши ёки тизимдан суюқликни қисман оқиб кетиши илашмани носоз ишлашига сабаб бўлиши мумкин.

Узатмалар қутиси ва тақсимлаш қутисидаги носозликлар узатмаларни алмашлаб улашда қийинчиликларни, узатмаларни ўз-ўзидан узилиб қолишини ёки ишлаш вақтида шовқинларни келтириб чикаради. Алмашлаб улаш механизммининг айриси ёки каллагидаги болтларни бўшаб кетиши, фиксаторларни қадалиб қолиши, шестернялар, подшипниклари ва втулкаларини ейилиши оқибатида узатмаларни улаш кийинлашади. Синхронизатор муфтаси ва шестернялар тишларининг ён томонида ҳамда ишчи юзаларидаги ейилишлар, узатмаларни тўлиқ, уланмаслиги, фиксатор пружиналарининг бўшашиши туфайли узатмаларни ўз-ўзидан узилиб қолиши содир бўлади. Узатмалар қутисидаги шовқин эса валлар подшипникларидаги ҳамда шестеря тишларининг ишчи юзаларидаги ейилишлар ва синишилар, мой сатхининг пасайиши келтириб чикаради.

Асосий ва карданли узатмалар, дифференциал, ярим ўқлар ва тенг бурчак тезлигига эга бўлган шарнирлардаги носозликлар уларни узоқ муддат ишлатиш ёки сифатсиз техник хизмат кўрсатиш оқибатида юзага келади. Асосий узатма ва дифференциалдаги носозликларга шестеря тишларини, дифференциал крестовинасини ҳамда подшипникларининг ейилиши ёки синиши, шунингдек, асосий узатма салникларининг зичлигини бузилиши мисол бўлади. Уларнинг ҳаммаси ҳаракатланиш чоғида орқадаги кўприк картерида шовқиннинг кучайиб кетиши билан намоён бўлади. Автомобил ўрнидан қўзғалаётганда, бурилаётганда ёки ҳаракатланаётганда тақиллашлар ҳамда зарбларнинг мавжудлиги, карданли узатмалардаги ёки тенг бурчак тезлигига эга бўлган шарнирлардаги носозликлардан дарак беради. Бу носозликлар, крестовина ўқларини ва шарнир косачаларини кўп ейилишидан юзага келади, Кардан валининг мувозанати бузилганда, трансмиссияда кучли титраш ва шовқинлар ҳосил булади. Ярим ўқлардаги асосий носозликлар эса уларнинг шлицаларини ейилишидир.

Трансмиссия агрегатларининг техник ҳолатини диагностика қилиш. У агрегатларнинг техник ҳолати ҳақида ҳамда зарур ростлаш ишларини бажаргандан сўнг уларни яна ишлатиш мумкинлиги тўғрисида хulosса қилишга имкон беради. Трансмиссия агрегатларини автомобил ҳаракатланганда, шунингдек, маҳсус жиҳозда текшириш мумкин. Бундай ҳолатда, жиҳозни конструкциясига қараб илашмани тўлиқ қўшилмаслигига, узатмалар қутиси, карданли узатма ва орқа кўприкни эса(шовқин бўйича) тишли илашмаларни ейилганлик даражасига диагностика қилинади.


Трансмиссияни диагностика қилишнинг оддий усули 7.52-расмда келтирилган асбоб ёрдамида етакловчи кўприк, кардан вали ва узатмалар қутисидаги айлана люфтлар йигиндисини аниқлаш ҳисобланади. Асбоб қамровчи скобали динамометрик қурилмадан ва уни ташкил этувчи қўзралмас жағлардан иборат. қамровчи скобани текширилаётган объектга кийдирилади, масалан, ярим ўққа ёки кардан валига, сўнг қўзғалувчан жағни червяк ёрдамида суриб агрегат деталига маҳкамланади. Люфтни аниқлаш учун дастак куч билан буралади ва пружинали товуш дараклагишиси овоз чиқаргач, ўлчагич стрелкаси томонидан люфт қайд қилинади. Ўлчагич

шкаласини ихтиёрий бурчакка буриш мүмкін. Шунинг учун текширилаётган агрегатта ўрнатылған асбобнинг стрелкасини нолга келтириш зарур.


Трансмиссия агрегатларига техник хизмат кўрсатиш КХК ва даврий ТХК жараёнида амалга оширилади.

КХК да трансмиссия агрегатлари, автомобилни ўрнидан жилдиришда ва ҳаракатланиш вақтида узатмаларни алмашлаб улаб текширилади. Етакловчи кўприкнинг ҳолати ва зичлиги назорат қилинади.

Даврий ТХК да КХК даги ишларга қўшимча равища илашиш муфтаси тепкисининг эркин юриш йўли текширилади ва зарур бўлса ростланади, юритма деталлари пластик метериаллар билан мойланади. Узатмалар қутисини, карданли узатмани, тақсимлаш қутисини, орқа кўприк картерини маҳкамланиши текширилади, агрегатлардаги мой сатҳлари меъёрига келтирилади, зичлагичларнинг ҳолати текширилади, мойлаш харитасига мос равища агрегатлардаги мойлар алмаштирилади. Агар агрегатларда носозликлар аниқланса, уларни ишчи ҳолатига келтириш учун таъмирланади.



a



б


7.52-расм. Трансмиссия агрегатларининг техник ҳолатини аниқловчи асбоб: а-люфтомер; б-динометрик қурилма.

Кўшимча равища, ҳар бир трансмиссия агрегатлари бўйича бажариладиган ишларни алоҳида-алоҳида кўриб чиқамиз.


Илашиш муфтасига техник хизмат кўрсатиш. Эксплуатация жараёнида илашма ростлаб турилади, аммо бундан олдин илашма тепкисининг эркин йўли текширилади. Бунинг учун иккита сурилгичи бўлган чизғичдан фойдаланилади. Чизғичнинг бир учи кабина полига тиради, сурилгич эса тепки майдончасига тўғриланади. Илашма тепкиси харакатланишга қаршилик кескин ортгунга қадар босилади ва шу вазият иккинчи сурилгич ёрдамида қайд қилинади. Чизғични иккала сурилгичи орасидаги масофа тепкини эркин йўлини аниқлайди.

Механик юритмали илашмалардаги тепкининг эркин йўлини ростлаш (7.53-расм) учун тепки ўқининг ричаги ҳамда ажратиш айрисини туташтириб турувчи тортқининг (2) узунлиги ўзгартирилади. Кўпчилик юк автомобилларида бундай ростлаш ишлари тортқини юритма деталларидан ажратмаган ҳолда бажарилади, яъни тортқидаги гайкани (1) бурашнинг ўзи кифоя қиласи. Бунда гайка бўшатилса, тепкининг эркин йўли ортади, қотирилса, эркин йўли камаяди.

Гидроюритмали илашиш муфтасидаги созлаш ишларини бажаришда асосан ишчи цилиндр итаргичининг эркин юриш йўли(4-5мм) меъёрига келтирилади. Бунинг учун чегараловчи гайка бўшатилиб, сўнгра итаргич созвовчи гайкаси бўшатилади ёки қотирилади (7.54-расм). Созлаш ишлари бажарилгандан сўнг илашиш муфтаси яхши ажралмаса ва узатмаларга қўшиш қийинчилик билан кечса, бу тизимда ҳаво борлигидан дарак бериши мумкин.



7.53-расм. ЗИЛ-130 автомобилидаги механик юритмали илашма тепкисининг эркин йўлини ростлаш 1-тортқидаги гайка; 2-ажратиш айрисини туташтириб турувчи тортқи.




7.54-расм. ВАЗ автомобили илашиш муфтаси юритмасининг ишчи цилиндра ажратиш вилкаси: 1-илашиш муфтасининг ажратиш подшипники; 2-шарли таянч; 3-илашиш муфтасини ажратиш вилкаси; 4-итаргич; 5-созлаш гайкаси; 6-чегараловчи гайка; 7-таранг тутиш пружинаси

Нексия автомобилларида созлаш йўли билан илашиш муфтаси юритмаси тепкисининг тўлиқ ҳаракатланиш йўли меъёрига келтирилади (7.54-расм). Тўлиқ ҳаракатланиш йўлини аниқлаш учун илашиш муфтасининг тепкиси билан рул чамбарагининг пастки қисмигача бўлган масофа-А аниқланади, сўнгра тепки тўлиқ босилиб яна масофа-В аниқланади. А ва В масофалар орасидаги фарқ 130-136 мм бўлиши керак. Агар бу масофа меъёридан фарқ қилса, у ҳолда созлаш ишлари бажарилади.


Тепки (30) нинг тўлиқ ҳаракатланиш йўли (38)-чегараловчи гайка бўшатилиб, (37)-таянч болтни бураш билан созланади.

Тепкининг эркин ҳаракатланиш йўли эса (58)-чегараловчи гайка бўшатилиб, (57)-штокнинг узунлигини ўзгартириш билан созланади. Тепкининг эркин юриш йўли 8-15 мм оралиғида бўлиши керак.



7.55-расм. Нексия автомобилининг илашиш муфтаси бўйича созлаш ишлари

ISUZU автомобилларида (7.56-расм), агар илашма муфтасининг кучайтиргичи ўрнатилаётганда ишчи стержен узунлиги созланган бўлса, илашма педали созланмайди. Илашма муфтаси кучайтиргичининг ишчи стерженини узунлиги - ўрнатилиш юзаси ва каллакли штифтнинг шплинт учун тешиги маркази оралиғидаги масофа 156,5...157,5 мм гача бўлиши керак. Илашма тепкисининг юриш йўли текширилади ва тепки билан илашмани ишга тушириш болти оралиғидаги масофа созланади. Илашма тепкиси баландлиги (А) 160...170 мм гача, тепкининг тўлиқ йўли (В) 159...169 мм гача, эркин юриш йўли 15...25 мм гача бўлиши зарур. Илашма тепкиси ва илашмани ишга тушириш болти оралиғидаги тирқиш 0,5 ...1,0 мм гача бўлиши керак.



7.56-расм. ISUZU автомобиллари илашма муфтаси тепкисини созлаш.

 Nexia автомобилида	 Isuzu автомобилида
 Lasetti, автомобилида	 Epica ва Captiva автомобилларида
7.57-расм. Турли автомобилларда илашиш муфтаси юритмасидан ҳавони чиқариш.	

Илашиш муфтасининг юритмасидан ҳавони чиқариш асосан бош ёки ишчи цилиндрларнинг манжетлари алмаштирилганда ёки юритма қувури зичсизлигини бартараф қилинганда амалга оширилади (7.57-расм). Бунинг


учун ишчи цилиндр чанг ва ифлосликлардан тозаланилади. Илашиш муфтаси юритмасининг суюқлик қуиши сифимининг қопқоғи очилади ва суюқлик сатҳи текширилади. Суюқлик сатҳи сифимниң резбали қисмидан 15-20мм дан ёки "min" белгисидан паст бўлмаслиги керак. Ишчи цилиндрниң чиқариш клапани(59) нинг резина қопқоғи олиниб, ўрнига резина шланга тикилади ва бир учи 1/3...1/2 ҳажмда тормоз суюқлиги тўлдирилган шиша идишга туширилади.

Юритма тепкиси қаршилик сезилгунча, яъни тепкининг юриш йўли ўзгармагунга қадар тез-тез босиб ҳаракатлантирилади, сўнгра тепкини босиб туриб клапан 1/2...3/4 айланага буралади ва тепки охиригача босилгач клапан маҳкамланади ҳамда тепки секин қўйиб юборилади. Бу ҳолат шиша идишда ҳаво пуфакчалари чиқмай қолгунча давом эттирилади. Операция вақтида вақти-вақти билан сифимдаги тормоз суюқлиги сатҳи текширилиб ва меъёрига келтириб турилади. Нихоят клапан қотирилиб, шланга ечиб олинади.

Узатмалар қутиси ва тақсимлаш қутисига техник хизмат кўрсатиш. Қутиларниң қандай ишлаши ҳар кунги кўрикда ҳамда автомобилниң ҳаракатланишида текшириб турилади. Зичликка, узатмаларниң осон ва шовқинсиз уланишига алоҳида эътибор берилади. Текширилаётган агрегатларниң ишлаши вақтида тақиллашлар ва шовқинлар бўлмаслиги керак. Узатмалар уланганда шестерялар тўлиқ бирикиб қолиши лозим, узатмаларниң ўз-ўзидан узилиб қолишига йўл қўйилмайди.

Узатмалар қутиси корпусининг қизиши, автомобил тўхтатилганда қўлни куйдирмайдиган даражада бўлиши керак.

КХК ва даврий ТХК да назорат қилиб, эшлиб ҳамда ҳароратга қараб текширишдан ташқари, қутилар корпуси кирлардан тозаланади, қотирилганлиги текширилади ва тортиб қўйилади, мой сатҳи текширилади (7.58-расм), зарур бўлса меъёрига келтирилади ёки мойлаш картаси бўйича алмаштирилади. Бу иш кўтаргич ёки қўриш ариқчаларига эга бўлган маҳсус постларда бажарилади. қутидаги мой двигател тўхташи билан, яъни қути совиб улгурмасдан тўкилади ва янгисига алмаштирилади.



7.58 -расм. ISUZU автобус-ларида узатмалар қутисининг мой сатхини текшириш: 1-мой қуиши тикини; 2- мой тўкиши тикини.

ISUZU автомобилининг узатмалар қутисидаги мой сатҳи қўйидагича текширилади:

- 1- мой қўйиш тиқини ечилади;
- 2- бармоқни мой қўйиш тиқини тешигига киритилиб мой сатҳи текширилади.
- 3- агар мой сатҳи белгилангандан кам бўлса, меъёрига келтирилади (Besco 5W-30 туридаги трансмиссия мойи).
- 4- мой қўйиш тиқини 39 Нм момент билан қотирилади.

ISUZU автомобилининг узатмалар қутисидаги мойни алмаштириш тартиби:

1. Двигател ўт олдирилади ва трансмиссия салт юриш ҳолатига қўйилади.
2. Двигател ўчирилади, тўкиш тиқини ечилади ва мой тўкилади.
3. Мой тўкиш тиқини 39 Н.м момент билан жойига қотирилади.
4. Мой қўйиш тиқини ечилади.
5. Мой қўйиш тиқини тешиги орқали тешикни пастки қиррасигача мой қўйилади.
6. Кўлланадиган мой - трансмиссия мойи, тури Besco (5W-30)
7. Мой қўйиш тиқини 39 Н.м момент билан қотирилади.

Мой миқдори (L)	Узатмалар қутиси тури	
	6МТ	5МТ
Базавий автомобиль учун	3.5	2.8
4WD (4 филдираги етакланувчи) автомобиль учун	-	3.5

Агрегатлардаги мой сатҳи шчуп ёрдамида ёки назорат тешиги орқали текширилади. Агар мой сатҳи пасайган бўлса, тоза мой қўйиб сатҳ тўғриланади ва сапун каналлари тозалаб қўйилади. Мой алмаштириш қўйидагича бажарилади: қутидаги ишлаб бўлган мой тўкиб ташлангандан сўнг, унинг ўрнига 1-2 л миқдорда ювиш мойи қўйилади. Автомобил орқа купригининг бирорта филдираги кўтариб қўйилади, двигател ишга туширилади ва биринчи узатма уланади. Трансмиссия ишлай бошлайди, бунинг эвазига қутининг ички бўшлиги ювилади ва чўқиндилардан тозаланади. Бир неча дақиқадан сўнг ювиш мойи тўкиб ташланади, унинг ўрнига эса тоза мой қўйилади. Мой алмаштирилаётган пайтда, тўкиш тешиги тиқинининг магнити хам тозаланади.

Тақсимлаш қутисининг бошқариш ричагларини зарур вазияти, тортқилар узунлигини ростлаш орқали таъминланади. Шу мақсадда тортқи бармоқлари шплинтлардан озод қилинади ва айридан ажратилади. Фиксаторлар аниқ ишлаган вақтда, штокларни тўлиқ уланган ҳолатга ўрнатилади. Ричаглар узатмалар уланган вазиятга қўйилади ва айрини айлантириб, тортқининг керакли узунлиги ўрнатилади. Сўнг тортқи ўз жойига қўйилади, бармоқ шплинтланади ва чегараловчи гайка қотириб маҳкамланади.


Гидромеханик узатмалар қутисининг асосий камчилик ва нүқсонларига етакловчи диск пружинасининг ишдан чиқиши, дисканинг (стандарт талабларига жавоб бермайдиган мойда ишлашидан) ейилиши ва қийшайиши, марказдан қочма куч таъсирида ишлайдиган ростлагичлар ростланишининг бузилиши, ростлаш винтининг ёмон тақалиб туриши натижасида, узатмани қайта улаш механизми ростланишининг бузилиши ва бошқалар мисол бўла олади. Гидромеханик узатманинг асосий носозлигини ифодаловчи кўрсаткич, бу, мой гидротрансформатордан тўкиб юборилаётганда, уни назорат қилиб туриладиган ҳарорати бўлиб, унинг энг юқори чегараси 125°C дан ортиқ бўлмаслиги, тагликда (йилнинг энг иссиқ вақтида) 110°C , минимал ҳарорат эса 70°C ёки 60°C бўлиши керак. Мойнинг ҳарорати тагликдаги датчик орқали ва тўкиш клапанидан назорат қилинади. Гидротрансформатордаги мойнинг қизишини назорат қилиш лампочкаси $120\text{--}125^{\circ}\text{C}$ да ёнади. ТХК пайтида хар 15 минг км масофадан сўнг гидромеханик узатманинг мойи алмаштирилади. Тагликдаги мой сатҳи (ТХК вақтида) узатмалар қўшилган ҳолда $40\text{--}50^{\circ}\text{C}$ ҳароратда (дроссел қия, кичик очиқлигига) автомобилни тормозлаб текширилади. ТХК вақтида (5 минг км дан сўнг) уайт-спирти билан автоматик узатма тозалаб ювилади. Электромагнит клеммалари тозаланади ва назоратни улаб-узгич ҳам тозаланиб, стартер билан қўшилиб ишлаши текширилади. 30 минг км дан сўнг мой қабул қилгич ечиб олиниб текширилади, яна 30 минг км дан сўнг бошқариш механизми(периферик золотники) текширилади ва созланади.

Узатмалар қутисининг олдинги узатма уланганда, шовқин билан ишлаб, ҳаракатлар яхши қўшилмай қолганда (бу сихронизатор ҳалқасини ишга яроқсиз бўлиб қолишидан келиб чиқади), сихронизатор муфтаси тишларининг ташки, ёнбош сиртлари ейилганда, подшипниклар, валлар ейилганда, шестерня тишлари синганда жорий таъмирланади. Ейилган деталлар ҳолатига қараб, (бирикиш жуфти билан) алмаштириб, таъмирланади. Деталларни алмаштириш-узатмалар қутисини қисмларга ажратмай, узок муддатли шикастланмай ишлашини таъминлайди ва бу алмаштирилган деталнинг узок муддатли ишлаши натижасида таннархи камаяди, ҳамда таъмирлашга кам меҳнат сарф этилади. Узатма шестернясининг сихронизатор гупчаги ва бошқа деталларини ечиб (чиқариб) олишда маҳсус ечгичлардан фойдаланилади.

Асосий ва карданли узатмаларга техник хизмат кўрсатиш. Карданли ва асосий узатмаларни назоратдан ўтказиш автомобил ҳаракатланганда амалга оширилади. Бунда, трансмиссияда айлантирувчи момент узатиш режими тортишдан тормозланишга ёки аксинча, ўзгарганда, шовқинлар ва тақиллашлар кузатилмаслиги лозим.

Карданли узатмаларга техник хизмат кўрсатишда карданли бирикма фланецларини маҳкамланиши текширилади ва тортиб қўйилади. Агар кардан валида автомобилнинг ишлаш жараёнида кузовга таъсир этувчи тебранишлар пайдо бўлса, кардан вали ечиб олиниб мувозанатланади. Кардан вали мосламага маҳкамланади (7.59-расм) ва рақамли индикатор щупини валнинг

марказий қисмiga текказган ҳолда, унинг уриши текширилади. Бу катталиктининг қиймати стандарт 0.5 мм, рухсат этилгани эса 1.0 мм гача бўлиши керак. Агар уриш меъёрдан ошиб кетса пресс ёрдамида тўғриланади ёки алмаштирилади.



7.59-расм. Кардан валини ўқ бўйича уришини текшириш.

Хизмат кўрсатишда кардан шарнирларининг подшипниклари ва валларнинг шлицали бирикмалари мойланади. Бунинг учун № 158, УС-1 ва бошқа мойлаш материаллари ишлатилади.

Енгил автомобилларда кардан шарнирлар трансмиссион мойда, Литол-24, пластик мойлаш материалида ёки тайёрловчи завод кўрсатмаларига мос келадиган бошқа материалларда мойланади. Мойни кардан крестовинасига маҳсус шприц ёрдамида ўтказиш клапанида ёки унинг ўқлари подшипникларининг салниклари остида мой пайдо бўлгунча юборилади. Агар автомобилга мой тўлдирилиши назарда тутилмаган кардан шарнирлар ўрнатилган бўлса, мойлаш ишлари факат қисмларга ажратилганда амалга оширилади.

Етакловчи кўприк картеридаги мой сатҳи ТХК даврида текширилади (7.60-расм) ва мой қувиш тешигининг киррасигача тўлдирилади. Мойни тўлиқ алмаштириш, мойлаш харитасига мувофиқ ва иш мавсуми ўзгарганда амалга оширилади. Етакловчи кўприк картеридаги мойни алмаштириш жараёни хам трансмиссиянинг бошқа агрегатлари учун қабул қилинган технология асосида бажарилади.

Яrim ўқ шлицаларидағи ейилиши ёки бошқа шикастлар текширилади.	Яrim ўқнинг ўқ бўйича тепиши мослама ва микрометр ёрдамида текширилди. Рухсат этилган қиймат 1,00 мм.	Яrim ўқ фланецини тепиши текширилади. Рухсат этилган қиймат 0,05 мм.

7.60-расм. Яrim ўқни кўрикдан ўтказиш.

Агар асосий узатмадаги етакловчи шестернянинг илашишидаги бўйлама тирқиши рухсат этилган қийматдан орта бошласа, конуссимон подшипниклар ростланади. Ростлаш завод кўрсатмасига биноан бажарилади ёки кардан вал фланеци ажратилади, яrim ўқлар суғурилади, асосий узатма картерини маҳкамловчи болтлар бўшатилади ва етакловчи шестерня йифилган ҳолатида суғуриб олинади. Етакловчи шестерня стакани тискига ўрнатилади, маҳкамлаш узели қисмларга ажратилади ва подшипник остидаги қистирмаларнинг қалинлиги ўзгаририлади. Сўнgra йифилади ва бирикма маҳкамлаш даражаси динамометрда текширилган ҳолда маҳкамланади. Асосий узатма шестерялари илашишидаги туташиш ва ён тирқиши факат деталлар алмаштирилганда (подшипниклар ҳаддан зиёд ейилганда), яъни асосий узатма таъмирланганда ростланади.

7.7. Автомобилларнинг юриш қисмига техник хизмат кўрсатиш ва таъмирлаш ишлари технологияси

Юриш қисми рамалар, ўқлар ва ғилдирак осмаларидан иборат бўлиб, уларнинг носозлиги автомобил харакатланишида шовқин, тебраниш, ғичирлаш ва силтаниш каби нохуш ҳолатларни кетириб чиқаради. Натижада ҳайдовчи ва йўловчиларнинг толиқиши ва автомобилда ташиладиган юкнинг сақланувчанлиги сусаяди.

Юриш қисмидаги асосий носозликлар. Юриш қисми элементларидаги носозликлар асосан автомобилнинг энг юқори (максимал) юк кўтарувчанлигидан ортиқча юкланиш билан, шунингдек, шакл берилмаган йўлларнинг оғир шароитларида ишлатилганда юзага келади. Рама қолдиқ деформация олиб эгилади, унда ёриқлар пайдо бўлади, парчин михли бирикмалар бўшашади, двигател трансмиссия агрегатларини ўзаро тўғри жойлашуви бузилади.

Олдинги ўқдаги асосий носозликларга тўсинни эгилиши, шкворен ва шкворен втулкаларининг ейилиши, ғилдирак подшипникларининг обоймалари ўрнашадиган жойларнинг ишдан чиқиши, ғилдиракларни ўрнатиш бурчакларининг бузилиши ва шу кабилар киради. Ўрнатиш бурчакларининг бузилиши оқибатида автомобилни бошқариш ёмонлашади ва шиналарни ейилиши ортади. Рессорнинг синиши ёки осма пружинасининг чўкиб қолиши, шунингдек, амортизаторларнинг бузилиши ҳам охир-оқибатда шиналарнинг тез ейилишига олиб келади.

Юриш қисмининг кўрсатиб ўтилган носозликлари автомобилни тўғри чизиқли харакатдан ўнгга ёки чапга тойишига, катта тезлиқда харакатланишда олдинги ғилдиракларнинг лапанглашига, автомобилнинг бир томонга оғишига, харакатланиш пайтида осма атрофида тақиллаш ва тебранишларга олиб келади.

Юриш қисмининг агрегатлари ва узелларидаги носозликлар қисман КХК вақтида аниқланади. ТХК нинг иш ҳажмига амортизаторларни, олдинги ва орқа осмаларнинг ҳолатини ҳамда маҳкамланишини текшириш, ғилдирак гупчаги подшипникларидағи ва бурилувчи цапфа шкворенларидағи

лютфларни ўлчаш, шунингдек, рамани ва олдинги ўқ тўсинининг ҳолатини баҳолашлар киради. Мойлаш харитасига мос равища график бўйича, буриловчи цапфа шкворенларининг шарнирли таянчлари ёки подшипниклари мойланади. Шиналар ахволи ва улардаги ҳаво босими текширилади, зарур бўлса нормага келтирилади.

Навбатдаги ТХК да юқорида айтиб ўтилган ишларга қўшимча равища олдинги ва орқа кўприкларни тўғри ўрнатилганлиги, олдинги ғилдиракларни ўрнатиш бурчаклари текширилади ҳамда зарур бўлса ростланади, олдинги ва орқа рессораларнинг бармоқлари, узангисимон тортқилари ва уларнинг хомутлари, аммартизаторлар ва рессора ёстиқчалар маҳкамланади, ғилдирак подшипникларига минимал тирқишлир кўйилади.

Рама ва осмаларга техник хизмат кўрсатиши. Рамани кўриқдан ўтказиб, унинг геометрик шакли ва ўлчамларидағи ўзгаришлар, дарзлар мавжудлиги, ланжеронлар ва кўндаланг тўсинларни эгилганлиги, рессора, рессора листларининг ости шайбаларининг ҳолати ва амортизаторлар кронштейнлари рамага маҳкамланиши текширилади.

Раманинг геометрик шакли, рама кенглигини ланжеронларнинг ташки текислиги бўйича олдиндан ва орқадан ўлчаб кўриб текширилади. Рама кенглигидаги фарқ ГАЗ автомобиллари учун 4 мм. дан ортмаслиги лозим. Рама ланжеронларини бошланғич ҳолатга нисбатан сурилишини, рамадаги кўндаланг тўсинлар орасидаги диагоналларни айрим участкаларда ўлчаб кўриб аниқлаш мумкин. Ҳар бир участкалардаги диагоналлар узунлиги бир хил бўлиши керак. Минимал четга чиқишлир 5 мм дан кўп бўлмаслигига рухсат этилади.


Кўприкларни ўзаро вазияти, олдинги ва орқа кўприклар ўқлари орасидаги масофа ўнг ҳамда чап томондан ўлчаб кўриб аниқланади. Ўлчанган масофаларни бир-биридан фарқ қилишига рухсат этилмайди. Агар рама ҳолатини текширишда унинг конструкциясида жиддий носозликлар ёки асосий ўлчамларда рухсат этилган қийматлардан четга чиқишлир аниқланса, автомобил асосий таъмиглашга жўнатилади.

Оスマларни ҳолати, техник хизмат кўрсатиши чоғида ташки кўриқдан ўтказиб, уларнинг маҳкамланиши эса куч қўйиш орқали текширилади. Рессорани кўриқдан ўтказиб, синган ёки дарз кетган листлар (варақлар) аниқланади. Рессоралар кўзга кўринадиган даражадаги бўйлама силжишга эга бўлмаслиги керак. Бундай ҳолат марказий болтни кесилиши оқибатида содир бўлиши мумкин. Рессораларни ишончли маҳкамланишини текширишда алоҳида эътиборни узангисимон тортқи гайкаларини қандай тортилганлигига ҳамда рессорани шарнирли маҳкамлайдиган втулкалардаги ейилишларнинг бор-йўқлигига қаратиш лозим. Агар рессорани бир уни резина ёстиқчаларга маҳкамланган бўлса, ёстиқчаларнинг бутунлиги ва уларнинг таянчда тўғри жойлашганлиги текширилади. Рессоранинг узангисимон тортқиларидағи ва хомутларидаги гайкаларни бир текисда, аввал олдингилари (автомобилнинг ҳаракатланиши бўйича), кейингилари тортиб кўйилади.

Рессораларни эластиклиги уларнинг эркин ҳолатдаги ёйсимонлиги бўйича текширилади. Бу кўрсаткични рессора учлари орасидаги ип тортиб ва ипдан, эгилган ўзак листни (варақни) ўртасигача бўлган тик масофани ўлчаб аниқлаш мумкин. Автомобил осмаларида рессоралар бир-биридан ёйсимонлик бўйича 10мм дан кўп фарқ қиласлиги керак. Автомобил ҳаракатланганда рессораларда ғичирлашлар, шунингдек, листларда (варақларда) занглар пайдо бўлса, уларни кирлардан тозалаш, керосинда ювиш ва графитда мойлаш лозим бўлади.

Амортизаторларга техник хизмат кўрсатиш уларнинг маҳкамланишини текширишдан ва ейилган резина втулкаларни ўз вақтида алмаштиришдан иборат бўлади. Зичликни назорат қилишга қаратилади. Агар амортизатор ўз хоссаларини йўқотган ва сиртида суюқлик оқсан бўлса, амортизатор таъмирланади, синовдан ўтказилади, сўнг автомобилга ўрнатилади.

7.61-расм. Ишлаш жараёнида амортизатор-нинг шикасланиш ва ишдан чиқиши жойлари.



Ишлаш жараёнида амортизаторнинг техник ҳолати ёмонлашиб боради, аммо буни ҳар доим ҳам ҳайдовчи сезмайди. 7.61-расмда ишлаш жараёнида пайдо бўладиган носозликлар 1 - 6 рақамлар билан белгиланган. Амортизаторнинг энг кўп тарқалган носозликларига қўйидагилар киради:

1-амортизатор штоки салнигининг йиртилиши;
2-амортизаторнинг ички (клапан бирикмаси ва поршеннинг ейилиши) шикастланиши;

3-амортизаторнинг механик шикастланиши – дарз кетиши, корпуснинг пачоқланиши, штокнинг қийшайиши;

4- амортизаторнинг бузилиши – штокнинг синиши, сайлентблокларнинг ёйилиши ва узилиб чиқиши;

5-амортизаторга қўйилган суюқлик хоссаларини меъёрийсига тўғри келмаслиги;

6- амортизатордан газнинг чиқиб кетиши.

Амортизаторларнинг ишлаш қобилиятини бир неча усуллар билан аниқлаш мумкин. Энг кўп тарқалган усул ишлаш жараёнида техник тавсифини ўзгариши ҳисобланади. Кўйида ишлаш жараёнида пайдо бўладиган носозликлар, уларнинг сабаблари ва бартараф этиш усуллари келтирилган.

Олдинги кўпприк носозликларига гупчак подшипниклари таранглигининг бузилиши, кўпприк балкаси ва бурилиш ричагларининг эгилиши, шкворенни ўрнатиш тешигининг, шкворен ва унинг втулкасининг

ейилиши, бурилувчи цапфалар подшипникларини ўрнатиш тешигининг ейилиши мисол бўлади. Олдинги кўприк деталларининг ейилиши ғилдираклар ўрнатиш бурчакларини (7.64-расм) бузилишига, шиналарнинг бир томонлама ейилишига ва автомобильни бошқаришни қийинлашишига олиб келади.

Автомобилларнинг гупчаги подшипникларини созлаш тормоз барабанини эркин ҳолда айланиши вақтида бажарилади. Гупчак созвочи гайкасини охиргача калит ёрдамида тортилади ва ГАЗ автомобилларида 1/5 айланишга орқага айлантирилади, ЗИЛ автомобилларида эса энг яқин шпллинт ўрнатувчи тешиккача орқага буралади.

7.10-жадвал

Ишлаш жараёнида амортизаторда пайдо бўладиган носозликлар, уларнинг сабаблари ва бартараф этиш усуллари

Ҳаракат даврида сезилиши	Мумкин бўлган сабаблари	Бартараф этиш
Автомобил осмаси юмшоқ жудаям (автомобилнинг бурилишларда чайқалиши, томонга сузиши)	Автомобилга мўлжалланмаган амортизаторлардан фойдаланиш	Амортизаторни амаштириш
	Амортизатор ишчи камерасида суюқликнинг бўлмаслиги	Амортизаторни амаштириш
	Амортизатор клапан бирикмасининг ейилиши	Амортизаторни амаштириш
	Амортизаторнинг ички жароҳатланиши	Амортизаторни амаштириш
	Амортизатор қотириш қисмининг узилиб кетиши	Амортизаторни амаштириш
	Амортизаторнинг қотиб қолиши	Амортизаторни амаштириш
	Амортизаторнинг яхлаб қолиши	Амортизаторни яхдан тушириш
Оスマдан чиқиши шовқин	Амортизаторни бириктириш қисмларида люфт пайдо бўлиши	Втулкаларни алмаштириш
	Амортизаторнинг ички деффекти	Технология бўйича амортизаторни ажратиш ва йиғиш
	Амортизатор қотириш қисмининг узилиши	Амортизаторни ўз жойига қотириш

Подшипникларнинг ва гупчакнинг ички қисми сурков мойи билан тўлдирилади ва гупчак қалпоғи ўрнатилади. Шкворен бирикмасининг ейилиши T1 асбоби ёрдамида аниқланади. Асбоб индикатори автомобилнинг олдинги кўпригига ўрнатилади. Ғилдирак осиб қўйилади ва индикаторнинг ўлчаш стержени таянч тормоз дискининг пастки қисмига келтирилади.


Агарда шкворен бирикмасида ейилиш бўлса, ғилдирак туширилганда индикатор унинг катталигини кўрсатади. Бирикмадаги тирқиши 1,5мм гача бўлса, автомобил фойдаланишга яроқли деб хисобланади. Олдинги кўприклар махсус жиҳозлар ёки тагликларда бўлакларга ажратилади. Шкворенларни, унинг бармоқларини, ташки ва ички подшипникларини ечиш учун махсус ечгичлардан фойдаланилади. Едирилган подшипниклар ва рул тортқилари шарнирлари янгисига алмаштирилади. Олдинги кўприк балкасини эгилганлигини махсус мосламалар, шаблонлар, линейкалар ва бурчак ўлчагичлар ёрдамида аниқланади.

Едирилган шкворен втулкалари янгисига алмаштирилади. Аввал втулканинг бир томони, кейин эса иккинчи томони алмаштирилади. Алмаштириш вақтида ўрнида қолган втулка, ўрнатилаётган втулка учун марказловчи ролини ўйнайди.

Олдинги кўприк носозликларининг энг кўп учрайдигани ғилдиракни ўрнатиш бурчакларини бузилишидир. Тузилиши жиҳатидан юк автомобиллари ва автобуслар учун фақат яқинлашув бурчаги, енгил автомобиллар учун ғилдиракнинг оғиш бурчаги, шквореннинг бўйлама оғиши, бурилиш бурчакларининг бир-бирига монандлиги ва яқинлашуви созланади. Келтирилган кетма-кетлик технологик зарурий хисобланади. Бу кетма-кетликка риоя қиласлик аввал созланган бурчакни бузилишига олиб келади.

Юк автомобиллари ва автобусларда ғилдиракларнинг оғиш бурчаги ҳамда шкворенни бўйлама оғиш бурчагини бузилиши, балкани деформацияси хисобига ўзгаради. Агар балкани тўғрилашнинг имкони бўлмаса уни янгисига алмаштирилади. Ҳозирда ишлаб чиқарилаётган, олдинги осмаси 2 та ричагдан иборат бўлган енгил автомобил ғилдиракларининг оғиш бурчаги юқориги ёки пастки ричагни силжитиш йўли билан созланади. Бунинг учун ҳар бир қотириш болти тагига бир хилда тиқинлар қўшилади (ёки олинади). Шкворенни бўйлама оғиш бурчагини ричаг ўқларини горизонтал текисликда бураш хисобига созланади. Бунинг учун созлаш тиқинларини бир болт тагидан олиб иккинчисига қўйилади. Тиқинларни ўзгартириш сони созланувчи бурчакка боғлиқ, ғилдиракнинг оғиш бурчаги ва шкворенни бўйлама оғиш бурчагини созлаш учун битта операция бажарилиши керак. Шунинг учун махсус тайёрланган номограммалар ишлаб чиқилган.


Ҳозирда ишлаб чиқарилаётган замонавий автомобилларда (шу жумладан НЕКСИЯ, Ласетти, МАТИЗ ваҳ.к.) макферсон (тўлғанувчи шам) туридаги осма қўлланилади. Бундай енгил автомобиллар учун ғилдиракнинг оғиш бурчаги ва бурилиш ўқининг оғишини созлаш ишлари бажарилмайди, фақатгина яқинлашув бурчагигина созланади хаолос.



7.62-расм. Бошқариладиган ғилдиракларни ўрнатиш шакли: а-оғиши α ва шкворенниң күндаланг қиялик β бурчаклари; б-шкворенниң бўйлама қиялик γ бурчаги; в-ғилдиракларниң яқинлашув масофаси

Ғилдиракнинг яқинлашув бурчагини тўғри созлаш энг муҳим ҳисобланиб, уни меъёрида бўлмаслиги шина протекторини жуда тез ва нотекис ейилишига олиб келади.

Яқинлашув бурчакларигина созлаш ишлари К-463 туридаги телескопик чизғич ёрдамида ёки маҳсус жиҳозлар ёрдамида амалга оширилади. қуйида телескопик линейканинг тузилиши (7.63-расм) келтирилган. Линейканинг (7)-таянчли (6)-харакатланувчи учи автомобилнинг олдинги ғилдираклари колеяси катталигига қараб сурилади ва (5)-қотиргич билан маҳкамланади. Чизғичнинг икки учига қотирилган (8)-занжирлар чизғични иккала томонини полдан бир ҳил баландликда ўрнатишни таъминлайди.




7.63-расм. Яқинлашув бурчакларини созлаш линейкаси.

Классик моделдаги ВАЗ автомобилларида яқинлашув бурчагини созлаш ён тортқиларниң узунлигини ўзгартириш билан бажарилади(7.64-расм). Шаклда яқинлашув бурчагини созлаш учун тортқининг узунлигини

ўзгартирилиши келтирилган. Бунинг учун (3)-хомутнинг (1)-гайкаси бўшатилади ва созвовчи трубка бурагич ёрдамида керакли ўлчамни ҳосил қилгунча буралади.

ХУНДАЙ автомобилларида яқинлашув бурчагини созлашда (7.65-расм), созлаш трубасининг хомути(С) ва гайка(В) бўшатилади. Сўнгра олти қиррали тортқи(А) буралиб, керакли узунлик ҳосил қилинади. Кейин эса, гайка қотирилиб, яна яқинлашув бурчаги текширилади.



Олдинги кўприк бирикмаларини диагностикалаш, созлаш ва таъмираш ишлари ТХК ҳамда ЖТ даврида бажарилади. Ишлаш жараёнида энг кўп едириладиган олдинги кўприк деталларидан шкворен ва бураш мушти втулкаси ҳисобланади. Диагностикалаш натижаларига кўра бу деталлар янгисига ёки таъмирланганига алмаштирилади.

Замонавий олдинги кўприги етакловчи автомобилларда эса ғилдиракларнинг оғиш ва кронштейннинг ўрнатиш бурчаклари меъёридан фарқ қилса, кронштейн янгисига алмаштирилади.

Юк автомобилларининг яқинлашув бурчагини кўндаланг рул тортқилари узунлигини ўзгартириш йўли билан, червякли рул механизмили енгил автомобилларни икки ён томондаги тортқилардан бирини, рейкали рул механизмили енгил автомобиллар учун ҳар бир ғилдирагининг оғиш бурчаги, уларни созвовчи рул тортқиларининг узунлигини ўзгартириш йўли билан созланади.


Орқа ғилдираклари етакловчи автомобиллар ҳаракатланишида, рул трапециясининг таг тирқишлири катталигига йўл қаршилиги кучлари таъсири остида олдинги ғилдираклар кенгаяди (олдинги ғилдираклари етакловчи автомобилларнинг тортиш жараёнида эса тораяди). Яқинлашув бурчагининг меъёрий кўрсаткичлари ҳамма вакт ҳам бу шартни

таъминламайди. Бунинг асосий сабаби, олдинги ғилдираклар осмаси бир-бирига боғлиқ бўлмаган, ҳар бир автомобил техник ҳолатини ўзига хослигидадир. Бу камчиликни бартараф қилиш учун енгил автомобилларнинг яқинлашув бурчагини юкланиш кучлари таъсирида созлаш усули қўлланади, яъни маҳсус юкловчи таъсирида автомобилнинг олдинги кўпригига вертикал куч ($500-600\text{N}$) ва олдинги ғилдиракка сиқувчи куч таъсир этилади. Сиқувчи куч F ш қиймати номограмма ёрдамида α -офиш бурчагини, кўпинча автомобилнинг харакатланадиган тезлигини, шина протекторини едирилганлик даражасини (%) да) ва созлаш даврини ҳисобга олган ҳолда танлаб олинади. Созлаш вақтида яқинлашув бурчаги $0 \pm 5'$ оралиғида ўрнатилади, бу автомобил ғилдиракларни ҳаракат вақтида ҳам худди шу ҳолатда бўлишини таъминлайди.

Даврий ТХК вақтида рул бошқармаси ва олдинги ўқ бўйича рул чамбарагининг люфти, рул тортқилари шарнирлари, ғилдирак гупчаги подшипниклари, гидрокучайтиргичли тизим зичлиги, шарли бармоқларнинг қотирилганлиги, сошка, буриловчи цапфа ричаглари ва шкворен ҳолати текширилади, олган ҳолда олдинги ўқ балкаси ва олдинги ғилдиракнинг ўрнатиш бурчаклари тўғри ўрнатилганлиги, ғилдиракларнинг мувозанатланганлиги, рул бошқармаси кардан валининг ва барча бирикма ҳамда деталларнинг қотирилганлиги текширилади.






Автомобилларнинг шиналарига техник хизмат кўрсатиш ва таъмирлаш технологияси. Шиналарга техник хизмат кўрсатиш ва таъмирлаш худди автомобилларники каби, режавий-огоҳлантириш тизимига асосан бажарилади, аммо у ўзига хос хусусиятларга эга.

Замонавий автомобил шиналарининг протектори чуқурлиги 1,6 мм дан камайганда, ёйилиш индикатори (7.66-расм) кўринади. Бу ҳолатда шинани алмаштириш тавсия этилади.



7.66-расм. Шина расмининг ёйилиш индикатори

Қуйидаги 7.67-расмда шиналарнинг ўзига хос ёйилиш сабаблари келтирилган.

Шинанинг марказий тезкор ейилиши	Шинанинг икки томонлама тезкор ейилиши	Шинанинг тезкор бир томонлама ейилиши
		
Шина ички босимининг меъёридан ортиқ кўплиги. Етакловчи ғилдиракларда бирданига тезкор қўзғалиш	Шина ички босимининг меъёридан камлиги ва бурилишларда кўп ҳаракатланиш	Таянч кронштейни ёки шквореннинг шикастланиши. Пастки ричагнинг қийшайиши
Қанотга ўхшаш ейилиш	Махаллий ейилиш	Ўзига хос ейилиш
		
Бирикиси тортқиларининг шикастланиши ёки шарли бармоқларнинг ейилиши. Яқинлашув бурчагининг носозлиги	Тормоз барабанларининг нотекис ейилиши	Ғилдиракларнинг айланмай қолиши (блакировка)

7.67-расм. Эксплуатация жараёнида шиналарнинг ўзига хос ёйилиш сабаблари.

Шиналардан узоқ муддат фойдаланиш натижасида улар бир текис ейилмайди. Уларнинг бир текис ейилиши ва узоқ муддат ишлашини таъминлаш учун ғилдиракларнинг ўринлари даврий равшда алмаштириб турилади.

Шиналарга хизмат кўрсатиш техник хизмат кўрсатишнинг турлари бўйича, жорий таъмирлаш - шиномантаж устахонасида, капитал таъмирлаш (қайта тиклаш) - маҳсус корхоналарда бажарилади. Қайта тикланган шиналар тўғрисида тўлиқ маълумотлар бўлмаганлиги туфайли, улардан фойдаланиш даври эҳтимолий ҳол ҳисобланади. АСК шароитида шиналар бўйича ажратиш-йифиши, ҳаво босимини назорат қилиш, мувозанатлаш, камерани ва кичик шикастланган шиналарни таъмирлаш ҳамда ташқи назорат қилиш ва улардан фойдаланиш даврини ҳисобга олиш ишлари бажарилади. Юқоридаги иш турлари билан ғилдиракни ўрнатиш бурчакларини созлаш ишлари чамбарчас боғлангандир, бу ишлар 2.4-бўлимда кўриб чиқилган.

Шиналарни ажратиш-йифиши ишлари. Диск билан шинани ажратиш ва йифиши ишлари шина ўз муддатини ўтаб бўлгандан сўнг ёки камера тешилганда бажарилади. Ажратишдаги энг қийин масала шина бортини дискнинг четидан сиқиб чиқариш ҳисобланади. Шу мақсадлар учун АТК шароитида ёки заводлар томонидан ҳар хил жиҳозлар ишлаб чиқарилади. Енгил автомобиллар шиналарини ажратиш ва йифиши учун Ш-501М, ҳамда

Ш-514 моделдаги жиҳозлар ишлаб чиқарилади. Улар шина бортларини бир текисда босиш учун 2000-3000 Н кучни ҳосил қилувчи ҳаво юритмали босиш мосламаларига эгадирлар.

Юк автомобиллари шиналари учун Ш-509 ва Ш-513 жиҳозлари ишлаб чиқарилади. Улар бирданига айланып бўйича шина бортларини босиш учун 250 кН кучни ҳосил қилувчи суюқлик юритмали босиш мосламаларига эгадирлар.

Юкоридаги жиҳозлар йўқ бўлган тақдирда ажратиш ишлари кўл кучи ёрдамида бажарилади. Бунинг натижасида шинанинг ён томони жароҳатланади ва муддатидан олдин ишдан чиқади. Камерасиз шиналарда эса, бортлардаги резина қатлами жароҳатланади ва зичлик бузилади.

Шиналарни дамлаш. Йиғилган шина меъёрий ҳаво босимигача дамланади. Юк автомобиллар ва автобуслар шиналарининг дамлаш пайтида, занжир ҳалқаси чиқиб кетиб ишловчини жароҳатлаши мумкин. Бунинг олдини олиш мақсадида, улар маҳсус металл қафасларда дамланади. Агар дамлаш йўл шароитида бажарилса, ғилдиракнинг занжир ҳалқаси ерга қаратиб қўйилади. АСК шароитида шиналарни дамлаш ҳар хил усувлар билан бажарилади. Энг кўп тарқалган усул ҳаво колонкалари ёрдамида дамлаш. Бунда, назоратчи доимий қатнашиб туриши шарт бўлмай, шинадаги босим меъёрий ҳолга келгач, ускуна автоматик равишда ўчади. Бунинг камчилиги, меъёрий босимни(юк автомобиллари учун $\pm 0,02$ МПа, енгил автомобиллари учун $\pm 0,1$ МПа фарқи билан) таъминлашнинг қийинлигидан иборат. АСС ларда олиб борилган назорат ишлари шуни кўрсатадики, 40-60% шиналардаги босим меъёридан фарқ қиласи. Эксплуатация қилинаётган шиналардаги босимнинг эҳтимолий зичлиги шундай тавсифланади: математик кутиш меъёридан 5-10% кам, вариация коэффициенти $v=0,06\div 0,15$, шиналар ишлаш даврининг камайиши 4-10% ни ташкил қиласи. Бунинг сабаби қўшалоқ шиналардаги ички шинанинг босимини аниқлашнинг қийинлигидир.

Шинадаги босимни тез аниқлашнинг замонавий йўналишларидан бири, масалан, шинани ён қисмини ёки протекторини эзиш вақтида қаршилик кўрсатиш кучи бўйича ҳисоблашдир. Бу усулнинг камчилиги, аниқланган қийматнинг шина қаттиқлигига боғлиқлигидадир. Шунинг учун хам кўпинча оддий босим ўлчаш манометрларидан фойдаланилади.

Автомобилларнинг модели ва турини ҳисобга олган ҳолдаги шинадаги меъёрий ҳаво босимининг қиймати асосий ҳужжат ҳисобланган «Автомобил шиналарини эксплуатация қилиш қоидалари» да акс эттирилган. Ишлаб чиқарувчи заводларининг шиналарни эксплуатация қилиш қўлланмалари тавсия характерига эга.

Ҳаво босимини назорат қилиш ҳар бир ТХК да бажарилади. Ундан ташқари ҳайдовчи ҳар куни шинани кўздан кечириши ва зарурат бўлса босимини аниқлаши зарур.

Ғилдиракларни мувозанатлаш. Шина ишлаб чиқариш заводларининг техник шартига кўра юк автомобили шинасининг мувозанатсизлиги шина массасининг 0,5-0,7% ини унинг радиусига қўпайтмаси миқдорида, енгил

автомобилниги эса 1000-2000г·см бўлиши мумкин. Шунинг учун ўрнатилган ва дамланган ғилдиракларни мувозанатлаш зарур. Мувозанатлаш учун қўзғалмас К-121 ва AMR-5 (Германия) туридаги ҳамда автомобилдан ғилдиракларни ечишни талаб қилмайдиган ҳаракатланувчан K-125, EWK-15V (Польша) ва CWB-1762 (САН фирмаси) туридаги жиҳозлардан фойдаланилади.

У ўз навбатида тебранишларни электр импульсига айлантиради ва электрон ҳисоблаш блокидаги ўлчаш асбобига узатади. Бу асбоб импульс узунлигига қараб, мувозанатсизлик оғирлигини граммда кўрсатади. Гилдирак мувозанатсизлик массасининг ҳолати стробоскопик лампа ва градусларга бўлинган гардиш ёрдамида аниқланади.

Қўзғалмас жиҳозларнинг ишлаш тартиби қуйидагича: ғилдирак жиҳоз валига қотирилади ва 650-800 айл/мин тезликда айлантирилади. Мувозанатлашмаган ғилдирак массасининг айланиши ҳисобига бурувчи момент пайдо бўлади, натижада жиҳоз вали (жиҳоз тузилишига қараб) горизонтал, вертикал ёки конуссимон тебранади. Тебранишлар амплитудаси номувозанатлик қийматига боғлиқдир. Бу қийматни маҳсус датчиклар аниқлаб ўлчаш асбобига узатади.

Замонавий қўзғалмас жиҳозлар, ғилдиракларни мувозанатлаш ишини статик ва динамик турларга бўлмасдан туриб, бажарадилар. Биринчи навбатда, ғилдиракнинг ташқи бир томондаги энг енгил жойи, кейин эса иккинчи томондагиси аниқланади. Баъзи бир жиҳоз моделларида иккала томондаги мувозанатсизлик бир вақтнинг ўзида аниқланиши мумкин.

Ҳаракатланувчи жиҳозлар, мувозанатлашни бирин-кетин, аввал статик, кейин динамик тарзда бажарадилар. Ҳаракатланувчи жиҳозларнинг (7.68-расм) ишлаш йўриғи қуйидагича: осилган автомобил ғилдирагини-4, жиҳоз электродвигател-1 ёрдамида 120-170 км/соат тезликка тўғри келувчи частота билан айлантирилади. Автомобилнинг пастки осмаси ричагига-6 ёки таянч тормоз шитига маҳкамланган датчик-7 ғилдирак тебранишини электр сигналига айлантириб беради. Датчикнинг ўрнатиш юзасига таъсир этувчи импульслар жиҳознинг ўлчаш мосламасига юборилади. Импульс амплитудалари бўйича кўрсатувчи индикатор-3 ёрдамида керакли миқдордаги мувозанатлаш юкининг қиймати аниқланади. Шу жумладан импульслар стробоскоп лампани-2 ишга тушишига мажбур этади. Унинг ёнишида ғилдирак айланмасдан тургандай кўринади. Ёритилаётган нукта эслаб қолинади ва ғилдирак айланишдан тўхтагач, унинг энг оғир ери аниқланади.

Статик мувозанатсизликни бартараф этиш учун юкчалар-8 дискнинг икки томонига ўрнатилади. Динамик номувозанатликни бартараф қилиш учун юкчалар диагонал бўйича икки томонга ўрнатилади (7.68 б,в-расм). Мувозанатлашни аниқ бажариш мақсадида юқоридаги жараён 1-2 марта бажарилади.

Динамик мувозанатлаш ишларини бажариш жуда қийин, чунки датчикни таянч тормоз шити билан доимий контактда ушлаб туриш мумкин эмас. Охирги вақтларда хорижий фирмалар, фақат статик мувозанатловчи

жихозлар ишлаб чиқармоқда. Ҳаракатланувчи жихозларда ишлаш учун юқори савияли ишчилар талаб қилинади.

Статик мувозанатлаш жихозсиз ҳам бажарилиши мумкин, бунинг учун енгил айланувчи ступицага ғилдирак ўрнатилади. /илдиракнинг энг оғир қисми доимо пастки ҳолатда бўлади. қарама-қарши томонга ўрнатиладиган юқчалар бу ҳолат тугагунча алмаштириб турилади. Бу усул юк автомобиллари ва автобусларнинг ғилдиракларини мувозанатлаш учун тавсия қилинади.


Ғилдиракларни мувозанатлаш янги шина ўрнатилганда ва даврий ТХК да бажарилиши зарур.

Шиналарни тамғалаш. Ҳар бир шинанинг фарқланувчи белгиси завод рақами ҳисобланади. Шунинг асосида АТК да ҳисоб олиб борилади, лекин ишлаш жараёнида рақам англаб бўлмас даражага келиб қолиши мумкин. қайта тикланган шиналарда эса рақам умуман бўлмаслиги мумкин. Шунинг учун АСК ларда шиналар тамғаланади, яъни уларга гараж рақамлари куйдириб босилади. Бунинг учун маҳсус асбоблардан фойдаланилади: кучланишни 6 В гача пасайтирувчи трансформатор, 34×20 катталикдаги нийром симдан тайёрланган рақамлар учун колодка ва ушлагич. Кучланишни улаш натижасида рақам қизийди ва уни ғилдиракнинг ён томонига босилади. Куйдириш чуқурлиги 1 мм дан ошмаслиги зарур. Бунинг учун 6224 ва Ш-309 моделлардаги тамғалаш асбоблар ишлаб чиқарилади.

Камера ва шиналарни таъмирлаш. Агар камералар нефть маҳсулотлари билан шикастланмаган, деворлари қотиб қолмаган, шикастланган ерларининг ўлчамлари ямаш жихозларининг имкониятини қондирса, яъни шикастланиш узунлиги 150мм гача бўлса, улар таъмирланади. Таъмирлаш жойи чархлар ёрдамида дағаллаштирилади ва чангдан тозаланади. Кичик шикастланган (30мм гача) жойлар хом резина ёрдамида ямалади. Ямаш вақтида хом резина ва шикастланган жойга 1:8 таркибдаги елим (бир қисм хом резина ва саккиз қисм тоза бензин) билан ишлов берилади. Бу шарт бутилкаучукдан тайёрланган камераларга тегишли, чунки ҳавода кам диффузияланиб сингиш хусусиятига эга. Улар оддий ямаш материалларига ишлатилганда ямаш қийинлашади.

Елим тўлиқ қуригандан сўнг (буғсимон қатлам ҳосил бўлмаслиги учун) шикастланган жойга, хом резинадан тайёрланган ямоқ қўйилади ва ямаш аппаратига 15-20 мин ўрнатиб қўйилади. Ямаш ҳарорати 143°C. Худди шу усул билан шиналарнинг ён юзасидаги тўлиқ тешилмаган жойлар таъмирланади.

Йўл шароитида камераларни таъмирлашда аккумулятор батареясида ишловчи электр ямагичлардан фойдаланилади. Охирги вақтларда иситиши талаб қилинмайдиган ўзи ямаш материалларидан фойдаланилмоқда. Таъмирланган камераларнинг зичлиги сувли идишда текширилади.




7.68-расм. Ҳаракатланувчи мувозанатлаш жиҳозининг ишлаш шакли

Камераларни ямаш учун ҳозирда 6134, 6140, Ш-109, Ш-112, Ш-113 моделдаги электр ямагичлар ишлаб чиқарилади.

Камерасиз шиналарни дискдан ечмасдан (бортлардаги жипслаштирувчи қатламга шикаст етказмаслик мақсадида) туриб таъмирланади. Агар тешик 3 мм дан кичик бўлса, уни маҳсус елим паста билан шприц ёрдамида тўлдирилади. 3 дан 10 мм гача бўлган тешиклар тиқинлар ёрдамида таъмирланади (7.69 б, д-расмлар). Уларга елим суртилади ва маҳсус стерженлар ёрдамида тешикка киритилади. Тешиқдан чиқиб қолган қисм протектор юзасидан 2-3 мм баландликда кесиб ташланади. 10-15 минутдан сўнг шинани дамлаш мумкин.

Камерасиз шиналарнинг сифатсиз ямалишига сабаб, уларни ишлаб чиқарадиган завод томонидан ички қатламига маҳсус упа сепилганлигидадир.


Диаметри 10 мм дан ортиқ тешик ва ёриқлари бўлган шиналар дискдан ечиб олиб таъмирланади Бунинг учун тешик думалоқ эгов билан тозаланади ёки бир неча томчи бензин билан ҳўлланади. Маҳсус мослама ёрдамида шинанинг ички қисмидан тешикка хом резинадан тайёрланган қўзиқоринча киритилади, кейин эса ямалади(7.69 а, в-расм). Худди шу усул билан камерали шиналар ҳам таъмирланади.



7.69-расм. Шина тешикларини таъмирлаш учун мослама:
а-қўзиқоринча;
б-тиқин;
в-қўзиқоринчани нина қулоқли бигиз ёрдамида ўрнатиш;
г-қўзиқоринчани ўрнатиш мосламаси;
д-тиқинни ўрнатиш стержени

Юк автомобиллари шиналарининг 20-25% и енгил маҳаллий шикастланади (тешиклар, қирқилишлар, ёриқлар ва ҳ.к.). Улар ўз вақтида таъмирланмаса, 5-6 минг км дан сўнг катталашиб кетади, натижада шинани ҳисобдан чиқаришга тўғри келади. АСК шароитида маҳаллий шикастланган жойларни ўз вақтида таъмирлаш шиналарнинг эксплуатация даврини узайтиради.

Шинани сифатли ямашни таъминлаш учун, уни тозалаш ва қуритиш зарур. Каркас намлиги 5% дан ошмаслиги керак. Шикастланган жой кўпинча назорат йўли билан аниқланади, чунки ҳозирги вақтда ультра товушли мосламалар ва пневмодефектоскоплар мавжуд бўлиб, улар жуда киммат ва мураккаб тузилишга эгадир.



7.70-расм. Шикастланган жойни кесиш шакллари: а-ички конуссимон; б-ташқи конуссимон; в-қарама-қарши конуссимон; 1-протектор; 2-брекер; 3-каркас

Елим чўтка ёки сепгич ёрдамида суртилади. Сепгич ёрдамида сепиладиган елим таркиби 1:10 бўлиши керак. Шикастланган жойни ямашда ҳар хил усувлардан фойдаланилади, улар ишлатиладиган материал турига боғлик бўлади. Ҳар бир усул ўзининг технологиясига эга.

Шиналарни ямаш маҳсус жиҳозлар ёрдамида бажарилади. Улар ичига шина ўрнатилади ва шинанинг ичига эса, унинг шаклига мос сиқиш мосламаси жойлаштирилади. Шикастланган жойни иситиш бир ёки икки томонлама бўлиб, ямаш вақти 25-30% га қисқариши мумкин. Ҳозирда бу

ишлиарни бажариш учун Ш-116 ва Ш-117 моделдаги электрятмагичлар ишлаб чиқарилади

Протектори едирилган шиналар янги протектор қоплаш (ёпишириш) йўли билан тикланади. Тиклаш сарфи янги шина нархининг тахминан 25% ини ташкил қиласди. Тикланган шиналарнинг ишлаш даври янги шиналарга нисбатан 40-60% ни, агар олий навли резиналар ишлатилган бўлса, 100% ни ташкил қилиши мумкин.

Диагонал шиналар иккинчи марта, баъзи ҳолларда учинчи марта қайта тикланиши мумкин. Радиал шиналар эса, факат бир марта қайта тикланади.

Шиналар биринчи ёки иккинчи синф бўйича тикланади. Биринчи синфга корд матолари шикастланмаган ва кам тешилган (10 мм дан катта бўлмаган бештагача тешик) шиналар киради. Бу шиналарни шаҳарлараро автобуслардан ташқари, ҳар қандай транспорт воситасига ўрнатиш мумкин.

Иккинчи синфга каркасда ва брекерда чегаравий шикастлари мавжуд бўлган шиналар киради. Бу шиналарни енгил автомобиллар, шаҳар автобуслари, троллейбуслар ва ҳар қандай шаҳарлараро транспорт воситаларининг олдинги кўпригига ўрнатиш таъкиқланади.

Енгил автомобилларнинг диагонал тузилишга эга бўлган 4 қатламли ва радиал тузилишдаги шиналари қайта тиклашга, фақат биринчи синф бўйича қабул қилинади. Юқоридаги шартларга мос келмаган ва ишлаб чиқарилганига ўн йил бўлмаган шиналар иккинчи синф бўйича қайта тиклашга қабул қилинади.

7.8. Бошқариш механизмларига техник хизмат кўрсатиш ва таъмирлаш ишлари технологияси

Рул бошқармасининг асосий носозликларига рул механизми картерининг махкамланишини бўшаб кетиши, механизм деталларининг ейилиши, рул чамбараги ва колонкасининг бўшаб қолиши, червяк жуфти деталларининг едирилиб кетиши мисол бўлади. Гидрокучайтиргичли рул бошқармаларида, юқоридаги нуқсонлардан ташқари, насос идишида мойнинг меъёридан кам ёки ошиқ бўлиши, тизимда ҳаво ва сувнинг йиғилиши, насоснинг ишламай қолиши, мойнинг сизиб чиқиши, фильтрнинг кирланиб қолиши, насоснинг ҳимоя ва ўтказиш клапанларининг носоз ишлаши, насос узатмаси тасмасининг меъёр билан тортилмаслиги ва бошқалардан иборат.

Рул бошқармасини диагностикалаш кўрсатгичларига рул чамбарагини салт юриши ва уни бураш учун керакли кучни аниқлашдан иборат. Рул чамбарагининг салт юриши, енгил автомобиллар учун 7-12 градус (ЗИЛ-130 да 15, ВАЗ ва NEXIA автомобилларида 5° , КАМАЗ ва МЕРСЕДЕС БЕНЦ учун 15°), автобуслар учун $10-15^\circ$ ни ташкил қиласди. Рул чамбарагини бураш учун сарфланадиган куч 40-60 Н ни ташкил этиши керак. Бу кўрсаткич люфтомер-динометр ёрдамида текширилади.

Рул бошқармасини созлашда, тортигичлардаги шарнир ва рул механизми бирикмаларида тирқишилар йўқотилади. Рул механизмидаги


чөрвяк подшипнигининг ўқ бўйича силжишини прокладкалар ёрдамида созланади. Рул сошкасининг ўқ бўйича силжиши, таянч болт ёрдамида созланади.

Рул чамбараги эркин юришини аниқлаш (7.71-расм): Бунинг учун люфтомер-динометр рул чамбарагига ўрнатилади. У динометрга маҳкамланган (3)-шакаладан, рул колонкасига (1)-сиққичлар ёрдамида маҳкам қотирилган (2)-кўрсаткичдан ташкил топган бўлиб, динометр (4)-сиққичлар ёрдамида рул колонкасига қотирилади. Динометр шкалалари (5)-штокда кўрсатилган бўлиб, у рул чамбарагига қандай куч билан таъсир этилаётганини кўрсатиб туради (таъсир этиш кучи 20-120 Н бўлиши мумкин). Шток ёрдамида 10 Н куч билан чамбарак ўнг томонга, сўнг чап томонга ҳаракатлантирилади. Стрелка ўнг ва чап томонга оғиш катталиклари қўшилиб умумий эркин юриш йўли аниқланади. Ўрта сифатда эркин юриш 10°дан ошмаслиги керак. Агарда эркин юриш катта бўлса механизмнинг бўйлама ва тишлиларнинг илашиш тирқишилари созланади.


Чөрвяк-ролик, винт-гайка, рейка тишли сектор туридаги рул механизmlари икки турдаги созлаш мавжуд бўлиб, улар вал винтининг подшипнигининг ўқ бўйлаб тирқиши ва илашма тирқишини созлаш ҳисобланади.

1. Ўқнинг бўйлама силжишини созлаш (7.72 а-расм): Бунинг учун чамбарак бир зумда ўнг ва чап томонга бурилади ва ўқ бўйлаб олдинга тортиб қўрилади. Агар тирқиши меъёридан катта бўлса уни созлаш зарур. Бу тирқиши зичлагичларни камайтириш билан созланади.


2. Чөрвякни ролик билан илашиш тирқишини созлаш (7.72 б-расм): Бунинг учун чегараловчи гайка бўшатилади ва бурагич ёрдамида созвочи винт орқали тирқиши созланади. Бу ўз навбатида рул чамбараги эркин юришини меъёрийлигини таъминлайди.



7.71-расм. Люфтомер-динометр шакли: 1-қисқичлар; 2-кўрсаткич; 3-шакала; 4-қисқич; 5-шток



7.72-расм. Рул механизмінің бүйлама силжиши ва червякни ролик билан илашиш тирқишини созлаш: а) ўқнинг бүйлама силжишини созлаш: 1-пастки қопқоқ; 2-рул механизмі; 3-созловчи зичлагич; б) червякни ролик билан илашиш тирқишини созлаш: 1-созловчи винт; 2-шайба; 3-гайка.



7.73-расм. Рейка ва винт орасидаги тирқишини созлаш: 1-рул картери; 2-плунжер; 3-зичлаштириш ҳалқаси; 4-пружина; 5-созловчи тиқин; 6-чегараловчи гайка.

3. Рул бошқармаси тортқичлари техник ҳолатини анықлаш:

Бунинг учун рул чамбараги айланиш вақтида сошка бирданига ликиллатиб кўрилади, тортгичлар ҳолатини қўл билан пайқаш мумкин. Агар бирикмаларда люфт сезилса резвали тиқинлар тортиб кўрилади. Бунинг учун тиқин шплинти олинади, сўнг маҳсус калит билан тиқин охиригача буралади ва шплинт тўғри келгунча орқага қайтарилиб, шплинт жойига кўйилади.

Рул бошқармасидаги маҳкамлаш ишлари агрегат ва механизмларни қотирилганлигини текширишдан иборат бўлиб, буни бажаришдан олдин рул механизми картерининг автомобил рамасига, рул тортқилари ричагининг буриш муштига, сошкага, бўйлама ва кўндаланг рул тортқиси бармоғига маҳкамланиши текшириб кўрилади.

Рул механизм картеридаги ва гидрокучайтиргич бачогидаги мой сатҳи навбатдаги ТХК пайтида текширилади ва меъёригача мой қуйилади. Гидрокучайтиргич бачоги, унинг фильтрларини ҳамда картерни (йилда камида 1 марта ёки мавсумда, баҳор ва кузда) бензин билан ювиб, мойи алмаштирилади. Гидрокучайтиргичга двигател салт ишлаб турганда мой қуйилади. Рул механизмига узатмалар қутиси учун мўлжалланган Тап-10 ва Тап-15Л мойлари ёки трансмиссион мой қуйилади. Гидрокучайтиргичли рул

механизмига ёзда турбина мойи (маркаси 22), қишида АУ-веретён мойи қуйилади. МАЗ-500 рул механизмига ТМ-16П ва гидрокучайтиргичига ёзда индустрисал-20 ва қишида индустрисал-12 мойи қуйилади. КамАЗ автомобилининг гидрокучайтиргичига "Р" маркали мой қуйилади. Рул тортқиларининг шарнирли бирикмалари 1200÷1800 км юрилгандан сўнг, навбатдаги ТХК пайтида УС-2 ёки УС-3, шунингдек УСс-1, УСс-2 ёки УСс солидоли билан мойланади.

Ҳозирги вақтда ишлаб чиқарилаётган НЕКСИЯ, ЭСПЕРО, МЕРСЕДЕС-БЕНЦ ва бошқа турдаги автомобилларнинг рул механизмининг гидрокучайтиргичига ДЕКСРОН-II мойи қуйилади.

Рул бошқармаси механизмларини жорий таъмирлаш деталларини алмаштириш ҳисобига амалга оширилади. Деталларнинг ейилган жойлари, масалан, сошка вали бўйинлари хромлаш йўли билан тикланади, сошка вали охиридаги резба йўниб ташланиб, сирти пайвандланади ва янги резьба очилади. Рул механизми картеридаги подшипник ўрнатиладиган уяниг ейилган жойлари йўнилади ва пўлат ҳалқа пресслаб ўрнатилади. Таранглиги пасайган ва синган пружиналар, шарсимон бармоқларнинг ейилган вкладишлари, бўйлама ва кўндаланг тортқи бармоқлари алмаштирилади. Эгилган рул тортқилари совуқ ёки 800°C ҳароратгача қиздириб тўғриланади.

Тормоз тизимининг асосий носозликларига фрикцион қопламаларнинг ва тормоз барабанларининг (дискларининг) едирилганлиги, тормоз кучи созлагичини нотўғри ишлаши, гидроюритмали тормоз тизимида резинали манжетларни ейилиши ва шишиб кетиши, цилиндр ва поршенларни ейилиши, пневматик тормоз тизимида эса тормоз ва ҳимоя клапанларининг ейилиши, тормоз камерасидаги диафрагманинг тешилиши, қувват аккамулляторлари манжетларининг ишдан чиқиши мисол бўлади.

Даврий ТХК дан тормоз тизими бўйича барча бирикмалар ва труба ўтказгичларнинг зичлиги компрессорнинг ҳосил қилувчи босими, жихозда тормознинг ишлаш сифати, детал ва бирикмаларни жойига қотирилиши, тормоз тепкисининг салт ва ишчи юриш йўли, тормоз барабанлари (дисклари), колодкалар, ғилдирак подшипниклари, гидравлик тормоз тизимидағи суюқлик сатҳи, кўп контурли пневматик тизимлардаги контурлар ва тормоз кучини созлагичларнинг ишлаши текширилади.

Қўшимча равишда кундалик хизмат кўрсатиш вақтида баллонлардаги конденсалтар тўкилади, куз ва қиши вақтларида нам ажратгичдаги суюқлик сатҳи текширилади. Мавсумий хизмат даврида босим созлагичдаги фильтр керосин билан ювилади ва мавсум киришига нам ажратгич тайёрланади (ҳарорат $+5^{\circ}\text{C}$ дан пасайганда нам ажратгич ушлагичини юқори ҳолатига қўйилади).

Гидроюритмали тормоз тизимига эга бўлган автомобилларга техник хизмат кўрсатиша БСК (ТУ-6-10-1553-75) ва НЕВА (ТУ 6-09-550-73) туридаги ҳамда хорижий фирмаларда ишлаб чиқарилаётган тормоз суюқликлари (ДОТ-2, ДОТ-3 ва бошқалар) дан кенг фойдаланилмоқда. БСК суюқлиги канакунжут мойи(47 %) ва бутил спирти (53 %) дан, ҳамда қизил

ранг берувчи органик моддадан тайёрланади. Унинг камчилиги-15 градусдан паст ва 25°C дан юқори ҳароратда оқувчанлигини йўқотишидадир. НЕВА туркумидаги тормоз суюқликлари этилкарбитол суюқлиги асосида бўлиб, қуюқлаштирувчи ва занглашга қарши қўшимчалардан таркиб топган бўлади. Бу суюқликларни бир бирига кўшиб ишлатиш ман қилинади.

Кўйида автомобилларга ТХК даврида бажариладиган техник хизмат кўрсатиш ишлари билан мукаммал танишиб чиқамиз.


а) Гидравлик тормоз тизими бўйича бажариладиган ишлар таснифи:

1. Тормоз тизимини назорат қилиш.

Тормоз тизими барча механизмлари маҳкамланганлиги ва зичликлигини текшириш ҳамда автомобил ғилдирагини осиб қўйиб, унинг енгил айланишини аниқлаш.

2. Тормоз тепкисининг эркин юриш йўлини текшириш ва созлаш (7.74-расм).

Чизғичнинг бир учи полга қўйилиб, иккинчи томони тепкининг юзаси билан тенглаштирилади ва оралиқ аниқланади. Шу ҳолатда тепки қаршилик ҳосил бўлгунча босилиб, яна оралиқ аниқланади. Сўнгра биринчи ва иккинчи қийматлар фарқи ҳисобланади ва меъёрий қийматга мос келмаса созланади.




7.74-расм. Тормоз тепкисининг салт юриш йўлини созлаш:
1-вакуум кучайтиргич; 2-итаргич; 3-тормоз тепкиси;
4-тўхташ чироғини ёққич; 5-ёққич гайкаси;
6-тўхтатиш чироғини ўчиргич; 7-тепкини тортиб турувчи пружини; 8-бош цилиндр.

3. Тормоз колодкалари қопламаси ва барабан орасидаги тирқиши аниқлаш ва созлаш. ГАЗ-3110, ВАЗ, МОСКВИЧ ва GM-UZBEKISTAN енгил автомобилларида қоплама ва барабан орасидаги тирқиши автоматик равища созланади.

Бошқа суюқлик юритмали тормоз тизимида эга бўлган автомобилларда (ГАЗ юқ автомобиллари, ПАЗ автобуслари, 7.75-расм) тирқиши ғилдиракнинг орқа томонидан таянч диск (1) даги бармоқ эксцентриги (2) ёрдамида созланади.

Олди ва орқа калодкалар таянч бармоқлари гайкаси бўшатилади ва тормоз тепкисига 150-200 Н куч билан босилади. Таянч бармоқларини охиригача катта куч сарф қиласдан бурилади ва гайкаларни тортиб қўйилади. Тормоз тепкии қўйиб юборилиб, барабаннинг енгил айланиши текширилади. Агар калодка барабанга тегиб айланса, у ҳолда операция яна кайтадан бажарилади.

Барабан ечилиб махсус ўлчаш барабани ўрнатилади ва яssi шуплар ёрдамида колодка ва барабан орасидаги тирқиши аниқланади.




7.75-расм. Колодка ва тормоз барабани орасидаги тирқиши созлаш: 1-таянч диск; 2-бармоқ эксцентриги

Тирқиши бармоқ томондаги колодканинг учидан 25-30 мм масофада аниқланади (0,15 мм), бу ўз навбатида қарама-қарши томондаги тирқиши 0,4 мм га созлайди.

4. Суюқлик юритмали тормоз тизимидан ҳавони чиқариш.

Бош тормоз цилинтри ва ғилдирак ишчи цилиндрлари чанг ва ифлосликлардан тозаланади. Тормоз суюқлиги учун сифим қопқоғи очилади ва суюқлик сатҳи текширилади. Суюқлик сатҳи сифимнинг резбали қисмидан 15-20 мм. дан ёки "min" белгисидан паст бўлмаслиги керак. Ишчи цилиндр чиқариш клапани (1) нинг резина қопқоғи олинниб, ўрнига резина шланга (2) тиқилади ва бир учи 1/3...1/2 ҳажмда тормоз суюқлиги тўлдирилган шиша идишга тушурилади (7.76-расм).



7.76-расм. Тормоз тизимидан ҳаво чиқариш: 1-ҳаво чиқариш клапани; 2-резина шланга.

Шу ҳаво чиқариш кетма-кетлиги энг узок нуқтадан яқин нуқтагача босқичма-босқич бажарилади. GM-UZBEKISTAN енгил автомобилларида эса ҳаво чиқариш кетма кетлиги орқа ғилдиракдан бошлаб диагнал бўйича амалга оширилади (орқа чап-олдинги ўнг, орқа ўнг-олдинги чап).

5. Қўл тормозини текшириш ва созлаш.

Орқа колодка қопламаларининг едирилиши, трасснинг чўзилиши, қўл тормози ушлагичи йўлини қўпайиб кетишига олиб келади. Орқа ғилдиракларнинг тўлиқ тормозланиши ушлагични 2/3 тўлиқ йўли бўйича 400 Н куч билан тортганда амалга ошади. Уни созлаш учун ушлагич остига уланган колодкаларни тортиш тросси узунлигини камайтириш лозим.

б) Ҳаво юритмали тормоз тизими бўйича бажариладиган ишлар таснифи:

1. Компрессор техник ҳолатини аниқлаш ва тасмаларнинг таранглигини созлаш.

Компрессорни текширишдан аввал компрессор тасмасининг таранглиги текширилади ва созланади. Икки шкив ўртасидан тасмани 30-40 Н куч билан босганда, унинг эгилиши 10-15 мм ни ташкил этиши керак.

Компрессорни текшириш учун двигатель ишга туширилиб ҳаво босимининг кўтарилиш тезлиги аниқланади. Ҳаво босимининг 0 дан 0,6-0,7 МПа кўтарилиши 5-6 минут давом этиши керак.

2. Ҳаво босими созлагичини текшириш ва созлаш.

Ҳаво босими созлагичи компрессорни тизимдан 0,7-0,74 МПа босимда узиши ва 0,55-0,6МПа босимда улаши керак. Юқори босим зичлагичлар сонини ошириш ёки камайтириш йўли билан пастки босим калпокчани қотириш ёки бўшатиш йўли билан созланади.

3. Тормоз тизимининг зичлгини текшириш ва созлаш.

Зичлик икки участкада текширилади:

-Компрессор - тормоз крани участкаси:

Ишлаб турган двигател ўчирилади ва ҳаво босимини пасайиши манометр ёрдамида кузатиб борилади. Тормоз тепкиси босилмаган ҳолатда, босимнинг 10-12 минут давомида пасайиши 0,01 МПа дан ошмаслиги керак. Босимнинг меъеридан тез пасайиши компрессор-рессивер-тормоз крани участкасида зичлик бузилганлигини кўрсатади.

-Тормоз крани - тормоз камераси участкаси:

Ишламаётган двигателда тормоз тепкиси тўлиқ босилади ва манометр ёрдамида босимнинг пасайиши текширилади. Бунда босим тезда 0,10-0,15 МПа га пасайиши сўнгра пасаймасдан туриши зарур. Босимнинг меъеридан пасайиши тормоз крани-тормоз камераси участкасида зичликлек бузилганлигини кўрсатади. Ҳаво чиқиши жойи эшитиш ёки совун аралашмасини шубҳали жойларга суртиш билан аниқланади.

4. Тормоз кранини текшириш ва созлаш.


Тормоз тепкисининг эркин юриш йўли чегараловчи гайка билан маҳкамланган болт ёрдамида созланади. Тормоз тепкисининг эркин юриши (30 ... 60 мм), тормоз крани юқори ричагининг (1...2 мм) эркин юришга мос келади. Тормоз тепкиси босилганда, яъни тормоз камераси ва рессиверда

босим тенглашганда, унинг орқа томони кабина полига 10...30 мм етмаслиги керак. Агар шу шарт бажарилмаса, тепки тагига биритирилган вилка ёрдамида бу масофа созланади.

5. Тормоз камералари штоки йўлини текшириш ва созлаш (7.77-расм).

Шток йўлининг узунлиги линейка ёрдамида аниқланади, бу оралиқ олдинги фидиракларда 15...25 мм, орқа фидиракларда 20...30 мм бўлиши керак. Шток йўли, унинг учига ўрнатилган вилкани олдинга ёки кетинга бураш йўли билан созланади. Созлаш даврида чап ва ўнг фидираклардан камера штоги йўли бир хил бўлиши керак.

Автомобилларнинг тормоз тизимига ТХК ва ЖТ вақтида едирилган тормоз колодкаларининг қопламалари Р174 туридаги жиҳозлар ёрдамида йўнилиб ёки парчинмихлар пармаланиб олиб ташланади.




7.77-расм. Тормоз камераси штоги йўлини созлаш.

Янги қопламалар рангли металлардан тайёрланган парчинмихлар ёки ВС-10Т елими ёрдамида қотирилади. Елимлаш иш ҳажмини уч баробар камайтиради, рангли металларни тежайди, қопламаларнинг ишқаланиш юзасини ва ишлаш муддатини оширади. Елимлашдан аввал колодкалар металгача тозаланади, ацeton ёрдамида мойсизлантирилади ва 10 мин давомида қуритилади. Елим юзага 0,1-0,15 мм қалинликда бир қатlam суртилади ва 10-15 мин ушлаб турилади (елим қатламининг қалинлиги 0,5 мм дан юқори бўлса, бирикма мустаҳкамлигини пасайтиради), кейин иккинчи қатlam суртилади ва қайтадан қуритилади. қоплама колодка билан бирлаштирилиб маҳсус мосламага (7.78-расм) ўрнатилади ҳамда 0,2-0,4 МПа босим билан сиқилади ва 175-185°C ҳароратда 1,5-2 соат қуритилади. Бундан сўнг 50-60 мин. давомида печ ҳарорати 100°C га тушгунча, ҳамда 2-3 соат ҳавода совутилади. Бундай совитишда елимланган бирикмада қолдиқ кучланиш камаяди.

Елимлашнинг бошқа усули ҳам мавжуд бўлиб, унда пахта қофозли лента маҳсус мосламалар ёрдамида ВС-10Т елими билан шимдирилади ва қуритилади. Елимлаш вақтида керакли ўлчамдаги лента қирқиб олинади,


колодка ва қоплама орасига қўйилади ва уни 0,2-0,3 МПа босим билан сиқилади, $180\pm5^{\circ}\text{C}$ ҳароратда 1,5 соат ушлаб турилади. Елимлаш сифати 7,5-8МПа босим остида пресс ёрдамида силжишга текширилади.

Колодкаларнинг ишчи юзалари радиуси тормоз барабани ўлчамига мос келиши зарур. Буни амалга ошириш учун тормоз колодкалари Р114 ёки Р117 туридаги жиҳозларда йўниб ташланади. Худди шу жиҳозларда тормоз барабъларини таъмирлаш ўлчамларигача йўниш мумкин. Колодкаларни тормоз барабанларига ўрнатишда ишчи юзаларнинг бир-бирига тўлиқ бирлашишини таъминлаш зарур. Улар орасидаги тирқиши жуда кам қийматга эга бўлиши, лекин барабаннинг эркин айланишини таъминлаши зарур.



7.78-расм. Тормоз колодкасига қопламани елимлаш мосламаси:
1-ушлагич; 2-чегараловчи ҳалқа;
3-винт; 4-чегаралагич;
5-тормоз колодкаси; 6-қиздиргич

Пневматик тормозни червякли созлаш механизми, гидравлик тормозни эса экскентрик ёрдамида созланади. Тормоз тизимиning ишдан чиққан бирикмалари бўлакларга ажратилади, едирилган деталлар янгисига алмаштирилади.



7.79-расм ХҮНДАЙ автомобилининг автоблокировка тизимиning(ABS) жойлашув шакли

Автоблокировкали тормоз тизими. Автоблокировкали тормоз тизими (ABS) автомобилни бирданига тўхтатишида ва оғир йўл шароитларида ғилдиракларни тўлиқ (сирпаниб) тўхташини олдини олиш учун ишлатилади. ХҮНДАЙ автомобилида ABS двигател бўлимига жойлашган (7.79-расм) ва у ҳар бир ғилдиракка келувчи суюқлик босимини ҳамда ғилдирак тезлигини

назорат қиласы. Шунинг учун ABS тизими авария ҳолатлари ва сирпанчиқ йўлларда тормозланишда автомобилнинг бошқарувини осонлаштиради.

Тормозланиш вақтида **ABS** нинг ишлаётганлигини тормоз тепкисига тескари таъсир кўрсатаётган кучдан сезиш мумкин. Ҳаракатланиш вақтида мотор бўлимидан чиқаётган чиқиллаган шовқин орқали ҳам сезиш мумкин. Бу оддий ҳолат бўлиб, **ABS** меъёрий ишлаётганлигидан далолат беради. Қуйидаги шароитларда ABS билан қуролланган автомобилларнинг тормозланиш йўли меъёридан ортиқ бўлиши ҳам мумкин:

- дўнглик, шагал ва қор қопланган йўлларда ҳаракатланганда;
- филдиракка занжир боғлаб ҳаракатланганда;
- кўп чуқурликлар бўлган йўлларда ва ўнқир-чўнқирликларда ҳаракатланганда.

Юқоридаги йўл шароитларида секин ҳаракатланиш зарур. Катта тезликларда **ABS** билан жиҳозланган тормоз тизимларини текшириш ҳаракат ҳавфсизлигини таъминлаш мақсадида ман этилади. Ўт олдириш калитини ёқилганда **ABS** ни огохлантириш ёритгичи бир неча секунд ёниб туриб, сўнгра ўчади. Агарда ёритгич доимий ёниб турса ёки ҳаракатланиш вақтида ёниб қолса, **ABS** тизимида носозлик борлигидан далолат беради.

ABS тизимининг мумкин бўлган носозликлари ва уларни бартараф этиш усуслари

Носозлик аломатлари	Носозликни бартараф этиш усуслари
ABS ишламаяпти	<p>1-4 пунктлар бўйича текширинг. Агар ҳамма кўрсатгичлар меъёрида бўлса-ю аммо ишламаса, ABS ни алмаштиринг.</p> <p>1.ДТС ни текширинг ва чиқиш коди меъёрийлигига ишонч ҳосил қилинг.</p> <p>2.Кучланиш билан таъминлаш занжирини текширинг.</p> <p>3.Тезлик датчиги занжирини текширинг.</p> <p>4. Гидротизим зичлигини текширинг.</p>
ABS гоҳида ишламаяпти	<p>1-4 пунктлар бўйича текширинг. Агар ҳамма кўрсатгичлар меъёрида бўлса-ю аммо ишламаса, ABS ни алмаштиринг.</p> <p>1.ДТС ни текширинг ва чиқиш коди меъёрийлигига ишонч ҳосил қилинг.</p> <p>2.Кучланиш билан таъминлаш занжирини текширинг.</p> <p>3.Тезлик датчиги занжирини текширинг.</p> <p>4. Гидротизим зичлигини текширинг.</p>
Сканер билан боғланиш имконияти йўқ (хар қандай тизим билан боғланиш имконияти йўқ)	<p>1.Кувват мабаанини текширинг.</p> <p>2. Диагнозлаш шунтини текширинг.</p>

Сканер билан боғланиш имконияти йўқ (фақат ABS тизими билан боғланиш имконияти йўқ)	1.Кувват мабаанин текширинг. 2. Диагнозлаш шунтини текширинг. 3.ABC блокини текширинг.
Ўт олдириш калити ёқилганда ABS ёритгичи ёнмаяпти	1.ABS огоҳлантириш ёритгичи занжирини текширинг. 2. ADS (HECU) блокини текширинг.
Двигател ўт олгандан кейин ҳам огоҳлантириш ёритгичнинг ёниб туриши	1.ABS огоҳлантириш ёритгичи занжирини текширинг. 2. ADS (HECU) блокини текширинг.

Назорат саволлари

1. КХК ишлари таркиби
2. Автомобилларни ювиш турлари;
3. КХК зонасида лойтиндиргич ва мойбензинтутгичларнинг вазифалари
4. Кузовларни таъмирлаш ишлари таркиб
5. Бўёқчилик ишлари технологияси
6. Двигателга КШМ ни компрессияси бўйича диагноз қўйиш
7. КШМ ва ГТМ бўйича ТХК ишлари таркиби
8. Двигателни таъмирлаш ишлари таркиби
9. Совутиш тизимининг носозликлари ва унинг сабаблари
10. Совутиш тизимига ТХК
11. Мойлаш тизими носозликлари ва унинг сабаблари
12. Мойлаш тизимига ТХК
13. Карбюраторли таъминот тизими носозликлари ва унинг сабаблари
14. Карбюраторли таъминот тизимига ТХК
15. Дизел таъминот тизими носозликлари ва унинг сабаблари
16. Дизел таъминот тизимига ТХК
17. Инжекторли таъминот тизимига СХК нинг ўзига хослиги
18. Батареяли ўт олдириш тизимига ТХК
19. Батареяли ўт олдириш тизими носозликлари
20. Транзисторли-контактли ўт олдириш тизимига ТХК
21. Транзисторли-контактсиз ўт олдириш тизимига ТХК
22. Электр асбобларига ТХК
23. Илашиш муфтасининг носозликлари
24. Илашиш муфтасига ТХК
25. Гидротормоз носозликлари
26. Гидротормозга ТХК
27. Дизел таъминот тизими носозликлари ва унинг сабаблари
28. Дизел таъминот тизимига ТХК
29. ГБА таъминот тизими носозликлари ва унинг сабаблари
30. ГБА таъминот тизими га ТХК
31. Инжекторли таъминот тизими сервисида бажариладиган ишлар таркиби
32. Инжекторли таъминот тизимининг носозликлари ва унинг сабаблари

33. АКБ носозликлари
34. АКБ ни зарядлаш
35. АКБ га ТХК
36. Генератар носозликлари ва унга ТХК
37. Стартер носозликлари ва унга ТХК
38. Электр асбобларига ТХК
39. Узатмалар қутиси носозликлари
40. Узатмалар қутисига ТХК
41. Кардан узатмаси носозликлари
42. Кардан узатмасига ТХК
43. Асосий узатма носозликлари
44. Асосий узатмага ТХК
45. Червякли рул бошқармаси носозликлари
46. Червякли рул бошқармасига ТХК
47. Рейкали рул бошқармаси носозликлари
48. Рейкали рул бошқармасига ТХК
49. Пневмотормоз носозликлари
50. Пневмотормозга ТХК
51. Юриш қисми носозликлари
52. Юриш қисмига ТХК
53. Бошқарув ғилдираги ўрнатиш бурчакларини созлаш
54. Ғилдиракларни статик ва динамик мувозанатлаш
55. Шиналарни ишдан чиқиши сабаблари
56. Шиналарга ТХК

VIII БОБ
**АВТОСЕРВИС ЖАРАЁНИНИ МЕЪЁРИЙ-ТЕХНОЛОГИК
ТАЪМИНЛАШ**

8.1. Автосервис сифати

Автосервис корхонасининг рақобатбардошлигини таъминлайдиган омиллардан асосийси кўрсатиладиган хизмат сифатидир. Автосервис корхонаси рақобатбардошлик даражасини оширишнинг асосий йўналишлари кўйидагилар:

- хизмат кўрсатиш сифатини ошириш;
- буюртмани бажариш вақтини камайтириш;
- хизмат кўрсатишнинг имтиёзли ва сийловли баҳо сиёсатини олиб бориш;
- мижозлар учун қулайликлар яратиш, уларга ҳурмат ва эҳтиром билан муомала қилиш ва хизмат кўрсатиш маданиятини ошириш;
- ишлаб чиқаришни ривожлантириш, янги техника ва технологияни қўллаш, хизмат кўрсатишнинг янги шаклларини таклиф этиш.

Хизмат кўрсатииши сифати – хизмат турлари, хизматни бажаришга сарфланган вақт, иш бажариш сифати, тақдим этилган қулайлик ва маданият даражаси билан характерланади.

Хизматнинг юқори сифатига замонавий жихозларни қўллаш, меҳнатни тўғри ташкил қилиш ва рағбатлантириш, сифатли эҳтиёт қисмларни ишлатиш, иш сифатини назорат қилиш орқали эришилади.

Хизмат кўрсатишнинг юқори сифати автосервис фирмасининг хизматига талабни оширади ва унинг иқтисодий ҳолатини яхшилайди.

Буюртмани бажарииш вақтини камайтириши – аҳолига хизмат кўрсатиш даражасига, корхона фаолияти самарадорлигига, айланма маблағлар айланишни тезлаштиришга ва корхонанинг фойда билан ишлашига олиб келади.

В.В. Волгиннинг маълумотига [23] кўра хориж тажрибаси бўйича таъмирланган агрегатларни сотишдан тушган даромад янги автомобилларни сотишдан кам эмас. Янги ва таъмирланган агрегатларни қўллаш орқали буюртмани бажариш вақтини камайтириш имконини беради.

Автосервис корхонасининг иш тартиби мижозларга қулай ва мослашган бўлиши лозим. Зарур бўлганда иш вақти чўзилади ёки дам олиш куни ҳам ишни ташкил этилади.

Хизмат кўрсатишнинг имтиёзли ва сийловли баҳо сиёсатини олиб боришида қўйидаги шакллар қўлланилади:

- кафолатли баҳони қўллаш, яъни дастлаб белгиланган баҳо қўшимча ишлар чиққандা ҳам ўзгармаслигини таъминлаш;
- кечки, тунги вақтда ва дам олиш, байрам кунларида ҳамда катта ҳажмдаги буюртма бўлганда имтиёзли баҳони қўллаш;
- диагностиканинг айрим турларини бепул ўтказиш, мижозларга совғалар топшириш.

Хизмат кўрсатишнинг имтиёзли ва сийловли баҳо сиёсатини олиб бориш корхона имиджини ва ишдаги обрўсини оширади.

Мижозлар учун қулайликлар яратиши, уларга ҳурмат ва эҳтиром билан муомала қилиши ва хизмат кўрсатиши маданиятини ошириши қўйдагиларда намоён бўлади:

Мижознинг ишончини, хоҳишини ва сервис хизматига эҳтиёжини ошириш учун хизмат маданиятини юқори даражага қўтариш лозим. Хизмат маданиятининг асосий элементи бўлиб, хизмат кўрсатиш ходимларининг малакавий ахлоқи ҳисобланади.

Малакавий ахлоқ мижозга хизмат кўрсатувчининг ташки қиёфаси, тозалик ва шинамлик, ҳурмат ва эҳтиромда намоён бўлади. Малакавий ахлоқни яхшилаш ходимларни танлаш, тайёрлаш ва малакасини ошириш, улар билан тарбиявий ишларни олиб бориш ва иқтисодий рағбатлантириш орқали амалга оширилади.

Хизматнинг эстетик маданияти–хизмат кўрсатиш эстетикаси, интеръер, ходимнинг эстетик қиёфасидан иборат.

Хизмат қўрсатиш эстетикаси мижознинг корхонага келишидан яхши таъсурот олиши, кўнгилдагидек шароитнинг мавжудлиги ва салонларнинг қулайлигига асосланади.

Ходимнинг эстетик қиёфаси тозалик, орасталик, корхона белгиси туширилган фирма кийимида намоён бўлади.

Ишлаб чиқариши ривожлантириши, янги техника ва технологияни қўллаш, хизмат кўрсатишнинг янги шаклларини таклиф этиши.

Автосервис корхонаси ўзининг ишлаб чиқариш имкониятларини кенгайтириш, мижозларни жалб қилиш, ўзининг рақобатбардошлиқ афзалликларини ошириш учун ишлаб чиқариши ривожлантиради, илғор технологияни қўллайди, хизмат кўрсатишнинг янги шаклларини таклиф этади. Бунинг учун янги техника ва технологияни қўллаш, замонавий автомобиллар, сифатли эҳтиёт қисмлар ва автоэксплуатацион материаллар билан савдо қилиш, юқори малакали савдо ходимларини ишга жалб қилиш, хизматнинг янги турларини (автомобиллар прокати, бошқа корхоналар, шу жумладан АТКлар билан кооперация ишларини ташкил қилиш) ривожлантириш, автомобилларга тез техник ёрдам кўрсатиш, абонентли хизмат кўрсатишни ташкил этиш каби тадбирлар амалга оширилади.

Янги техника ва технологияларни қўллаш автомобилсозлик фирмаларининг автомарказларидаги дистрибуторлари ёки дилерлари томонидан амалга оширилади. Автомобилларнинг энг янги русмларини ва эҳтиёт қисмларини сотиш, уларга кафолатли хизмат кўрсатиш ҳам фирманинг ваколатли дилерларига топширилади.

Автомобили таъмирда бўлган мижозга бир неча соатга ёки кунга автомобилни прокатга бериб туреш ҳам мижозлар сонини кўпайтиради ва корхона рақобатбардошлигини оширади.

Автомобилни прокатга бериш амалиёти 1960 йилларда Тошкентдаги иккинчи таксомотор паркида тажриба сифатида синааб кўрилган, аммо ташкилий муаммолар туфайли давом эттирилмаган эди. Хорижий мамлакатларда автомобилларни прокатга бериш, шу жумладан, автосервисга

келган мижозларга ҳам уни қўллаш кенг ривожланган. Бизда ҳам бу илфор тажрибани йўлга қўйиш мақсадга мувофиқ.

Аҳолининг ўз автомобилларига ўzlари хизмат кўрсатишилари учун автосервисларда ўз-ўзига хизмат кўрсатиш постлари ташкил этилади.

Автосервис корхонасида мижознинг кутиш вақтини камайтириш мақсадида “Автомобил қалитини бериш” тамойили бўйича хизмат кўрсатиш ҳам мижозларни жалб қилишнинг самарали йўлларидан бири. Бунда мижоз ўз автомобил қалитини автосервис корхонаси ходимига топширади, у эса хизмат бўйича буюртма расмийлаштиришдан тортиб то таъмирланган автомобилни эгасига топширгунча бўлган амалларни бажаради.

Қишлоқ шароитида автосервисни ташкил этишда шахсий тадбиркорликни ривожлантириш ёки кўчма автосервис устахонаси хизматини ташкил қилиш кенг имкониятлар яратади.

8.2. Автосервис сифатини белгиловчи ва кафолатловчи қонунлар, стандартлар, ҳавфсизлик ва экологик талаблар

Автосервис сифатига мижозлар қўядиган талаблар давлат қонунларида акс эттирилса, уларнинг бажарилишига хукуқий асос яратилади.

Автомобиллар сервиси сифатини таъминловчи қўйидаги хукуқий-меъёрий ҳужжатлар мавжуд:

- давлат қонунлари ва стандартлари;
- тармоқ, муассасалар стандартлари, қоидалари ва талаблари (DStлар, низомлар, қўлланмалар ва хакозолар);
- хизмат кўрсатувчи корхоналар стандартлари;

Автосервис сифати ҳақида қўйидаги қонунлар ва давлат стандартлари мавжуд:

- “Ўзбекистон Республикасининг йўл ҳаракати хавфсизлиги ҳақидаги қонун” (1999 йил);
- “Истемолчиларнинг хукуқини ҳимоя қилиш тўғрисида”ги қонун (1996 йил);
- “Товарлар ва хизматларни сертификация қилиш тўғрисида”ги қонун;
- Ўзбекистон Республикасининг стандарти O’zDSt 1049:2003 “Ўзбекистон стандартлаштириш давлат тизими. Автомотранспорт воситаларида техник қаров ва таъмирлаш бўйича хизмат кўрсатишга бўлган умумий талаблар”.

Ушбу стандарт автомотранспорт воситаларида техник хизмат кўрсатиш ва таъмирлаш бўйича хизмат кўрсатишга бўлган умумий талабларни, белгиланган муддатларда ва етарли сифатли хизматлардан фойдаланишга, хизматлар ва уларни бажарувчилар ҳақида маълумотларни олишга фойдаланувчиларнинг хукуқларини ўрнатади, буюртмаларни қабул қилиш ва расмийлаштириш, фойдаланувчилар билан ҳисоб-китоб қилиш қоидаларини белгилайди, бажарувчиларнинг ва фойдаланувчиларнинг вазифаларини ва мулкий жавобгарлигини ўрнатади.

Унда техник хизмат кўрсатиш ва таъмирлаш бўйича хизматларнинг номлари ва уларни бажариш борасида қўйиладиган талабларни белгиловчи

20 дан ортиқ давлат стандартлари келтирилған. Шуни таъкидлаш лозимки, автомобил ишлаб чиқаришдаги айрим амалларни бажаришга қўйиладиган талабларга тегишли стандартлар (уларнинг сони 70 дан ортиқ) ва техник шартларининг қўпчилиги автомобилларга сервис хизмати кўрсатишда ҳам қўлланилади.

Ўзбек стандарти O'z Dst 1057:2004 “Автотранспорт воситалари. Техник ҳолат бўйича хавфсизлик талаблари” умумий фойдаланиш автомобил йўлларида харакатланадиган, эксплуатациядаги енгил ва юк автомобиллари, автобуслар ва автопоездларга мўлжалланган. Стандартда автотранспорт воситалари (АТВ) нинг техник ҳолати бўйича хавфсизлик талаблари, АТВ ва унинг йўл харакати хавфсизлиги (ЙХХ) ни ва атроф муҳит муҳофазасини таъминловчи қисмларининг охирги ҳолат параметрлари қийматлари ўрнатилган.

ЎзР Давлат стандарти O'z Dst 1058:2004 “Автотранспорт воситалари. Техник қўрик. Назорат усуслари” умумий фойдаланиш автомобил йўлларида эксплуатация қилинадиган енгил ва юк автомобиллари, автобуслар ва автопоездларга таллуқлидир. Мазкур стандарт АТВнинг ЙХХ, атроф муҳитни муҳофазасини таъминловчи элемент, бирикма ва тизимлари техник ҳолатини назорат қилиш усусларини ва АТВни эксплуатация қилишга рухсат этилмайдиган мезонларини ўрнатади.

Тармоқ, муассасалар стандартлари, қоидалари ва талаблари қуйидаги хужжатларда ўз аксини топган:

- “Автомобил транспорти харакатдаги таркибига техник хизмат кўрсатиш ва таъмирлаш ҳақидаги Низом”;
- “Фуқаролар автомобилларга техник хизмат кўрсатиш ва таъмирлаш ҳақидаги Низом”;
- “Автомобилларга кафолатли техник хизмат кўрсатиш тўғрисида Низом”;
- “«Ўзавтотеххизмат» ҳиссадорлик жамияти корхоналарида енгил автомобилларга техник хизмат кўрсатиш ва таъмирлаш тўғрисидаги Низом” ва бошқалар.

Хизмат кўрсатувчи корхоналар стандартлари:

- “«Автотеххизмат» Тошкент ҳудудий очик ҳиссадорлик жамияти корхоналарида енгил автомобилларга техник хизмат кўрсатиш ва таъмирлаш тўғрисидаги Низом”. Низомда автомобилларга техник хизмат кўрсатиш станцияси (АТХКС)да бажариладиган ишлар ва хизматларнинг тахминий рўйхати, буюртмани расмийлаштириш, қабул қилинаётган ва эгасига қайтарилаётган автомобилларга бўлган умумий талаблар келтирилган (8.1, 8.2-расмлар);
- “Корхоналар сифат тизими стандарти”. Бу стандарт истеъмолчиларнинг маҳсулот сифатига бўлган талабини қондирилганлик даражасини баҳоловчи самарали услубни ўрнатиш, истеъмолчиларни компания маҳсулотлари ва дилерлар хизматлари билан қондирилганлик даражасини ошириш учун дилерлар бажарган хизматлар сифати устидан назорат ўрнатишни таъминлайди.

АРИЗА

Киришга рухсат бераман:
_____ (уста имзоси)

Буюртмачи: _____

Туар жойи ва телефони: _____

Автомобилнинг давлат № турни кузов № двигатель №

чиқарилган йили _____, _____ км йўл юрган автомобилни қабул қилишни ва
қўйидаги ишларни бажаришни сурайман: (тагига чизилади, ёзилади)

Уста хulosаси:
* Сарфланган вақт

_____ соат _____ мин

1. Автомобилнинг таъмир талаблигини аниқлаш учун унинг холатини қўздан кечириш
2. Жиҳозлар билан диагностикалаш
3. Автомобилга техник хизмат кўрсатиш (ТХК)
4. Жорий таъмирлаш (ЖТ)
5. Двигателни таъмирлаш
6. Электр жиҳозларини таъмирлаш
7. Кузов ишларини бажариш
8. Бошқа ишлар

Буюртмачидан қабул қилинган материал ва эҳтиёт қисмлар

ЖТ ва ТХКга келиш вақти:

Чиқишига рухсат

Автомобил ва қўрсатилган эҳтиёт қисмларни

Топширдим буюртмачи: _____ Қабул қилдим уста: _____ “ _____ ” 20 ____ й
(имзо) (имзо)

Кун: _____

Изоҳ: 1. Ўз вақтида келинмаса, автомобил ТХКСга умумий навбат бўйича қабул қилинади.

2. Келишилган ариза буюртма наряд очиш учун асос бўлиб хизмат қиласди

3. Автомобил ҳолати ва таъмир талаблигини аниқлаш бўйича ишлар хақиқий (фактически)
холати бўйича нархланади.

РУХСАТНОМА

Автомобиль _____
давлат рақами № _____

Киришига рухсат
бераман:

Кун: _____

Вақт: _____ соат _____ мин

Имзо: _____

РУХСАТНОМА

Автомобиль _____
давлат рақами № _____

бераман:

Вақт: _____ соат _____ мин

Имзо: _____

8.1-расм. Автомобилларга ТХК ва уларни таъмиргга қабул қилиш бўйича буюртмачи аризаси

ТХКСнинг муҳр жойи

“Автотеххизмат” Акционерлик бирлашмаси
БЮОРТМА № серияси АА
№ лик Буюртма давоми

Буюртма түзилган	
Буюртма бажарилған	сана

Буюртмачи:

Тураг жойи ва телефони:

Автомобилнинг давлат № турини кузов № двигатели №чиқарилган йили.

Жами:
KKC

Тўлов учун умумий нарҳ:

жами:

Буюртма
тузувчи
(имзо)

Буюртмага автомобилни қабул қилди

Қабул қилды:

(Умумий нарх харф билан ёзилади)

куний нарх:

Газначи

(Имзо, мұхр)

8.2-расм. Автомобилларга ТХК ва үларни таъмирлаш бўйича буюртма

8.3. Автосервис сифатини таъминлаш учун зарур бўлган техник-технологик ҳужжатлар

Автомобилларга ТХК ва таъмирлаш хизмати сифатини таъминлаш мақсадида автомобилсозлик компаниялари ўз автомобиллари бўйича зарур бўлган барча техник-технологик ҳужжатларни ўз вақтида тайёрлаб, харидорларга, автосервис корхонаси дилерларига етказиб беради. Бу ҳужжатларнинг асосийлари қуйидагилардан иборат:

- автомобилларнинг ҳар қайси русумлари учун “Техник хизмат кўрсатиш ва таъмирлаш бўйича завод раҳбарий Йўриқномаси”;
- “Автомобилларни эксплуатация қилиш бўйича Йўриқнома”;
- “Автосервис ишлаб чиқаришини ташкил этиш Йўриқномаси”;
- “Автомобилнинг сервис дафтарчаси”;
- “Кафолатли хизмат тўғрисида Низом”;
- “Енгил автомобилларга техник хизмат кўрсатиш ва таъмирлаш тўғрисидаги Низом”;
- “Эҳтиёт қисмлар каталоги”;
- ТХК ва таъмирлаш ишларини бажаришга технологик хариталар ва бошқалар.

“Техник хизмат кўрсатиш ва таъмирлаш бўйича завод раҳбарий Йўриқномаси” заводнинг ваколатлик ҳуқуқига эга бўлган дилерларига мўлжалланган бўлиб, унда автомобилга техник хизмат кўрсатиш технологияси ва агрегат, қисм ҳамда деталларни таъмирлаш ҳақида тўлиқ маълумотлар келтирилган.

“Автомобилларни эксплуатация қилиш бўйича Йўриқнома” қуйидагиларни ўз ичига олади:

- кириш;
- автомобил билан танишиш;
- автомобил хавфсизлиги тизими;
- автомобил тавсифи;
- автомобилни бошқариш;
- фавқулодда ҳолатлардаги харакат;
- техник хизмат кўрсатиш;
- мижозлар учун маълумотлар;
- автомобилнинг техник тавсифи.

“Автосервис ишлаб чиқаришини ташкил этиш Йўриқномаси” автомобилсозлик фирмаларининг ўз дилерларига хизматни ташкил этиш бўйича берган йўриқномасидан иборат.

“Автомобилнинг сервис дафтарчаси”да автомобилсозлик компаниясининг кафолат мажбуриятлари ҳақида тўлиқ маълумотлар келтирилиб, хизмат кўрсатиш бўйича йўлланма ва ТХК амалларининг бажарилганлиги ҳақида белги келтирилади.

“Кафолатли хизмат тўғрисида Низом”, “Енгил автомобилларга техник хизмат кўрсатиш ва таъмирлаш тўғрисидаги Низом” да автомобилларга

техник хизмат кўрсатиш ва таъмирлаш бўйича меъёрлар, қоидалар ва талаблар келтирилган.

“Эҳтиёт қисмлар каталоги”да агрегат, узел ва деталларнинг каталог рақамлари, ҳамда расм ва схемалари келтирилади.

АТХК Сларда техник хизмат кўрсатиш ва таъмирлаш бўйича барча амалларнинг асосини **технологик карта** ташкил қиласди, яъни барча амаллар илгаридан тузилган карталар бўйича бажарилади.

Технологик карта – бу автомобиль ёки унинг агрегатлари, узелларига бўладиган таъсирларнинг барча турлари ва кетма-кетлиги, уларни бажариш учун керак бўладиган жихоз, ускуна ва асбоблар, бажарувчилар малакаси, меҳнат ҳажми ва амал қилиниши зарур бўлган техник талаблар келтирилган хужжатдир (8.3-расм).

Техник хизмат кўрсатиш ва таъмирлашда ишлатиладиган эҳтиёт қисмлар ва материаллар сифатининг мувофиқлиги ҳақида хужжатларга эга бўлиши лозим. Эҳтиёт қисм ва материалларни ишлаб чиқарувчилардан улгуржи савдо фирмалари ва улардан чакана харидорлар оладилар. Қадоқланган эҳтиёт қисмда сифат стандартига мувофиқлиги ҳақидаги белги, товар номи, ишлаб чиқарувчи мамлакат, штрихли код ва бошқа маълумотлар бўлиши керак.

(Автомобил русуми, агрегат номи, бажариладиган амал)

Технологик карта

№	Амалларнинг номлари	Ба-жари-лиш жойи	Хизмат кўрсатиш жойлари сони	Бажа-рувчи малака-си	Керакли жиҳозлар, мосламалар, асбоблар	Меҳнат ҳажми, и.с.	Техник талаблар

8.3-расм. Автомобилларга ТХК ва таъмирлаш бўйича технологик карта

Автотранспорт воситаларига ТХК ва таъмирлашда ишлатиладиган эҳтиёт қисмлар ва материалларни текширганда уларга ишлаб чиқарувчи томонидан берилган паспорт, сертификат ёки ёрлиқнинг амалдаги талабларга мослиги аниқланади.

Автотранспорт воситаларига техник хизмат кўрсатиш ва таъмирлаш бўйича хизматларни сертификатлаш жараёнида уларнинг хавфсизликни таъминлаш, табиатни муҳофаза қилиш ва бошқа экологик талаблар бажарилиши назорат қилинади.

Ихтиёрий сертификатлаш талабгорнинг ташаббуси билан хизматнинг барча турлари ёки унинг айримлари бўйича ўтказилиши мумкин.

8.4. Ишлаб чиқаришда сифатни таъминлаш чора-тадбирлари

Автомобилларга ТХК ва уларни таъмирлаш миқёсида бажариладиган ишлар техник ҳужжатларда кўрсатилган технологик тартибда, техник талаблар ва шартларга риоя қилинган ҳолда бажарилсагина сифатли бўлади.

ТХК ва таъмирлаш сифати қуидаги омилларга боғлиқ:

1. Ишлаб чиқариши технологик тайёрлаш;
2. Моддий-техника таъминоти;
3. Кадрларни тайёрлаш ва малакасини ошириш;
4. Метрологик таъминот;
5. Хизмат сифатига бўлган талабларни меъёрлаштириш ва хизмат сифати даражасини барқорорлаштириш;
6. Хизматни баҳолашдан ўтказиш (сертификация);
7. Хизмат сифатини яхшилашни рағбатлантириш;
8. Хизмат сифатини бошқаришни хуқуқий таъминлаш;
9. Давлат томонидан давлат стандартларининг жорий этилиши ва унга риоя қилинишини, техник шартларни, техник ўлчов воситалари ҳолатини назорат қилиш;
10. Хизмат сифатини муассасалар томонидан назорат қилиш;
11. Тизимни маълумот (ахборот) билан таъминлаш.

Шу кўрсатилган барча амалларни хисобга олган ҳолда корхонада ишлаб чиқариш стандартлари тузилади ва уларда ўз йўналишлари бўйича бажариладиган тадбирлар, бажарувчи бўлимлар ва ижрочилар аниқ кўрсатилади.

Автосервис хизматида сифат икки қисмдан, яъни автомобилда бажарилган ишларнинг сифати ва автомобиль эгалари-мижозларга кўрсатиладиган хизмат сифатидан иборатdir.

Ишлаб чиқариши технологик тайёрлаш.

Бу жараёнда ҳамма ишлаб чиқариш участкалари ва мувофиқ хизматлар керакли ҳужжатлар билан таъминланиши керак.

Жумладан, технологик ҳужжатлар ҳолатини текширишда қуидагилар ҳужжат аниқланади;

- технологик ҳужжатларнинг транспорт воситаларига техник хизмат кўрсатиш ва таъмирлаш меъёрлари ва талабларига мувофиқлиги;
- технологик ҳужжатларнинг техник талабларига мувофиқлиги.

Технологик тартибга риоя қилиш тартиби текшириш жараёнида эса қуидагилар мавжудлиги аниқланади:

- ҳар бир иш жойида технологик карталар, инструкция, автомобилларга ТХК ва Т ишларини бажаришдаги кўрсатмалар;
- ишлаб чиқариш участкаларини назорат ва синаш, диагностик жиҳозлар, ўлчаш воситалари;
- мавжуд технологик жиҳозларни режали таъмирлаш жадвалига амал қилиниши;
- ТХК ва Т ишларини ишчилар томонидан технологик ҳужжатлар йўриқномасига асосан бажарилиши.

Моддий-техника таъминоти. Хизматининг сифати моддий-техника таъминоти ҳолатига боғлиқ бўлиб, унга замонавий жиҳозлар, қурилмалар, асбоб-ускуналар ишлатилиши, меҳнатни ташкил қилиш ва рағбатлантиришнинг мақбул шаклидан фойдаланиши, таъмир вақтида сертификатланган эҳтиёт қисм ва агрегатни қўлланиши орқали эришилади.

Бунда катта эътибор ишлаб чиқариш минтака ва устахоналарини “Автосервис корхоналари учун технологик жиҳозлар рўйхати”даги энг замонавий синов-назорат, ўлчаш ва диагностикалаш жиҳозларининг ва механизациялашган технологик воситаларининг қўлланишига, технологик жиҳозларнинг ва қурилмаларнинг режавий-огоҳлантирувчи тартиб асосида таъмирдан чиқаришга қаратилган бўлиши лозим.

Кадрларни тайёрлаш ва малакасини ошириш хизмат кўрсатиш сифатига катта таъсир кўрсатади.

Замонавий мураккаб жиҳоз ва электроника билан таъминланган автомобилларга хизмат қўрсатиш юқори малакали, маҳсус маълумотга эга бўлган кадрларни тақазо этади. Автосервис хизмати бозори ривожланиши бўйича дунё амалиёти автосервис корхоналарининг мутлақ кўпчилигида олий маълумотли ходимлар ишлашини қўрсатади.

“Ишни бажариш ва хизмат кўрсатишни баҳолаш” ишни ва хизматни бажарувчининг малакаси билан ўлчанади.

Уни аниқлашда қуйидагиларга эътибор берилади:

- бажарувчининг малакаси, иш тажрибаси ва бошқа тавсифларининг меъёрий техник ҳужжатларда белгиланган талабларга мослиги (дипломи, разряди, меҳнат дафтарчаси, малакасини оширганлиги ҳақида сертификатлар ва бошқалар);

- технологик ва меъёрий ҳужжатларни, ишлаб чиқаришнинг метрологик таъминотини билиши;

- хизмат кўрсатиш малакаси;

- янги жиҳозлар билан ишлай олиш имконияти ва бошқалар.

Сервис бўйича технологик амалларни бажаришда ишнинг мураккаблигига қараб, ҳар-хил разрядли ишчилар ва мутахассислар жалб қилинади. Уларнинг малакалари мунтазам ошириб борилиши ва улар вақти-вақти билан қайта тайёрлаш курсларида ўқишлиари лозим.

Метрологик таъминот.

Автомобилларга техник хизмат кўрсатиш ва таъмирлаш сифатини бошқаришда асосий кўрсаткич автомобил ва унинг агрегати ҳамда тизимларининг техник ҳолати хисобланади. Техник ҳолат параметрлари талаб даражасида эканлигини аниқлаш метрологик таъминотга боғлиқ.

Автотранспорт воситаларига ТХК ва таъмирлаш хизмати метрологик таъминот талабига жавоб бериши қуйидаги омиллар орқали баҳоланади;

- ўлчов ва назорат-диагностика жиҳозларининг (ЎНДЖ) ҳолати ва қўлланишининг назоратини таъминловчи метрология бўйича масъул шахснинг мавжудлиги;

- ЎНДЖ нинг давлат ва муассаса томонидан текшириш жадвали мавжудлиги ва унинг олиб борилиши;

- ЎНДЖ нинг аниқлик сифати ва ўлчов чегаралари бўйича талабларга мослиги;

- ЎНДЖ аттестациядан ўз вақтида ўтказилганлигини тасдиқловчи тамға, шаҳодатнома ёки жиҳоз паспортларидағи белгиларининг мавжудлиги;

- технологик жараённинг автотранспорт воситаларига ТХК ва таъмирлаш технологик хужжатлари бўйича таъминланганлиги.

Хизмат сифатига бўлган талабларни меъёrlаштириши ва хизмат сифати даражасини барқарорлаштириши.

Сифатли хизмат кўрсатиш буюртмачига сидқидилдан, диққат-эътибор берган ҳолда, техник хизмат кўрсатиш ва таъмирлаш ишларини сифатли, кафолатли ва ўз вақтида бажаришдан иборатdir.

Хизмат сифатига умумий ва маҳсус талаблар қўйилади.

Умумий талаблар меҳнат ҳақидаги қонун, ички ишлаш тартиб-коидалари ва бошқа хужжатлар билан белгиланган.

Маҳсус талаблар АТХКСларда хизмат кўрсатиш қоидалари, мутахассислик билдиргилари, мансаб йўриқномалари ва бошқа турдаги меъёрий актларда ўз аксини топган.

Автосервис корхонасидаги хизмат сифатини баҳолаш борасида маълум даврийликда мижозлардан сўров ўтказиб турилади ва унинг натижалари бўйича хизмат кўрсатишдаги ютуқ ва камчиликлар аниқланади, улар олдинги эришилган натижалар билан солиштириб кўрилиб, чора-тадбирлар режаси ишлаб чиқилади ва амалга оширилади.

Хизмат сифати даражасини барқарорлаштириш учун корхонада қўйидаги тадбирлар оширилиши мақсадга мувофиқ:

1. Корхонада барча ишчи-ходимлар учун қатъий риоя қилинадиган ягона хизмат қоидалари бўлиши ва унга амал қилиниши;

2. Корхона томонидан ўз ишчи-ходимларига аниқ ва равshan талаблар қўйиш;

3. Ишчи ходимларни муттасил ўқитиш, малакаларини ошириш;

4. Ишчи ходимларни ўз корхонаси, фирмасига садоқатли руҳда тарбиялаш.

5. Ижодга йўл очиш;

6. Ишчи ходимларни моддий ва маънавий рағбатлантириш

Хизматни баҳолашдан ўтказиши (сертификация).

Хизмат сифатини сертификатлаш ISO-9000 сериядаги стандартлар бўйича амалга оширилади.

ISO-9001, ISO-9002 ва ISO-9003 стандарти 1994 йили қайта қўриб чиқилган, 2000 йили “ISO-9000” нинг янги таҳрири тасдиқланган ва ҳозиргacha амалда.

Ишчидан тортиб корхонанинг биринчи раҳбаригача ўз ишчи ўрни ва ваколати юзасидан сифат менежментига жалб этилсагина, хизматнинг юқори сифатли бўлишига эришилади. Сифатни бошқаришда харидор талаби, носозликлар, адашиш ва хатоликлар ҳақидаги маълумотлар ва харидор фикри ахамиятли ўринни эгаллайди.

Ўзбекистон Республикасида ҳам халқаро ISO стандартини халқ хўјалигида, шу жумладан, автомобил саноатида, автомобил сервиси ва таъмиrlашда жорий этиш бўйича салмоқли ишлар амалга оширилган. Халқаро ISO стандарти асосида давлат стандартлари яратилган (8.1-жадвал) [58].

8.1-жадвал

“ISO-9000” сериядаги стандартлар рўйхати

№	Белгиланиши	Стандарт номи	ЎЗР да МХ холати
1	2	3	4
1	ISO 9000:2000	Сифат менежменти тизими. Асосий тушунчалар ва лугат	O’z DSt ISO 9000:2002
2	ISO 9001:2000	Сифат менежменти тизими. Талаблар	O’z DSt ISO 9001:2002
1	2	3	4
3	ISO 9004:2000	Сифат менежменти тизими. Фаолиятни яхшилаш учун тавсиялар	O’z DSt ISO 9004:2002
4	ISO19011:2003	«Сифат менежменти тизими ёки экологик менежмент тизимининг аудити бўйича асосий кўрсатмалар»	O’z DSt ISO 19011:2004
5	ISO 9000-3:2004	СООРКОК. Программа таъминоти бўйича ISO 9001:2000 стандартини қўллаш низоми	
6	ISO 9004-2:1994	АУКЭСК. 2-бўлим. Хизматлар бўйича асосий низомлар	O’z DSt ISO 9004-2:1999
7	ISO 9004-3:1994	АУКЭСК. 3-бўлим. Қайта ишланувчи ашёлар бўйича асосий низомлар	
8	ISO 10005:2003	СМК. Сифат режаси бўйича асосий низомлар	O’z RH 51-090:1999
9	ISO 10006:2003	СМК. Лойиҳаларни бошқариш бўйича асосий низомлар	
10	ISO 1007:2003	СМК. Конфигурацияни бошқариш бўйича асосий низомлар	O’z DSt ISO 10007:2003
11	ISO 10012-1:2003	Ўлчов асбоблари сифатини таъминлаш бўйича талаблар. 1-бўлим. Ўлчов асбоблари учун метрологик таъминот тизими	
12	ISO 10012-2:2003	Ўлчов асбоблари сифатини таъминлаш бўйича талаблар. 2-бўлим. Ўлчов жараёнини бошқариш бўйича асосий кўрсатмалар	
13	ISO 10013:2001	Сифат бошқарувини яратишга тааллуқли асосий низомлар	O’z DSt ISO 10013:2001

14	ИСО 10014:2003	«Сифат иқтисодини бошқариш бўйича асосий кўрсатмалар»	O'z DSt ISO/TR 10014:2004
15	ИСО 10015:1997	Сифатни бошқариш. Ўқитиш бўйича асосий кўрсатмалар	O'z DSt ISO 10015:2003

Ушбу стандартларни ўрганиш ва жорий этиш анча мураккаб ҳамда маҳсус сертификати бор органлар томонидан ўқитилади.

Автосервис корхонасининг фаолиятини муваффақиятли бошқариш учун уни очик-ойдин тизимли бошқариш ва йўналтириб туриш даркор. Барча манфаатдор томонларнинг талаблари ҳисобга олинган сифат меженменти тизими яратилиб, жорий этилиб, доимий ишчи ҳолатда ушлаб турилса, корхонанинг муваффақиятга эришиши кафолатланади.

Автосервис корхоналари сифат тизими стандарти.

Компания дилерлари автосервис сифатини ва мижозлар талабини қондирилишини баҳолаш бўйича мижозлардан сўров ўтказади.

Бу стандартнинг мақсади – истеъмолчиларнинг маҳсулот сифатига бўлган талабини қондирилганлик даражасини баҳоловчи самарали услубни ўрнатиш, истеъмолчиларни компания маҳсулотлари ва дилерлар хизматлари билан қондирилганлик даражасини ошириш учун дилерлар хизматлар сифати устидан назорат ўрнатишни таъминлаш.

Ушбу стандарт истеъмолчиларни маҳсулот сифати ва автосервис хизматидан қондирилганлик даражасини баҳолаш учун дилерлик сервис станцияларида режавий текшириш ўтказувчи ташкилотларда қўлланилади.

“Автосервис ва эҳтиёт қисмлар” бўлими раҳбари зиммасига қўйидаги жавобгарликлар юкланди:

- дилерлик шартномаси шартларининг ваколатли дилерлар томонидан бажарилиши бўйича автосервиснинг дилер тармоғини баҳолаш бўйича ишларни олиб бориш;

- истеъмолчиларнинг маҳсулот ва хизматлар сифатидан қондирилганлигини доимий баҳолашни ташкил этиш;

- ўз вақтида маҳсулот сифатининг номувофиқлиги ҳақидаги маълумотни «Кафолат ва сифат назорати» бошқармасига тақдим этиш;

- дилерлик хизмати сифати ва истеъмолчилар қониқиши даражаси ҳақидаги маълумотларнинг ўз вақтида, тўлиқ тақдим этиш ва ишончлилигини таъминлаш.

Автосервис корхоналарида компания дилерлари автосервис сифатини ва мижозлар талабини қондиришни баҳолаш бўйича сўров маълумотлари таҳлил қилиниб, чора-тадбирлар ишлаб чиқилади ва амалга оширилади.

Автомобил сервиси соҳасидаги рақобатнинг кучайиши хизмат сифати кўрсаткичларига қўйилаётган талабнинг ортиб боришига олиб келмоқда ва бу соҳада ҳар қайси корхона тизимли, мунтазам иш олиб боришини тақозо қиласади.

Назорат саволлари

1. Автомобилларга техник хизмат кўрсатиш ва таъмирлаш ишлари сифати қандай омилларга боғлиқ?
2. Автосервис маъданияти нима?
3. Автосервис сифатини белгиловчи қонун, стандарт, талаблар нималардан иборат?
4. Автосервис сифатини таъминловчи қандай техник технологик хужжатлар мавжуд?
5. Ишлаб чиқаришда сифатни таъминлаш чора-тадбирлари нималардан иборат?
6. Халқаро ISO стандартининг моҳияти нимадан иборат?

IX БОБ

АВТОСЕРВИС КОРХОНАЛАРИНИНГ МОДДИЙ-ТЕХНИК ТАЪМИНОТИ

9.1 Моддий-техник ресурсларни умумий тавсифи

Моддий-техник таъминот деганда, моддий бойликлар ишлаб чикириш ва уларни истеъмолчиларга етказиб бериш жараёни тушинилади.

АСКнинг моддий техник таъминотига сервисга кирадиган автомобиллар учун керакли эксплуатацион материаллар, эҳтиёт қисмлар, агрегатлар, шиналар, аккумуляторлар ҳамда сервис корхонасини эҳтиёжи учун ва бир меъёрда ишлаши учун керакли бошқа материаллар билан таъминлаш вазифалари киради.

Моддий-техник таъминот қайта ишлаб чикишининг асосий қисми бўлиб, у иқтисодий қонунларга бўйсунади. Нарҳ қонунининг таъсири маҳсулотни сотиш жараёнида намоён бўлиб, унинг вазифаси маҳсулотни ишлаб чикиришдан то буюртмачигача белгиланган нарҳдан оширмасдан етказишни таъминлашдан иборат.

Автомобил-тикланадиган мураккаб буюм бўлиб, уни ишлаш қобилятини ушлаб туриш учун мажбурий профилактик ва талаб асосида жорий таъмирлаш ишлари ўтказилади. Бу вақтда айрим детал, агрегат ва материаллар алмаштирилайди. Агар АСК омборларида етарли даражада эҳтиёт қисм ва материаллар бўлса, техник таъсир ишлари сифатли ўтказилади. Мунтазам ишлашни таъминлаш учун АСК бир неча минг турдаги буюм ва материалларга эга бўлиши керак.

Чет давлатларда автомобил ишлаб чиқарувчилар орасида, шундай қоида бор: «ким ишлаб чиқарса, ўша хизмат кўрсатади». Шу сабабли автомобилларни керакли эҳтиёт қисмлар билан таъминлашни асосан автомобил ишлаб чиқарувчи фирма (завод)лар ўз зиммасига оладилар.

АСКда моддий-техник таъминотнинг асосий вазифалари қўйидагилардан иборат:

- автомобилларга сифатли ва ўз вақтида хизмат кўрсатиш учун керак бўлган барча эҳтиёт қисм ва материаллар билан таъминлаш,
- эҳтиёт қисм ва материалларни тежаш;
- эҳтиёт қисм ва материалларга ўз вақтида, керакли ном(номиклатура) ва ҳажми бўйича буюртма бериш, уларни қабул қилиш (сотиб олиш) ҳамда заҳирасини ҳосил қилиш ва сақлашни ташкил этиш.

АСКда моддий-техник таъминотнинг самарадорлигини ошириш сарф-ҳаражатларни бозор иқтисодиёти шароити асосига қуриш ва керакли меъёрлардан фойдаланиш билан узвий боғлиқдир.

9. 2 Автосервис корхоналарида ишлатиладиган буюм ва материаллар

Эҳтиёт қисмлар. ГОСТ 18322-78 га мувофиқ эҳтиёт қисм бу - бузилган деталлар ўрнига қўйиладиган захира детал ва узеллардир. Шунинг учун эҳтиёт қисмларни “совук” резерв заҳираси каби қаралади. АСКда

кўлланиладиган буюм ва материаллар номенклатурасини 70% яқинини эҳтиёт қисмлар ташкил этади.

Эҳтиёт қисмлар номенклатураси, бу–автомобилни ишлаб чиқарган корхонанинг техник хужжатлари асосида, маълум кетма-кетликда, деталларнинг каталог рақами ва номи бўйича тузилган рўйхат.

Ҳар бир автомобиль русуми учун эҳтиёт қисмлар каталоги мавжуд. Каталогларда агрегат, узел, тизимлар тузилиши ва унда жойлашган деталларнинг рақами, номи ва коди келтирилади.

Булардан ташқари, Мустақил Давлатлар Ҳамкорлиги (МДХ)да ишлаб чиқарилган автомобиллар учун номенклатура дафтари мавжуд. Унда эксплуатация жараёнида алмаштириладиган деталлар номенклатураси ва ҳар бир детал бўйича эҳтиёт қисмларнинг 100 та автомобиль учун бир йилги меъёрий қиймати ва нарҳи берилади. Ушбу номенклатура дафтари орқали ҳар бир автосервис корхонаси ўз ишлаш шароитидан келиб чиқсан ҳолда, керакли эҳтиёт қисмлар номенклатурасини, ҳажмини аниқлаб, буюртма беришлари мумкин.

Автомобил шиналари ва аккумулятор батареялари. Бу турдаги буюмлар автомобиль эҳтиёт қисмлар номенклатурасига кирмайди, шунинг учун автосервис корхоналарида уларнинг алоҳида ҳисоби олиб борилади ва режалаштирилади. Республикаизда эксплуатация қилинаётган автомобилларда юзга яқин турдаги шиналар ва уларга тегишли камералар ҳамда ўндан ортиқ номдаги аккумулятор батареялари қўлланилмоқда.

9.3 Эҳтиёт қисмлар таъминоти тизими

Ўзбекистонда 1991 йилгача марказлаштирилган моддий-техник таъминот тизими ишларди, у давлат омбор тармоқлари орқали агрегатлар, эҳтиёт қисмлар, технологик жиҳозлар ва эксплуатацион материалларни тақсимлаб, АСКга етказар эди. Ҳозирги вақтда бу тизим бозор иқтисодиёти шароитида чет давлатлар тажрибаларига асосланган ҳолда ишламоқда. Республикаиздаги АСКни эҳтиёт қисмлар билан таъминлаш тизимининг таркибий тузилиши 9.1-расмда келтирилган.

Автомобил эҳтиёт қисмларини ишлаб чиқарувчи корхоналар гурухи куйидагилардан иборат: автомобиль ва эҳтиёт қисм ишлаб чиқарувчилар; мустақил пудратчи таъминловчилар; автомобиль ишлаб чиқарган заводлар орқали агрегатларни таъмирлаш; тақлид қилувчи (имитатор)лар.


Автомобил ва эҳтиёт қисм ишлаб чиқарувчилар томонидан тайёрланадиган асл эҳтиёт қисмлар (кузов, трансмииссия деталлари ва бошқалар) ишлаб чиқаришни бутлашдан ташқари, эксплуатациядаги автомобилларни таъминлаш учун ҳам юборилади.

Мустақил пудратчи таъминловчиларга бутловчи сифатида ишлатиладиган детал ва узелларни ишлаб чиқарувчи ихтисослашган фирма (пудратчи завод)лар киради. Масалан Республикаиз худудида иш олиб бораётган етакчи қўшма корхоналар: “Ўз-Корам Ко” олдинги ва орқа бамперларни ҳамда приборлар панелини, “ЎзЭксайд” (аккумулятор батареяларини), “Автоойна” (автомобил ойналарини) ва бошқалар. Улар ўз

буюмларини ишлаб чиқаришга етказиб берадилар ҳамда тизим омборлари ва ҳар хил турдаги дүконлар орқали сотадилар.

Автомобил ишлаб чиққан заводлар орқали агрегатларни таъмирлаши. Йирик автомобиль ишлаб чиқарувчи фирмалар ҳозирги вақтда ейилган деталларни ўз кучлари билан сифатли тикламоқдалар. Улар томонидан двигател ва бошқа агрегатлар, буюмлар таъмирланади ва эҳтиёт қисм сифатида, эксплуатация жараёнида ишлатилади.

Тақлид қилувчи (имитатор)лар – факат сотиш учун эҳтиёт қисмларни ишлаб чиқарувчи қўп гурухли, етарли рақобатчи имитатор-корхоналардир. Бундай корхоналарда кўпинча кам номли деталлар номенклатураси ишлаб чиқарилади, уларнинг сифати ва стандартларга мослиги кафолатланмайди ҳамда нарҳи аслиятга нисбатан паст бўлади.



9.1-расм. Республикаиздаги автосервис корхоналарини эҳтиёт қисмлар билан таъминлаш тизимининг таркибий тузилмаси

9.4 Корхоналарнинг омбор хўжаликлари

АСК технологик жараёнини бошқаришда омбор хўжаликлари асосий бўғин бўлиб хизмат қилади.

Омборлар-бу ишлаб чиқарувчидан олиб келинадиган резерв материал ресурсларни қабул қилиш, саралаш, жойлаштириш, сақлаш ҳамда улар заҳирасини бошқариш ва ишлатиш учун тайёрлаш, истеъмолчиларга топширишга хизмат қилувчи бино, иншоот, жихоз ва ҳар хил қурилмалар мажмуасидир.

Автомобил ва эҳтиёт қисмларни ишлаб чиқарувчи завод (фирма)лардан то АСК етказиб бериш асосан уч босқичли омборлар мажмуасидан иборат: марказий, худудий(регионал) ва дилерлик омборлари. Фирманинг автомобиллари географик худудлар бўйича кенг тарқалган шароитларда, тўрт босқичли омборлар тизимидан фойдаланади: бунда марказий омбордан кейинги босқичда минтақавий(зона) омборлар бўлиб, улар худудий омборлар гурухига хизмат кўрсатади.

Марказий омбор- моддий-техник таъминот тизимининг асосий таркибий қисми. Бу омборда фирманинг ўзида ва чет давлатларда эксплуатация қилинаётган автомобиллар паркига керакли эҳтиёт қисмларнинг 80%га яқин номенклатураси (яъни 50-70 минг номдаги деталлар) сақланади. Сақланадиган эҳтиёт қисмлар номенклатураси, уларнинг ҳажми ва олиб келиш даврийликлари режа асосида олиб борилади. Режа эҳтиёт қисмларнинг олдинги йилги сарфига ва автомобиллар парки таркиби асосланиб тузилади. Бу омборга эҳтиёт қисмларнинг асл нусхалари автомобил ишлаб чиқаручи ва пурратчи ҳамда фирма таркибидаги агрегат ва деталларни таъмирловчи заводлардан етказилади. Ҳар бир детал номи бўйича муқобил заҳира ҳажми йиллик талабнинг 30...35% даражасида сақлаб турилади.

Марказий омборнинг бир нечта бўлимлари бўлиб, улар минтақа (регион)лар бўйича автомобил паркини ҳисобга олиш, буюртмаларни рўйхатлаш, сотилаётган, заҳирадаги ва келтирилаётган деталларни назоратлаш, меҳнат сарфини ҳисобга олиш, бухгалтерия ҳисоби каби ишларни бажарадилар.

Минтақавий (зона)омборлар - марказий омборнинг бўлимлари ҳисобланади. Уларнинг вазифалари ўз минтақаларидаги автомобил паркини эҳтиёт қисмлар билан таъминлашdir. Бу омборларнинг ҳажми улар томонидан хизмат кўрсатиладиган ҳудудлар сонига боғлиқ. Минтақавий омборларга эҳтиёт қисмлар, асосан, марказий омбордан келтирилади. Айrim вақтларда, эса мустақил равишда бу омборларга эҳтиёт қисмларнинг асл нусхалари автомобил ишлаб чиқаручи ва пурратчи ҳамда фирма таркибидаги агрегат ва деталларни таъмирловчи заводлардан тўғридан-тўғри олиб келинади. Уларда сақланаётган деталлар номенклатураси 20 минга яқин номдан иборат бўлиб, ўртacha заҳира ҳажми 1,5...2 ойга етарли даражада ушланади. Максимал ва минимал заҳира ҳажми кўп йиллик тажрибаларга

асосланиб, етарли даражасида ушланади, яъни ўртача максимал заҳира 2,5...3 ойлик, минимали эса 1...1,5 ойлик талаб даражасидан ошмайди.

Худудий омборлар - миңтақавий омборларнинг бўлимлари ҳисобланади. Бу омборлар автомобил парклари жамланган туманларда жойлаштирилади ва уларнинг вазифаси ушбу автомобил паркини керакли эҳтиёт қисмлар билан таъминлашдир. Агарда фирма автомобилларининг йиллик экспорти 2 мингдан ошса, худудий омборлар бошқа давлатлар худудида ҳам ташкил этилади. Эҳтиёт қисмлар бозоридаги қаттиқ рақобат талаблари автомобил фирмаларини тезкор ишлашга ва янги бошқариш усулларини қўллашга жалб этади. Шу сабабли бу омборларнинг ҳажми улар томонидан хизмат кўрсатиладиган туманлар сонига боғлиқ. Уларда умумий эҳтиёт қисмлар номенклатурасининг 60%га яқини (10...15 минг номдаги деталлар) ва ҳар бир ном бўйича 2,5...3 ойлик заҳираси сақланади. Худудий омборларга эҳтиёт қисмлар асосан миңтақавий (ёки марказий) омборлардан келтирилади. Айрим вақтларда, мустақил равишда, бу омборларга эҳтиёт қисмларнинг асл нусхалари автомобил ишлаб чиқаручи ва пудратчи ҳамда фирма таркибидаги агрегат ва деталларни таъмирловчи заводлардан тўғридан–тўғри олиб келинади. Худудий омборлар юқори боқичдаги омборлар билан режа асосида биргаликда ишлайдилар.

Худудий омборлар фаолият кўрсатадиган ҳудудларда фирмалар йирик АСК марказини ташкил этадилар.



9.2- расм. Эҳтиёт қисм ва материалларни омбори

Йирик дилерларнинг АСК марказининг омборлари ўз фаолияти учун ҳамда ҳудудларидаги кичик дилерлар учун керакли эҳтиёт қисмларга бўлган талабни қондиради. Уларда умумий эҳтиёт қисмлар номенклатурасидан 20%, асосан энг кўп талаб этиладиганлари (5...7минг деталлар) сақланади. Уларнинг ўртача заҳираси ҳар бир ном бўйича 1,5 ойга етади.

Сақланадиган эҳтиёт қисмлар номенклатураси ва ҳажми дилерлик АСКнинг қуввати бўйича аниқланади (400...1000 номда). Бунда бирорта детал йўқ ҳолатида, уни фирманинг АСК марказидаги (йирик дилер)

омборидан ёки регионал омбордан 1-2 кун, баъзида бир неча соат ичида етказиб берилиши эътиборга олинган.

АСК ўз худудида мижозлар автомобилига эҳтиёт қисм ва материаллар билан қўшимча таъминлаш мақсадида чакана савдо қилувчи дўкон ва омборлар ташкил этадилар. Бундай ихтисослашган дўконларда сотиладиган эҳтиёт қисм ва материаллар номенклатураси АСК вазифаси ва қувватига боғлик.

АСК омборларида сақланадиган ва унинг худудида жойлашган дўконларда сотиладиган эҳтиёт қисм ва материаллар сифати ва стандартларга мослиги кафолатланади.

АСК омборида сақланадиган эҳтиёт қисмлар ҳажми ва номенклатураси бўйича мижозлар тез-тез талаб этадиган деталлардан иборат бўлиши керак.

9.5 Сервис корхоналарида ресурсларни меъёрлаш ва эҳтиёжларни аниқлаш

АСКнинг эҳтиёт қисмларга бўлган талабини аниқлашда, уларни сарфлаш меъёридан фойдаланилади. Сарфлаш меъёрлари, эҳтиёт қисмларни ишлаб чиқариш, режалаштириш ва уларга буюртма бериш ҳажмини ҳамда АСК бўйича эҳтиёт қисмларга кетадиган сарфларни аниқлашда ишлатилади.

Номенклатура меъёри, ҳар бир детал бўйича ўртача эҳтиёт қисмлар сарфини белгилайди, яъни дона, 100 автомобил учун, бир йилга. Номенклатура бўйича эҳтиёт қисмлар меъёри асосан уч усул бўйича аниқланади:

1. деталларнинг ҳақиқий сарфи;
2. деталларнинг ресурси;
3. эҳтимоллик усули.

Деталларнинг ҳақиқий сарфи бўйича усулда, маълум давр ичида (кузатув вақтида) назорат остига олинган автомобиллар эксплуатацияси жараёнида, АСК ва таъмирлаш корхоналарида, ҳар бир детал бўйича ҳақиқий сарфланган эҳтиёт қисмлар сони асосида меъёр аниқланади (НАМИ усули):

$$H = \frac{(M_3 + M_k)100L_u}{L_{умум}}, \quad (9.1)$$

бу ерда: H_a – эҳтиёт қисм сарфи меъёри (кўрилаётган детал бўйича), дона/100 автомобил учун бир йилга; M_3 – эксплуатация жараёнидаги деталларнинг ҳақиқий сарфи, дона; M_k – таъмирлаш корхоналарида автомобилларни таъмирлаш жараёнидаги деталларнинг ҳақиқий сарфи, дона; L_u – автомобилларнинг меъёрий, йиллик йўли, минг км; $L_{умум}$ - назорат остига олинган автомобиллар кузатув вақтида босиб ўтган масофалар йиғиндиси, минг км.

Мисол: деталларнинг ҳақиқий сарфи усули билан эҳтиёт қисм сарфи меъёрини аниқланг. Керакли маълумотлар 9.1-жадвалда келтирилган.

Эҳтиёт қисмлар сарф меъёри:

$$H = \frac{(55+0) \times 100 \times 15}{2000} = 41 \text{ дона/100авт.бир йил}$$

Деталларнинг ресурси бўйича эҳтиёт қисмлар сарф меъёлари деталларнинг ишончлилиги (ресурси), эксплуатация жадаллиги ва автомобилларнинг ҳисобдан чиқарилгунгача хизмат муддати бўйича маълумотлар тўпланиб, қуидаги аниқланади:

$$H = 100 \times n(L_a - L_1) / (L_2 \times t_a), \quad (9.2)$$

бу ерда: H –эҳтиёт қисм сарф меъёри (кўрилаётган детал бўйича), дона/100 автомобил учун бир йилга; n – автомобилдаги бир хил номли деталлар сони; L_a - автомобилнинг амортизация масофаси, минг км; L_1 - деталнинг биринчи алмаштиргунча бўлган ресурси (ишлаган муддати), минг км; L_2 - деталнинг алмаштиришлар орасидаги ресурси, минг км; t_a - автомобилнинг хизмат муддати, йиллар.

9.1-жадвал

Эҳтиёт қисмлар сарфи меъёрини деталларнинг ҳақиқий сарф усули билан аниқлаш

Кўрсаткичлар	Белгиланиши	Бирлиги	Қиймати
Эксплуатация жараёнида деталларнинг ҳақиқий сарфи	$M_{\mathcal{E}}$	дона	55
Таъмираш корхоналарида, автомобилларни таъмираш жараёнида деталларнинг ҳақиқий сарфи	M_K	дона	0
Автомобилларнинг меъёрий йиллик йўли	$L_{\mathcal{Y}}$	минг км	15
Назорат остига олинган автомобиллар кузатув вақтида босиб ўтган масофалар йигиндиси	$L_{\text{умум}}$	минг км	2000

Деталларнинг биринчи ва кейинги алмаштиришлари орасидаги ресурслари камайган сари, эҳтиёт қисмлар сарфи ошиб боради. Автомобилдаги бир хил номли деталларнинг сони ошган сари, меъёри ҳам ошиб боради. 9.11 формула эса $L_a > L_1$ шарт бажарилган вақтдагина ўринли.

Мисол: кўрилаётган деталнинг ресурси бўйича эҳтиёт қисм сарф меъёрини аниқланг. Керакли маълумотлар 9.2-жадвалда келтирилган.

9.2-жадвал

Эҳтиёт қисмлар сарф меъёрини деталларнинг ресурси бўйича аниқлаш

Кўрсаткичлар	Белгиланиши	Бирлиги	Қиймати
Автомобилдаги бир хил номли деталлар сони	n	дона	2
Автомобилнинг амортизация масофаси	L_a	минг км	700
Детални биринчи алмаштиргунча бўлган ресурс	L_1	минг км	150
Деталнинг алмаштиришлар орасидаги ресурси	L_2	минг км	120
Автомобилнинг хизмат муддати	t_a	йил	20

Эҳтиёт қисмлар сарф меъёри:

$$H = 100 \times 2(700 - 150) / (120 \times 20) = 46 \text{ дона/100авт.бир йил}$$

Агар $L_a \leq L_1$ бўлса, эҳтимоллик усули қўлланилади.

Эҳтимоллик усули

АСК учун эҳтиёт қисмларга бўлган эҳтиёжни аниқлашда эҳтимоллик усули ҳам қўлланилади. Бу усул бўйича автомобиллар паркининг “ёши” (йиллар ёки ўтилган масофа бўйича автомобил гурухига) ва шу “ёш” гурухига тўғри келувчи буюмнинг бузилишлар оқими параметри ҳамда эҳтиёт қисм эҳтиёжи аниқланиши керак бўлган давр ҳисобга олинади:

$$Q_{\dot{y}_p} = \sum_{i=1}^k A_i \times \omega_i(L) \times \Delta L, \quad (9.3)$$

бу ерда: A_i – i-нчи “ёш” гурухидаги автомобиллар сони, дона; $\omega_i(L)$ – i-нчи “ёш” гурухига мос келувчи буюмнинг бузилишлар (алмаштиришлар) оқими параметри, бузилиш/буюм 1000 км; ΔL – оралиқ масофа, минг км; k – “ёш” гурухлари сони.

Парқдаги i-нчи “ёш” гурухи автомобиллари сонини топиш учун, энг аввало, уларнинг фойдаланишдан бошлаб, то башорат охиригача босиб ўтадиган масофа ($L_{баш}$)си ва унинг ўрта квадратик оғиши ($\sigma_{\dot{a}_{\dot{a}\omega}}$) аниқланади:

$$L_{баш} = L_{баш,б} + \Delta L_{баш}, \quad (9.4)$$

$$\sigma_{\dot{a}_{\dot{a}\omega}} = \sqrt{\sigma_{\dot{a}_{\dot{a}\omega,б}}^2 + \Delta \sigma_{\dot{a}_{\dot{a}\omega}}^2}, \quad (9.5)$$

бу ерда: $L_{баш,б}$, $\sigma_{\dot{a}_{\dot{a}\omega,б}}$ – мос равишда автомобилнинг фойдаланишдан бошлаб то башорат бошлангунгача босиб ўтган ўртacha масофаси ва унинг ўрта квадратик оғиши, минг км; $\Delta L_{баш}$, $\Delta \sigma_{\dot{a}_{\dot{a}\omega}}$ – мос равишда автомобилнинг башорат даврида босиб ўтиладиган масофаси ва унинг ўрта квадратик оғиши, минг км.

9.4 ифода бир бирига боғлиқ бўлмаган тасодифий катталиклар қийматларининг йигиндисидан иборат ва у ($L_{баш}$) тасодифий катталик нормал қонуни билан тақсимланса. У ҳолда ($L_{баш}$) тасодифий катталик автомобил паркининг қайси «ёш» гурухига тушиш эҳтимоллиги қуидаги аниқланади:

$$P_i(A_i \prec L \prec B_i) = \hat{O}^* \left[\frac{B_i - L_{\dot{a}_{\dot{a}\omega}}}{\sigma_{\dot{a}_{\dot{a}\omega}}} \right] - \hat{O}^* \left[\frac{A_i - L_{\dot{a}_{\dot{a}\omega}}}{\sigma_{\dot{a}_{\dot{a}\omega}}} \right], \quad (9.6)$$

бу ерда: A_i ва B_i – мос равишда автомобилларни i-нчи “ёш” гурух масофа оралигининг бошланиши ва охири, минг км; $\hat{O}^*[Z]$ -Лаплас функцияси, $P_i(A_i \prec L \prec B_i)$ - автомобилларни i-нчи “ёш” гурухига тушиш эҳтимоллиги.

Агарда ($L_{баш}$) тасодифий катталик бошқа қонунлар бўйича тақсимланса, автомобилларни i-нчи “ёш” гурухига тушиш эҳтимоллигини – қонуннинг тақсимлаш зичлигини кўрилаётган оралиқ бўйича интегралаб топилади.

Автомобиллар (A_i) i-нчи “ёш” гурухидаги сони қуидаги аниқланади:

$$A_i = A_p * P_i(A_i \prec L \prec B_i), \quad (9.7)$$

бу ерда: A_p - автосервис корхонасида йил давомида хизмат кўрсатиладиган автомобиллар бўйича кўрилаётган автомобил турининг сони.

Синов натижалари бўйича буюмнинг бузилишлар оқими параметри ҳар бир оралиқ учун қуидагича аниқланади:

$$\omega(L) = \frac{n_j}{N_j \times \Delta L}, \quad (9.8)$$

бу ерда: n_j -кўрилаётган буюм бўйича j -нчи оралиқда вужудга келган бузилиш(алмаштириш)лар сони;

N_j - j -нчи оралиқда назорат остидаги автомобиллар сони;

ΔL -оралиқ масофа (5, 10, 20, 25, 40, 50), минг км.

Оралиқлар бўйича аниқланган буюмнинг бузилишлар оқими параметрини амалда қўллаш учун назарий эгри чизиқлардан фойдаланилади, яъни

$$\omega(L) = C_1L + C_2L^2 + C_3L^3 + \dots + C_nL^n, \quad (9.9)$$

бу ерда: C_1, C_2, \dots, C_n – полином коэффициентлари.

Мисол: муайян детал бўйича синов натижаларига кўра оралиқлардаги бузилиш оқими параметрини ва назарий эгри чизиқ тенгламасини аниқланг. Керакли маълумотлар, ҳисоб натижалари 9.3-жадвал ва 9.3-расмда келтирилган.

9.3-жадвал


Бузилиш оқими параметрини ҳисоблаш

Кўрсаткичлар	Оралиқлар, минг км									
	0	10	20	30	40	50	60	70	80	90
	10	20	30	40	50	60	70	80	90	100
Автомобиллар сони- N_i	25	25	25	25	25	25	24	22	21	20
Бузилишлар сони- n_i	1	2	4	3	4	3	5	5	4	4
Бузилишлар оқими параметри- ω_i	0,004	0,0080	0,0160	0,0120	0,0160	0,0120	0,0208	0,0227	0,0190	0,0200
Эгри чизиқ тенгламаси	$\omega(L) = 4 \times 10^{-8}L^3 - 8 \times 10^{-6}L^2 + 6 \times 10^{-4}L$									

i -нчи “ёш” груху учун назарий бузилишлар оқими параметри қуидагича аниқланади.

$$\omega_i(L) = \frac{\int_{B_i}^B \omega(L) dL}{\Delta L_{\text{жадвал}}}, \quad (9.10)$$

“Ёш” грухининг оралиғи ($\Delta L_{\text{БАШ}}$), бир ойлик, чорак, ярим ёки бир йиллик босиб ўтиладиган масофалар асосида, яъни эҳтиёт қисмлар қайси давр учун аниқланаётганига қараб олинади.



9.3-расм. Буюмнинг бузилишлар оқими параметрининг масофа бўйича ўзгариши

9.6 Моддий-техник таъминот тизимини ривожланиши

АСКлари моддий-техник таъминоти тизими такомиллашуви ва ривожланишининг асосий йўналишлари қўйидагилардан иборат:

- автомобильларни ишлаш қобилиятини сақлаш ва тиклаш тизимига талаб қўйиш;
- хизмат кўрсатиш турлар сонини кўпайтириш;
- хизмат нарҳларин камайтириш;
- сервис учун кетадиган вақтни камайтириш;
- юқори савияда хизмат кўрсатиш;
- тез-тез талаб этиладиган эҳтиёт қисм ва материаллар захирасини бозор иқтисодиёти шароитидан келиб чиқсан ҳолда сақлаш;
- омборда йўқ деталларни қисқа вақт (5-7 кун) ичida етказиб бериш;
- эҳтиёт қисм ва материаллар сотишда ахборот ва компьютер дастурларидан кенг фойдаланиш;
- хизмат кўрсатиладиган автомобиллар парки ҳисобини олиб бориш;
- эҳтиёт қисмлар сарфининг ҳажми ва номенклатурасини доимий таҳлил қилиб бориш;
- керакли деталларга ўз вақтида буюртма бериш;
- олиб келинаётган эҳтиёт қисм ва материаллар сифати стандартларга мослигини доимий текшириш;
- эҳтиёт қисмлар нарҳини назоратлаб бориш;
- эҳтиёт қисм захирасини бошқариш кўрсаткичларини доимий равишда таҳлил этиш;
- мижозларнинг таклиф ва этирозларини инобатга олиш;
- омбор хўжалигига бажариладиган технологик жараёнларни механизациялаш ва автоматлаштириш;

- маҳсус ходимларни тайёрлаш;
- ходимлар малакасини ўз вақтида ошириш;
- мижоз ва хизмат қўрсатувчи корхона орасидаги ишончни кучайтириш;
- фирмавий хизмат қўрсатишни ривожлантириш;
- автосервис корхонасининг рақобатбардошлигини ошириш.

Назорат саволлари

1. АСК моддий-техник таъминотнинг роли қандай?
2. АСК қандай буюм ва материаллар қўлланилади.
3. Эҳтиёт қисмлар меъёрини қандай усуллар билан аниқланади?
4. Эҳтиёт қисмлар қандай йўллар билан истимолчиларга олиб келинади.
5. Ишлаб чиқарувчидан то истеъмолчигача эҳтиёт қисмларини етказиб беришда қандай омборлар тизими мавжуд?

Х БОБ

СЕРВИС СИФАТИНИ БОШҚАРИШ

10.1. Асосий тушунчалар ва атамалар

Сифат тушунчасини биринчи бўлиб юонон файласуфи Аристотел талқин этган, унинг таъкидлашича, «бирор-бир нарсани қандайдир ном билан аталишининг сабабчиси сифат дейилади».

Немис файласуфи Гегел «Фалсафа фанлари энциклопедия»сида ёзишича «бирор-бир нарса ўзининг сифатига кўра шу нарса бўлади, ўз сифатини йўқотса шу нарса бўлмайди».

Узоқ вақт давомида нарсанинг бошқа нарсалардан фарқловчи белгиларининг йиғиндисини сифат деб тушунилган. Сервис жараёнига нисбатан бу хизмат ва маҳсулотнинг объектив мавжуд бўлган тавсифидир, унда истеъмолчининг хизматни баҳолаши кирмайди.

Ҳозирги босқичда сифат тушунчаси истеъмолчи томонидан хизматнинг баъзи хусусиятлари унинг талабларини қониқтириш даражасини баҳолашни қамраб олади.

Хизматнинг сифати сервис маҳсулотни бир босқичдан иккинчисига ўтиш қийматининг мезони бўлиб қолди. Бундан ташқари, сервис жараёнини юқори сифатда ташкил этиш мижозларни жалб этади ва ушлаб туради. Сервис сифатининг кўтарилиши шу сервис маҳсулотининг бозордаги улушкини кўпайишига имконият туғдиради.

ISO 9000:2000 стандартига мувофик, *сифат* - бу ўзига хос ёки унга таърифланадиган хусусиятлар йиғиндисининг *тавсифларини* (фарқловчи белгиларини) қўйилган талабларга жавоб бериш даражасидир.

Бу маънода «сифат» атамаси ёмон, яхши ёки аъло сифатлар билан қўлланиши мумкин.

Бу тушунчада сифатланувчи нарса кўрсатилмайди. Истеъмолчи унинг талабини қайси нарса қониқтиришини билмаслиги мумкин, ёки улар истеъмолчига нотаниш бўлган сифат билан қондирилиши мумкин. Истеъмолчи учун қандай нарсалигидан қатъий назар унинг талабининг қондирилиши муҳимдир.

Талаб қилиши – бу, талаб ёки аниқ белгиланган (таърифланган), одатда мўлжалланган ёки албатта бўладиган истеъмолчини кутишdir.

Талаб қилишнинг турли кўринишлари бор: маҳсулотга, сифат менежментига, истеъмолчининг талаби, турли манфаатдор томонларга. Талабнинг аниқ таърифи ҳужжатларда ифодаланади (ахборот олиб юрувчиларда): ёзувларда, техник шартномаларда, иш тартибининг спецификация ҳужжатларида, чизмаларда, ҳисботларда, стандартларда.

Истеъмолчи ўз талабларининг қондирилиш даражасини идрок этиши *истеъмолчининг қониқиши* дейилади. Истеъмолчининг шикоятлари у паст даражада қондирилганлигининг умумий кўрсаткичи ҳисобланади, лекин уларнинг йўқлиги юқори даражада қондирилганлигини билдирамайди. Ҳатто

истеъмолчи талаблари у билан келишилган ва бажарилган бўлганда ҳам бу истеъмолчини юқори даражада қониқтиришини таъмин этмайди.

10.1-жадвал .

Тавсифларнинг синфлари

Тавсифларнинг синфлари	Тавсифлардан мисоллар*
Физикавий	Механик, электрик, кимёвий, биологик
Органолептик	Хид, сезиш, там, кўриш, эшитиш
Одоб-ахлоқ бўйича	Хушфеъеллик, ҳалоллик, тўғрилиқ
Вақт бўйича	Пухталик, ишончлилик, камтарлик
Эргономик	Физиологик тавсифлар ёки инсон хавфсизлиги билан боғлиқ бўлганлар
Функционал	Максимал тезлик, юқ кўтариш, йўлнинг қиялигига чиқа олиш баландлиги

* Тавсифлар микдорий ва сифатли бўлиши мумкин.

Исталган сифат, бу тавсифларнинг шундай йигиндики, уларни истеъмолчи хизматда (товарда) олишни кутади. Истеъмолчи, балким, хизматда (товарда) унинг талабини қондирилиш даражасини оширувчи қандайдир тавсифларни бўлишини кутмайди.

Жараён (процесс) деб корхонанинг ўзаро боғланган ёки ўзаро харакатланувчи фаолият турлари тизими натижасида «кириш»ни «чиқишига ўзгарилишига айтилади. Бошланиш ва тугаш саналари белгиланган, аниқ талабларга мувофиқ келадиган, ўзида муддат, қиймат ва ресурлар билан чекланишларни мужассамлаган алоҳида жараёнларни *ложиҳа* деб аталади. Белгиланган тарзда амалга ошириладиган фаолият ёки жараён *процедура* деб аталади, у ҳужжатланган (ёзма равишда процедура ҳужжатида қайд этилган) ёки ҳужжатланмаган бўлиши мумкин.

Юқорида келтирилган атамаларга мувофиқ автомобилларга техник хизмат кўрсатиш жараён ҳисобланади. Бошланиш ва тугаллаш саналари, вақти режалаштирилган, меҳнат сарфи, Қиймати, ашёлар ва эҳтиёт қисимлар сарфи белгиланган ҳолда алоҳида автомобилга техник хизмат кўрсатиш ложиҳа бўлади. Техник хизмат кўрсатишнинг технологик картаси процедура ҳужжатидир, унда техник хизмат кўрсатиш тартиби батафсил ёзилади.

Жараён бир гуруҳ ишловчиларни ва воситаларни (ускуна, техник восита, қурилма, бинолар), жавобгарлигини, ваколатларини ва ўзаро муносабатларини тақсимлаб, иш билан таъминлашини *ташкилот* деб аталади.

Компания, корпорация, фирма, корхона, муассаса, хайрия ташкилоти, чакана савдо корхонаси, ассоциация ёки уларнинг бир қисми ёки уларнинг аралашмалари ташкилот бўлиши мумкин.

Ташкилот қўйидагилар билан тавсифланади:

- ишловчилар орасида жавобгарлик, ваколатлар ва ўзаро муносабатлар тақсимланган, буни *ташкилий тузилма* деб аталади;

- фаолияти учун керакли бўлган бино, ускуна, техник восита, қурилмалар ва таъминот хизматлари тизимиға эга, буни *инфраструктура* деб аталади;

- физик, ижтимоий, руҳий ва экологик шароитлар йигиндиси, буни *ишлаб чиқарши мұхити* деб аталади.

Жараён одатда, бошқариш имконияти бўлган шароитда, қўшимча қиймат яратиш учун режалаштирилади ва амалга оширилади. Жараённинг натижаси *маҳсулот* бўлади.

Таъминотчи маҳсулотни таклиф этади — масалан, ишлаб чиқарувчи, дистрибьютор, чакана савдо олиб борувчи ёки дўконда маҳсулот сотувчи, хизматларни бажарувчи ёки ахборот етказиб берувчи.

Истеъмолчи маҳсулотни сотиб олади, масалан, буюртмачи, мижоз, охирги фойдаланувчи, чакана савдогар, бенефициар, харидор. Таъминотчи ташкилотга нисбатан ички ёки ташқи бўлиши мумкин.

Ташкилотнинг муваффақияти ёки фаолиятидан манфаатдор бўладиган томонлар истеъмолчилардан ташқари — мулкдор, ташкилот меҳнаткашлари, етказиб берувчи, банк эгалари, иттифоқдошлар, шериклар ёки жамият.

Маҳсулотнинг тўртта умумий тоифаси мавжуд:

- хизматлар (масалан, юқ ташиш, автомобилга техник хизмат кўрсатиш ва таъмирлаш);
- дастурий воситалар (ташҳислаш ускуналари учун компьютер дастурлар, сканерлар);
- техник воситалар (масалан, двигател қисмлари);
- қайта ишланадиган ашёлар (масалан, мойлар).

Маҳсулотнинг кўп турларида умумий тоифаларга мансуб унсурлар бўлади. Маҳсулотни хизматлар, дастурий воситалар, техник воситалар ёки қайта ишланадиган ашёлар қаторига қўшиш унда қайси умумий тоифанинг унсури устунлигига боғлиқ. Масалан, маҳсулот «автомобил» техник воситалардан (масалан, двигатель, узатиш қутиси, шиналар), қайта ишланадиган ашёлар (масалан, ёқилғи, совутиш суюқлиги), дастурний воситалар (двигателни бошқариш дастури, хайдовчига кўлланма) ва хизматлар (масалан, эксплуатация қилишга ўргатиш) тузилган. Лекин, бунда техник воситалар устунлик қиласи.

Хизмат, жуда бўлмагандан, битта ҳаракат, таъминотчи ва истеъмолчининг ўзаро муносабатидан ташкил топган натижадир, у- моддий эмас.

Хизмат кўрсатиш қўйидагиларни қамраб олади, масалан:

- истеъмолчи томонидан келтирилган моддий маҳсулотга нисбатан бажарилган фаолиятни (масалан, муҳтож автомобилга хизмат кўрсатиш ва таъмирлаш);
- истеъмолчи томонидан келтирилган номоддий маҳсулотга нисбатан бажарилган фаолиятни (масалан, солик миқдорини аниқлашга керак бўладиган автокорхона даромадлари ҳақида маълумотлар тайёрлаш);

- номоддий маҳсулотларни бериш (масалан, автотранспорт воситаларини қурилиши ёки бошқаришни ўрганиш учун ахборотларни етказиш);
- истеъмолчи учун қулай шароит яратиш (масалан, автомобилларнинг туриш жойларида, кемпингларда).

Дастурий восита ахборотлардан иборат, номоддийдир, операция ва процедуралар шаклида бўлади.

Техник восита моддий бўлади ва унинг микдори ҳисобланадиган тавсифда ифодаланади.

қайта ишланадиган ашёлар ҳам моддий, микдори узилмайдиган тавсифларда ифодаланади.

Техник воситалар ва қайта ишланадиган ашёлар кўпинча товар деб аталади.

Маҳсулотни тавсифи *кузатиши имкониятидир*, яъни унинг тарихини, қўлланишини ёки жойланишини қуидаги йўналишларда қузатиш имкониятидир:

- ашёлар ва жамламаларнинг келиб чиқишини;
- ишлаб чиқариш тарихини ва тафсилотларини;
- маҳсулот етказиб берилгандан кейин тақсимлнишини ва жойлаштирилишини.

Кузатиш имкониятини амалга ошириш учун автотранспорт воситаларини ишлаб чиқарувчилар режа бўйича ва амалдаги ҳақиқий техник хизмат кўрсатиш даврийлигини ва таъмирлаш тафсилотларини, ҳар бир техника бирлигига ўрнатилган эҳтиёт қисмлар ва фойдаланилган ашёларни ифода этадиган умумий ахборот тизимиға эга бўлган фирма қўринишидаги сервис хизмат кўрсатадиган мустақил сервис марказлар тармоқларини таклиф этишади.

Сифатли хизмат кўрсатиш учун самарадор *менежмент*, яъни ташкилотни бошқаришга қаратилган мувофиқлаштирилган фаолият талаб қилинади.

Сифат менежменти - бу сифат билан шуғулланадиган ташкилотга раҳбарлик қилиш ва бошқаришга қаратилган мувофиқлаштирилган фаолиятдир.

Сифат менежменти тизими - бу сифат соҳасида сиёsat ва мақсадларни белгилашга ва мақсадларга эришишга, ташкилотга сифат нуқтаи назаридан раҳбарлик қилиш ва бошқаришга йўналтирилган тизим.

Ташкилотнинг менежмент тизими турли менежмент тизимларини ўз ичига олиши мумкин. Булар сифат менежменти тизими, молия менежменти, атроф-муҳит менежменти, ишлаб чиқариш менежменти, корпорация менежменти, ходимлар менежменти, лойиҳалаш менежментидир.

Сифат бўйича раҳбарлик қилиш ва бошқариш тегишли сиёsat ва сифат соҳасида мақсадларни белгилаш, режалаштириш, кафолатлаш ва сифатни яхшилаш каби вазифаларни қамраб олади.

Сифат соҳасида сиёсат – бу ташкилот раҳбарияти томонидан расман тузилган, ташкилотнинг сифат соҳасидаги фаолиятига йўналтирилган умумий фикрлар.

Сифат соҳасида мақсадлар – одатда, ташкилот поғоналарининг (бўлинмалар ва хизматлар) маълум вазифаларига белгиланади.

Сифатни режалаштириш – бу, сифат соҳасида белгилаган мақсадларга эришишга йўналтирилган ишлаб чикариш жараёнини ва мувофиқ келадиган манбаларни аниқлайдиган сифат менежментининг қисми.

Сифатни бошқарииш – бу сифатга қўйилган талабларни қондиришга йўналтирилган сифат менежментининг бир қисми.

Сифатни кафолатлаш – бу сифатга қўйилган талабларни бажарилиши хақида ишонч уйғотишга йўналтирилган сифат менежментининг бир қисми.

Сифатни яхшилаши – бу сифатга қўйилган талабларни қондириш имкониятларни оширишга (истеъдод ва маҳорат) йўналтирилган сифат менежментининг қисми.

Сифатни узлуксиз яхшилаши – бу узлуксиз такрорланувчи сифатга қўйилган талабларни қондириш имкониятларни оширишга (истеъдод ва маҳорат) йўналтирилган сифат менежментининг қисми.

Сифатни самарали бошқариш учун сифатнинг эришилган тавсифларини ва уларга етишиш имкониятларини баҳолаш керак. Бундай баҳолаш назорат, синаб кўриш, таҳлил, солишириш ва валидация ёрдамида амалга оширилади.

Солишириш – бу, қўйилган талаблар бажарилганлигини тасдиқлаш.

Валидация – бу, аниқ мўлжалланган фойдаланиш ёки қўлланишга қўйилган талабларни қондиришни тасдиқланиши.

Аттестация – қўйилган талабларни бажара олиш қобилиятини намойиш этиш учун амалга ошириладиган жараён. Ходимларга, маҳсулотларга, жараёнларга ёки тизимларга тааллукли бўлиши мумкин.

Таҳлил – бу қўрилаётган нарса (объект), унга ўрнатилган мақсадларга яроқлилигини, мувофиқлилигини ва натижасининг самарадорлилигини аниқлашга қаратилган фаолият. Масалан, раҳбарият томонидан таҳлил ўтказиш, лойиха ва ишланмаларни таҳлили, истеъмолчи талабларини ва номувофиқликларини таҳлили ва ҳоказо.

10.2. Сервис сифатини бошқаришнинг меъёрий хужжатлари

Сифат стандартларини биринчи сонли бўлиб, Халқаро Стандартлаштириш Ташкилотининг 1979 йилда тузилган 176 сонли Техник комитети (Сифатни бошқариш ва сифатни таъминлаш ИСО/ТС 176) чиқарган ва уларни янгилашни давом эттириб келмоқда.

Биринчи сифат стандартлари, BS 5750 номи билан 1979 йилда Буюк Британияда яратилган. Улар Халқаро Стандартлаштириш Ташкилоти 1987 йили тасдиқлаган ИСО 9000 стандартларининг биринчи версиясининг асоси бўлди. Иккинчи версияси, биринчисидан кўпам фарқ қилмай, 1994 йили тасдиқланган. Учинчи версия стандартлари 2000 йил 15 декабрда қабул қилинган.

ISO (International Organization for Standardization, Халқаро Стандартлаштириш Ташкилоти, ИСО) - нодавлат халқаро ташкилот, 180 йўналиши техник комитетларга эга, саноат ишлаб чиқариши ва юкларни ташиш соҳасида стандартлар асосини ишлаб чиқади. Стандартлаштириш бўйича ИСОнинг асосий йўналиши атамалар, хажмлар, синаш усуллари ва эксплуатация тавсифлари, шунингдек сифат ва техник хавфсизлик масалаларини қамраб олади.

ИСО сифат стандартлари сифат менежменти тизими турли хил ва катталиқдаги корхоналарда самарали фаолият кўрсатишини таъминлашга мўлжалланган. ИСО 9000 стандартларини бажариш ишлаб чиқарилган маҳсулот ёки кўрсатилган хизмат юқори сифатли бўлишини таъминлайди. Улар маҳсулот ишлаб чиқаришнинг ва хизмат кўрсатишнинг ҳамма босқичларини қамраб олган: контрактни тайёрлаш, хом ашё ва жамламаларни олиш, бошқа корхоналарга хизмат кўрсатиш, хизматларни лойиҳалаш, сифатни назорат қилиш, ходимларга талаблар қўйиш.

ИСОнинг ҳамма стандартлари мажбурий эмас, лекин улар миллий миқёсда ёки корхоналарда мажбурий этиб тасдиқланиши мумкин.

Аввалига стандартлар корхонанинг ички сифат тизимини тузиш учун кўлланилган. Улардан, шунингдек, мижозлар маҳсулот ёки хизматларни етарли даражада сифатли бўлишига ишонч ҳосил қилиш учун контракт ҳужжатларни тузишда фойдаланганлар.

Ҳозирда корхона бизнес-жараёни ИСО сифат стандартларига мувофиқлигини мустакил (биринчи ва иккинчи томондан, ҳамда давлатдан мустакил) сертификат берувчи ташкилотлар баҳолашади. Стандартларга мувофиқликни сертификациялаш ихтиёрий, лекин сертификатлар контрактлар тузишда сифатли маҳсулот ёки хизмат олишни гарови ҳисобида керак бўлади. Кўпинча сифат сертификатини бўлгуси мижозлар албатта талаб қилишади. Ўзбекистонда давлат эҳтиёжи учун маҳсулот сотиб олиш тендер савдоларни ўтказишида, мамлакат таъминотчиларининг кўрсаткичлари тенглигида сертификациялаш сифат бошқариш тизимиға эга бўлганлар афзал кўрилади.

Ҳозирги вақтда ИСО 9000 сифат стандартлари 5та асосий стандартдан иборат.

ИСО 9000:2000 стандарти «Сифат менежменти тизими. Асосий тамойиллар ва луғат». Сифат менежменти тизимида асосий ҳолатлар ёритилган ва атамалар белгиланган.

ИСО 9001:2000 стандарти «Сифат менежменти тизими. Талаблар». Ташкилот истеъмолчилар талабини ва тегишли тартибга солувчи (меъёрий) талабларни қондирадиган маҳсулотини тақдим этиш имкониятини намойиш қилишга муҳтоҷ бўлганда ва истеъмолчилар қониқишини ошириш мақсадини олдига қўйган ҳолларда сифат менежменти тизимиға талаблар белгилайди.

ИСО 9004:2000 стандарти «Сифат менежменти тизими. Сифатни яхшилаш бўйича тавсиялар». Сифат менежменти натижалиги ва самарадорлигига тегишли тавсиялардан иборат. Стандартнинг мақсади

ташкилот фаолиятини яхшилаш ва истеъмолчилар ва бошқа манфаатдор томонларнинг қониқишини ошириш.

ИСО 190011:2000 стандарти «Сифат менежменти тизимида ва атроф-муҳит менежменти тизимида аудит ўтказиш бўйича қўлланма». Сифат менежменти тизимида ва атроф-муҳит менежменти тизимида аудит ўтказиш бўйича услубий қўлланмалардан иборат.

ИСО 100012 стандарти «Ўлчов ускуналари сифатини таъминлаш».

ИСОнинг бу стандартлари расмий сертификациялаш тизимини тузиш имкониятини беради. Сифатни бошқариш ва сифат тизимини сертификациялаш бошқа-бошқа тушунчалардир. Сифат тизимини сертификациялаш, бу, кўрилаётган тизим стандартларнинг расмий талабларига мувофиқлигини баҳолашдир. У корхонада ташкил этилган жараён маҳсулот ва хизматларнинг барқарор ва етарли юқори сифатини таъмин этишини қўрсатади.

Сертификациялаш мажбурий талаб эмас. Кўпчилик мамлакатларда сифат сертификати фақат маҳсулотнинг сифати одамлар соғлиғи ва ҳаёти билан боғлиқ бўлган тармоқларда бўлиши шарт.

Ҳужжатланган ва сертификацияланган сифат тизимининг бўлиши корхонага нисбатан бошқа бозор қатнашчилари ишончини оширишни таъминлайди.

Компания ёки бир гуруҳ компанияларда сифат тартибини белгиловчи бундан қўра қатъий меъёрий ҳужжатларни ишлаб чиқиши имконияти бор.

ИСО сифат стандартлари давлат миқёсида 90 дан ортиқ мамлакатларда: АҚШ, Россия, Канада, Япония, Европа Иттифоқи давлатлари ва бошқалар. қабул қилинган.

Ўзбекистон Республикасида сифатни бошқариш тизимининг қонуний ва ҳуқуқий асослари қўйидаги ҳужжатлардан иборат:

- «Маҳсулотлар ва хизматларни сертификатлаштириш тўғрисида» Ўзбекистон Республикаси қонуни;

- «Корхоналарда халқаро стандартларга мувофиқ бўлган сифатни бошқариш тизимларини жорий этиш чора-тадбирлари тўғрисида» Ўзбекистон Республикаси Вазирлари Маҳкамасининг № 349 қарори, 22.07.2004;

- «Ўзбекистон давлат стандартлаштириш, метрология ва сертификатлаштириш агентлиги тузилмасини такомиллаштириш ва унинг фаолиятини ташкил этиш тўғрисида» Ўзбекистон Республикаси Вазирлар Маҳкамасининг №373 қарори, 05.08.2004;

- «Республика корхоналарида халқаро стандартларга мувофиқ бўлган сифатни бошқариш тизимларини жорий этишни кенгайтиришга доир қўшимча чора-тадбирлар тўғрисида» Ўзбекистон Республикаси Вазирлари Маҳкамасининг № 173 қарори, 19.06.2009.

Ўзбекистонда сифатни бошқариш тизимининг қатор давлат стандартлари, қўлланмалари, услубий қўрсатмалари, талабномалари, тавсияномалари ишлаб чиқилган (ҳаммаси бўлиб 22та ҳужжат).

Улардан қўйидагиларни айтиш мумкин:

- О' DSt ISO 9000:2002 «Сифат менежменти тизими. Асосий тамойиллар ва луғат».
- О' DSt ISO 9001:2002 «Сифат менежменти тизими. Талаблар».
- О' DSt ISO 9004:2002 «Сифат менежменти тизими. Сифатни яхшилаш бўйича тавсиялар».
- О' DSt ISO 19001:2004 «Сифат менежменти тизимида ва атроф-муҳит менежменти тизимида аудит ўтказиш бўйича қўлланма».

Мамлакатимиз маҳсулот ва хизматларининг ташқи ва ички бозорда рақобатбардошлигини, республика экспорт имкониятларини яна ҳам ошириш мақсадида Ўзбекистон Республикаси Вазирлар Маҳкамаси «Корхоналарда халқаро стандартларга мувофиқ сифатни бошқариш тизимини татбиқ этиш чоралари ҳақида» 22 июл 2004 йили №349 қарорни қабул қилди.

Кўзда тутилган чоралар бажарилишини таъминлаш мақсадида Ўзбекистон Республикаси Вазирлари Маҳкамаси «Республика корхоналарида халқаро стандартларга мувофиқ бўлган сифатни бошқариш тизимларини жорий этишни кенгайтиришга доир қўшимча чора-тадбирлар тўғрисида» 19 июнь 2009 йили № 173 қарор қабул қилди.

Сифатни бошқариш тизимини татбиқ этишга ёрдам берадиган солиқ имтиёzlари белгиланган. Хуқуқий шахсларнинг даромади (фойдаси), солиқ ҳажми ҳисобланганда, солиқ солинадиган даромад (фойда) сифатни бошқариш тизимини татбиқ этиш ва қувватлашга йўналтирилган инвестиция суммасига камайтирилади. Корхоналар, синов лабораторияларига эга бўлса, ташқаридан лаборатория синовларида ва маҳсулотни тестлашда фойдаланиладиган технологик ускуналар олиб келса, булар божхона тўловларидан, қўшимча қиймат солиғидан ҳам озод қилинади.

Сифатни бошқариш тизимини сертификациялаш аккредитацияланган давлат сертификациялаш ташкилотлари томонидан, Миллий аккредитация тизимида белгиланган тартибда, амалга оширади. 2009 йил 1 январь ҳолатига кўра, Давлат реестирига сифатни бошқариш тизимини сертификациялайдиган 9 та аккредитация ташкилотлари киритилган.

Сифатни бошқариш тизимини сертификациялайдиган аккредитацияланган ташкилотлар корхоналар ва ташкилотлар сифатни бошқариш тизимини сертификациялаш, ишлаб чиқаришни сертификациялаш, корхоналарни сифатни бошқариш тизимини сертификациялашга тайёрлигини баҳолайди.

2009 йил 1 январь ҳолатига кўра, 128 корхона сертификацияланган сифатни бошқариш тизимини Давлат реестирига киритган.

10.3. Сифат менежменти тизими сервис корхоналарда

Корхона бир неча менежмент тизимига эга бўлиши мумкин, масалан, молия менежменти, тавакалчилик менежменти, атроф-муҳит менежменти, соғлиқни сақлаш, меҳнат хавфсизлиги менежменти ва бошқалар. Сифат менежменти тизимини бошқа менежмент тизимлари билан келишиши ёки бирлашиши мумкин ёки сифат менежменти тизими тузиш учун корхона менежмент тизимини мослашиши мумкин.

Хизматлар сифатини таъминлаш ва бошқариш — корхонани бошқариш функцияларидан бири, уни ҳар бир корхонанинг хусусиятларига ва вазифаларига мувофиқ ташкил этилади.


Корхона раҳбарияти ва бошқармасининг сифатни бошқариш бўйича ишлари тизимли ва узлуксиз, таркиби ва ҳаракат тамойилари очик ва манфаатдор томонлар учун тушунарли бўлиши керак. Бош манфаатдор томон албатта истеъмолчидир. қолган манфаатдор томонлар – ташкилот эгаси ва ходимлари, таъминотчилар, давлат.

Сифат менежменти тизими сифатни манфаатдор томонлар талабини эътиборга олиб, узлуксиз такомиллаштириш учун ишлаб чиқилади ва ишлатилади.

10.2-жадвал

Сифат менежменти тизимиning асосий тамойиллари

№	Тамойилларнинг номлари	Тамойилнинг мазмуни
1.	Истеъмолчига мослашиш	Ташкилот ўзининг истеъмолчиларига қарам, шунинг учун уларнинг ҳозирги ва келгуси талабарини тушуниши, бажариши ва кутилгандан кўра яхшироқ бажариши керак.
2.	Раҳбарлар илғор бўлиши	Раҳбарлар мақсад ва йўналишлар бирлигини белгилайдилар. Улар корхона ходимлар ташкилот мақсад амолга ошриш учун сафарбар қиласиган ички муҳитини яратишлари ва тутиб туришлари керак.
3.	Ходимларни жалб қилиш	Ҳамма поғонадаги ходимлар ташкилотнинг асосидир ва уларни тўлиқ жалб қилиш қобилиятларидан ташкилот фойдасига фойдаланишга имконият беради.
4.	Жараёний ёндашиш	Исталган натижага самарали етишиш мумкин, агар фаолият ва бор имкониятларни жараёндек бошқарилса.
5.	Менежментга тизимли ёндошиш	Идентификациялаш, тушуниш ва ўзаро боғлиқ жараёнларни тизим деб кўриш, ташкилотни мақсадга интилишида унумдор ва самарадор бўлишига ҳисса кўшади.
6.	Узлуксиз яхшиланиш	Ташкилот фаолиятининг узлуксиз яхшиланишини, умуман, унинг ўзгармас мақсади сифатида қараш керак.
7.	Қарор қабул қилишга фактларга асосланаб ёндошиш	Самарадор қарор ахборотлар ва кўрсаткичларнинг таҳлилига асосланади
8.	Таъминотчилар билан фойдали муносабатлар	Ташкилот ва таъминотчилар ўзаро боғлиқ ва улар орасидаги фойдали муносабатлар қиймат яратиш имкониятни оширади.



10.1-расм. Сифат менежменти тизимининг жараёнларга асосланган модели.

Корхонада татбиқ этилган сифат менежменти тизими ҳужжатлар билан расмийлаштирилган бўлиши ва доим ишга яроқли ҳолатда тутиб турилиши керак, унинг унумдорлигини ошириб бориш керак.

Сервис корхонаси сифат менежменти тизимини қамраб оладиган жараёнларни аниқлаши керак. Бундай жараёнлар техник хизмат кўрсатиш, жорий таъмирлаш, сотиш олди хизматлари, кафолат бўйича таъмирлаш, ташхис қилиш, давлат техник кўригини ўтказиш, ювиш-тозалаш, автомобилларни сотиш, саклаш, эгасига маслаҳатлар бериш, автомобилни ёки таркибий қисмларини утиллаш, эҳтиёт қисмларни сотиш, ҳайдовчиларнинг дам олишини ташкил қилиш хизматлари, автомобилга ёқилғи қуиши ва бошқалардан иборат бўлади. Одатда, корхонанинг ҳамма бўлинмалари фаолиятининг ҳамма турларидир. Баъзан истиснолар ҳам бўлади, лекин улар ташкилот истеъмолчилар ва меъёрий ҳужжатлар талабига мос маҳсулот етказиш ёки хизматлар кўрсатиш имкониятига салбий таъсир қилмаслиги керак.

Жараёнларнинг кетма-кетлиги ва ўзаро муносабатлари, уларни бошқариш ва унумдорлигини таъминловчи кўрсаткичлар ва усулларни

белгилаши керак. Бу жараёнларни бажариш ва улар мониторинги учун керакли бўлган ресус ва ахборотлар етарли таъминланган бўлиши керак.

Ўлчаниши мумкин бўлган кўрсаткични бошқариш мумкин. Унумдорликни аниқлаш ва мониторинг учун қўлланиладиган кўрсаткичлар ташҳиснинг ёки автотранспорт воситалари таркибининг ўлчамлари, меҳнат сарфи ва ҳаракатларни бажариш вақти, мустаҳкамлик назариясининг статистик кўрсаткичлари, молиявий кўрсаткичлар, кўрсатилган хизматлар истеъмолчининг талабини қондирилиш мезони бўлиши мумкин.

Статистик кўрсаткичлардан фойдаланиш учун автотранспорт воситаларига хизмат кўрсатиш ҳисботини олиб бориш керак. Мижознинг кўрсатилган хизматга қониқиши даражасини баҳолаш учун экспресс-сўровномалар қўлланилади, уларда тузилган саволлар бўйича мижоз кўп вақт ва куч сарф қилмай, кўрсатилган хизмат сифатини баҳолаши мумкин.

Корхона мониторинг ўтказиши, жараёнларни ўлчаши ва таҳлил қилиши, ҳамда режалаштирилган натижага етишиш ва бу жараёнларни яхшиланиши учун керакли ҳаракатларни амалга ошириши керак.

Чет ташкилотга хизматлар сифатига таъсир этувчи бирор-бир жараён бажарилишини беришда бу жараёнларни бошқарилиши таъминланиши керак.

Сифат менежменти тизими хужжатлари

Сифат менежменти тизими барқарор фаолият кўрсатиши учун унинг хужжатлари жуда аҳамиятлидир.

Булар жумласига сифат соҳасида сиёsat ва мақсадлар ҳақида баёнот, сифат бўйича қўлланма, процедураларнинг ИСО 9001:2000 стандартига мос хужжатлари, жараённи режалаш, амалга ошириш ва бошқариш учун хужжатлар, шунингдек сифат менежменти тизими унумдорлигини тасдиқловчи хужжатлар киради.

Сифат соҳасидаги сиёsat ва мақсадлар ҳақида баёнотда корхона раҳбарияти сифат менежменти тизимини ишлаб чиқиш ва татбиқ этиш, унинг унумдорлигини тўхтовсиз ошириб бориш бўйича мажбуриятларини ифода этади.

Корхона раҳбарияти ходимлар эътиборига истеъмолчининг сифат соҳасидаги талабларини, сифат соҳасида хужжатларни, маҳсулот ишлаб чиқаришга ёки хизматлар кўрсатишга оид қонуний ва меъёрий талабларни етказади.

Сифат менежменти тизими учун керакли жараёнларни татбиқ этиш ва ишлайдиган ҳолатда тутиб туришга ва раҳбариятга тизимнинг унумдорлиги ва ривожига талаблар ҳақида ҳисботлар етказиб туришга жавобгар ва ваколатларга эга бўлган вакил тайинланиши керак.

Сифат соҳасида сиёsat ташкилотнинг белгиланишига мос келиши, олинган мажбуриятлар талабларга ва сифат менежменти тизимининг унумдорлигини тўхтовсиз ошириб боришга мос бўлиши керак.

Сифат соҳасида сиёsat ходимлар эътиборига етказилиши ва ташкилот ичида тушунарли бўлиши керак, шунингдек унинг узлуксиз яроқлилиги ва ресурслар билан таъминланганлиги таҳлил қилиниши керак.

Сифат бўйича қўлланма корхонада сифат менежменти тизимини ўрнатади. Бу ташкилотнинг сифат менежменти тизими ҳақида, корхона ичида ва ташқарисида фойдаланишга мўлжалланган узлуксиз тузилган ахборот.

Сифат бўйича қўлланма сифат менежменти тизими соҳаларининг таърифини ва бўлиши мумкин бўлган истисноларнинг тўлиқ таърифи ва асосланишини, тузилган процедуралар ҳужжатларини (ёки уларга мурожаат), шунингдек, жараёнлар орасидаги муносабатларни ва керакли иловаларнинг таърифини ўз ичига олади. Ушбу ҳужжат таркибига корхона тавсифи ҳам киради.

Қўлланмада корхона сифат тизимидағи қўлланиладиган ҳамма стандарт унсурлар қамраб олинади, сифат менежменти тизимининг ташкилий тузилмаси, жавобгарликнинг тақсимланиши ва қоидалари аникланади. Ҳар бир ташкилотнинг катта-кичиклиги ва мураккаблигига кўра сифат бўйича қўлланма шакли ва тафсилотини чуқурлиги билан фарқланади.

ИСО 9001:2000 стандартига мос сифат менежменти тизими унсурларини қамраб олган ҳужжатланган процедуралар рўйхати 10.3-жадвалида келтирилган.

Унда корхона фаолияти ва жараёнлари қандай кетма-кетлиқда бажарилиши ҳақида ахборотлар йигилади. Улар ҳужжатланган процедуралар, иш кўсатмалари ва чизмалари бўлиши мумкин.

Талабларни ифодаловчи ҳужжатлар техник шартлар (спецификациялар) ёки меъёрий – техник ҳужжатлар дейилади.

Техник шартлар фаолиятга (масалан, процедуралар ҳужжатлари, жараённинг техник шартлари ва синовларнинг техник шартлари) ёки маҳсулотга (масалан, маҳсулотга техник шартлар, эксплуатация қилишга талаблар) тегишли бўлиши мумкин.

Тавсиялар ва таклифлар келтирилган ҳужжатларни етакчи кўрсатмалар (қўлланмалар) дейилади.

10.3-жадвал

ИСО 9001:2000 стандартига мос сифат менежменти тизими унсурларини қамраб олган ҳужжатланган процедуралар рўйхати

5. Раҳбарият жавобгарлиги	5.1. Раҳбарият мажбуриятлари 5.2. Истеъмолчига йўналтирилиш 5.3. Сифат соҳасида сиёsat 5.4. Режалаштириш 5.5. Жавобгарлик, ваколатлар ва алоқа 5.6. Раҳбарият томонидан тахлил
6. Ресурлар менежменти	6.1. Ресурсларни етказиб бериш 6.2. Одамлар ресурси 6.3. Инфраструктура 6.4. Ишлаб чиқариш мухити

7. Махсулот яратиш	7.1. Махсулот ишлаб чиқаришни режалаштириш 7.2. Истеъмолчи билан боғлиқ жараёнлар 7.3. Лойиҳалаш ва ишланишлар 7.4. Сотиб олиш (харид) 7.5. Махсулот ишлаб чиқариш ва хизматлар кўрсатиш 7.6. Мониторинг ва ўлчаш ускуналарини бошқариш
8. Ўлчаш, таҳлил қилиш ва такомиллаш	8.1. Умумий ҳол 8.2. Мониторинг ва ўлчаш 8.3. Ишлаб чиқаришга хос бўлмаган махсулотни бошқариш 8.4. Кўрсаткичларни таҳлил қилиш 8.5. Такомиллаштириш

Изоҳ: Жадвал бўлимлари ИСО 9001:2000 «Сифат менежменти тизими. Талаблар» стандартига мос рақамланган.

Сифат режаси — сифатни режалаштириш натижаларидан бирининг ҳужжати. Бу ҳужжатда сифат менежменти тизимини алоҳида бир махсулотда, лойиҳада ёки контрактда қўлланиши ёритилади.

У алоҳида бир махсулотга, лойиҳага ёки контрактга қайси процедуралар ва тегишли ресурслар, ким томонидан ва қачон қўлланиши кераклигини белгилайди. Сифат режасида сифат бўйича қўлланма бўлинмаларига ёки процедуралар ҳужжатларига мурожаатлар бўлади.

Ёзувлар — бажарилган ҳаракатларнинг ёки эришилган натижаларнинг ҳақиқий эканлигини гувоҳлариdir. Улардан, масалан, текширилишни ҳужжат учун, шунингдек қўйилган талабларни бажарилганлигига ҳақиқий гувоҳликларни тақдим этиш учун фойдаланиш мумкин.

Ёзувлар аниқ-тайин бўлиши, бошқарилиши, сифат менежменти тизими унумли ҳаракатланётганлигини ва талабларга мослигини далили ҳисобида кўрсатиш учун олиб борилиши ва сақланиши керак. Ёзувлар ўқиб бўладиган, солиштирилиши ва топилиши осон ҳолатда сақланиши керак.

Ёзувларни бошқариш, солиштириши, сақлаш, ҳимоя қилиш, топиш, сақлаш ва йўқ қилиш муддатини белгилайдиган ҳужжатланган процедура ишлаб чиқарилган бўлиши керак.

Сифат менежменти тизими ҳужжатларини бошқариш

Сифат менежменти тизимига керакли ҳужжатлар бошқарилиши керак. ИСО 9001:2000 стандарти талабларига кўра сифат менежменти тизими ҳужжатларни бошқариш бўйича ҳаракатларни аниқлаш учун ҳужжатланган процедура ҳосил бўлиши керак (ёзувлар бошқарилишига юқорида кўрилган талаблардан ташқари).

Ушбу процедура ҳужжатларни бошқаришнинг қуидаги йўналишларига тааллуқли бўлиши керак:

- ҳужжатларни, уларни чиқаришдан олдин айнан ўхшашлигини тасдиқлаш;

- ҳужжатларни таҳлил қилиш, муҳимлигини аниқлаш ва қайта тасдиқлаш;
- ҳужжатлардаги ўзгаришларни солиштириш ва олдинги матнини ҳуқуқини таъминлаш;
- қўлланилаётган ҳужжатлар фойдаланиладиган жойларда мос келадиган матнида бўлишинии таъминлаш;
- ҳужжатларни ўқиладиган ва осон солиштириладиган ҳолатда сақлаш;
- ташқаридан келган ҳужжатларни солиштириш ва тақсимлашни бошқариш;
- эскирган (фойдаланишдан чиқарилган) ҳужжатларни бехосдан ишлатилишини олдини олиш ва агар улар баъзи мақсадлар учун керак бўлса солиштириш ва сақлаш.

Назорат саволлари

1. ИСО стандартларида «сифат» атамаси қандай таърифланган?
2. ИСО стандартларига мос «сифат менежменти тизими» атамасини таърифланг.
3. ИСОнинг сифат менежментига тегишли меъёрий ҳужжатларини санаб беринг.
4. ИСО сифат стандартлари нимага мўлжалланган?
5. Ўзбекистон Республикасида сифатни бошқариш тизимининг қонуний ва ҳуқуқий асослари қандай ҳужжатлардан иборат?
6. Сифат соҳасида сиёsat ва мақсадлар хақида баёнотда корхона раҳбарияти нималар кўрсатилади?
7. Сифат менежменти тизимига мослиги ҳақидги сертификат корхонага нима беради?
8. Маҳсулотни (хизмат кўрсатишни) текширилиниш имконияти нима?
9. Корхона сифат менежменти тизимининг ҳужжатларини санаб беринг.

XI БОБ

АВТОТРАНСПОРТ ВОСИТАСИ СЕРВИСИННИГ ИСТИҚБОЛЛИ РИВОЖЛАНИШИ

Илмий-техник прогресс ва ижтимоий-иктисодий муносабатларнинг ривожланиш суръати, иқтисодиётни глобаллашуви ва шунга мутаносиб, автомобил транспорти ҳизматларига талабни ошиб бориши тижорат автотранспорт воситалари паркининг ўсишини олдиндан белгилайди, инсонларнинг турмуш фаровонлигини ошиб бориши ва уларнинг бир жойдан иккинчи жойга жадал ҳаракатланишга бўлган талаблари эса шахсий мулкларида бўлган енгил автомобиллар сонини ошишига олиб келади.

Мустақилликка эришгандан сўнг Ўзбекистонда илғор технология асосида, жаҳон стандартларига мос келадиган, турли русумдаги автотранспорт воситаларини ишлаб чиқарадиган 2 та замонавий автомобил заводи ишга туширилди.

Бунга мисол қилиб, «General Motors-Uzbekistan» қўшма корхонаси (11.2-расм) ва «СамАвто» МЧЖ (11.3, 11.4-расмлар) томонидан ишлаб чиқарилган автомобилларни келтириб ўтиш мумкин.

Автотранспорт ҳизматлари кўрсаткичларини яхшилаш, юк ташувчи ва йўловчига ҳизмат қилувчи воситалар паркини рақобатбардошлигини ошириш учун хар йили уларни таркибини янгилаш суръатини ўсишини (йилига 8-10%) таъминлаш зарур.

Автокорхоналар ўзларининг таъмирлаш ва ҳизмат кўрсатиш базаларига маблағ қўйиши тўхтатиб, ишлаб чиқарувчи фирмалар сервисига мурожаат эта бошладилар.

Техник ҳизмат кўрсатиш (ТҲК) ва жорий таъмирлашни (ЖТ) ўтказиш кувватларига эга бўлган йирик автокорхоналар эҳтиёт қисмларни тезкор таъминланишига муҳтож бўладилар, чунки омборлардаги катта заҳиралар уларнинг иқтисодий ҳолатига салбий таъсир кўрсатади.

Автотехникани тез такомиллашиши ҳамда моделлар қаторини алмасиниши, автотранспорт воситаларини ва гараж ускуналарини мураккаблашиши ихтисослашган автосервисни ривожланишига ёрдам беради.

Хусусий автомобил эгаларига бозор даромад олиш шароитини қатъйлаштириш билан бирга, уни ошириш имкониятларини ҳам берди, улар ўзларининг автомобилларини таъмирлашга куч ва вақтларини сарф қила олмай қолдилар.

Ҳозирги даврда тадбиркорликнинг ривожланиши, жадаллашиши, ихтисослашиши ва мураккаблашиши автомобилларни ва эҳтиёт қисмларни сотиш билан боғлиқ янги ҳизматларни юзага чиқишига олиб келади.

Кўп мамлакатларда мустақил автосервис корхоналарини сервис тармоқларига бирлаштириш усуслари кузатилмоқда. Бу уларга автоишлаб чиқарувчиларнинг фирма савдо-сервис тармоқларини ифодаловчи ваколатли дилерлари ва таъмирчилари билан муваффақиятли рақобатлашиш имкониятини беради. Тармоқларга бирлаштириш технология жараёнларини

унификациялаш имкониятини беради, бу эса ҳизмат кўрсатиш сифатини оширишга ва янги мижозларни жалб этишга олиб келади.

Автосервис мустақил тармоқларини, жумладан, эҳтиёт қисмларни ишлаб чиқарувчи йирик улгуржи компаниялар, тадбиркорлик ассоциациялари ҳамкорлигига, тузишмоқда. Бу тармоқлар нафақат автосервисдан, балким эҳтиёт қисмлар, мойлар, безакларни чакана савдосидан ҳам даромад оладилар.

Автомобил йўллари ёқасида жойлашган автосервис аста секин яхшиланмоқда. Ҳаракат қатнови қатнашчиларининг ҳизматлар кўрсатишга бўлган оддий талаблари Ўзбекистон Республикаси йўл тармоғининг салмоқли қисмида қондирилган. Амалиётда автоёқилғи, шунингдек газ қуиши шаҳобчалари, йўл ёқасида овқатланиш ва дам олиш муассасалари, автомобилларга техник ҳизмат кўрсатиш тармоғи тузилган. Шунга қарамай, йўл ёқаси сервисини яна ҳам ривожлатириш масалалари мажмуини ҳал қилиш талаб қилинади. Йўлларда дам олиш майдончалари, мотеллар, кемпинглар, тиббий ёрдам жойлари, алоқа воситалари ва бошқалар кўзда тутилиши лозим.

Автосервис корхоналари ривожланишига таъсир этувчи муҳим омиллардан бири автомобилларга ҳизмат кўрсатишда меҳнатни муҳофаза қилишга ва экологияга бўлган талаб даражасини кўтаришдир.

Доимий мижозлар грухини бўлиши автосервис корхоналари (автосервис тармоқлари) рақобатбардошлигини оширишга имконият яратади. Сермулозаматли, сифатли сервис, ҳизмат истемолчиларига маслаҳатлар бериш турғун мижозлар базасини шакллантиришга ёрдам беради. Доимий мижозларни жалб қилиш учун, балки, сийловлар бериш, навбатдан ташқари ҳизмат кўрсатиш керак бўлади. Доимий ҳизмат кўрсатиш автотранспорт воситаларини техник ҳолатини ҳисобга олиб бориш ва йирик бузилишларни олдини олиш мақсадида башорат қилиш, ҳамда эҳтиёт қисмлар сарфини режалаштириш имкониятини беради. Турғун мижозлар базаси, шунингдек, автотранспорт воситаларини сотилишини самарали режалаштириш имкониятини беради.

Шундай қилиб, мижознинг автомобилга талаби пайдо бўлган вақтдан то бу автомобил янгисига алмаштиргунча бўлган давридаги ҳолатини кузатиш имконияти пайдо бўлади. Мижоз автотранспорт воситасидан фойдаланиш самарасини ошириш учун унга энг қулай фойдаланиш тартиби, таъмирлаш оралигига йўл босиш, фойдаланиш харажатларини камайтириш бўйича маслаҳатлар бериш ҳизмат турини қўллаш керак бўлади.

Микропроцессор ва ўлчов техникаси, шунингдек алоқа техник воситаларининг ҳозирги ривожланиш даражаси ҳизмат кўрсатишни ахборот билан таъминлашда сифат ўзгариш қилиш имкониятини беради. Автомобилга ўрнатилган компьютер ташхислаш натижаларини қайта ишлашга, таҳлил қилишга, саклашга ва узатилишини бошқаришга, уларни на факат техник ҳизмат кўрсатиш ва таъмирлашни режалаштиришда, балки автотранспорт воситалари иш жараёнларини бошқаришда кенг имкониятлар яратади.

Кўрсаткичларни узатиш воситаларининг ривожланиши техник ҳолат хақидаги ахборотларни интеграллашган ахборот майдонида фойдаланиш имкониятини беради.

Конструкциялар замонавий автомобилнинг автотранспорт корхоналари ва ҳизматлар кўрсатиш техник шаҳобчалари ахборот тизими билан фаъолиятли алоқани амалга оширувчи алоқа портини яратишга қараб ривожланмоқда. Бу эса АТВи тизими, узеллари ва деталлари техник ҳолат хақидаги ахборотлар асосида автотранспорт воситаларидан техник фойдаланишнинг техник ва ташкилий йўналишларини режалаштириш мажмуаси бўйича қарорни амалга ошириш имкониятини беради.

Интеллектуал транспорт тизимлари (ITS) борган сари инсон хаётининг кўп томонларини камраб олиб, келажакда автомобиль, йул инфратузилмаси ва инсонларнинг орасидаги боғловчи восита бўлиб қолади. Автосервис тизими интеллектуал транспорт тизимларида энг қулай транспорт фаолиятини амалга оширишда ўз ўрнини топиши керак.

Дилерлик
марказидан сервис
тўғрисида маълумот
олади.



Реал вақт режимида
бўш жойлар тўғрисида
олинган маълумотга
асосан жойларни банд
қиласди.

11.1-расм. Интеллектуал транспорт тизимлари (ITS).

Интеллектуал транспорт тизимлари (Intelligent Transport Sustem ITS) атамаси компьютерлашган транспорт воситаларидан фойдаланишга асосланган ва энг янги компьютер ва йўлдош-навигация технологияси асосида бошқариладиган транспорт тизимларини билдиради.

Интеллектуал транспорт тизимлари автоматлаштирилган аппарат-дастур воситалари мажмуаси ёрдамида транспорт тармоқлари техник ҳолат ҳақидаги ахборотларни йиғишни, олинган ахборотларни транспорт ҳаракатини бошқариш бўйича қарор қабул қилиш мақсадида қайта ишлашни, транспорт тармоқларидан фойдаланувчиларга бошқариш хабарларини узатишни амалга оширади.

ITS йўл ҳаракати хавфсизлигини оширади, транспорт магистралларида экологик муҳитни яхшилайди, автотранспорт воситаларидан фойдаланишда ашёвий ва молиявий ҳаражатларини камайтиради.

Транспортни бошқаришнинг янги тизимлари йўл ҳаракати қатнашчилари, йўл инфратузулмалари, сервис марказлар билан доимий автоматик симсиз алоқада бўлади. Автотранспорт воситалари фойдаланувчиларга худди оғисдагидек ахборотларга кириш имкониятини беради.

Йўл ёқасидаги ўлчов асбобларининг кўрсаткичларини таҳлил қилиниши ахборот-маслаҳат берувчи тизимларга ҳайдовчиларга энг қулай йўл юриш йўналишларини таклиф этиш, тўхташ жойларида бўш ўринлар борлиги ҳақида маълумот бериш имкониятини беради, булар эса энг яхши транспорт оқимларини шакллантиради.

Ҳозирги замон автотранспорт воситаларида ўрнатилган техник ҳолатини назорат қилиш тизимлари ва алоқа тузилмалари автомобил ҳолатини кузатиб бориши ва ҳайдовчиларни (менежерларни, сервис марказларни) навбатдаги ҳизмат кўрсатиш ёки таъмирлаш кераклиги ҳақида огоҳлантиришлари мумкин.

Микропроцессор техникасини қўлланишини ўсишини ҳисобга олган ҳолда таъкидлаш керакки, яқин келажакда автомобилдан фойдаланишда иштирок этишни эътиборга олиб дастурий таъминлашни янгилаш керак бўлади.

Енгил автомобил эгаларига кўрсатилаётган техник сервис юқори истеъмол ҳусусиятларига эга бўлиши керак.

Мижозлар учун навбатда туриш узоқ ва зерикарли бўлиши керак эмас. Таъмирлаш учун талаб қилинган эҳтиёт қисмлар ёки ашёлар мавжуд бўлиши лозим. Унча мураккаб бўлмаган таъмирлаш ишлари мижоз олдида тез бажарилиши ижобий натижалар беради.

Мураккаб таъмирлашлар оралиқ вақти аниқ белгиланиши керак. Йирик марказларда автомобилларни ижарага беришни ташкил қилиш мақсадга мувофиқ.

Сервис марказ ходимлари мижозларга хушмуомала ва илтифот билан муносабатда бўлишлари, уларнинг малакаси ўз ишларини бажариш учун етарли даражада юқори бўлиши керак. Сервис марказлар ходимлари мижозларнинг аниқ ва ҳали тайин бўлмаган талабларини билишлари, улар кутган сифатда ҳизмат кўрсатишлари лозим. Мижоз кутган сифатга унинг тўлов имконияти, ижтимоий ҳолати, маданият даражаси каби омиллар таъсир қиласи.

Ишнинг буюртмачиси ва қабул қилиб олувчиси бўлган автомобил эгасини қабул қилиш ва топшириш ишларига фаол иштирок эттириш керак.

Мижозлар учун қулай иш жадвали мижозларни жалб қилининг кучли воситаси бўлади. Ўз-ўзига ҳизмат кўрсатиш турини эътиборга олиб, сервис марказ таъмирлаш жойларини, ахборот-маслаҳат ҳизматларини, майда таъмирлаш учун эҳтиёт қисмларни сотилишини таклиф этиши мумкин. Кейинчалик бу мижозларни мураккаб таъмирлашларни амалга оширишга жалб этишга имкониятини беради.

Сервис марказлар мұваффақиятли ва барқарор ишлаши учун мижозлар билан давомли муносабатлар ўрнатып кatta ахамиятга эга. Бир томондан бу автомобилнинг техник ҳолат ҳақидағи ахборотлар базасини шакллантиришга ва яна ҳам сифатлы ҳизмат кўрсатиш имкониятини беради, бир текис ҳизмат кўрсатиш оқимини таъминлайди. Иккинчидан мижоз сифатли ҳизмат олади.

Ҳизмат кўрсатиладиган автомобилларнинг барқарор гурӯхини яратиш учун бонусли (дисконтли) дастурларни, доимий мижозларни қўллаш учун уларга бошқа мижозлар олдида кўринарли имтиёзлар яратиш (навбатдан ташқари ҳизмат кўрсатиш, кутишда ёқимли шароит яратиш, унча қийин бўлмаган ва кам хажмли ҳизматларни бепул кўрсатиш, пулсиз маслаҳат бериш ва ташхислаш) мумкин бўлади.

Мижоз билан автомобиль сотиб олинган кундан бошлаб, то у автомобилни янгилаш ҳақида қарор қабул қилишига қадар муносабатни узмаслик, нафақат сифатли ҳизмат кўрсатиш имкониятини беради, балким сервис ҳизматларини сотишни кенгайтиради.



11.2-расм. «General Motors-Uzbekistan»
Кўшма Корхонаси
ишлаб чиқарган енгил
автомобиллари
Epica (юқорида) ва
Captiva (ўнгда)



Замонавий автомобиль борган сари мураккаб техник объект бўлиб бормоқда. Моделлар қаторини алмашиниши ва мураккаб техникадан

фойдаланишга бўлган талаб сервис марказларни бундай автомобил эгалари билан яна ҳам яқин ҳамкорлик қилишни тақозо этади.

Мижознинг у ёки бу ишлаб чиқарувчининг автотранспорт воситасини сотиб олишга қарор қилишини ўзи ишлаб чиқарувчи фирманинг дилер-сервис тармоғи таъсири остида қабул қилинади. Фирма дилер-сервис тармоғининг вазифаси нафақат ҳизмат ва сотиш, балким фирма техникасидан мижозни унумли фойдаланишни таъминлаш ҳамдир.

Ўз техникасига ўзи ҳизмат кўрсатиш одат бўлган шароитда техника эгасининг ишлаб чиқариш-техник базаси бўлса, сервис марказ уларга автотехниканинг техник ҳолатини яхшиланишига кўмаклашиши керак.

Бунга эришига ҳайдовчиларни, таъмирлаш ишчиларини ва муҳандис ходимларни ўқитиш, таъмирлаш бўйича маслаҳатлар бериш, деталарни бири-бирини ўрнига ишлатиладиган бўлиши каби ҳизматларни кўрсатиш киради.



11.3-расм. «СамАвто» МЧЖ Самарқанд заводи томонидан ишлаб чиқарилаётган автобус (ўнгда) ва кичик тоннаждаги юқ автомобили (юқорида)



Ихтисослашган техникага ҳизмат кўрсатиш ўзига хос хусусиятларга эга. Бундай сервис хусусиятлари - автомобилга ўрнатиладиган ихтисослашган ускунани ишлаб чиқарувчининг дилер тармоғини йўқлиги, машина эгаларида турли моделларни саноқли сони бўлиши, ихтисослашган техникани жойлашиши сервис марказлардан узок бўлиши.

Булар техник сервисни ташкил қилишни бирмунча мураккаблаштиради. Ихтисослашган автомобилларга сифатли ҳизмат кўрсатиш учун юқори малакали таъмирлаш ишчилари ва муҳандислар, унча мураккаб бўлмаган деталларни донали ишлаб чиқариш учун республиканинг турли корхоналари билан алоқаларни ривожлантириш, турли-туман эҳтиёт қисимларни унча кўп бўлмаган миқдорда сотиб олиш ва етказишни ташкил қилиш учун ташқи савдо амалиётларининг ўтказиш тажрибаси керак бўлади.

Замонавий бозорда, юқори даражали рақобат шароитида, сервисни муваффақиятли фаолиятининг гарови корхонани рақобат бардошлигини ошириш бўйича доимий ишлашдир.

Корхоналар ишини бу йўсинда такомиллаштиришнинг муҳим йўналишлари қуйидагилардан иборат:

- мижознинг кўрсатилган ҳизматдан қониқиши даражасини миқдорий баҳолаш;
- сифатли автосервисни хужжатли назоратини қўллаш;



11.4-расм. «СамАвто» МЧЖ томонидан «ISUZU» (Япония) шасси асосида ишлаб чиқаралаётилган ихтисослашган автомобиллари

- ҳизматларни ишлаб чиқаришни тезкор автоматлаштирилган тизимини қўллаш;
- самарали реклама тадбирларини амалга ошириш;
- мижозларни аниқлаш учун маркетинг тадқиқотлар олиб бориш;
- корхонанинг ижобий имижини ривожлантириш учун ҳаракат қилиш.

Рақобатбардошлигини оширишнинг кучли қуроли янгиликларни (инновацияни), яъни ҳизматларнинг янги турларини, рақобатчи корхоналарда бўлмаган ҳизматларни қўллашдир.

Инновацион фаолият автомобилларнинг янги моделларга ҳизмат кўрсатишни ва таъмирлашни эгаллаш, шунингдек мижоз муҳтоҷ бўлган турли ҳизматларни яратишдан (масалан, таъмирланаётган автомобиллар эгаларига автомобилни ижарага бериш, бирлашган мижозларга автотранспорт воситалари паркини қулайлаштириш бўйича маслаҳат ҳизматларини кўрсатишдан) иборат бўлади.

Автотранспорт воситалари техник сервиси мижозларга юқори сифатли кенг миқёсли ҳизматни қўйидагилар бўйича таъминлаши керак:

- янги, шунингдек иккинчи марта бозорга чиқариладиган автомобилларни сотиши олдидан тайёрлаш;
- янги ва ишлатилган автомобиллар сотилгандан сўнг кафиллик ҳизмати кўрсатиш ва таъмирлаш;
- автотранспорт воситаларига ўрнатилган тартибдаги ҳизматларни кўрсатиш;
- автотранспорт воситаларининг ишга яроқли бўлишини қайта тиклаш (таъмирлаш);
- ўз автомобилларга ўзлари ҳизмат кўрсатишни хохловчиларга таъмирлаш жойларини ва қувватларни ижарага бериш;
- автоҳалокат бўлган ҳолатларда ёрдам бериш;
- йўлларда техник ёрдам кўрсатиш ва бузилган автомобилларни олиб кетиш;
- ишдан чиққан узел ва агрегатларни қайта тикланган эҳтиёт қисмларни такроран ишлатиш фонди учун таъмирлаш;
- мижозларга ахборот ҳизматларини кўрсатиш.

Юқори даражада рақобатли бозорда автотранспорт ҳизмати муваффақиатли иш олиб боришининг асоси ходимларни юқори малакали бўлишидир, шунинг учун ҳар бир автосервис корхонасида ходимларни ўқитиш дастури ишлаб чиқилиши ва бажарилиши керак.

Корхона рентабелли бўлишини таъминлаш учун ҳар бир сотиладиган ҳизмат бўйича алоҳида бухгалтер ҳисобини олиб бориши лозим.

Сервис корхоналарининг рақобатбардошлигини оширишда кўрсатилган ҳизматлар сифатини ва мижознинг кўрсатилган ҳизматдан қониқиши даражасини назорат қилишни янги турларини дадил қўллаш кўмақдош бўлади. Бу масалан, автотранспорт воситасининг техник ҳолат кўрсаткичлари базасини тутиб туриш, мижоз билан амалга оширилган ишларни тезкор баҳолаш, автомобилнинг таъмирлашдан кейинги ҳолатини мижозга телефон орқали хабар олиш.

Сўровлар натижаси бўйича ишларни шундай даражага қўтариш керакки, мижозлар ишларни яхшилашга бўлган интилишни сезсин.

Доимий мижозлар гурухни тузиш бўйича мақсадли иш олиб бориши мижозлар учун ҳам, сервис корхона учун ҳам ўзаро манфаатли, чунки давомий муносабат бир томондан яна ҳам сифатли ҳизмат кўрсатишга,

иккинчи томондан автосервис корхоналар ишини ва ресурсларини режалаштириш имкониятини беради.

Илмий-техник прогресс ва ижтимоий-иқтисодий муносабатларнинг суръатини ҳисобга олган ҳолда, автосервис корхоналарнинг келажакда яна ҳам такомиллашиши ва фаолияти соҳасининг ривожланиш йўналишлари қуидагилар бўлиши мумкин:

- автосервис корхоналари ходимларнинг малакасини доимий ошириб бориш, айниқса замоновий билимлар ҳисобига, шунингдек шижаоткор ўзгараётган бозор иқтисоди миқёсида;
- ишлаб чиқаришни ташкил қилишнинг аҳамиятини ва бошқариш сифатини кучайтириш;
- автосервис корхоналари ишлаб чиқариш инфратузулмасини замоновий ускуналар билан жихозлаш ва шунга яраша автотранспорт воситаларига техник ҳизмати кўрсатиш ва таъмирлаш технологик жараёнларни қўллаш, инвестицияларни, шу жумладан чет эллардан ҳам, жалб қилиш билан мустахкамлаш;
- сервис тармоқларига ахборот ҳизмати кўрсатишни, автомобилларга ҳизмат кўрсатишда ва сервисни режалаштиришда ахборот технологияларни қўллашни кенгайтириш;
- автосервис таркибида техник ташхислашни аҳамиятини ошириш;
- автотранспорт воситалари ва унинг қисмларининг қундалик техник ҳолати ҳақидаги ахборотларни қўллашни кенгайтириш, ҳизмат кўрсатиш ва таъмирлашни режалаштириш учун автотранспорт воситасини техник ҳолат башоратлаш, уни ўзига ҳизмат кўрсатишни бошқариш субъектига айлантириш;
- техник ҳизмат кўрсатиш ва таъмирлаш тартибини назорат қилиш ва ҳисботини олиб боришни ҳамда уларнинг натижаларини автотранспорт воситалардан фойдаланишда аҳамиятини ошириш;
- фирма сервисини ривожлантириш;
- республиканинг ривожланаётган халқаро автомагистрал йўллар ёқасида сервисни ривожлантириш;
- автотранспорт воситаларни ишга яроқли холатда тутиб туриш ишларини амалга оширишда кичик тадбиркорликнинг аҳамиятини жонлаштириш;
- автосервис корхоналари кўрсатадиган ҳизматлар рўйхатини кенгайтириш;
- узоқ вақт барқарор бўладиган ҳизматларни ва бундай ҳизматлар истеъмолчилари билан давомли муносабатларни йўлга қўйиш;
- автосервиснинг турли кўринишларини яратиш;
- халқаро сифат стандартларини қўллаш билан сервис сифати менежменти тизимини ривожлантириш;
- автотранспорт воситалар техник сервиси фаолияти хужжатларини меъёрий базасини такомиллаштириш, бу соҳада сертифицилаш ва стандартлаштиришни ривожлантириш;

- автосервис корхоналари ташқи кўриниши ва ички жихозларни яхшилаш;
- бинолар, қурилмалар ва ускуналарни босқичма-босқич модернизация қилиш.

Назорат саволлари

1. Автосервис корхоналари келажакда такомиллашиши ва ривожланиши асосий истиқболли йўналишларини айтиб беринг.
2. Автотранспорт воситалар техник сервиси ҳизматларини таърифлаб беринг.
3. Сервис корхоналарнинг рақобатбардошлигини оширишга нималар кўмакдош бўлади?
4. Интеллектуал транспорт тизимлари атамаси нимани билдиради?
5. Автосервис корхоналари ва уларнинг мижозлари учун ўзаро давомий муносабат ўрнатиш қандай имкониятлар беради?
6. Автосервисга автотранспорт воситалари конструкциясида кўлланадиган микропроцессор техникаси ва ахборот-коммуникация технологиялари қандай таъсир кўрсатади?

ФОЙДАЛАНИЛГАН АДАБИЁТЛАР

1. Каримов И.А. Жаҳон молиявий-иқтисодий инқизори, Ўзбекистон шароитида уни бартараф этишнинг йўллари ва чоралари./И.А.Каримов.- Т.: Ўзбекистон, 2009.-56 б.

2. Каримов И.А. Асосий вазифамиз - ватанимиз тараққиёти ва халқимиз фаровонлигини янада юксалтиришдир/ И.А.Каримов.- Тошкент: «Ўзбекистон», 2010.- 80 б.

3. Ўзбекистон Республикаси Президентнинг 2006 йил 17 апрелдаги «Ўзбекистон Республикасида хизматлар ва сервис соҳасини 2006-2010 йилларда жадал ривожлантириш чоралари ҳақида» қарори.

4. Ўзбекистон Республикаси Президентининг 2009 йил 22 апрелдаги "2009 - 2014 йилларда Ўзбекистон миллий автомагистралини реконструкция қилиш ва ривожлантириш чора-тадбирлари тўғрисида" П+1103-сонли қарори.

5. Ўзбекистон Республикаси Президентнинг 2007 йил 21 майдаги «Ўзбекистон Республикасида хизматлар ва сервис соҳасини 2010-йилгacha бўлган даврда жадал ривожлантириш кўшимча чоралари ҳақида» қарори.

6. Ўзбекистон Республикаси Президентнинг 2007 йил 24 июлдаги ПП-675-сонли ««ЎзДЭУавто» АЖ янги моделлар ишлаб чиқариш чоралари ҳақида» қарори.

7. Ўзбекистон Республикаси Вазирлар Маҳкамасининг ««Сельхозмаш» концерни ва «ДЭУ корпорэйшн» билин бирга «ЎзДЭУавто» автомобил ишлаб чиқариш кўшма корхонасиин тузиш ҳақида» 1992 йил 5 ноябрдаги 509-сонли қарори.

8. Ўзбекистон Республикаси Вазирлар Маҳкамасининг 1995 йил 27 ноябр 71-сонли ««Ўзавтотехобслуживание» ишлаб чиқариш бирлашмасини «Ўзавтотеххизмат» акционер жамиятларга ўзгартириш ҳақида» қарори.

9. Ўзбекистон Республикаси Вазирлар Маҳкамасининг 1996 йил 26 мартағи 118-сонли ««ЎзДЭУавто» кўшма корхонаси самарали фаолиятини таъминлаш чоралари ҳақида» қарори.

10. Ўзбекистон Республикаси Вазирлар Маҳкамасининг 1996 йил 3 сентябрдаги 304-сонли ««ЎзДЭУавто» кўшма корхонаси автомобилларни ишлаб чиқариш, сотиш ва техник хизмат кўрсатиш масалалари ҳақида» қарори.

11. Ўзбекистон Республикаси Вазирлар Маҳкамасининг 2007 йил 10 февралдаги 30-сонли «Автогазтўлдириш компрессор ва автогазқўйиш шаҳобчалари тармоғини ривожлантир ва автотранспорт воситаларини босқичма-босқич суюлтирилган ва сикилган газга ўтказиш чоралари ҳақида» қарори.

12. Ўзбекистон Республикасининг 28.12.1993 й. № 1006-XII "Маҳсулотлар ва хизматларни сертификатлаштириш тўғрисидаги қонуни.

13. Ўзбекистон Республикаси Вазирлар Маҳкамасининг 22.07.2004 й. №349 Корхоналарда халқаро стандартларга мувофиқ бўлган сифатни бошқариш тизимларини жорий этиш чора-тадбирлари тўғрисидаги қарори.

14. Ўзбекистон Республикаси Вазирлар Маҳкамасининг 05.08.2004 й. №373 Ўзбекистон давлат стандартлаштириш, метрология ва сертификатлаштириш агентлиги тузилмасини такомиллаштириш ва унинг фаолиятини ташкил этиш тўғрисидаги қарори.
15. Ўзбекистон Республикаси Вазирлар Маҳкамасининг 19.06.2009 й. №173 Республика корхоналарида халқаро стандартларга мувофиқ бўлган сифатни бошқариш тизимларини жорий этишни кенгайтиришга доир қўшимча чора-тадбирлар тўғрисидаги қарори.
16. Автомобиллар техник эксплуатацияси. Сидикназаров Қ.М. умумий таҳрири остида, -Т.: “Voris nashriyoti” 2008. -560 б.
17. Автомобиллар техник эксплуатацияси. Қайта ишланган ва тўлдирилган русча 4-нашридан (проф. Кузнецов Е.С. таҳрири остида. М.:Наука 2004й. 535 б.) таржима проф. Сидикназаров Қ.М. умумий таҳрири остида, Тошкент “VORIS-NASHRIYOT”, 2006. – 670 б.
18. Аюкасова Л.К. Основы проектирования станции технического обслуживания легковых автомобилей, -Оренбург, 2003, -65 с.
19. Афанасьев Л.Л. , Маслов А.А., Колясинский Б.С. Гаражи и станции технического обслуживания автомобилей. М: Транспорт, 1980. – 216 с.
20. Баровских Ю.И. и др. Автомобилларнинг тузилиши, техник хизмат кўрсатиш ва таъмирлаш. Тошкент: «Мехнат», 2001 й.
21. Бектимирев Р., Гречишников В., Дўрён С., Гумеров А. И др. Управление качеством, персоналом и логистика в машиностроении. Учебное пособие. 2-изд. СПб. Питер, 2005. 226с.
22. Волгин В.В. Автосервис: создания и сертификация: практическое пособие – М.: Торговый корпорации “Дашков и Ко”, 2004
23. Волгин В.В. Автосервис: маркетинг и анализ: практическое пособие – М.: Торговый корпорации “Дашков и Ко”, 2004
24. Волгин В.В. Автосервис. Организация, управление, анализ. Издательская корпорация «Дашков и Ко», 2008. 660с.
25. Волгин В.В. Запасные части. Маркетинг, логистика, анализ. Издательская корпорация «Дашков и Ко», 2008. 400с.
26. Головин С.Ф. Технический сервис транспортных машин и оборудования. Учебное пособие. М. Альфа-М, ИНФРА-М, 2008. 288с. ил.
27. GM UZBEKISTAN Критерии подбора дилерских предприятий ЗАО «ДжиЭМ Узбекистан» на внутреннем рынке, Ташкент 2009. – 11 с.
28. Давидович Л.М. Проектирование предприятий автомобильного транспорта. М.: Транспорт, 1975. – 392 с.
29. Доманов В.Н. Напольский Б.М. Повышение конкурентоспособности международных автомобилей перевозчиков на основе сертификации систем качества на соответствие стандартам ИСО 9000. Москва, АСМАП, 2000, 48с.
30. ИСО 9000:2000 стандарти «Сифат менежменти тизими. Асосий тамойилар ва луғат».
31. ИСО 9001:2000 стандарти «Сифат менежменти тизими. Талаблар».
32. ИСО 9004:2000 стандарти «Сифат менежменти тизими. Сифатни яхшилаш бўйича тавсиялар».

33. ИСО 190011:2000 стандарти «Сифат менежменти тизимида ва атроф-мухит менежменти тизимида аудит ўтказиш бўйича қўлланма».
34. ИСО 100012 стандарти «Ўлчов ускуналарни сифатини таъминлаш».
35. Кузнецов Е.С. Техническая эксплуатация автомобилей в США. - М.: Транспорт, 1992.- 352 с.
38. Кузнецов Е.С. Автомобилларнинг техник эксплуатацияси. (Магдиев Ш.П. таржимаси), ТАЙИ, 2003 й.
39. Карой Херцег, Станции обслуживания легковых автомобилей, -М.: Транспорт, 1978, 303 бет.
40. Magdiyev Sh.P. Rasulov H.A. Avtomobil va dvigatellarga texnik xizmat ko'rsatish, ta'mirlash. Toshkent, "ILM ZIYO" -2006 yil.
41. Маркеев В.В., Акопов В.А. Устройство и работа элементов топливной систему автомобильных карбюраторных двигателей. Ташкент 2000 г.
42. Мусажонов М.З. Автотранспорт тармоғи корхоналарини лойиҳалаш. -Т.: Фан, 2006, 232 б.
43. Мусаджанов М.З., Алиходжаев А.А., Ражабов А.Б. Сервис современных автомобилей и предприятия автосервиса. Учебное пособие. ТАДИ –Т.: 2009. -37 с.
44. Мусажонов М.З., Ражабов А.Б., Раҳмонов И.Б. Автомобилларга ёқилғи қўйиш шахобчалари технологик ҳисоби ва уни режалаштириш" лаборатория иши бўйича услубий қўрсатманинг электрон шакли. –Т.: ТАЙИ. 2009. -40 б.
45. Напольский Г.М. Технологическое проектирование АТП и СТО, Учебник для вузов. - М.: Транспорт, 1993, -232 с.
46. ОНТП-01 – 91. Общесоюзные нормы технологического проектирования предприятий автомобильного транспорта. – М.: Гипроавтотранс, 1991. – 184 с.
47. O.Hamraqulov, Sh.Magdiyev. Avtobomillarning texnik ekspluatatsiyasi. Toshkent, 2005 yil.
48. О.Хамракулов, Ш.Магдиев. Автомобилларнинг техник эксплуатацияси. Тошкент. 2005 й.
49. Положение о техническом обслуживании и ремонте подвижного состава автомобильного транспорта / М-во автомоб. трансп. РСФСР. – М.: Транспорт. 1988. - 78 с.
50. Положение о техническом обслуживании и ремонте подвижного состава автомобильного транспорта Республики Узбекистан / НПО «Узавтотранстехника» – Т.: Узавтотранс, 1996. – 129 с.
51. Разработка временных нормативов периодичности, трудоемкости и перечни работ ТО-1, ТО-2 и сезонного обслуживания автопоездов МАЗ – 642208 и Форд Карго-1827, эксплуатируемых в горных условиях при перевозке нефтепродуктов через перевал Камчик, откорректированных в зависимости от условий эксплуатации. Отчёт за IV – заключительный этап по ходоговору № 565 пр., Т.: ТАДИ 2006, -117 с.

52. Руководство по гарантийной политике и процедурам ЗАО «Дженерал Моторс Узбекистан» Ташкент 2009. – 65 с.
53. Руководство по ремонту и обслуживанию. Инструкция по эксплуатации автомобилей ДЭУ. НЕКСИЯ (все модели). Ташкент, 2000 г.
54. Сервис на транспорте. Учебное пособие для студентов высших учебных заведений. М. Издательский центр «Академия», 2004. 272с.
55. Техническая эксплуатация автомобилей. Учебник для Вузов. Под ред. проф. Е.С. Кузнецова. М: Наука, 2001 г.
56. “УзДЭУ авто хиссадорлик жамиятининг Нексия, Тико ,Дамас, Матиз, Ласетти автомобилларига техник хизмат кўрсатиш ва таъмирлаш вақт меъёрлари” “Узавтосаноат”, “Автотеххизмат” ҲЖ Тошкент 2007.-57 б.
57. Управление качеством. Учебное опсобие для студентов вузов, обучаюющихся по специалности «Управление качеством». И. И. Мазур, В. Д. Шапиро. 3-е изд., Москва. Изд-во «Омега» - Л., 2006г.-400с.
58. Фастовцев Г.Ф. Организация технического обслуживания и ремонта легковых автомобилей, - М.: Транспорт, 1989, 240 с.
59. Ҳамракұлов О., Назарқұлов Ё.П., Магдиев Ш.П., Қодиршоев Т. Автомобиллар сервиси, , Жиззах Политехника институти босмахонаси, Жиззах, 2007, 208 б.
60. Шибкова О.С.トイфа «качество» в учении Аристотеля и его последователей. 3-ие международнүе бодуэновские чтения. И.А,Бодуэн де Крутенэ и современүе проблемү теоретического и прикладного языкоznания. Казань, 23-25 мая 2006 года, трудү и материалы, в 2х томах. Казан. гос. ун-т., под общ. ред. К.Р.Галиуллина, Г.А.Николаева. Казань.
61. Экономика автосервиса. Создание автосервисного участка на базе действующего предприятия. Учебное пособие. М. ИКЦ «МартТ». Ростов н/д. Издательский центр «Март», 2006. 432с.
62. О’ DSt ISO 9000:2002 «Сифат менежменти тизими. Асосий тамойилар ва лугат».
63. О’ DSt ISO 9001:2002 «Сифат менежменти тизими. Талаблар».
64. О’ DSt ISO 9004:2002 «Сифат менежменти тизими. Сифатни яхшилаш бўйича тавсиялар».
65. О’ DSt ISO 190011:2004 «Сифат менежменти тизимида ва атроф-муҳит менежменти тизимида аудит ўтказиш бўйича қўлланма».

Интернет сайлари:

- <http://www.auto-sib.com/aroundauto/detail/3415.html>
- <http://www.znaj.ru/referats/transport/>
- <http://revolution.allbest.ru/transport/00048708.html>
- <http://www.iso.ch>
- <http://www.Standart.uz>

МУНДАРИЖА

Кириш.....	3
Муқаддима	6
I боб. Автотранспорт воситалари сервиси асослари	7
II боб. Автотранспорт воситалари сервиси тизими	17
2.1. Автомобилларга техник хизмат кўрсатиш ва таъмирлашнинг режавий-оғоҳлантирувчи тизимининг асослари	17
2.2. Автотранспорт воситалари сервиси тизими ҳақида тушунча	21
2.3. Автосервиснинг меъёрий ҳужжатлари	31
2.4. Фирма усулидаги автосервис тўғрисида тушунча ва унинг соҳадаги етакчи ўрни	32
III боб. Автотранспорт воситалари сервиси корхоналари ва уларнинг тавсифи	40
3.1. Автотранспорт воситалари сервис корхоналари турлари	40
3.2. Автомобилларга ёнилғи қўйиш шоҳобчалари	46
3.3. Автомобилларни сақлаш жойлари	48
3.4. Автосервис корхоналарининг асосий техник-иқтисодий кўрсаткичлари	51
IV боб. Автосервис корхоналарида техник сервис технологик жараёнини ташкил этиш	53
4.1. Автотранспорт воситалари техник сервиси ишларининг моҳияти	53
4.2. Техник сервисни ташкил қилиш технологик жараёни	54
4.3. Автомобилларни сервисга қабул қилиш ва эгасига топшириш тартиби ҳамда қоидалари	56
4.4. Автосервис корхоналарининг ишчи ва ёрдамчи постлари	59
V боб. Автосервис корхоналари ишлаб чиқариш бўлинмалари ва устахоналарида бажариладиган ишлар	62
5.1. автосервис корхоналари ишлаб чиқариш бўлинмалари ва ихтисослашган устахоналари	62
5.2. Автосервис корхоналарида кўриладиган хизмат турларининг бажарилиш жойлари	64
5.3. Автосервис корхоналарининг ёрдамчи бўлимлари	76

5.4. Автосервис корхоналари коммунал хўжалиги	79
VI боб. Сервис корхоналарида диагностикалаш ишларини ташкил этиш	88
6.1 Диагностиканинг технологик асослари	88
6.2 Диагностикани ташкил этиш турлари	93
6.3 Сервис корхоналарида диагностикалаш ишларини ташкил этиш	95
VII боб. Автомобиллар сервиси технологияси	98
7.1. Кабина, кузов ва платформага техник хизмат қўрсатиш ва таъмиrlаш технологияси	98
7.2. Автомобил двигателига техник хизмат қўрсатиш ва таъмиrlаш ишлари технологияси	110
7.3. Автомобил двигателининг совитиш ва мойлаш тизимига техник хизмат қўrсатиш ва таъмиrlаш технологияси	124
7.4. Автомобил двигателининг ёнилғи таъминлаш тизимига техник хизмат қўrсатиш ва таъмиrlаш технологияси	132
7.5. Автомобилларнинг электр жиҳозларига техник хизмат қўrсатиш ва таъмиrlаш технологияси	151
7.6. Автомобилларнинг трансмиссиясига техник хизмат қўrсатиш ва таъмиrlаш ишлари технологияси	175
7.7. Автомобилларнинг юриш қисмига техник хизмат қўrсатиш ва таъмиrlаш ишлари технологияси	185
7.8. Бошқариш механизмларига техник хизмат қўrсатиш ва таъмиrlаш ишлари технологияси	199
VIII боб. Автосервис жараёнини меъёрий-технологик таъминлаш	210
8.1. Автосервис сифати.....	210
8.2. Автосервис сифатини белгиловчи ва кафолатловчи қонунлар, стандартлар, ҳавфсизлик ва экологик талаблар	213
8.3. Автосервис сифатини таъминлаш учун зарур бўлган техник-технологик хужжатлар	217
8.4. Ишлаб чиқаришда сифатни таъминлаш чора-тадбирлари	219
IX боб. Автосервис корхоналарининг моддий-техник таъминоти	225
9.1 Моддий-техник ресурсларни умумий тавсифи.....	225

9.2	Автосервис корхоналарида ишлатиладиган буюм ва материаллар.....	225
9.3	Эҳтиёт қисмлар таъминоти тизими	226
9.4	Корхоналарнинг омбор хўжаликлари.....	228
9.5	Сервис корхоналарида ресурсларни меъёrlаш ва эҳтиёjlарни аниqlаш	230
9.6	Моддий-техник таъминот тизими니 ривожланиши	234
X боб.	Сервис сифатини бошқариш	236
10.1.	Асосий тушунчалар ва атамалар	236
10.2.	Сервис сифатини бошқаришнинг меъёрий ҳужжатлари	240
10.3.	Сифат менежменти тизими сервис корхоналарда	244
XI боб.	Автотранспорт воситаси сервисининг истиқболли ривожланиши	250
	Фойдаланилган адабиётлар	260